


81

C

AA



RECUEIL
DE
DIVERSES PIÈCES
SERVANT
A L'HISTOIRE
DE
HENRY III,
ROY DE FRANCE
ET DE POLOGNE;

*Augmenté en cette nouvelle édition suivant les
titres qui se trouvent à la page suivante.*



A COLOGNE,
Chez PIERRE DU MARTEAU.

M. DC. LXVI.

- I. *Journal du Regne de Henry III. composé par M. S. A. G. A. P. D. P.*
- II. *Le divorce Satyrique , ou les Amours de la Reyne Marguerite de Valois , sous le nom D. R. H. Q. M.*
- III. *L'Alcandre , ou les amours du Roy Henry le Grand , par M. L. P. D. C. sur l'impression de Paris de l'an 1651.*
- * IV. *Apologie pour le Roy Henry quatre par Madame la Duchesse de Rohan.*
- V. *La confession de M. de Sancy par L. S. D. A. auteur du Baron de Feneste.*
- VI. *Discours merueilleux de la vie de Catherine de Medicis:*

JOURNAL

DES

Choses Memorables advenueës
durant tout le Regne

DE

HENRY III,

Roy de France & de Pologne.

ANNE'E 1574. May.



LE Lundy dernier jour du mois de May au matin, la Cour de Parlement s'assembla au Palais, combien qu'il fût feste, & deputa certains Presidents & Conseillers d'icelle pour aller au Chastel de Vincennes, supplier Madame Catherine de Medicis Mere du feu Roy d'accepter la Regence, & entreprendre le gouvernement du Royaume, en l'absence & en attendant la venuë du Roy Henry son fils estant en Pologne.

A mesme effect le dit jour l'apresdinée, les Prevosts des Marchands & Eschevins de Paris, suivis de plusieurs Conseillers & notables Bourgeois de la dicte ville, allerent au dit Chastel de Vincennes faire semblable priere & requeste à la dicte Royne Mere du feu Roy, qui volontairement accepta la dicte Regence & charge,



charge, suivant l'intention du feu Roy son fils, qui peu d'heures avant son decès l'avoit ainsi déclaré & ordonné.

Cette mesme apres-dinée, le corps du feu Roy, qui par l'espace de vingt-quatre heures avoit demeuré mort en son lit, le visage decouvert, où chacun le pouvoit voir, fut par les Medecins & Chirurgiens ouvert & embaumé, & mis dedans un plomb.

Fun. Le Mécredy deuxiesme jour, la Royne Regente fit murer toutes les portes & entrées du Chastel du Louvre, & n'y laissa autre entrée que celle de la grande porte qui est entre les jeux de Paume, regardant vers l'hostel de Bourbon: de laquelle encores ne laissa-on que le guichet ouvert avec grande garde d'archers par le dedans, & un corps de garde de Suisses par le dehors, mesme fit sclore de murs les deux bouts de la rue du Louvre, y laissant portes de chaque costé, pareillement gardées de Suisses: & estoit bruit que ce faisoit-elle pour doute des entreprises & conspirations secretes ja dez les Pasques precedentes decouvertes, & pour raison desquelles dez la fin du mois d'Avril precedent, Tourtel Secretaire, de Grand-Champ, Conconnas Gentil-homme Piémontois, & la Mole Gentil-homme Provençal, avoient esté decapitez & mis en quatre quartiers en la place de Grève, & les Seigneurs Mareschaux de Montmorency & Cossé, dez le quatriéme jour de May mis prisonniers en la Bastille, & arrestez sous seure garde.

Le Jeudy troisiéme, les lettres de la Regence de la Reyne furent publiées à la Cour en pleine

ne

ne audience, ouï & ce requérant le Procureur General du Roy, enterinées, homologuées, & puis imprimées.

Le Samedy cinquième, commission fut decernée aux Seigneurs Vialard President de Rouën & Poisle Conseiller de la grand Chambre au Parlement de Paris, pour aller faire le procez au Comte de Mongommery, chef des Huguenots soullevez au païs de Normandie, lequel après s'estre emparé des villes de S. Lo, Querentan, & autres places de la basse Normandie, s'estant retiré à Damfront en Pissaye, le Jeudy vingt-septième jour de May avoit esté par les Seigneurs de Matignon, Fervaques, & autres Capitaines Catholiques, pris prisonnier au dit Château de Damfront, & depuis mené au Château de Caen, & là detenu sous bonne & seure garde.

Le Mardy quinzième, mourut à Paris Mefire Charles de Gondi Seigneur de la Tour, frere des Comtes de Rets, Marechal de France, & de l'Evesque de Paris, de despit & melancholie (comme en fut le bruit tout commun) de ce qu'estant Maistre de la garderobe du Roy nagueres deffunct, il avoit esté privé des meubles & accoustremens du dit deffunct Roy, & autres droits à luy appartenans au dit tiltre, par son dit frere aîné le Comte de Rets, qui avoit voulu avoir la despoiille & droits dessusdits, comme ayant baillé ou fait bailler au dit la Tour son frere, ledit Estat de Maistre de garderobe, & étant cause de tout son bien & avancement.

Le Samedy vint-cinquième, le Comte de Mongommery, par arrest de la Cour de Parle-

ment de Paris, fut tiré de la Conciergerie du Palais, mis en un tombereau, les mains liées derriere le dos, avec un Prestre & le Bourreau, & de là mené en la place de Greve, où il fut décapité, & son corps mis en quatre quartiers. Par le dit Arrest il fut condamné, comme atteint & convaincu de crime de leze Majesté, à souffrir en son corps les peines susdictes, ainsi que l'exécution en ensuivit, & encores à avoir la question extraordinaire, qu'il eut : Ses enfans (qu'il laissa onze en nombre, neuf fils & deux filles) dégradés de noblesse & declarés vilains, intestables, incapables d'Offices; ses biens acquis & confisquez au Roy, & autres auxquels la confiscation en pourroit appartenir. Quand son Arrest luy fut prononcé, & en le menant au supplice, il disoit à haute voix, qu'il mouroit pour sa Religion, qu'il n'avoit oncques faict trahison, ni autre faute à son Prince : combien que la verité fust qu'ayant sa vie, ses moyens, & sa Religion assurée en Angleterre, où il estoit bien-venu, mesme près de la Royne, il avoit passé la mer exprez pour venir troubler son pays & l'Estat de son Maistre, dont il s'excusoit sur le commandement, que luy en avoit faict un Grand, sans l'avoir jamais voulu nommer, mesmes à la question, sinon qu'on le tenoit pour la seconde personne de France. Il dict aussi, qu'il n'avoit faict mal ou offence à personne quelconque, qu'il estoit prisonnier de guerre, & qu'on ne luy gardoit pas les promesses, qu'on luy avoit faictes à Damfront, quand il s'y rendit prisonnier entre les mains du Seigneur de Vassé, à charge expresse qu'il auroit vie & bagues sauves. Il ne

ne voulut point se confesser à nostre Maistre Vigor Archevesque de Narbonne, qui s'alla presenter à luy en la Chapelle pour l'admonester, ni prendre ou baiser la croix qu'on a accoustumé de presenter à tous ceux qu'on mene au dernier supplice, ni aucunement escouter le Prestre qu'on avoit mis au tombeau près de luy : mesmes à un Cordelier, qui le pensant divertir de son erreur, luy commença à parler & dire qu'il avoit esté abusé : le regardant fermement luy respondit, Comment, abusé ? & si je l'ay esté, ç'a esté par ceux de vostre Ordre : car le premier qui me bailla jamais une Bible en François, & qui me la fit lire, ce fut un Cordelier comme vous, & là dedans j'ay appris la Religion que je tiens, qui seule est la vraye, & en laquelle ayant depuis vescu, je veux par la grace de Dieu y mourir aujourd'huy.

Estant venu sur l'eschaffaut il pria le peuple de prier Dieu pour luy, recita tout haut le Symbole, en la confession duquel il protesta de mourir : puis ayant faict sa priere à Dieu à la mode de ceux de la Religion, il eut la teste tranchée. Laquelle le Lundy ensuivant vingthuictiesme Juin fut mise sur un poteau en la place de Grève, & la nuit en fut ostée par le commandement de la Reyne Mere, qui assista à l'execution : & fut à la fin vengée comme dés long-temps elle desiroit, de la mort du feu Roy Henry son mary, par le moyen du Seigneur de Vassé, qui usant de la foy du temps, luy mit entre les mains ce pauvre Gentil-homme.

Fuillet. Le Mardy fixième Juillet, furent en la Cour de Parlement de Paris publiées & re-

gistrées les lettres patentes du Roy Henry II I, portant confirmation, ratification & amplification du pouvoir de la Royne sa Mere, touchant la Regence & administration des affaires de France durant son absence, données à Cracovie en Pologne le quinzième jour de Juin, & depuis imprimées.

Le Jeudy huitième, le Cœur du feu Roy Charles fut porté aux Celestins de Paris, par Monsieur le Duc son frere, & illec inhumé avec les solemnitez & ceremonies entel cas accoustumées; & le Dimanche ensuivant fut le corps, de S. Antoine des Champs, apporté à nostre Dame de Paris, & le lendemain porté de nostre Dame à saint Denys en France, où le Mardy ensuivant il fut enterré avec toutes les magnificences d'obseques & ceremoniales solemnitez, qu'on a accoustumé d'observer aux enterremens des Roys de France.

En ces obseques & en l'ordre de marcher & tenir rang, se meurent quelques differens & propos d'altercation, entre Messieurs de la Cour de Parlement de Paris, & Messire Jacques Amiot Evesque d'Auxerre, grand Aumosnier de France, Messire Pierre de Gondy Evesque de Paris, Messire Albert de Gondy Comte de Retz Marechal de France, le Seigneur de Fontaines, & autres Gentils-hommes de la Chambre du feu Roy, qui revindrent enfin à quelques insolences, qui furent faites par le sieur de Fontaines, & à hautes paroles qui furent dites de part & d'autre: toutefois la Cour de Parlement le gagna, & tint à l'accoustumée les environs & les plus prochains lieux de l'effigie du feu Roy, pour raison
son

son desquels lieux estoit survenue la dite contention.

Novemb. Le Lundy 1, feste de Touffaints, le Roy, le Roy de Navarre, & le Duc d'Alençon firent à Lion leurs Pasques, & receurent ensemble leur Createur: A la dite Communion le Duc d'Alençon & le Roy de Navarre prosternez à genoux, protesterent devant le Roy de leur fidelité, le suppliant de mettre en oubly tout le passé, & luy jurans sur la part qu'ils pretendoient en Paradis, & par le Dieu qu'ils alloient recevoir, estre fidelles à luy & a son Estat, comme ils avoient tousjours esté, jusques à la derniere goutte de leur sang, & luy rendre service & obeissance inviolable, comme ils reconnoissent luy devoir.

Décemb. En ce mois le Roy estant en Avignon va à la procession des Battus, & se fait confrere de leur confrairie; la Royne Mere comme bonne penitente en voulut estre aussi, & son gendre le Roy de Navarre, que le Roy disoit en riant n'estre gueres propre à cela. Il y en avoit de trois sortes au dit Avignon; de blancs, qui estoient ceux du Roy; de noirs, qui estoient ceux de la Royne Mere; & de bleus, qui estoient ceux du Cardinal d'Armaignac.

Le Dimanche vingt-sixiesme à cinq heures du matin, Charles Cardinal de Lorraine, aagé de cinquante ans, mourut en Avignon d'une fièvre symptomée d'un extrême mal de teste, provenu du ferein d'Avignon, qui est fort dangereux, qui luy avoit offensé le cerveau à la procession des batus, où il s'estoit trouvé en grande devotion avec le Crucifix en la main,

les pieds à moitié nuds , & la teste peu couverte , qui est le poison qu'on a depuis voulu faire accroire , qu'on luy avoit donné le jour de sa mort : & la nuit ensuivant s'éleva en Avignon , à Paris , & quasi par toute la France un vent si grand & impetueux , que de memoire d'homme il n'avoit esté ouï un tel foudre & tempeste , dont les Catholiques Lorrains disoient que la vehemence de cest orage portoit indice du courroux de Dieu sur la France , d'un si bon , si grand & si sage Prelat : les Huguenots au contraire disoient que c'estoit le Sabat des Diables , qui s'assembloient pour le venir querir , & qu'il faisoit bon mourir ce jour , pource qu'ils estoient bien empeschés : ses partisans disoient qu'il avoit faict une si belle & Chrestienne fin que rien plus ; les Huguenots soutenoient au contraire , que quand on luy pensoit parler de Dieu durant sa maladie , qu'il n'avoit eu en la bouche pour toute responce que des vilainies ; dont Monsieur de Rheims son neveu l'estant allé veoir , & le voyant tenir tel langage auroit dict en se riant , qu'il ne voyoit rien en son oncle pour en desesperer , & qu'il avoit encore toutes ses paroles & actions naturelles , invoquant & appellant horriblement les diables sur les derniers soupirs : choses tesmoignées de tous ceux qui luy assistoient , contre ce qu'en escrit le Jesuite Anger , qui le faict parler comme un saint. Or la verité est , que sa maladie estoit au cerveau , lequel il avoit tellement troublé qu'il ne sçavoit ce qu'il faisoit , ni disoit ; en quoy il continua jusques à la fin , mourant en grand trouble & inquietude d'esprit.

Pour

Pour en parler sans passion, c'estoit un Prelat que le Cardinal de Lorraine, qui avoit d'aussi grandes parties & graces de Dieu que la France en ait jamais eu. Mais s'il en a bien usé ou abusé le jugement en est à celuy devant le trofne duquel il est comparu comme nous comparoistrontous. Le bon arbre, dict nostre Seigneur, se connoist par le fruiet: Ce fruiet estoit (par les tesmoignages mesme de ses gens) que pour n'estre jamais trompé il falloit croire tousjours tout le contraire de ce qu'il vous disoit.

Ce jour, la Roynie Mere se mettant à table dict ces mots: Nous avons à cette heure la paix, puisque Monsieur le Cardinal de Lorraine est mort, qui estoit celuy (ce dit-on) qui l'empeschoit, ce que je ne puis croire, car c'estoit un grand & sage Prelat, & homme de bien, & auquel la France & nous tous perdons beaucoup: Et en derriere disoit que ce jour estoit mort le plus meschant homme des hommes: puis s'estant mise à disner ayant demandé à boire, comme on luy eût baillé son verre, elle commença tellement à trembler, qu'il luy cuida tomber des mains, & s'escria, Jesus! Voila Monsieur le Cardinal de Lorraine que je voy: Enfin s'estant un peu rassise & rassurée, elle dit tout haut, C'est grand cas de l'apprehension! je suis bien trompée si je n'ay veu ce bon homme passer devant moy pour s'en aller en Paradis, & me sembloit que je l'y voyois monter. Les nuits aussi elle en avoit des apprehensions au dire de ses femmes de chambre, & se plaignoit dece qu'elle le voyoit, & ne le pouvoit oster & chasser de sa fantaisie, encores que dès

A 6

qu'il

qu'il fut mort on ne parla non plus du Cardinal de Lorraine, que s'il n'eust jamais esté; & en fit-on moins de bruit à la Cour (ce qui est digne de remarque) qu'on eust fait d'un simple Protonotaire ou Curé de village: il y en eut seulement quelques-uns de la Religion, qui s'en souvindrent pour le mal possible qu'il leur avoit procuré de son vivant.

1575. *Fevrier.* Le Vendredy onzième, le Roy arriva à Rheims, où il fut sacré le Dimanche treizième du dit mois, l'an revolu de son Sacre en Pologne, qui fut à mesme jour & heure. Quand on vint à luy mettre la couronne sur la teste, il dit assez haut qu'elle luy blefsoit, & luy roulla par deux fois de la teste comme si elle eût voulu tomber: ce qui fut remarqué, & interpreté à mauvais presage.

Le Jeudy dix-septième, le Roy ayant advisé Messire François de Luxembourg de la maison de Brienne venu à son Sacre & mariage, & sçachant qu'il avoit fait l'amour à la Roynne sa femme, pretendant l'espouser, luy dit ces mots; Mon cousin, j'ay espousé vostre maistresse; mais je veux en contr'eschange que vous espousiez la mienne, entendant de Châteauneuf, Damoiselle Bretonne, de la suite de la Roynne Mere, qui avoit esté sa favorite avant qu'il fust Roy & marié. A quoy le dit de Luxembourg luy respondit, qu'il estoit fort joyeux de ce que sa maistresse avoit rencontre tant d'heur & de grandeur, & tant gagné au change: mais qu'il luy pleust l'excuser d'espouser Châteauneuf pour encores, & qu'il luy donnast temps pour y penser: à quoy le Roy luy respondit, qu'il vouloit & desiroit que
tout

tout à l'heure il l'espousast : sur quoy se sentant le dit Luxembourg si fort pressé, supplia le Roy de luy donner la patience de huit jours : laquelle estant modérée par le Roy à trois jours seulement, monta à cheval & se retira de la Cour en diligence.

May. Le Mardy dixième May la nuit, fut dérobée la vraye Croix estant en la sainte Chapelle du Palais à Paris, dequoy le peuple & toute la ville furent fort troublez. Et s'esleva incontinent un bruit, qu'elle avoit esté enlevée par les menées des plus grands, & mesmes de la Royne Mere, que le peuple avoit tant en horreur & mauvaise reputation, que tout ce qui arrivoit de malencontre, luy estoit imputé, & disoit-on qu'elle ne faisoit jamais bien que quand elle pensoit faire mal. La commune opinion estoit qu'on l'avoit envoyée en Italie pour gage d'une grande somme de deniers, du consentement tacite de la Royne Mere.

Juillet. Le Mardy cinquième Juillet fut pendu à Paris & puis mis en quatre quartiers, un Capitaine nommé la Vergerie, condamné à mort par Biragues Chancelier & quelque Maistres des Requestes nommez par la Royne Mere, qui luy firent son procez bien court dedans l'Hostel de la dicte ville de Paris : toute la charge estoit, ques'estant trouvé en une compagnie où on parloit de la querelle des Escoliers & des Italiens, il avoit dict qu'il falloit se ranger du costé des Escoliers, & saccager & couper la gorge à tous ces bougres Italiens, qui estoient cause de la ruine de la France, sans avoir autre chose fait ni attenté contre iceux : Le Roy le vid executer, encore qu'au dire d'un

chacun il n'approuvast point cet inique jugement, lequel fut trouvé fort estrange de plusieurs.

Octob. Le Dimanche neufvième Octobre feste de saint Denys, le Roy fit faire procession generale & solemnelle à Paris, en laquelle il fit porter les saintes Reliques de la sainte Chapelle, & assista tout du long disant son chapellet en grande devotion, le corps de la Cour avec celuy de la Ville, & toutes les autres Compagnies s'y trouverent, aussi firent par le commandement de sa Majesté tous les Princes, Seigneurs, Officiers & Gentils-hommes de sa maison, hormis les Dames, que le Roy ne voulut qu'elles s'y trouvaissent, disant qu'il n'y avoit de devotion où elles estoient.

Novemb. Au commencement de Novembre le Roy fit mettre sus par les Eglises de Paris les Oratoires, autrement dictés les Paradis, où il alloit tous les jours faire ses aumosnes & prieres en grande devotion, laissant ses chemises à grands goderons, dont il estoit auparavant si curieux, pour en prendre à collet renversé à l'Italienne. Il alloit ordinairement en coche avec la Reine son épouse par les ruës & maisons de Paris, prendre les petits chiens, qui leur plaisoient. Ils alloient aussi par tous les monasteres de femmes aux environs de Paris, faire pareilles questes de petits chiens, au grand regret des Dames qui les avoient. Et se faisoient lire la grammaire, & apprendre à decliner.

1576. *Janvier.* En ce temps le Roy, non-obstant toutes les affaires de la guerre, & de la rebellion qu'il avoit sur les bras, ne laissa pas d'aller

d'aller aux environs de Paris, de costé & d'autre se promener avec la Reine son espouse, visiter les monasteres des Nonains, & les autres lieux de plaisir, & en revenir la nuit, souvent par la fange & le mauvais temps, & mesme le Samedy 7 de ce mois, son coché estant rompu, il marcha bien une lieüe à pied, par le mauvais temps qu'il faisoit, & arriva au Louvres qu'il estoit plus de minuit.

Le Dimanche premier jour de cet an, viennent nouvelles à Paris que Monsieur le Duc, le Seigneur de Thoré & Cimier, le vingt-fixième Decemb. avoient beu du vin empoisonné en la collation d'après soupper, lequel vin avoit esté apporté par un valet de chambre dudit Seigneur Duc, nommé Blondel ou Blondeau, qui avoit autresfois servy le Chancelier de Biragues, ce qui rendit le fait beaucoup plus suspect. De fait Monsieur le Duc dès le vingt-septième Decembre avoit depesché exprés le Seigneur de Marivaux par devers le Roy, pour l'en advertir & le prier de luy en faire Justice, & un autre Gentil-homme par devers la Roynne sa Mere, qui estoit demeurée malade à Châtelleraux d'un catarre, laquelle en fut fort marrie, & prit toute peine d'en purger elle & le Roy son fils: cependant le procès fait au dit Blondeau ayant esté mis par plusieurs fois à la question, n'ayant reconnu aucun empoisonnement par luy ou autre fait ou procuré, & ne s'estant contre luy trouvé aucune autre charge, tant que par contrepoison ceux qui en avoient beu avoient esté incontinent garentis, fut le dit Blondeau relasché, & neantmoins chassé après qu'on luy eût fait faire amende bonno-

honorable, pour n'avoir fait l'essay avant que presenter le vin à mon dit Seigneur, comme on a de coustume de faire aux Princes de cette qualité.

Avril. Le quinzième Avril jour de Pasques flories, le Roy fit publier aux profnes de toutes les paroices de Paris, qu'il avoit fait faire une Croix de nouveau, semblable à celle qui souloit estre à la sainte Chapelle de Paris, qui avoit esté dérobée l'année precedente, & qu'en icelle il avoit fait enchasser une partie d'une grand' piece de la vraye Croix de Nostre Seigneur, des pieça'gardée en une autre grande Croix double au thresor de la sainte Chapelle, & que chacun l'allast la Sainte semaine & autres jours de devotion baiser & adorer, comme de coustume: de quoy le peuple de Paris fut fort joyeux & content.

May. Le Lundy septième May, furent en la Cour de Parlement en publicque audience, publiées & enterinées les lettres patentes du Roy, contenant l'annulation de l'emprisonnement du Marechal de Montmorenci & la declaration de son innocence.

Le dit jour les Advocats & Procureurs de Parlement furent par le premier President appellez & assemblez au Palais en la salle saint Louis, afin de se quotiser & prester au Roy la somme de cent mil livres, qu'il s'estoit promis de tirer de leurs deux Communautéz: de fait chacun fit quelques offres, lesquelles ne furent suivies, ains augmentées par les dits taxeurs, lesquels envoyerent tost-apres à chacun des plus apparens & aisez Advocats & Procureurs, un billet de leur taxe signé Pottier, qui estoit

Secre-

Secretaire des finances, à ce commis par le Roy, dont y eut grande plainte & murmure, & toutefois il ne faloit laisser de payer, & porta chacun la somme de sa taxe aux coffres du Louvre, & en rapporta quittance pour luy servir en temps & lieu; semblables taxes furent faites sur les autres Officiers Praticiens & notables Bourgeois de Paris. Desquels le Roy tira en moins d'un mois bonne somme de deniers.

Le 14 Juillet le Roy & la Royne arrivèrent à Paris, revenant de Normandie, dont ils rapporterent grande quantité de Guenons & de Perroquets.

Le Lundy seize Juillet, le Roy fut au Palais & fit au Parlement en sa presence publier l'Edict de l'alienation des deux cents mil livres de rente, accordées par le Clergé de France, & voulant faire recevoir Guillaume Dauvet Seigneur d'Arennes President en la Chambre Mi-partie, le dict Dauvet voyant les difficultez qu'on luy en faisoit à cause de sa Religion, supplia le Roy de ne passer outre, luy disant qu'il aimoit mieux ne l'estre point, que d'estre receu par contrainte.

Le Lundy vingt-trois le Cardinal de Bourbon, qui estoit Archevesque de Rouën, accompagné de plusieurs Chanoines de la grande Eglise du dit Rouën, estant precedé de sa Croix Archiepiscopale, alla au lieu où les Huguenots faisoient leur presche en la dite ville, suivant la permission de l'Edict du Roy, pour leur faire quelques salutaires remonstrances: mais le Ministre & les auditeurs esmeus de crainte de pis, en estans advertis s'escoulerent les uns après les autres, & gagnerent le haut.

Le

Le lendemain on en fait le conte au Roy, & comme Monsieur le Cardinal avec le baston de la Croix avoit chassé tous les Huguenots de Rouën; *Je voudrois*, dit le Roy, *que les autres fussent aussi aisez à chasser, à la charge qu'on y deust porter le bennistier aussi.*

Aoust. En ce temps le Roy alloit à pied par les ruës de Paris gagner les pardons du Jubilé, envoyé en France par Gregoire XIII, accompagné de deux ou trois personnes seulement, tenant en sa main de grosses Patenostres disant & marmotant par les ruës: on disoit qu'il le faisoit par le Conseil de sa mere, afin de faire croire au peuple, qu'il estoit fort devot & Catholique, pour mieux fouiller aux bourses des Bourgeois de Paris, c'est pourquoy on luy donna ces Titres: *Henry par la grace de sa mere inutile Roy de France, & de Pologne imaginaire, Concierge du Louvre, Marguillier de saint Germain de l'Auxerrois, Bastilleur des Eglises de Paris, Gendre de Colat, Gauderomeur des collets de sa femme, & Friseur de ses cheveux, Mercier du Palais, Visiteur d'estuves, Gardien des quatre Mandians, Pere conscript des Blancs battus, & protecteur des Capuchins.*

Septemb. Les Dimanches vingt-trois & tren-tième, aux Huguenots de Paris revenans en troupe du Presche qu'ils avoient commencé à faire à Noisy-le-sec suivant l'Edict, furent faites tout plein de bravades & insolences par la populace, les allans voir à leur retour, & furent ruez de part & d'autre quelques coups de pierres & d'espées, dont advint tumulte, & y en eut de tuez & blessez. Et en fut fait plainte au Roy, lequel cependant couroit la bague vestu en

Ama-

Amazone, & faisoit tous les jours balets & festins nouveaux, comme si son estat eust esté paisible.

Novemb. Le Samedi dixième Novembre arriverent à Paris les tristes nouvelles du sac de la ville d'Anvers, & comme le Dimanche quatrième de ce mois sur le midy, les Espagnols estoient sortis en furie de la Citadelle, avoient chargé les pauvres habitans d'Anvers, & defait trois mille Allemans, qu'ils y avoient fait entrer nonobstant le secours du païs, que le Comte d'Egmont y avoit envoyé. Et comme les Espagnols estans demeurez les Maistres de cette belle ville, avoient brulé la maison des Ostrelins, leur hostel de ville, & bien huit cens maisons de bourgeois tuez, & massacrés, & brulé pour trois ou quatre millions de marchandises qu'ils n'avoient peu emporter : dura le sac environ quinze jours, durant lesquels on faisoit compte de sept à huit mille personnes de morts, de tous aages, sexes & qualitez : car l'Espagnol victorieux est ordinairement insolent & cruel, & fut ruinée une des plus belles & riches villes du monde.

1577. *Janvier.* Le Mécredy neuvième Janvier, les obseques & funerailles de defunt Maximilian d'Austriche Empereur, beau-pere du feu Roy Charles IX, furent faites en l'Eglise de Paris avec grande magnificence & ceremonies en tel cas accoustumées.

Fevrier. Le Dimanche vingt-quatrième Fevrier jour de saint Mathias, le Roy receut avis que les Huguenots avoient fait une contreligue, en laquelle estoient entrez le Roy de Suede & Dannemarc, les Allemans, les Suisses

ses Protestans , & la Royne d'Angleterre : ce qui refroidit beaucoup de gens d'entrer en la dite ligue & la signer. Cependant le Roy faisoit joustes, balets & tournois, & force mascarades, où il se trouvoit ordinairement, habillé en femme, ouvroit son pourpoint, & descouvroit sa gorge, y portant un collier de perles & trois collers de toile, deux à fraiser & vn renversé, ainsi que lors le portoyent le Dames de sa Cour: & estoit bruit que sans le decés de Messire Nicolas de Lorraine, Comte de Vaudemont, son beau-pere, mort peu auparavant, il auroit despensé au Carnaval aux jeux de Mascarades deux ou trois cens mil francs.

May. Le Mésredy quinziesme May, le Roy au Plessis-lez-Tours fit un festin à Monsieur le Duc son frere, & aux Seigneurs & Capitaines qui l'avoient accompagné au siege & prise de la Charité: auquel les Dames vestuës de vert en habits d'hommes firent le service, & y furent tous les assistans vestus de vert, & à cet effet fut levé à Paris & ailleurs pour soixante mil francs de draps de soye verte. La Royne Mere fit après son banquet à Chenonceau, qui luy revenoit à ce qu'on disoit à prés de cent mil livres, qu'on leva comme par forme d'emprunt sur les plus aisez serviteurs du Roy, & mesme de quelques Italiens qui s'en sceurent bien rembourser au double. En ce beau banquet les plus belles & honnestes de la Cour estans à moitié nuës, & ayans leurs cheveux espars comme espousées, furent employées à faire le service.

Le Dimanche dix-neuvième les Comediens Italiens surnomméz *i Gelosi*, commencerent à jouer

joïer leurs comedies en la salle de l'hostel de Bourbon à Paris, ils prenoient de salaire quatre sols pour teste de tous les François, qui les vouloient aller voir joïer, où il y avoit tel concours & affluence de peuple, que les quatre meilleurs Predicateurs de Paris n'en avoient pas ensemble autant quand ils preschoient.

Jum. Le Samedi quinziesme Juin les Monnoyes furent descriées par lettres patentes du Roy, modifiées & corrigées par quelques arrests & ordonnances de la Cour de Parlement sur ce par diverses fois assemblée: ce descry apporta grande incommodité au pauvre peuple de France, pource que par toutes les villes du Royaume ne se pouvoient voir ni recouvrer, ni douzains ni carolus, ni autre menuë monnoye, qui toute avoit esté transportée hors du Royaume pour l'eschanger à l'or, estant à haut prix en France, comme l'escu soleil à trois livres douze sols six deniers: le double ducat à deux testes à dix livres, les ducats doubles de Portugal dits saint Estienne ou Millerays à neuf livres cinq sols, le noble rose à douze livres, l'Imperiale de Flandres d'or double à six livres, les reales d'Espagne d'argent simple à six & sept sols, les Philippus d'argent à cinq livres, le teston de France à vingt & vingt-deux sols, les ducats dictz de Pologne, dont couroit lors un nombre effrené par tout le Royaume de France, & que mésmes on disoit estre forgez en France, à quatre livres quinze sols, qui n'étoient toutesfois que d'or d'escu, & ne pesoient que deux grains plus que l'escu soleil, & neantmoins n'y donnoient le Roy, ni la Cour, ni les generaux des monnoyes, ni tous les autres



tres officiers du Roy aucun ordre ni remede : ainsi vivoit le peuple à sa discretion , pour ce regard ; aussi ne furent les dictes ordonnances observées ni gardées , & se mettoit publiquement au premier jour d'Aoust l'escu soleil à la Boucherie & par tout ailleurs en marchandise , à trois livres quinze sols la piece , & les autres especes à l'équipollent.

Juillet. Le Samedi vingt-septième Juillet, *Le Gelosi* Comediens d'Italie , après avoir présenté à la Cour de Parlement les Lettres patentes par eux obtenues du Roy , afin qu'il leur fust permis de jouer Comedies , nonobstant les deffences de la Cour , furent renvoyez par fin de non recevoir , & deffences à eux faictes de plus obtenir & presenter à la dicte Cour telles lettres , sur peine de dix mil livres parisis d'amende , applicable à la boëte des pauvres : nonobstant lesquelles au commencement de Septembre ensuyvant , ils recommencerent à jouer leurs Comedies en l'hostel de Bourbon , comme auparavant , par la permission & justification expresse du Roy. La corruption du temps estant telle , que les farceurs , bouffons , putains , & mignons avoyent tout le credit auprès du Roy.

Septemb. Au commencement du mois de Septembre , le Seigneur de Villequier Chevalier de l'ordre du Roy , & Capitaine de cinquante hommes d'armes dedans le Chasteau de Poitiers , où lors estoit le Roy , & où ledit Villequier comme favory de sa Majesté estoit aussi logé , tua sa femme sortant de son lit , & la poignarda avec une de ses Damoiselles qui luy tenoit un miroir , & luy aidoit à se pim-
plocher :

plocher : & ce sur le sujet d'un pacquet que le dit Villequier surprit , duquel il prit assurance de sa paillardise (que dès pieça toutefois il estoit bien adverty qu'elle exerçoit avec plusieurs personnes) : ce pacquet estoit par elle adressé au Seigneur de Barbizi , qui estoit un beau jeune homme Parisien , & qui avoit espousé la veufve de Villemain Maître des Requestes, avec laquelle il paillardoit du vivant de son mary ; & luy mandoit qu'elle estoit grosse de son fait , combien que son mary plus de dix mois auparavant n'eust couché avec elle : & encores disoit-on , que ledit Villequier avoit descouvert une entreprise que sa femme avoit fait de l'empoisonner , ayant trouvé dans ses coffres la mixtion en paste dont il devoit estre empoisonné , comme le dit Barbizi avoit empoisonné la sienne , afin de se marier ensemble après la mort de l'un & de l'autre : ce qu'on avoit trouvé dans le coffre de la Dame.

Ce meurtre fut trouvé cruel , comme commis en une femme grosse de deux enfans , & estrange , comme fait au logis du Roy , sa Majesté y estant : mais l'issuë & la facilité de la grace qu'en obtint le dit Villequier sans aucune difficulté , firent croire qu'il y avoit en ce fait un secret commandement du Roy , qui haïssoit cette Dame, pour un refus en cas pareil.

En ce mois les escus sols , nonobstant l'ordonnancedu Roy , se mettoient à Paris pour quatre livres cinq sols , le teston pour vingt-deux sols : à Orleans & autres villes du Royaume l'escu se mettoit pour cinq & six livres , & le teston pour trente & trente-cinq sols ; & ce à cause du peu d'argent & d'or qu'on disoit qu'il

qu'il y avoit en France, mais principalement à cause de la disette de la monnoye, dont on ne pouvoit recouvrer en façon que ce fust.

Le Jeudy septième Novembre commença à paroistre une comete vers le Midy, dont la queue fort longue tiroit vers l'Orient estival; elle se levoit avec la Lune peu après le Soleil couché, & s'abaissoit sur l'horizon sur les neuf ou dix heures du soir, & fut veüe quarante jours. Ces fots d'Astrologues disoient, qu'elle presageoit la mort d'une Roynie ou de quelque grande Dame, avec quelque remarquable & insigne mal-heur: ce qu'ayant entendu la Roynie Mere entra incontinent en frayeur & apprehension que ce fût elle: sur quoy un docte Courtisan composa l'Epigramme qui s'ensuit, qui fut semé & divulgué par tout.

DE COMETA

ANNI 1577.

Ad Reginam Matrem.

Spargeret audaces cùm tristes in æthere crines

Venturique daret signa cometa mali,

Ecce suæ Regina timens male conscia vitæ

Credidit invisum poscere fata caput.

*Quid, Regina, times? namque hæc mala si qua
minatur,*

Longa timenda tua est, non tibi vita brevis.

Le Mardy dixième Decembre Claude Marcel n'agueres Orfevre du Pont au change, lors Conseiller du Roy & l'un des Surintendans
de

de ses finances, maria l'une de ses filles au Seigneur de Vicourt; la nopce fut faicte en l'Hof-tel de Guise, où dînerent le Roy, les 3 Roines, Monsieur le Duc, & Messieurs de Guise: après souper le Roy y fut luy trentième masqué en homme, avec trente que Princeesses que Dames de la Cour, masquées en femmes toutes, & toutes vestuës de drap & toile d'argent, & autres foyes blanches, enrichies de perles & pierreries, en grand nombre & de grand prix: les mascarades y apporterent telle confusion pour la grande suite qu'elles avoient, que la plupart de ceux de la nopce furent contrains de sortir, & les plus sages Dames & Damoiselles se retirerent, & firent sagement: car la confusion y apporta tel desordre & vilainies, que si les tapisseries & les murailles eussent pû parler, elles eussent dict beaucoup de belles choses.

En ce mesme an fut prise & desouverte dans le Convent des Cordeliers de Paris une garce fort belle, desguisée & habillée en homme, qui se faisoit appeller Antoine: elle servoit entre les autres frere Jacques Berson, qu'on appelloit l'enfant de Paris, & le Cordelier aux belles mains, pensant & eux tous (ainsi qu'ils disoient) que ce fût un vray garçon, dont on se rapporta à leur conscience; & quant à ceste fille-garçon elle en fut quitte pour la gehenne & pour le fouet, que je luy vis donner dans le preau de la Conciergerie, sur la grande chasteté de ceste femme, qui se disoit mariée, & par devotion avoit servy bien dix ans les beaux peres sans avoir jamais esté interessée en son honneur.



1578. *Janvier.* Le Lundy fixième, jour des Roys, la Damoiselle de Pons de Bretagne Royné de la Fève, par le Roy desesperément brave, frisé & gauderonné, fut menée du Château du Louvre à la Messe en la Chapelle de Bourbon, estant le Roy suivy de ses jeunes mignons, autant ou plus braves que luy. Buffi d'Amboise, le mignon de Monsieur frere du Roy s'y trouva à la suite de Monsieur le Duc son maistre, habillé tout simplement & modestement, mais suivy de six pages vestus de drap d'or frisé, disant tout haut que la saison estoit venuë que les belistres seroient les plus braves: dequoy suivirent les secrettes haines & les mescontentemens & querelles qui parurent bien tost après.

Avril. Le Roy pendant ce Carefme alloit deux ou trois fois la semaine faire collation aux bonnes maisons de Paris, avec ses mignons frisés & fraisés, & les Dames de la Cour & de la ville, entre autres chez la Presidente Boulencourt, où il passoit le temps avec la Damoiselle Buffy sa belle fille.

Le Dimanche vingt-septième Avril, pour demesler une querelle née pour fort legere occasion, le jour precedent en la Cour du Louvre entre le Sieur de Quelus, l'un des grands mignons du Roy, & le jeune Antragues, qu'on appelloit Antraguët, favory de la maison de Guise, le dit Quelus avec Maugiron & Livarot, & Antraguët avec Riberac, & le jeune Chomberg se trouverent dès cinq heures du matin au marché aux chevaux, anciennement les Tournelles près la Bastille saint Anthoine, & là combattirent si furieusement que le beau
Mau-

Maugiron & le jeune Chomberg demeurèrent morts sur la place : Ribérac des coups qu'il y receut mourut le lendemain à Midy ; Livarot d'un grand coup qu'il y eut sur la teste fut six semaines malade , & enfin reschapa ; Anraguet s'en alla sain & sauf avec un petit coup, qui n'estoit qu'une esgratignure. Quelus autheur & aggresseur de la noise de dix-neuf coups, qu'il y receut, languit trente trois jours, & mourut le Jeudy vingt-neuvième May en l'hostel de Boisi , où il fut porté du champ du combat , comme lieu plus amy & plus voisin , & ne luy profita la grande faveur du Roy qui l'alloit tous les jours voir & ne bougeoit du chevet de son lit , & qui avoit promis aux chirurgiens qui le pensoient, cent mille francs, au cas qu'il revint en convalescence , & à ce beau mignon cent mille escus pour luy faire avoir bon courage de guerir ; nonobstant lesquelles promesses il passa de ce monde en l'autre , ayant tousjours en la bouche ces mots , mesmes entre ses derniers soupirs, qu'il jettoit avec grande force & grand regret : Ah mon Roy, mon Roy ! sans parler autrement de Dieu ni de sa mere : à la verité le Roy portoit à Maugiron & à luy une merveilleuse amitié , car il les baïsa tous deux morts , fit tondre leurs testes & emporter & ferrer leurs blons cheveux , osta à Quelus les pendants de ses oreilles , que luy mesme auparavant luy avoit donnez & attachez de sa propre main. On en fit ces deux vers :

Seigneur , recoy en ton giron

Chomberg , Quelus , & Maugiron.

Telles & semblables façons de faire , indignes

gnes à la verité d'un grand Roy, & magnanime comme il estoit, causerent peu à peu le mespris de ce Prince, & le mal qu'on vouloit à ses mignons, qui le possedoient, donna un grand avantage à ceux de Lorraine, & pour corrompre le peuple, & dans le tiers estat créer & former peu à peu entierement leur party, qui estoit la Ligue, de laquelle ils avoient jetté les fondemens des l'an precedent 1577.

Le Lundy vingt-huitième, Messire Charles de Lorraine Duc de Mayenne fut par le premier President installé au siége de la Table de Marbre, en signe de prise de possession de l'Admirauté de France, que le Roy luy avoit donnée à la survivance du Comte de Villars son beau-pere.

May. En ce mois à la faveur des eaux qui lors commencerent, & jusques à la saint Martin continuerent d'estre fort basses, fut commencé le pont neuf de pierre de taille qui conduit de Nesle à l'escole saint Germain, sous l'ordonnance du jeune du Cerceau Architecte du Roy, & la surintendance de Messire Christophle de Thou premier President, M. Pierre Segulier Lieutenant civil, M. Jean de la Guesle Procureur general, & M. Claude Marcel Surintendant des Finances: & furent en ce mesme an les quatre piles du canal de la riviere de Seine, fluant entre le quay des Augustins & l'isle du Palais, levées environ une toise chacune par dessus le rez de la chaussée: les deniers furent pris sur le peuple par je ne sçay quelle cruë ou dace extraordinaire; & disoit-on que la toise de l'ouvrage coustoit quatre-vingts cinq livres.

Fuil-

Juillet. Le lundy vingt-unième Juillet ,
sainct Mesgrin jeune Gentil-homme Bourde-
lois, beau, riche & de bonne-part, l'un des
mignons fraisez du Roy sortant à onze heures
du soir du Louvre, où le Roy estoit, en la mes-
me ruë du Louvre, vers la ruë sainct Honoré,
fut chargé de coups de pistolets, d'espées & de
coutelas par vingt ou trente hommes incon-
nus, qui le laisserent sur le pavé pour mort,
comme aussi mourut-il le jour ensuivant, &
fut merveille comme il put tant vivre, estant
attaint de trente quatre ou trente cinq coups
mortels: le Roy fit porter son corps mort au
logis de Boisy près la Bastille, où estoit mort
Quelus son compagnon, & enterrer à sainct
Pol avec semblable pompe & solemnité qu'a-
voient esté auparavant inhumez en la dicte
Eglise, Quelus & Maugiron ses compagnons.
De cet assassinat n'en fut faict aucune instan-
ce. Sa Majesté estant bien avertie, que le Duc
de Guise l'avoit fait faire pour le bruit qu'a-
voit ce mignon d'entretenir sa femme, & que
celuy, qui avoit faict ce coup, portoit la barbe
& la contenance du Duc du Mayne son frere.
Les Nouvelles venuës au Roy de Navarre, dit,
Je sçay bon-gré au Duc de Guise mon Cousin
de n'avoir pû souffrir, qu'un mignon de cou-
chette, comme sainct Mesgrin, le fist cocu ;
c'est ainsi qu'il faudroit accoustre tous les
autres petits galands de Cour qui se meslent
d'approcher les Princesses pour leur faire l'a-
mour.

Septemb. Le Mercredi troisième Septembre
en la place Maubert à Paris, par Arrest de la
Cour de Parlement, un jeune enfant laquais

aagé de treize ans seulement fut pendu & estranglé pour avoir donné quelques coups de dague à un marchand de Paris son maistre, dormant la nuit en son liét au pont-Antoni, & s'estre efforcé de le tuër : & fut ceste execution trouvée estrange, tant à cause du bas aage de l'enfant qu'à l'égard à ce que le marchand estoit gueri de ces coups.

Le jeudi quatrième le Roy partit de Paris pour aller à Fontaine-bleau, en s'en allant laissa à sa Cour de Parlement vingt-deux Edits nouveaux, & bourfaux, pour les voir & homologuer, laquelle le mardi neuvième par un Arrest notable declara, qu'elle ne pouvoit proceder à la verification d'iceux, pour estre la creation des offices & estats y mentionnez une taille & charge sur le peuple de ce Royaume, qui ne se peut porter, & non necessaire, ni valable, ains subtile, pernicieuse & dommageable au public, & qui pourroit engendrer une émotion & sedition, qui seroit la ruine de Paris & de l'estat ; & fut l'Advocat du Roy Brisson envoyé par la Cour à Fontaine-bleau porter au Roy le dit Arrest, lequel des vingt-deux Edits n'en verifioit que deux, & renvoyoit les vingts autres, dequoy le Roy malcontent envoya le Seigneur de Chavigny & le President de Bellievre, le Mardy vingt-troisième en la dite Cour pour les faire publier & verifier, ce que la Cour refusa fort vertueusement, respondant qu'elle ne pouvoit, ni ne devoit : ce que le Roy ayant entendu, dit, Je vois bien que Madame ma Cour me veut donner la peine d'y aller ; j'y iray, mais je leur diray ce que possible ne seront gueres con-

contens d'entendre, dequoy la Cour adverte trouva bon pour appaiser le Roy d'en verifier encores quelques-uns des moins facheux & meschans. Le Lundy vingt-neuvième dudit mois de Septembre, jour de saint Michel, Maistre François de Saignes, Sieur de la Garde, Conseiller en la grande Chambre, Beneficier, natif de Thoulouse au Languedoc, aagé de 55 ans, homme ignorant, mais violent, se leva du lit au matin devant jour, où il estoit detenu & affligé d'une retention d'urine avec fièvre, & se sentant agité de grandes douleurs, & près de la fin de sa vie, monta sur son mulet, defendit à ses gens de le suivre, & approchant des bons hommes du costé du pré aux Clercs, où estoit sa maison, après estre descendue dessus son mulet, se precipita en la riviere de Seine, & se noya. Et neantmoins fut solennellement enterré au chœur des Cordeliers à Paris, avec l'assistance du premier President de Thou, & bon nombre de Presidens, Maistres des Requestes & Conseillers de la Cour de Parlement, sous couleur, qu'il estoit en fièvre chaude & frenetique. Aussi qu'il avoit donné son estat, & benefices à Jaques de Thou, fils du dit premier President, lequel il avoit nommé & fait seul executeur de son testament.

1579. *Janvier*. Le Jeudy premier Janvier, le Roy establit & solennisa son nouvel Ordre de Chevaliers du saint Esprit en l'Eglise des Augustins de Paris, en grande pompe & magnificence, & les deux jours ensuivans traita à disner au dit lieu ses nouveaux Chevaliers, & l'apresdinée tint conseil avec eux. Ils estoient

vestus d'une barette de velours noir, chausses & pourpoint de toile d'argent, fouliers & fourreau d'espée de velours blanc, le grand manteau de velours noir bordé à l'entour de fleurs de Lis d'or & langues de feu, entremeslées de mesme broderie, & des chiffres du Roy de fil d'argent, tout doublé de satin orangé, & un mantelet de drap d'or en lieu de chaperon par dessus le dit grand manteau, lequel mantelet estoit pareillement enrichi de fleurs de Lis, langues de feu & chiffres comme le grand manteau, leur grand collier façonné d'un entrelas de chiffres du Roy, fleurs de Lis & langues de feu, auquel pendoit une grande Colombe denotant le sainct Esprit: ils s'appellent Chevaliers Commandeurs du sainct Esprit, & journellement sur leurs cap-pes & manteaux ils portent une grande Croix de velours orangé, bordée d'un passément d'argent, ayant quatre fleurs de Lis d'argent aux quatre coins du croison, & le petit Ordre pendu à leur col avec un ruban bleu. On disoit que le Roy avoit de nouvel inventé cet Ordre, pour adjoindre à soy d'un nouvel & plus estroit lien ceux qu'il y vouloit nommer, à cause de l'effrené nombre des Chevaliers de l'Ordre sainct Michel, qui estoit tellement avili, que l'on n'en faisoit non plus de conte, que de simples aubereaux ou gentillastres, & appelloit-on le grand collier de cet Ordre le collier à toutes bestes. Et pour se les rendre plus loyaux & affectionnez serviteurs, il les obligeoit à certains sermens contenus aux articles de l'institution de l'Ordre, & mesmes estoit son dessein de leur donner à chacun
huiet

huiſt cens eſcus de penſion en forme de Com-
manderie ſur certains Benefices de ce Royau-
me , & pour ce les fit-il appeller Comman-
deurs : Et ce faiſoit-il (à ce qu'on diſoit) pour-
ce que beaucoup de ſes ſujets agitez du vent
de la Ligue, qui ſecrettement & par ſous-
main ourdiſſoit tousjours ſon fuſeau, ten-
doient comme à rebellion, ſ'y laiſſans tranſ-
porter par les nouvelles charges qu'on leur
mettoit à ſus. A quoy ſa Majeſté deſirant
pourvoir, ſ'eſtoit adviſée de ſe fortifier deſdits
nouveaux Chevaliers, qu'elle croyoit avec ſes
mignons & un Regiment des Gardes, qui
journallement l'aſſiſtoient, luy eſtre prompts
& fidelles deſſenſeurs, advenant quelque émo-
tion. On diſoit auſſi que cette erection de
nouvel Ordre avoit eſté confortée de ce que le
Roy eſtoit né le jour de la Pentecoſte, créé
Roy de Pologne & faiſt Roy de France en
ſemblable jour, lequel ſembloit luy eſtre fatal,
pour tout bon-heur & proſperité, comme
avoit eſté le jour ſainct Mathias à l'Empereur
Charles V.

Le Vendredy vingt-troiſième le Roy alla à
Olinville ſe baigner & purger ; le ſemblable
fit la Royne ſa femme qu'il laiſſa à Paris :
puis alla faire ſa feſte de Chandleur en l'Egli-
ſe de Chartres, & ſes vœux & prieres à la bel-
le Dame, & y prit deux chemiſes de Noſtre
Dame de Chartres, l'une pour luy, l'autre
pour la Royne ſa femme : ce qu'ayant faiſt il
revint à Paris coucher avec elle, en eſperance
de luy faire un enfant : Dont il eſtoit incapa-
ble pour la verole qui le mangeoit & les laſci-
vetés qui l'avoient enervé.

Le vingt-neuvième du dit mois, fut donné un Arrest notable en la grande Chambre du plaid, pour le fait des Notaires, par lequel il fut ordonné qu'à peine de nullité & de faux, suivant l'ordonnance de Moulins 1564, qui n'estoit observée par les dits Notaires de Paris, les Notaires seroient tenus faire signer les parties contractantes, & où elles ne pourroient signer, qu'il en seroit fait mention par les contracts. Lequel Arrest le mesme jour fut signifié au Syndic des Notaires, & publié à son de trompe par la ville. En ce mois une bande d'Italiens, advertis par ceux de Paris, que le Roy avoit dressé au Louvre un deduit de jeu de cartes & de dez, vindrent à la Cour, & gagnerent au Roy dans le Louvre trente mille escus, à la prime & aux dez.

Avril. La nuit du Mecedry premier du mois d'Avril, la riviere de saint Marceau, au moyen des pluyes des jours precedens, creut à la hauteur de quatorze à quinze pieds, abbatit plusieurs murailles, moulins & maisons, noya plusieurs personnes de tous sexes & aages, surprises dans leurs maisons & dans leurs lits, ravagea grande quantité de bestial, & fit du mal infiny : le peuple de Paris à milliers le lendemain & jours ensuivans, courut veoir ce desastre avec grande frayeur : l'eau fut si haute qu'elle se respendit par l'Eglise, & jusques au grand Autel des Cordelieres S. Marceau, ravageant par forme de torrent en grande furie, laquelle neantmoins ne dura que trente heures ou un peu plus. La Cour de Parlement en corps le Samedy suivant vint à la grande Eglise Nostre Dame, où fut dite une Messe solennelle,

nelle, avec prieres à Dieu, qu'il luy pleust appaiser son ire, & à mesme fin fut le Lundy ensuivant faite procession generale à Paris.

May. En ce mois le Chapitre General des Cordeliers s'assembla aux Cordeliers de Paris, où se trouverent environ douze cens freres de l'Ordre sainct François, de toutes les nations du monde, & firent leur General Messire Scipion de Gonzagues Cordelier de la case Manruane : le Roy pour leurs alimens pendant leur sejour à Paris leur donna dix mil francs : Monsieur le Duc son frere quatre mil livres : & les Colleges, Chapitres, Communautéz, Abbez, Prieurs, & Prelats de Paris, leur firent tous particulieres aumosnes, comme firent tous les habitans de Paris.

Jun. Le Vendredy vingt-fixième Juin les Generaux de la justice des Aydes sont suspendus pour n'avoir voulu publier l'Edit de la suppression de tous les privileges de tous les exempts du huit à vingt, & autres semblables daces, après plusieurs expressees & comminatoires jussions du Roy ; & pour ce au lieu de Generaux sont appellés genereux, lesquels enfin après que le Roy eust declaré qu'il ne s'en vouloit plus aider, & que sa volonté estoit seulement, qu'ils le fissent publier & homologuer pour estre restituez, le firent simplement registrer en leur greffe & non autre chose, dont sa Majesté indignée dit ces mots, qu'il n'avoit eu fascherie il y avoit longtemps, qui luy eust plus touché au cœur que la bravade de ces petits galans de Generaux, mais qu'il la leur feroit sentir. Cependant pource qu'il s'y agissoit en ce fait du public ils

en furent fort loüez, & ceux de la Cour de Parlement blasmez par les deux vers suiuyans.

Tu generosa Minor Generalis Curia, Major

Tu Parlamenti Curia degeneras?

Aoust. Le Mecredy dix-neuvième Buffi d'Amboise premier Gentil-homme de Monsieur le Duc, Gouverneur d'Anjou, Abbé de Bourgueil, qui faisoit tant le grand & le hautain à cause de la faveur de son Maistre, & qui tant avoit fait de maux, & pilleriers és pais d'Anjou & du Maine, fut tué par le Seigneur de Montforeau, ensemble avec luy le Lieutenant criminel de Saumur, en une maison du dit Seigneur de Montforeau, où la nuit le dit Lieutenant, qui estoit son messager d'amours, l'avoit conduit pour coucher ceste nuit-là avec la femme du dit Montforeau, à laquelle Buffi dés long-temps faisoit l'amour, & auquel la dicte Dame avoit donné exprés ceste fausse assignation pour le faire surprendre par Montforeau son mary; à laquelle comparoissant sur la minuit fut aussi-tost investy & assailly par dix ou douze qui accompagnoient le Seigneur de Montforeau, lesquels de furie se ruerent sur luy pour le massacrer: ce Gentil-homme se voyant si pauvrement trahy, & qu'il estoit seul (comme on ne s'accompagne gueres pour telles executions) ne laissa pourtant de se defendre jusques au bout, monstrant que la peur, comme il disoit souvent, jamais n'avoit trouvé place en son cœur: car tant que luy demeura un morceau d'espée dans la main il combattit tousjours, & jusques à la poignée, & après s'aida des tables, bancs, chaifes & escabelles, avec lesquels il en blessa
trois

trois ou quatre de ses ennemis, jusques à ce qu'estant vaincu par la multitude, & desnüé de toutes armes & instrumens pour se deffendre, fut assommé près une fenestre, par laquelle il se vouloit jetter pour se cuider sauver. Telle fut la fin du Capitaine Bussi, qui estoit d'un courage invincible, haut à la main, fier & audacieux, aussi vaillant que son espée, & pour l'aage qu'il avoit, qui n'estoit que de trente ans, aussi digne de commander à une armée que Capitaine qui fust en France : mais vicieux & peu craignant Dieu : ce qui luy causa son mal-heur, n'estant parvenu à la moitié de ses jours, comme il advient ordinairement aux hommes de sang comme luy : il possedoit tellement Monsieur le Duc son maistre qu'il se vantoit tout haut d'en faire tout ce qu'il vouloit, voire, & avoir la clef de ses coffres & de son argent, & en prendre quand bon luy sembloit, de laquelle vanterie on disoit qu'il se fust aisément passé : il aimoit les lettres, combien qu'il les pratiquast assez mal, se plaisoit à lire des Histoires, & entre autres les vies de Plutarque : Et quand il y lisoit quelque acte signalé & genereux fait par un de ces vieux Capitaines Romains, il n'y a rien en tout cela, disoit-il, que je n'executasse aussi bravement qu'eux à la necessité ; ayant accoustumé de dire qu'il n'estoit né que Gentil-homme, mais qu'il portoit dans l'estomac un cœur d'Empereur : si bien qu'enfin pour sa gloire Monsieur le prit à desdain, & de tant plus qu'il l'avoit aimé du commencement, sur la fin il le haït : ayant consenti (suivant le bruit commun) à la partie qu'on luy dressa pour

s'en deffaire : En quoy se verifie un meschant proverbe ancien, parlant des Princes , qui dit, Tres-heureux est qui ne les connoist, mal-heureux qui les sert, & pire qui les offense.

1580. *Fevrier.* Le Mardy vingt-deuxième Fevrier, en la grande sale de l'Evesché de Paris, richement tapissée & accommodée pour cet effet, Messire Christophle de Thou premier President, assisté de Monsieur Violle, Amorant, Longueuil & Chartier, Conseillers en la Cour de Parlement à ce deputez, commencerent à proceder à la reformation & redaction de la Coustume de Paris.

Mars. La nuit du Jeudy 10 de ce mois, de l'ordonnance de l'Evesque de Paris, assisté d'un secret consentement de la Cour de Parlement, fut osté & enlevé du lieu où il estoit, le crucifix, furnommé Macquereau, & par les gens du guet porté à l'Evesque, & ce à cause du tres-scandaleux furnom, que le commun peuple luy avoit donné ; à raison que c'estoit un crucifix de bois plein, de la grandeur de ceux que l'on voit ordinairement aux paroices, lequel estoit plasqué & attaché contre la muraille d'une maison, scize au bout de la vieille ruë du Temple, vers & proche les esgouts en laquelle maison aux environs se tenoit un bordel, ce qui donna occasion de donner à ce crucifix le furnom de Macquereau, pource qu'il servoit de marque & enseigne à ceux, qui alloient chercher les bordeliers repaires.

Aoust. En ce mois d'Aoust M. Barnabé Brisson fut fait President en la grand' Chambre du Parlement de Paris, par la cession de Messire

Messire Pomponne de Bellievre; & Maistre Jacques Faye Advocat du Roy audit Parlement par la cession du dit Briffon, & Maistre Pierre du Rancher fut fait Maistre des Requestes ordinaires du Roy par la cession dudit Faye. On disoit que Briffon avoit payé à Bellievre pour l'estat de President soixante mil livres; Faye à Briffon pour l'estat d'Advocat du Roy quarante mil livres; Et du Rancher à Faye pour l'estat de Maistre des Requestes vingt-cinq mil livres. Je laisse à penser comme le peuple de France pouvoit attendre bonne justice d'Officiers pourvus d'estats si chèrement acheptez!

Decemb. Au commencement de ce mois, d'Else Alemand Chevalier de l'Ordre, qui avoit en secondes nopces espousé la Thresoriere Allegre, fut pendu & estranglé à Blois, par jugement des Chevaliers de l'Ordre, qui luy firent son procez, par lequel il fut convaincu & atteint d'avoir l'Esté precedent pris argent du Roy pour aller en Allemagne lever quelques cornettes de Reistres pour le service de sa Majesté : neantmoins estant allé à cet effet, fut trouvé qu'il les avoit levées & arrestées des deniers du Roy pour venir au service du Prince de Condé & de ses partisans, tenans la Fere & autres places contre le Roy.

1581. *May.* En ce mois un Conseiller, nommé Jehan la Voix en la Cour de Parlement à Paris, comme il entretenoit publiquement la femme d'un Procureur du Chastellet, nommé Boulanger, advint que ceste femme touchée d'un remors de conscience, declara au dit Conseiller l'envie, qu'elle avoit de

de se retirer de son peché : lequel entendant ces propos se mocqua, & voulant faire d'elle comme auparavant, elle luy résista vertueusement : le Conseiller entrant en colere luy dit mille injures, l'appella putain & rusée, la menaça de l'accoustrer en femme de son mestier. De fait quelque temps après, estant adverty que son mary la menoit jouer aux champs la veille de Pentecoste, monte à cheval & prend avec luy quelques rustiques de Tanchou, qui l'attraperent en un chemin estroit, où en présence de son mary la firent descendre de cheval, & luy demandans le nez pour luy couper, n'en pouvans venir à bout, luy deschiquerent & tailladerent toutes les jouës avec un getton qui coupoit comme un rasoir (instrument dont on dit que les ruffiens de Paris se servent ordinairement pour telles executions) ayans faict ce coup s'en reviennent à Paris avec le dit Conseiller, contre lequel la Cour, ayant veu & receu les informations, decerna prise de corps, au moyen de laquelle le dict Conseiller fut contraint de s'absenter, & par amis & par argent fit évoquer la cause au Parlement de Rouën, où il fut plainement absous, & en sortit par la porte dorée, ayant composé avec sa partie à deux mil escus, luy en ayant cousté deux mil autres à corrompre la justice : & encore qu'un tel acte meritaist punition, toutesfois s'il eust confessé le fait à Monsieur Augustin de Thou Advocat du Roy, qui le fut trouver jusques en sa maison pour luy en parler, on l'eust fait sortir pour moins de deux mil escus. La mere du dit Conseiller après son Arrest justificatif obtenu

tenu au Parlement de Rouën, & son reſta-
bliſſement à la Cour, fut trouver le Roy &
la Roïne pour les remercier, à laquelle le Roy
fit reſponſe qu'elle ne le remerciaſt point ;
mais la mauvaiſe Juſtice qui eſtoit en ſon
Royaume : car ſi elle euſt eſté bonne ſon fils
ne luy euſt jamais fait de peine.

Juillet. Le Mardy quatriême Juillet le Roy
eſtant venu à Paris exprés alla au Palais tenir
ſon lit de juſtice, & en ſa preſence fit publier
neuf Edits bourſaux de la creation de nou-
veaux officiers & de nouvelles charges & im-
poſitions ſur le peuple, dont l'Advocat du
Roy de Thou conſentit la reſtiſtration & pu-
blication, & le Chancelier de Biragues en
prononça l'Arreſt. A la dite publication aſſi-
ſterent le Cardinal de Bourbon, le Marquis de
Conty ſon neveu, le Prince Dauphin, le Duc
de Guiſe, le Seigneur de Villequier comme
Gouverneur de Paris & Ile de France, & le
Cardinal de Guiſe aſſis en haut, & les mignons
Do, d'Arques, la Valette & la Guiche aſſis en
bas : la pluſpart des Preſidens & Conſeillers
aſſiſtans à la dite publication, dirent au Chan-
cellier de Biragues qui recueilloit les opinions,
qu'ils n'avoient autre opinion à dire que celle,
qu'ils avoient dite le jour precedent en l'aſ-
ſemblée de toutes les chambres, où il avoit eſté
reſolu d'une commune voix, que les edits ne
pouvoient ni ne devoient paſſer ; duquel le
Roy adverti ſur l'heure par le Chancelier, luy
commanda que nonobſtant tout cela il paſſaſt
outre à la publication. Lors le premier Preſi-
dent dit tout haut que ſelon la loy du Roy, qui
eſt ſon abſoluë puiſſance, les Edits pouvoient
paſſer:

passer: mais que selon la loy du Royau-
qui estoit la raison & l'equité, ils ne p-
voient, ni ne devoient estre publiez: non
stant lesquelles remonstrances le Chance-
Biragues, qui n'estoit pas Chancelier de Fr-
ce, mais Chancelier du Roy de France, par
commandement de sa Majesté les fit publi-
incontinent.

Aoust. Le Mardy premier Aoust fut plaic-
au privé Conseil à sainct Maur, le Roy pr-
sent, la cause d'entre le Duc de Nivernois
les habitans du dit pais, contre Ruscellai R-
main fermier des impôts du sel, sur l'execu-
tion de l'Edit nagueres par luy obtenu c-
Roy, par lequel chaque habitant des villes
villages de France, devoit estre contraint
prendre par chacun an aux magazins par
Roy establis, telle quantité de sel, qu'il sero-
par les Commissaires à ce deputez advisé lu-
estre necessaire; fut Marion Advocat au Par-
lement de Paris plaidant pour le dit Duc & pai-
de Nivernois, blasme d'avoir trop hautement
& librement parlé contre les nouvelles daces &
impôts enpresence du Roy, & au Roy mes-
me; de façon que sa Majesté trouvant ce
propos fort mauvais & piquans, le chassa en
colere de devant luy, & mesmes le vouloit
envoyer à la Bastille, sans quelques Seigneurs
du Conseil qui luy remonstrerent, quelle es-
toit la liberté des Advocats plaidans au Barreau
du Parlement de Paris, ausquels on permet-
toit de dire souvent des propos, qui hors de là
eussent semblé trop hardis, voire punissables:
mais qu'on avoit accoustumé de les tolerer,
pource qu'ils servoient à soustenir & à esclai-
cir

cir le droit de la cause, qu'ils plaidoient, dont toutesfois le Roy ne se pouvoit contenter, disant que le lieu de son Conseil, où il estoit assis, n'estoit le Bateau des Advocats du Palais, & qu'on le devoit autrement respecter : & ne le put-on jamais tant adoucir, qu'il ne suspendist le dit Marion de toute postulation pour un an : mais cette suspension animeuse par le moyen du Duc de Nevers & de la Royne mere, qui en prièrent le Roy, fut le lendemain levée, demeurant Ruscellai rudement baffoüé & injurié par le dit Marion, qui en presence de son Conseil l'avoit fort mal-mené.

Septemb. Le Jeudy septième Septembre jour des Arrests en robes rouges, le Seigneur d'Argues premier mignon du Roy vint en Parlement en personne, & assisté des Ducs de Guise, d'Aumale, Villequier & autres Seigneurs, fit en sa presence publier les lettres de l'erection du Vicomté de Joyeuse en Duché & Pairie, & icelles enteriner & registrer, ouï & ceconsentant le Procureur General du Roy par l'organe de Monsieur Augustin de Thou son Aduocat, avec la clause qu'il precederoit tous autres Pairs (fors les Princes issus du sang Royal, ou de maisons Souveraines, comme Savoye, Lorraine, Cleves & autres semblables); & tout ce en faveur du mariage d'entre luy & Damoiselle Marguerite de Lorraine fille de Vaudemont, sœur de la Royne. Ils furent fiancez au Louvre le Lundy dix-huitième Septembre en la Chambre de la Royne; & le Dimanche suivant vingt-quatrième du dit mois furent mariez à saint Germain de l'Auxerrois à trois heures après midy.
Le

Le Roy mena la mariée au monstier, suivie de la Roynie, Princesses & Dames de la Cour, tant richement & pompeusement vestuës, qu'il n'est memoire d'avoir veu en France chose si somptueuse : les habillemens du Roy & du marié estient semblables, tant couverts de broderie, perles, & pierreries, qu'il estoit impossible de les estimer : car tel accoustrement y avoit qui coustoit dix mil escus de façon ; & toutesfois aux dix-sept festins qui de rang de jour à autre par l'ordonnance du Roy, depuis les nopces, furent faits par les Princes & Seigneurs parens de la mariée, tous les Seigneurs & les Dames changerent d'accoustremens, dont la pluspart estoit de toile & drap d'or & d'argent enrichis de passemens, grimpeures, recameures, & brodures d'or & d'argent & pierreries, & perles en grand nombre & de grand prix : la despense y fut faite si grande, y compris les mascarades, combats à pied & à cheval, joûtes, tournois, musiques, dances d'hommes & femmes, & chevaux, presens & livrées, que le bruit estoit que le Roy n'en seroit point quitte pour douze cens mil escus.

Le Roy donna à Ronfard & Baïf Poëtes, pour lers vers qu'ils firent pour les mascarades, combats, tournois & autres magnificences des nopces, & pour la belle musique par eux ordonnée à chanter avec les instrumens, à chacun deux mil escus, & donna en son nom & de sa bourse les livrées de draps de soye à chacun : mesmes donna & promit payer au marié dans deux ans prochains, la sommé de quatre cens mil escus, pour la dot de la mariée.

Et

Et pource que tout le bien d'elle qui luy pouvoit estre écheu des successions de ses defunts pere & mere, ne pouvoit valoir plus de vingt mil escus au plus, le Roy fit au contract de mariage intervenir le Duc de Mercœur, aîné de la maison de Vaudemont, & faire valoir le bien de la mariée sa sœur cent mil escus, qu'il en promit payer au Duc de Joyeuse, en luy quittant ses droits successifs, dont le Roy s'obligea envers le Duc de Mercœur pour sa décharge & pour l'en acquitter: & disoit-on que quand on remonstroît au Roy la grande despense qu'il faisoit, il respondit qu'il seroit sage & bon mesnager après qu'il auroit marié ses trois enfans, par lesquels il entendoit d'Arques, la Valette, & Do, ses trois mignons.

Octob. Le Mardy dixième Octobre le Cardinal de Bourbon fit son festin des nopces du Duc de Joyeuse en son Abbaye de saint Germain des Prez, & fit faire à grands frais sur la rivière de Seine un grand & superbe appareil d'un grand bac accommodé en forme de char triomphant, auquel le Roy, Princes & Princesses, & les Mariez devoient passer du Louvre au pré aux clers en pompes fort solennelles: car ce bac ou char triomphant devoit estre tiré par dessus l'eau par autres bateaux deguisez en chevreux marins, tritons, baleines, sereines, saulmons, dauphins, tortuës, & autres monstres marins jusques au nombre de vingt-quatre, en aucuns desquels estoient portez à couvert au ventre des dits monstres, les trompettes, clairons, hautbois, cornets, violons & autres musiciens d'excellence, mesmes quelques tireurs de feus
artifi-

artificiels , qui pendant le trajet devoient donner maints passetemps, tant au Roy , qu'à cinquante mille personnes du peuple de Paris qui estoit sur les deux rivages : mais le mistere ne fut pas bien joiué , & ne peut-on faire marcher les animaux ainsi qu'on avoit projecté ; de façon que le Roy ayant aux Tuilleries depuis quatre jusques à sept heures du soir , attendu le mouvement & acheminement de ces animaux aquatiques sans en voir aucun effet , depité & marry, dit qu'il voyoit bien que c'estoient des bestes, qui commandoient à d'autres bestes, & estant monté en coche avec les Roynes & tout le train alla au festin qui fut jugé le plus magnifique de tous , nommément en ce que le dit Cardinal fit représenter un jardin artificiel garny de fleurs & de fruits , comme si l'on eust esté en May ou en Aoust.

Le Dimanche quinziesme la Royne fit son festin au Louvre , lequel elle finit par un ballet de Cerés & de ses nimphes, le plus beau , le mieux ordonné & executé qu'aucun d'auparavant.

Le Lundy seiziesme en la belle & grande lice, à grands frais & peines , & en pompeuse magnificence dressée & bastie au jardin du Louvre , executa le Roy un combat de quatorze blancs contre quatorze jaunes , à huit heures au soir aux flambeaux ; & le Mardy dix-septiesme un combat à la picque , à l'estoc , au tronçon de la lance , à pied & à cheval : & le Jeudy dix-neuvieme, pour fin des carroufels & balets , fut fait le balot des chevaux , auquel les chevaux d'Espagne , coursiers & autres du combat en combattant s'avançoient & reculoient

loient, & se tournoient au son & à la cadance des trompettes & clairons sonnans, y ayants esté dressez cinq ou siz mois auparavant. Tout cela fut beau & plaisant, mais la plus grande excellence, qui se vit les dits jours de Mardy & Jeudy, fut la musique de voix & d'instrumens, la plus harmonieuse & deliée, qu'on ait jamais ouï; furent aussi les feus artificiels, qui brillèrent avec incroyable espouvantement & contentement de toutes personnes, sans qu'aucun fust offensé: vray est que le feu prit en une grange, où l'on resserroit ces chariots & autres harnois de galeres & animaux accommodez aux dits combats: mais n'en advint autre dommage que de la dite grange, & de tout ce qui estoit dedans qui fut tout brûlé.

Le Mecredy huitième, deux Ambassadeurs du grand Turc arriverent à Paris, où ils furent magnifiquement receus & bien traitez, l'un d'eux par commission particuliere vint prier le Roy d'assister à la circoncision du fils aîné du grand Seigneur, qui se devoit solennellement celebrer à Constantinople au mois de May ensuivant, & l'autre venoit pour la confirmation des anciennes confederations entre les Otomans Empereurs des Turcs, & les Roys de France: ils furent logez en la rue de Seine au fauxbourg saint Germain, & partirent de Paris pour s'en retourner le dixième Decembre chargez de beaux presens.

1582. *Fevrier.* Le Lundy huitième Fevrier Monsieur frere du Roy après avoir demeuré à Londres trois mois prez la Roynne d'Angleterre, de laquelle il avoit reçu toutes les cour-

courtoisies & honneurs qu'il eust peu desirer, s'embarqua pour aller à Anvers, où le Prince d'Orange & les Deputez des Estats de Flandres l'attendoient pour faire un voyage : la Roïne luy continuant ses faveurs & courtoisies, luy presta trois Navires de guerre equippez à l'avantage, & le fit accompagner par les Milords Comte de Licestre, de Havard & de Housledon, & de plusieurs autres Seigneurs & Gentils-hommes Anglois : il arriva à Anvers le dix-septième Fevrier, & le dix-neuvième luy fut faite une reception & entrée autant somptueuse & magnifique, qu'onques y avoit esté faite à l'Empereur Charles cinquième, & Philippes Roy d'Espagne son fils ; grands festins luy furent faits, feus de joye, quatre jours continuels, monnoye forgée à ses armes & à son nom, d'or & d'argent jettée & esparse au peuple par forme de largesse, & luy fut donné titre & habit de Duc de Brabant & Marquis du saint Empire.

Le Mardy treizième Fevrier l'aisné la Valette frere du Duc d'Esperron fut marié au Louvre à Paris avec la Damoiselle du Bouchage tout simplement sans somptuosité, & ce du commandement du Roy qui voulut qu'on se retraignit en publiques parades, pource qu'il luy avoit esté rapporté que les Ambassadeurs Suisses venus à Paris demander de l'argent qu'on leur devoit, quand on leur respondit que le Roy n'avoit point d'argent, & qu'il falloit avoir patience, dirent tout haut qu'il n'estoit pas croyable que le Roy n'eust ses coffres pleins d'escus, puisque depuis quatre ou cinq mois, aux nôces du Duc de Joyeuse, fin-

simple Gentil-homme (avant qu'il l'eust honoré du titre de mignon de sa Majesté,) il avoit despendu en masquarades, habillemens, danſes & autres folies, la ſomme de douze cens mil eſcus, & que s'il n'avoit craint de despendre une ſi notable & groſſe ſomme en choſe de neant, qu'il eſtoit bien croyable que pour ſubvenir aux affaires d'importance de ſon Royaume, il en avoit encores bien d'autres qu'il n'y plaindroit pas, ou autrement, qu'il ſeroit Prince mal adviſé, & mal conſeillé, ce qui n'eſtoit pas.

Mars. Le Mardy vingtième Mars le Nonce du Pape disciplina à ſaint Germain des Prez quelques Cordeliers du Convent de Paris, parce qu'ils avoient eſleu un Pere gardien de leur Convent contre la volonté du Pape & du General de l'Ordre, qui eſtoit Mantuan de la maiſon de Gonzagues, qui en vouloit mettre un à ſa poſte & de ſa prive autorité, contre les ordonnances & ſtatuts du dit Ordre: Le Procureur General du Roy s'eſtant porté pour appellant de l'exécution de la Bulle du Pape, en vertu de laquelle le dit Nonce s'eſtoit ingeré de faire la dite discipline, par Arreſt de la Cour prononcé en publique audience, le Jeudy vingt-neuvième, fut déclaré bien recevable appellant, & ordonné que le dit Nonce ſeroit appellé en la dite Cour pour venir defendre au dit appel comme d'abus, & cependant defences à luy faites d'aucune choſe attenter ou innover contre les ſaints Decrets, autorité du Roy, & privileges de l'Egliſe Gallicane: Sur ce s'ourdît une grande contention au Convent des Cordeliers, qui les diviſa en factions, & vin-

rent aux mains plusieurs fois : mais enfin par les menées de Monsieur de Nevers cousin du General, & autorité de la Royn^e Mere, cette contention fut appaisée au desir des dits Nonce & General, admonestez toutefois de ne plus faire telles entreprises.

Le Dimanche vingt-cinquième vinrent à Paris nouvelles, que le Dimanche precedent le Prince d'Orange à l'issuë de son dîner en son logis à Anvers, comme il entroit de sa salle en la chambre avoit esté d'un coup de pistolet atteint à la jouë, au dessous de l'oreille par un Biscaïn serviteur d'un Espagnol banquier d'Anvers, party quelques jours auparavant de la dite ville, & retiré à Tournay vers le Duc de Parme : celui qui fit le coup avoit nom Jaurigny âgé de vint-cinq ans : lequel, pource que le coup fut grand traversant les deux jouës de part en part (sans avoir offensé toutefois ni les dens, ni la langue, ni le palais), fut sur le champ dagué & tué par le bastard du dit Prince & autres Gentilshommes & archers de ses gardes : grand tumulte s'esmeut incontinent par la ville, & prirent les bourgeois tout aussi-tost les armes par tous les quartiers & dizaines, ignorans le fonds de cette entreprise : mais Jaurigny mort fut trouvé chargé de papiers & memoriaux, par lesquels fut descouvert le dessein de leur entreprise ; mesmes ayant esté le corps mort du dit Jaurigny exposé en lieu public sur un eschaffaut, fut reconnu pour domestique du dit marchand Espagnol banquier, fugitif d'Anvers cinq ou six jours avant le coup ; qui fut cause de faire prendre au
corps

corps un serviteur du dit marchand nommé Anthonio Venero, & un Jacobin desguisé, lesquels interrogez furent trouvez complices de la conjuration par le dit banquier nommé Amiastro faite de la mort du dit Prince d'Orange à la suscitation de Philippes Roy d'Espagne, qui avoit promis au dit Amiastro quatre-vingts ou cent mil escus incontinent après l'exécution d'icelle, & estoit en propos le dit Amiastro de faire de sa main le dit coup sans Jaurigny, qui de franche volonté se chargea du dit meurtre, persuadé par un Jesuite, que si-tost qu'il auroit fait le coup, soudain seroit porté en Paradis par les Anges, qui luy avoient ja retenu sa place près Jesus-Christ au dessus de la Vierge Marie : Les dits Jaurigny tout mort, & Venero & Tunermain Jacobin tous vifs (après que leur procez leur eust esté fait) furent publiquement executéz, & le Prince d'Orange si bien pensé qu'au bout de trois mois il fut guery de toutes ses playes.

Juillet. Au commencement de ce mois, Monsieur frere du Roy assembla ses forces en Flandres, entre autres quinze cens Reistres, qui passerent au long de la ville de Rheims par le Rhetelois, où ils firent mille maux : arrivez au Pais-bas, coururent, saccagerent & brûlerent l'Artois, le Hesdinois, & pais voisins. Les titres que le dit Seigneur Duc frere du Roy prenoit lors, estoient tels ; *François fils de France, frere unique du Roy, par la grace de Dieu Duc de Lauthier, de Brabant, de Luxembourg, de Gueldres, d'Alençon, d'Anjou, de Touraine, de Berry, d'Evreux & de*

Chasteau - Thierry , Comte de Flandres , de Hollande , de Zelande , de Zutphen , du Maine , du Perche , de Mante , Meulan & Beaufort , Marquis du saint Empire , Seigneur de Fricze & de Malines , Defenseur de la liberté Belgique.

Aoust. Au commencement du mois d'Aoust, à Bruges en Flandres (où lors Monsieur d'Alençon estoit) furent descouverts environ trente Espagnols, qui sous la conduite d'un Balduin Flaman Italianisé, ayant charge du Prince de Parme, avoient conspiré de faire mourir le dit Duc d'Alençon, dont les uns furent tuez, les autres pendus & brulez, & exemplairement par forme de Justice punis. Balduin se voyant descouvert, & mesme saisi au corps & arresté prisonnier, craignant plus cruel supplice, s'il attendoit l'issüe du procez criminel, qu'on luy vouloit faire, de sa dague se donna quelques coups en l'estomach, dont il mourut tost après, neantmoins fut son corps mort exemplairement & publiquement roué; Salsede le jeune né en France, fils de ce vieil Espagnol Salsede, qui tant avoit fait la guerre au Cardinal de Lorraine, & qui fut tué à Paris 1572, le jour saint Barthelemy, par ceux de Guise, estant trouvé complice de cette entreprise, fut arresté prisonnier, & luy fut commencé a faire son procez criminel en Flandres; par lequel se sentant perdu, on dit qu'ils'advisa de charger de cette conjuration ceux de Lorraine & de Guise, & quelques autres grands Seigneurs estans à la Cour auprez du Roy, afin d'estre mené en France pour leur estre confronté, esperant par les chemins

chemins estre recous par le moyen du Duc de Parme. De fait il fut envoyé en France : mais le Seigneur de Bellièvre à cet effet exprés envoyé en Flandres , le fit si dextrement & seurement conduire jusques à Paris , qu'il ne put estre recous , & luy fut fait & parfait son procez par la Cour de Parlement : par le quel atteint & convaincu de la conspiration de mort contre le dit Seigneur Duc , & mesmes contre le Roy , & de plusieurs autres enormes crimes & capitaux , ja auparavant dés pieça par luy commis , fut condamné par Arrest de la dite Cour d'estre tiré a quatre chevaux. Ce qui fut executé en la place de Greve à Paris le vint-fixième d'Octobre prochainement suivant , où par l'intercession de la Dame de Martigues Duchesse de Mercœur , qui luy estoit parente ou alliée, il ne souffrit qu'une ou deux tirades , puis fut estranglé : sa teste coupée fut envoyée à Anvers , & les quatre quartiers de son corps pendus près les quatre principales portes de la ville de Paris : le Roy & les Roynes assisterent à l'execution en une chambre de l'Hostel de Ville , exprez accoustree & parée pour eux , & y firent venir le President Brisson & les Conseillers Chartier, Perrot, Michon , & Angenouft Rapporteur du procez , pour en conferer avec eux. Et quand Tanchou Lieutenant de robbe courte present à l'execution avec ses archers , vint dire au Roy , que sur le bas eschaffaut sur lequel estoit son corps quand il fut tiré , il s'estoit fait delier les deux mains pour signer sa derniere confession , qui estoit qu'il n'estoit rien de toutes les charges, qu'il avoit mis sus aux plus

grands de ce Royaume: Le Roy s'escria, ô le meschant homme; voire le plus meschant dont j'aye jamais ouï parler! Ce disoit le Roy, pource qu'à la derniere question qu'on luy avoit baillée, où le Roy avoit assisté caché derriere une tapisserie, il luy avoit ouï jurer & affirmer au milieu des tortures, que tout ce qu'il avoit dit contre eux estoit vray, comme beaucoup aussi l'ont creu & le croient encores aujourd'huy, veu les tragedies qui se sont jouées en France par les accusez. Bruit fut qu'il estoit atteint & convaincu d'entreprise de faire rendre Calais & Dunquerque entre les mains du Duc de Parme, & par mesme moyen à l'Espagnol, sous les bonnes intelligences qu'il y avoit.

On conte cette mine pour la premiere de la Ligue, qui ne put jouër.

En ce mois d'Aoust vint à Paris un Italien de Boulogne, qui se disoit avoir esté esclave des Turcs par l'espace de huit ans, & y avoit appris plusieurs gentilleesses & dexteritez rares & remarquables. Il se fit voir premierement au Roy, après à la Cour estant à Fontainebleau; puis vint à Paris, où s'estant fait voir en quelques endroits particuliers, & sentant qu'on prenoit goust à son bastelage, il ouvrit boutique en une carriere au long des murs de la ville, tirant de la porte de Buffi à la porte de Nesle, & y ayant fait dresser une forme de lice avec des paux & des cordes, y receut tous venans à cinq sols pour teste. Ce qu'il sçavoit faire estoit, que sur son cheval courant à toute carriere, il demouroit debout sur les deux pieds tenant une zagaye en la main, qu'il dardoit

clardoit assez dextrement au bout de la carriere, & se renfourchoit en selle : en mesme estat & forme il tenoit une masse d'armes en main, qu'il jettoit en l'air & reprenoit en main par plusieurs fois durant la carriere : en une autre carriere ainsi debout sur la selle le cheval courant, il contournoit la dite zagaye, qu'il tenoit en main, autour de sa teste & de ses espaulles, fort agilement & subtilement : en une autre carriere assis en selle le cheval toujours courant sans arrest, mettoit un de ses pieds à terre & ressautoit en selle, cinq ou six fois durant la carriere : en une autre carriere debout sur la selle, d'une lance qu'il tenoit sous le bras comme en arrest, il emportoit un grand pendu au milieu de la carriere, & tiroit un cimenterre pendu à son costé hors du furreau, & l'y remettoit cinq ou six fois durant la dite carriere : assis en selle durant une autre carriere d'un arc Turc, qu'il tenoit en main, le cheval toujours courant à toute bride, il tiroit flèches en avant & en arriere, à la mode des Tartares : & pour dernier mets de son service, le cheval ainsi courant à toute carriere, il se tenoit des mains à l'arçon de devant, & ayant la teste bas & les pieds en haut, fournissoit en ce point la carriere, au bout de laquelle il se renfourchoit en la selle fort dextrement. La dexterité & souplesse du compagnon, qui autrement estoit petit, rare & maigre, & mieux semblant à un vray Turc qu'à un Italien Turquisé, à la verité estoit rare & grande : car encores voltigeoit-il sur son cheval fort dextrement & agilement, de toutes forres, & en toutes façons : mais l'hom-

me & le cheval se connoissans de longue main, & rompus à telles souplesses, faisoient paroistre les merveilles plus grandes qu'elles n'estoient. Il gagna pour quelques-mois beaucoup d'argent, puis se retira quand il sentit qu'on commençoit à se lasser de luy.

Septemb. Le Mercredi vingt-huitième Septembre, un jeune homme nommé Claude Tonart, enfant de l'hostellerie de l'escu de France d'Estampes, ayant esté condamné par sentence du Prevost de Paris ou son Lieutenant Criminel, confirmée par Arrest de la Cour de Parlement, à estre pendu & estranglé en la place de Grève à Paris, fut mené au lieu du supplice, où il fut recous par publique force, des mains des Ministres de la Justice, au moyen de quelques jeunes gens de sa connoissance & amitié, qui de propos deliberé se trouverent là garnis d'espées, dagues & pistolets, & commencerent la noise; puis se mit la pluspart du peuple avec eux, & en grand tumulte chargerent sur les Sergens du Chastellet, Archers de Tanchou & autres gens du Guet illec assistans pour tenir main-forte à la Justice; dont y eut deux Sergens tuez & plusieurs autres blesez: & fut ensui Tonart sauvé. Le peuple pendant sa cause d'appel tumultuoit par toute la ville, de ce que pour avoir fait un enfant à la fille d'un President des Comptes nommé Baillif, homme de mauvais nom & reputation (sous couleur de mariage) on l'avoit condamné à mourir, & qu'un Conseiller de la Cour, nommé Poisse, chargé & convaincu de plusieurs crimes, sans comparaison plus enormes & plus punissables, avoit

avoit esté seulement condamné à une petite amende ; & ores que le dit Tonart lors du delict par luy commis fust Clerc, & consequemment serviteur domestique du dit President, toutefois la fille par luy engrossée avoit tousjours maintenu, qu'elle l'avoit sollicité à ce faire, & non luy elle : que c'estoit un vray & legitime mariage contracté entre eux-mesmes avant la copulation charnelle ; aussi avoit la Cour condamné à mort le dit Tonart à la poursuite des parens & alliez de la fille, pour expier la honte faite à leur famille, & aussi pour l'exemple & la consequence : Et telle estoit la voix de tout le peuple, ce qui le poussa à la sedition & à la recousse du criminel : laquelle encore qu'elle ne valust rien, & qu'il ne faille s'arrester au dire d'une populace ignorante & legere, la verité est toutefois que ce jugement estoit inique, & trouvé tel de tous hommes d'esprit : car l'un & l'autre maintenoit, qu'ils estoient mariez ensemble par mutuel consentement. Après, le garçon estoit beau & capable de faire quelque chose debon, pour à quoy s'acheminer ses parens offroient luy fournir jusques à dix ou douze mil livres pour luy acheter un Estat. Quant à la pretenduë inégalité, on ne pouvoit, ni ne devoit y avoir égard : car outre ce que l'offre, que faisoient ses parens, la couvroit (si aucune y en avoit) on sçait que la mere de la fille estoit fille d'un bien mediocre marchand, & son pere fils d'un petit Commissaire du Chastelet, & que la fille n'avoit pas plus de bien, que le jeune homme offroit d'employer en un Estat, joint la bonne affection qu'ils s'estoient tousjours portée, & la

grossesse & enfantement advenus du vivant du pere, qui l'avoit bien sceu, & n'en avoit jamais fait plainte, ains leur avoit pardonné la faute comme ils disoient : tellement qu'en consommant ce mariage en face d'Eglise & en publique assemblée (comme il devoit) le jeune homme en demouroit beaucoup plus intéressé que la fille : vray est que la forme de la recousse estoit pernicieuse à cause de la publique desobeissance, aussi le Roy la trouva fort mauvaise, & la Cour de Parlement aussi, voyant ses jugemens rendus vains & illusoires ; de fait elle fit tout ce qu'elle put pour descouvrir les auteurs de la sedition ; & enfin en fit attraper un qu'on disoit n'en pouvoir mais : mais toutesfois avoit bien merité la mort d'ailleurs ; estant un matois diffamé par tout, & archer de Tanchou, lequel fut executé à mort au lieu mesme, le seizième Octobre ensuivant. Et ainsi fut verifié en luy ce qui est dit par le Poëte,

Unum pro multis dabitur caput. —

Novemb. A la saint Martin à l'ouverture du Parlement furent faites defences aux Procureurs de passer aucuns appointemens en droit, de ne plaider ou faire poursuite d'aucune cause sur peine de cent livres parisis, & de prison, avant qu'ils eussent payé la dace des procès, remise sus par Edit du Roy, publié en la dite Cour en sa presence par le Chancelier de Biragues le vingt-sixième jour de Juillet mil cinq cens quatre-vingts ; l'execution du quel Edit avoit tousjours esté surfize par Monsieur le premier President de Thou : mais la mort advenue il fut executé.

Le

Le Lundy vingt-huitième arrivèrent à Paris les Deputez des Cantons des Suiffes venans jurer la Ligue par eux accordée avec le Roy , nonobstant les brigues & menées du Roy d'Espagne , lequel depuis quatre ou cinquans estoit à les gagner , jusques à offrir de leur payer contant les huit cens mille livres que le Roy leur devoit des arrerages de leurs pensions , & leur doubler à l'advenir , & charge encores de se departir par eux de son alliance si bon leur sembloit , dès le premier terme qu'il faudroit à les payer. Le Roy contre la coustume fit aller les Prevost des Marchans & Eschevins de Paris avec leurs robes my-parties de rouge & tanné , & leurs Archers & officiers au devant d'eux hors la porte saint Antoine , & accompagner jusques à l'Hostel de Ville , d'où leur furent , tous les jours qu'ils demeurèrent à Paris , envoyez par les dits Prevosts des Marchans & Eschevins treize pastez de jambons de Mayence , trente quartes d'hippocras blanc & clairer , & quarante flambeaux de cire , & ce par commandement du Roy , qui pour soulager d'autant la Ville de cette despence & du festin qu'elle leur fit , donna quatre mil escus. Le Dimanche quatriéme Decembre vindrent tous & le Roy aussi ouïr la Messe en la grande Eglise de Paris , après laquelle les articles de la conference furent jurez de part & d'autre : le Roy ce fait les traita magnifiquement au logis de l'Evesque de Paris , & l'aprèsdinée fut chanté le *Te Deum* , & des feux de joye faits en l'Hostel de Ville , & tirez plusieurs coups d'artillerie : les Princes & Seigneurs les traitèrent à leur rang ; & les dits Suiffes le jour saint

Thomas reprindrent leur chemin pour s'en retourner en leur païs, contens de la bonne reception & des beaux presens qu'on leur avoit donnez : car outre une bonne somme de deniers, qu'ils toucherent sur & tant moins des arrerages de leurs pensions, le Roy leur donna à chacun une chaisne d'or pesant la plus haute sept cens escus, & la moindre deux cens escus, au bout de laquelle estoit pendue une medaille d'or à son pourtrait pesant douze escus.

Decemb. En ce mois fut confirmée par Edit du Roy la reformation du Calendrier fait par le Pape du retranchement des dix jours.

1583. *Fanvrier.* Le vingt-unième Janvier le Roy après avoir fait ses Pasques, & ses prieres & devotion au Convent des bons-hommes de Nigeon, ausquels il donna cent escus, s'en revint au Louvre, où arrivé il fit tirer à coups d'arquebusades les Lions, Ours, Taureaux & autres semblables qu'il souloit nourrir pour combattre avec les Dogues, & ce à l'occasion d'un songe qui luy estoit advenu, par lequel luy sembla que les Lions, Dogues & Ours le mangeoient & devoient. Quelques-uns de ses Serviteurs luy dirent sur ce sujet, que ce n'estoient pas ces Lions ou ces animaux-là qui luy en voloient, mais les grands Seigneurs du temps, qui estoient contre son Estat, & contre son service.

Fevrier. Le jour de Carefme-prenant le Roy avec ses mignons furent en masque par les ruës de Paris, & la nuit allerent voir les compagnies, faisant mille insolences & vileines lascivitez avec ses mignons frisés, bardaches &

& fraiſes, juſques à fix heures du matin premier jour de Careſme, auquel jour la plupart des preſcheurs de Paris en leurs ſermons le manierent ouvertement : ce que le Roy trouva fort mauvais, meſmes de la bouche de Roſe Docteur en Theologie, lequel il manda venir parler à luy, dequoy le dit Roſe fit difficulté, craignant qu'on le vouluſt maltraiter : mais enfin ſ'eſtant preſenté au Roy, il eut de luy une legere reprimende, mais fort convenable au dit Roſe : car il luy dit, qu'il l'avoit bien enduré de courir dix ans les rues jour & nuit, ſans jamais ne luy en avoir fait, ne dit aucune choſe, & que pour les avoir courues ſeulement une nuit, encores au jour de Careſme-prenant, il l'avoit preſché en pleine chaire ; qu'il n'y retournaſt plus, qu'il eſtoit temps qu'il fuſt ſage : dequoy le dit Roſe demanda pardon à ſa Majeſté ; laquelle uſant de ſa bonté accouſtumée non ſeulement luy pardonna, mais quelques jours après l'ayant envoyé querir luy donna une aſſignation de quatre cens eſcus, pour acheter (luy dit le Roy) du ſucre & du miel pour ayder à paſſer voſtre Careſme, & adoucir vos trop aſpres & aigres paroles.

Mars. Le Lundy ſeptième Mars le Roy alla au Palais accompagné de ſes deux mignons, afin de faire en ſa preſence publier au Parlement de Paris pluſieurs Edits que la Cour avoit refuſez du publier, pource qu'ils eſtoient bourſaux & à l'oppreſſion de peuple. Remontra le Roy par ſa harangue, qui fut belle & bien faite, la grande charge d'affaires que les Roys ſes predeceſſeurs luy avoient laiſſé ſur

les bras, pour auxquels subvenir il estoit contraint de faire beaucoup d'Edits, à la verité durs & fascheux, & à son tres-grand regret; mais qu'il n'avoit trouvé aucun plus aisé & prompt moyen pour y satisfaire ni moins onereux à son peuple: partant prioit sa Cour vouloir consentir la verification des dits Edits, suivant ce que plus amplement leur en remonstreroit Messire René de Biragues son Chancelier là present, lequel aussi se levant entra bien avant en discours, aussi long & inepte, que celuy du Roy avoit esté court & à propos, & remonstra la necessité des affaires de sa Majesté, sans toutefois en specifier aucune, fors la crainte & apparence d'une guerre defensive de prés imminente. Messire Achilles de Harlay premier President remonstra briefvement, mais vertueusement la charge qu'apportoit au peuple François le grand nombre d'Edits que le Roy faisoit de jour à autre, & conclud à ce qu'il pleust à sa Majesté de ne prendre l'advis de sa dite Cour, sur des Edits qui ne luy avoient esté communiquez. Messire Augustin de Thou au contraire Advocat du Roy, magnifia la presence de sa Majesté, & l'honneur qu'il faisoit à la Cour de la venir veoir & seoir en son lit de Justice, concluant à la lecture, publication, & registration des Edits, lesquels furent passez au nombre de douze de l'expres commandement du Roy (luy present) oui & consentant son Procureur General, combien que tous revinssent à la manifeste oppression du peuple, & que les deniers revenans de la ferme d'iceux (prise par les Italiens) tournassent

naissent au profit des mignons, & encore plus de ceux de Guise qui les poursuivoient eux-mesmes, & toutesfois sous-main animoient le peuple & l'en faisoient crier & tumultuer contre le Roy & ses mignons: la Ligue commençant dès lors à ourdir à bon escient le mystere d'iniquité.

En ce mois le Roy institua & erigea une nouvelle confrairie, qu'il fit nommer des Penitents, de laquelle luy & ses deux mignons se firent confreres, & y fit entrer plusieurs Gentils-hommes & autres de sa Cour, y conviant les plus apparens de son Parlement de Paris, chambre des Comptes, & autres Cours & juridiction, avec un bon nombre des plus notables bourgeois de la Ville: mais peu se trouverent qui se voulussent assujettir à la reigle, statuts & ordonnances de la dite confrairie, qu'il fit imprimer en un Livre, le tirant de la Congregation des Penitents d'Annonciation nostre Dame, pource qu'il disoit avoir toujours eu singuliere devotion envers la Vierge Marie mere de Dieu: de fait il en fit les premiers services & ceremonies le jour de la Feste de l'Annonciation qui estoit le Vendre, dy vingt-cinquième de ce mois, auquel jour fut faite la solennelle procession desdits Confreres Penitents, qui vindrent sur les quatre heures après midy du Convent des Augustins en la grande Eglise nostre Dame, deux à deux, vestus de leurs accoustremens tels que les bat-tus de Rome, Avignon, Thoulouze, & semblables, à sçavoir de blanche toile de Hollande, de la forme & façon qu'ils sont desseignez par le Livre des Confrairies. En cette
pro-

procession le Roy marcha sans garde, ni difference aucune des autres Confreres, soit d'habit, de place, ou d'ordre : le Cardinal de Guise portoit la Croix, le Duc de Mayenne son frere estoit Maistre des ceremonies, & frere Emont Auger Jesuite (Bastleur de son premier mester, dont il gardoit tousjours les bouffonneries) avec un nommé du Peirat Lionnois, conduisoient le demeurant ; les Chantres du Roy & autres marchaient en rang vestus de mesme habit en trois distinctes compagnies, chantans melodieusement la Litanie en faux-bourdon. Arrivez en l'Eglise nostre Dame chanterent tous à genoux le *Salve Regina* en tres-harmonieuse musique, & ne les empescha la grosse pluye, qui dura tout le long de ce jour, de faire & achever avec leurs sacstous perchez & mouillez, leurs mysteres & ceremonies commencées. Sur quoy on fit ce quadrain :

Après avoir pillé la France,

Et tout le peuple despouillé,

N'est-ce pas belle penitence,

De se couvrir d'un sac mouillé?

Le Dimanche vingt-septieme le Roy fit emprisonner le moine Poncet, qui preschoit le Carême à Nostre Dame, pource que trop librement il avoit presché le Samedi precedent contre cette nouvelle Confrairie, l'appellant la Confrairie des hypocrites & atheïstes, & qu'il ne soit vray (dit-il en ces propres mots) j'ay esté adverty de bon lieu qu'hier au soir, qui estoit le Vendredy de leur procession, la broche tournoit pour le souper de ces gros penitens, & qu'après avoir mangé le gras chapon, ils eurent pour collation de nuit
le

le petit tendron , qu'on leur tenoit tout prest. Ah ! mal-heureux hypocrites, vous vous mocquez donc de Dieu sous le masque , & portez par contenance un fouet à vostre ceinture ? ce n'est pas là, de par Dieu, où il le faudroit porter ; c'est sur vostre dos & sur vos espaules , & vous en estriller tres-bien , il n'y a pas un de vous qui ne l'ait bien gagné. Pour lesquelles paroles le Roy sans vouloir autrement parler à luy , disant que c'estoit un vieil fol , le fit conduire dans son coche par le Chevalier du Guet en son Abbaïe de saint Pierre à Melun , sans luy faire autre mal que la peur qu'il eut y allant , qu'on le jettast dans la riviere. Le Duc d'Espernon le voulut veoir, & en riant luy dit, Monsieur nostre Maistre , on dit que vous faites rire les gens à vostre sermon ; cela n'est gueres beau : un Predicateur comme vous, doit prescher pour edifier , & non pas pour faire rire. Monsieur, respondit Poncet sans s'estonner autrement, Je veux bien que vous sçachiez, que je ne presche que la parole de Dieu , & qu'il ne vient point de gens à mon sermon pour rire , s'ils ne sont meschans ou atheïstes : & aussi n'en ay-je jamais tant fait rire en ma vie, comme vous en avez fait pleurer. Responſe hardie pour un moine à un Seigneur de la qualité d'Espernon , & qui pour le temps fut trouvée fort à propos.

Le Jeudy Saint , septième Avril sur les neuf heures du soir , la procession des Penitens , où le Roy estoit avec tous ses mignons , alla toute la nuit par les ruës & aux Eglises , en grande magnificence de luminaire & musique excellente , & y en eut quelques-uns des mignons qui

qui se foueterent en cette procession. En la chapelle des battus aux Augustins à Paris, on escrivit ce jour avec du charbon contre la muraille le quadrain suivant :

*Les os des pauvres trespasés
Qu'on te peint en croix Bourguignonne,
Monstrent que tes jours sont passés,
Et que tu perdras ta Couronne.*

Le lendemain de Pasques onzième du mois le Roy & la Roïne furent à Chartres & à Notre Dame de Clairv à pied, offrir leurs offrandes à la belle Dame pour avoir lignée.

Le Jedy quatorzième Avril sur les deux heures après Midy, le Seigneur de Mouy, qui ja long-temps cherchoit tous moyens à luy possibles de trouver le Seigneur de Maurevert à son avantage, pour venger la mort du Seigneur de Mouy son pere, lequel meschamment il avoit tué près Niort l'an mil cinq cens soixante-neuf, le trouva près la Croix des petits champs vers sainct Honoré, & le chargeant l'espée au poing, après que Maurevert eust tiré son pistolet inutilement, il recula tousjours vers la barriere des Sergens devant sainct Honoré, & pource qu'il estoit manchot il ne peut tirer son espée pour s'en ayder, tellement qu'en reculant estant roidement poursuivi par le dit Mouy, il receut 2 ou 3 grands coups d'espée, & un entre autres dont il fut percé par le bas du ventre jusques à la mamelle gauche, & luy donna le Seigneur de Mouy ce coup, pource qu'il le pensoit armé d'une cuirasse, comme ordinairement il estoit, combien que lors il ne le fust point : & doutant qu'il n'eust à mourir des coups qu'il luy avoit

avoit donnez , pource qu'il estoit tousjours sur les pieds , reculant & parant aux coups incessamment , il le poursuivit jusques au ruisseau de la grande rue saint Honoré , où il le joignit de si près qu'il avoit son espée sous sa gorge pour la luy couper , quand l'un des soldats de Maurevert (car à ce conflit ils se trouverent neuf ou dix de chaque part) mirant de fort près le dit Seigneur de Mouy d'un poitrinal , luy tira le coup de la mort : car la balle ramée entrant par la bouche luy rompit la machoire inferieure & la langue , & traversant le cerveau sortit par le derriere de la teste & tomba mort dans le ruisseau : le jeune Seigneur de Saucourt combattant pour le Seigneur de Mouy son parent y fut blessé d'un coup de poitrinal à la cuisse, qui luy rompit l'os & la veine avec la balle ramée , & tost après mourut. Maurevert mourut la nuit ensuiuant.

En ce temps Messire François de Rosieres Archidiacre de Thoul, sujet du Duc de Lorraine, ayant esté envoyé prisonnier à la Bastille par commandement du Roy , pour avoir employé en un Livre par luy composé intitulé *Stemmatum Lotharingæ , ac Barri Ducum Tomi VII* , plusieurs choses repugnantes à la verité de l'histoire , tant contre l'honneur & reputation des Roys de France predecesseurs de sa Majesté , que mesmes contre l'honneur & la dignité d'icelle , fut ce vingt-fixième Avril par le Chevalier du Guet Capitaine de la Bastille , amené pardevant le Roy assisté d'un grand nombre de Princes, Chevaliers & autres Seigneurs de son Conseil privé , où estant
il

il se mit à deux genoux implorant la grace & bonté de sa Majesté sur la grande offence par luy commise, laquelle encores qu'elle ne peust estre réparée que par punition de la vie, comme luy remonstra en peu de paroles le Garde des seaux de Chiverny : Neantmoins le Roy à la requeste de la Roynes sa Mere, qui le supplia de luy vouloir pour l'amour d'elle & de Monseigneur de Lorraine pardonner, & user de misericorde en son endroit, luy donna la vie, & luy commandant de se lever, luy enjoignit de demeurer près mon dit Seigneur de Lorraine, jusques à ce qu'il eust satisfait à ce qui luy seroit déclaré touchant le sus dit Livre, par le President la Guesle, ses Advocats & Procureur General. Ce beau Livre fut in folio imprimé à Paris par Guillaume Chaudiere, l'an mil cinq cens quatre-vingts, avec privilege du Roy, signé Nicolas, contre la Majesté duquel toutefois il y avoit des traits injurieux & scandaleux ; & principalement au feuillet 369, Tome 5. où il parle ainsi ;

Et abhinc Henricus malè aliquantulum apud nos audiit. Mox enim Remis inunctus à Ludovico Guisio Cardinale (quod Ludovicus Nepos loci Archiepiscopus, cui jus inungendi Regem competit, sacris nondum initiatus esset), Lutetiamque profectus jam à publico rerum statu videbatur alienior, domesticæ privatæque curæ indulgere cœpit, nutare, certoque duci persuasum, que singula generosum regem emolliunt & dejiciunt.

Au reste le plus inepte & plus impertinent Livre, & le plus mauvais Advocat de la maison de Lorraine & de la Ligue qui ait esté de ce temps.

Le

Le Samedy vingt-cinquième l'Evesque de Rimini Nonce du Pape près sa Majesté, mourut à Paris en l'Hostel de Sens, & fut le Dimanche suivant enterré au chœur de l'Eglise Nostre Dame de Paris, de nuit sans aucune ceremonie, ainsi qu'il l'avoit ordonné exprés par son testament : toutefois le Jeudy ensuivant, par le commandement du Roy, on luy fit obseques solennelles en la dite Eglise de Paris où il estoit inhumé, à chappelle ardente, chœur tendu de drap noir haut & bas, avec une liste de velours noir par le haut sans armairies : au service assisterent Messieurs de la Cour de Parlement & des Aydes, de la chambre des Comptes, Prevosts des Marchans, & Eschevins de la ville, des Dues de Guise & du Maine, & plusieurs autres Seigneurs : quatre-vingts pauvres habillez de deuil porterent quatre-vingts torches, la ville y envoya vingt-quatre torches, les Cardinaux de Guise, de Biragues & de Vaudemont chacun une douzaine de torches blanches, armoiriées de leurs armoiries, lesquels toutefois n'y assisterent : le Theologien de saint Germain fit le sermon funebre.

Septemb. Le dixième Septembre, vinrent à Paris, en forme de procession, huit ou neuf cens qu'hommes que femmes & enfans, tous de la Bric, habillez de toile en penitens.

Octobre. Le cinquième Octobre, le Roy ayant passé à Clery & à Chartres, où il fit ses prieres, arriva à Paris, & le lendemain s'en alla à Limours voir le Duc de Joyeuse, qui y estoit malade, & apprendre de luy quelle responce il avoit eu du Pape sur les quatre
chefs

chefs de sa demande, qui luy dit : Que pour le regard du premier chef, le Pape luy avoit respondu qu'il ne pouvoit accorder aucune alienation du temporel de l'Eglise, pource que le Roy ne faisoit de guerre ne autres frais pour l'Eglise, & que tout ce qu'il en avoit dernièrement vendu à son grand regret, avoit esté inutilement despensé & employé en presens, que le Roy avoit fait à deux ou trois de ses favoris, pour les avancer en biens & en estats. Quant au deuxième point, qu'il ne pouvoit ni ne devoit excommunier le Duc de Montmorency, Marechal de France, comme rebelle à son Prince, pource que l'Eglise n'a pas accoustumé de s'empescher de la rebellion, que font les sujets à leurs Princes, s'il n'y va du fait de la Religion. Que le Duc de Montmorency estoit fils d'un pere & d'une mere notoirement bons Catholiques, Apostoliques & Romains, & luy de mesme. Au troisieme, qu'il ne pouvoit bailler au Roy la ville d'Avignon, & le Comtat de Venisse, pour le Marquisat de Saluces, qu'il luy offroit en échange, pour plusieurs raisons à proposer en temps & lieu. Au quatrieme, qu'il adviseroit de bailler un chapeau de Cardinal à l'Archevesque de Narbonne son frere, à la premiere opportunité, en la faveur du Roy & de luy qui l'en avoient prié.

Novemb. Le Dimanche treizieme Novembre le Prevost de l'Hostel & ses Archers prirent à Paris cinquante ou soixante que Damoiselles que bourgeois contre-venantes en habits & bagues à l'Edit de la reformation des habits, sept ou huit mois devant publié, & les constitue-

tuerent prisonnières au For-l'evesque, où elles couchèrent, nonobstant remonstrances & offres de les cautionner & payer les amendes encouruës par l'Edit : ce qui fut fort rigoureux, attendu que par l'Edit il n'y avoit peine aucune que pecuniaire. Mais il y avoit en ce fait un tacite commandement du Roy, ce qui ferma la bouche à ceux qui en voulurent parler. Les jours ensuivans, les Commissaires de Paris donnerent assignation à plusieurs personnes contre-venantes à cét Edit, & ce pardevant le Lieutenant Civil, qui en condamna plusieurs en amendes selon la qualité des personnes & de la contravention.

Le 25 advint au dîner du Roy, que Monsieur du Perron fit un excellent discours contre les Atheïstes, & comme il avoit un Dieu ; ce qu'il prouva par belles raisons, à quoy le Roy prit grand plaisir & l'en loua : Mais du Perron dit au Roy ; Sire, j'ay prouvé aujourd'huy, qu'il y a un Dieu ; demain, s'il plait à Vostre Majesté me donner encore audience, je vous prouveray par raisons aussi bonnes, qu'il n'y en a point du tout. Sur quoy le Roy entrant en colere chassa le dit du Perron, & l'appella meschant, luy deffendant de plus se trouver devant luy.

Le Jeudy vingt-quatrième mourut René de Biragues Cardinal, Chancelier de France, aagé de soixante & seize ans, en la maison priorale du Convent de sainte Catherine du Val-des-escoliers à Paris : mort il fut mis sur un lit de parement vestu en Cardinal premierement, puis en Evesque ayant la mitre en la teste, & son chapeau de Cardinal à ses pieds
d'un

d'un costé, & de l'autre son habillement de penitent, avec la corde, la discipline & le chapelet, où il demeura huit jours visité du peuple de Paris.

Ce Chancelier estoit Italien de nation & de religion, bien entendu aux affaires d'Estat, fort peu en la Justice: de sçavoir n'en avoit point; au reste liberal, voluptueux, homme du temps, serviteur absolu des volonteze du Roy, ayant dit souvent qu'il n'estoit pas Chancelier de France, mais Chancelier du Roy de France: il mourut pauvre pour un homme qui avoit long-temps servy les Roys de France, n'estant aucunement ambitieux, & meilleur pour ses amis & serviteurs que pour soy: il disoit peu auparavant son deceds, qu'il mouroit Cardinal sans titre, Prestre sans benefice, & Chancelier sans seaux.

Decemb. Le Mardy fixième Decembre, le dit Messire René de Biragues Cardinal fut magnifiquement enterré en sa Chapelle du Convent sainte Catherine: les Princes de la maison de Bourbon & de Guise menoient le deuil, suivis des Cours de Parlement, des Aydes, de la chambre des Comptes, des Esleus & autres, des Prevost des Marchans, Eschevins & Conseillers de la ville, & de l'Université de Paris. Ce fut le premier de la Royale confrairie des Penitens qui mourut, fut enterré & porté par eux; de fait ils assisterent à son convoi, & enterrement en leurs habits & en leur ordre: le Roy mesme costoyé du Duc d'Espernon y assista en son habit de Penitent, Messire Regnault de Beaume Archevesque de Bourges, nagueres Evesque de Mande, & Chancelier de

de Monsieur frere du Roy, fit & prononça l'oraison funebre par le commandement du Roy.

En ce mois, le Pape fit dix-sept Cardinaux, dont l'Archevesque de Narbonne frere du Duc de Joyeuse en fut un.

Feurier. 1584. Le jour de Carême-prenant venu, ils allerent de compagnie suivis de leur mignons & favoris par les ruës de Paris à cheval & en masque, desguisez en Marchans, Prestres, Advocats, & toutes autres sortes d'estats, courans à bride avallée, renversans les uns & battans les autres à coups de bastons & de perches, singulierement ceux qu'ils rencontroient masquez comme eux, pource que le Roy seul vouloit avoir ce jour privilege d'aller par les ruës en masque, puis passerent à la foire saint Germain prorogée jusques à ce jour, & toute la nuit jusques au lendemain dix heures, coururent par toutes les bonnes compagnies & assemblées, qu'ils sceurent estre à Paris, où ils firent des insolences inouïes.

Le vingtième l'erection de la Chambre Royale & lettres d'icelle, pour faire le procès des Tresoriers, furent publiées & homologuées en la Cour de Parlement de Paris, & commencerent les Commissaires à faire le procès des Tresoriers Habert & Jauptre.

Mars. Le fixième Mars le Roy estant au Conseil en son Château du Louvre, entra en grande colere contre le Chevalier de Sevre grand Prieur de Champagne, jusques à luy donner des coups de pied & de poing, pour

ce que, comme il est haut à la main & furieux en sa colere, il avoit dit à Milon Seigneur de Videville, premier Intendant des finances, qu'il estoit un larron & assassin du peuple de France, d'ailleurs par trop affligé, l'ayant chargé de huit millions d'escus, sous couleur de payer les dettes du Roy, qu'il disoit monter à la dite somme, combien qu'elles ne montraissent qu'à cinq millions, & par ce moyen surchargeoit furtivement le peuple de trois millions : & au Roy survenant sur ces propos, osa encores dire ; Sire, vous sçavez bien ce qui en est, & luy ayant respondu le Roy qu'il ne s'en souvenoit point, fut d'abondant si temeraire que d'y repliquer hautement & superbement ; Si vous voulez mettre la main sur la conscience, Sire, vous sçavez ce qui en est. Ce que le Roy (ne prenant pas d'ailleurs plaisir à tels propos) prit pour une forme de démenty & par une prompte colere mit la main sur le dit Chevalier, l'excedant ainsi que dit est, & plus avant eust passé son courroux & maltalent, sans le Duc d'Espernon amy du dit Chevalier, qui remonstra au Roy, qu'il n'estoit seant à un grand Prince comme luy, d'user de main-mise à l'endroit d'un sien sujet, duquel il pouvoit chastier les temeritez & forfaitures par la voye de la Justice, qui estoit en sa main.

Le Vendredy neuvième, le Roy partit de Paris pour aller en voyage à Nostre Dame de Chartres & à Nostre Dame de Clairay : lesquels voyages il fit à pied, accompagné de quarante sept freres Penitens, des plus jeunes & dispos pour bien aller à pied, & tout du long de leur voyage

voyage porterent tousjours par les champs leurs habits Penitens.

Le Vendredy Saint, par l'indication de l'Abbé de sainte Genevieve au mont de Paris, en une maison à luy appartenante, contiguë de l'Abbaïe, devant le College de Montaigu, furent pris prisonniers & menez en la Conciergerie du Palais un Ministre nommé du Moulin, un Pedagogue & ses Escoliers, & quelques autres Huguenots, quis'estoient là assemblez pour faire la Cene, & quelque autre exercice de leur Religion, jusques au nombre de vingt ou vingt-cinq au plus; dont le Roy adverty, & mesmes en ayant commandé l'emprisonnement, leur fit faire leur procez: tellement que par Arrest de la Cour du quatorzième Avril ensuivant, le Ministre & le Pedagogue furent bannis à perpetuité de la Prevosté & Vicomté de Paris, & du Royaume de France pour neuf ans, deux Alemans & quelques estrangers & escoliers qui y estoient, furent bannis seulement à temps de la Prevosté de Paris, & furent traitez ainsi doucement par commandement du Roy.

Juin. Le Jeudy neuvième Juin, Monsieur de Chiverny Chancelier de France vint au Palais ouvrir la chambre Royale, pour faire le procez aux Tresoriers suivant les lettres patentes du Roy, publiées à cet effet. Elle estoit composée du premier President de Harlay; du President de Morfan, du President Brisson, du premier President des Comptes Nicolai, de deux Maistres des Comptes, & de quatorze Conseillers de la Cour de Parlement esleus, faisant le nombre de vingt Juges.

Le Dimanche dixième environ midy, Monsieur frere du Roy mourut au Chasteau de Chasteau-Thierry, d'un flux de sang accompagné d'une fièvre lente, qui l'avoit petit-à-petit attenué & rendu tout sec & etique. Il disoit que depuis qu'il avoit esté à Paris voir le Roy son frere (qui fut à Carême-prenant) il n'avoit point porté de santé, & que cette veuë & la bonne chere, qu'on luy avoit faite à Paris, luy coustoit bien cher; ce qui fit entrer beaucoup de gens en nouveaux discours & apprehensions.

Le vingt-unième son corps fut amené à Paris, & mis à saint Magloire, au fauxbourg S. Jacques.

Le vingt-quatrième, jour de la saint Jean, le Roy vestu d'un grand manteau de dix-huit aunes de sarge de Florence violette, ayant la queue plus large que longue, portée par huit Gentils-hommes, partit du Louvre l'apresdinnée, pour aller donner de l'eau beniste sur le corps du dit deffunt son frere, gisant au dit lieu de saint Magloire, au fauxbourg saint Jacques. Il estoit precedé d'un grand nombre de Gentils-hommes, Seigneurs & Princes, Evêques & Cardinaux, tous vestus en deuil: C'est assavoir les Gentils-hommes & Seigneurs montez sur chevaux blancs & vestus de robes de deuil, le chapperon sur l'espaule; les Evêques de roquets avec le scapulaire & mantelet de sarge de Florence noire, & les Cardinaux de violet à leur mode. Devant luy marchaient les Suisses, le tambour couvert de cresse sonnante, & les Archers de la garde Escossoise autour de sa personne, & les autres Archers

Archers de la garde devant & après luy , tous vestus de leurs hocquetons de livrée ordinaire, mais de pourpoints, chausses, bonnets & chapeaux noirs , & leurs hallebardes crespées de noir. Il estoit suivy de la Royne sa femme seant seule en un carrosse , couvert de tanné , & elle aussi vestuë de tanné; après laquelle suivoient huit coches vestus de noir à leur ordinaire.

Le Lundy vingt-cinquième, le corps fut apporté à Nostre Dame de Paris.

Le vingt-fixième y fut fait son service.

Et le vingt-septième fut enterré en grande pompe & Royale magnificence, avec toute cire blanche , armoiries de l'escu d'Alençon seulement , qui sont les armoiries de France , qui ont un orlet de gueules tout à l'entour.

Le Lundy vingt-cinquième, le corps fut apporté en l'Eglise Nostre Dame, le Roy vestu de violet demeura en une fenestre d'une maison faisant le coin du parvis devant l'Hostel-Dieu , visage descouvert , où il eut cinq heures à voir passer la pompe funebre , se laissant voir à tout le monde. Et estoit accompagné du Duc de Guise (qu'on remarqua fort triste & melancholique , plus de discours comme on croyoit , dont il entretenoit ses pensées , que d'autre chose) , des Seigneurs de Liancour son premier Escuyer , & de Villeroy son Secrétaire d'Etat.

Le Mardy ensuivant vingt-fixième, il vit encores passer la pompe funebre en une maison de la rue S. Denis , & pource que le jour precedent il avoit trouvé indecent, que l'effigie de son frere fust accompagnée des Seigneurs

de la Rochepot, de la Ferte-Imbauld & Daurilly simples Gentils-hommes fans le collier de l'Ordre, n'y ayant que la Châtre, qui faisoit le quatrième qui en eust un, comme estant ancien Chevalier, le soir du Lundy le Roy les envoya querir tous trois & leur donna à chacun un collier du dit Ordre, qu'ils portèrent le lendemain sur leurs robbes de deuil; Messire Regnault de Beaune Archevesque de Bourges fit l'oraison funebre: & pource qu'en prononçant la dite harangue, où il ne fit rien qui vaille, il mettoit souvent la main à sa barbe, on fema ce Distique suivant de luy:

*Quod timet, & patulo promissam pectore
barbam*

Demulcet Bituerix, hoc Ciceronis habet.

Juillet. Le onzième de ce mois, à Paris devant l'Hostel de Bourbon furent pendus un nommé Larondelle, & un autre sien complice, chacun d'eux aagé de soixante ans & plus, attaints & convaincus, l'un d'avoir gravé des feaux de la Chancellerie du Roy, & l'autre feellé plusieurs lettres d'importance avec les dits faux feaux, desquels ils usoient avec telle dexterité, que mesme le Chancelier & les Secretaires d'Etat, desquels ils contrefaisoient les seings & feaux y estoient abusez. En ce temps Guillaume, Gentilhomme de Londres, & Docteur es loix, fut executé à mort, pour avoir voulu, à l'instigation des Jesuites, attenter à la vie de la Reyne Elisabeth.

Septemb. Au mesme temps le Roy s'alla esbatre à Gaillon, où estant il parla au Cardinal de Bourbon, & luy demanda s'il luy diroit

roit pas la verité de ce qu'il luy demanderoit, à quoy il respondit qu'ouy, pourveu qu'il la sceust. Alors sa Majesté luy dit, mon Cousin, vous voyez que Dieu ne m'a point donné de lignée jusqu'à cette heure, & qu'il y a apparence que je n'en auray point, si Dieu dispo- soit de moy aujourd'huy (comme toutes les choses de ce monde sont incertaines) la Couronne tombe de droite ligne en vostre maison; cela advenant, encores que je sçache, que ne le desirez point, est-il pas vray que vous voudriez precéder le Roy de Navarre vostre neveu, & l'emporter par dessus luy, comme le Royaume vous appartenant & non pas à luy ? Sire (respondit lors ce bon-homme), je croy que les dents ne me feront pas de mal, quand cela adviendra: aussi je prie Dieu de bon cœur me vouloir appeller devant què je voye un si grand malheur, & est chose à quoy je n'ay jamais pensé pour estre du tout hors d'apparence & contre l'ordre de nature. Ouy mais, dit le Roy, vous voyez comme il est tous les jours interverty, & que Dieu le change comme il luy plaist: Si cela donc advenoit, comme il se peut faire, je desire sçavoir de vous, & vous prie me le dire librement, si vous ne le voudriez pas disputer avec vostre neveu. Alors Monsieur le Cardinal se sentant pressé de respondre, Sire (luy dit-il) puisque vous le voulez & me le commandez, encore que cét accident ne soit jamais tombé en ma pensée pour me sembler esloigné du discours de la raison, toutefois si le malheur m'en vouloit tant que cela advint, je ne vous mentiray point, Sire, que je pense qu'il m'appartien-

droit & non pas à mon neveu, & serois fort resolu de ne luy pas quitter : lors le Roy se prenant à souffrir & luy frapant sur l'espaule ; Mon bon amy, dit-il, le Chastelet vous le donneroit, mais la Cour vous l'osterait ; & à l'instant se moquant de luy s'en alla.

Novemb. Le vingt-cinquième, en la Cour de Parlement furent publiées lettres Patentes de la suppression de soixante six Edits, paravant publiez en la dite Cour. En ce mois un Gentilhomme du pais Chartrain, nommé Pierre d'Esquain sieur de Beleville, Huguenot, aagé de soixante & dix ans, fut par commandement du Roy envoyé prisonnier à la Bastille, pour ce qu'il avoit esté trouvé saisi de quelques pacquets & vers, diffamans sa Majesté, & qu'il avoit (sur ce interrogé) reconnu les avoir faits. Le Roy luy-mesme le voulut ouïr, & luy demanda si la religion, dont il faisoit profession le dispensoit de mesdire de son Roy, & de son Prince, & si luy ou autres de ceux de sa religion pouvoient prendre juste occasion de ce faire, pour quelque mauvais traitement, qu'ils eussent receu de luy ? A quoy le dit Gentilhomme respondit que non : Pourquoi donc, dit le Roy, & sur quel sujet avez-vous escrit ce que vous avez escrit en mesdisant de moy ; de moy, dis-je, qui outre ce que je suis vostre Roy, ne vous en ai jamais donné d'occasion ? Alors le Gentilhomme se sentant pressé, au lieu de reconnoistre sa faute & en demander pardon à sa Majesté, s'oublia tant qu'il luy va respondre, qu'il s'estoit dispensé de ce faire sur le bruit tout commun, & qui estoit
la

la voix du peuple : de quoy le Roy indigné dit, Je ſçay quelle eſt la voix de mon peuple, c'eſt qu'on ne fait point de Juſtice, principalement de telles gens que vous : mais on vous la fera, & le r'envoyant en ſa Cour de Parlement, luy enjoignit de luy faire & parfaire ſon procez, par Arreſt de laquelle le premier jour de Decembre ſuivant, il fut mené dans un tombereau en Greve, & là pendu & eſtranglé, puis ſon corps avec ſes libelles diffamatoires brulez.

En ce temps, le Duc de Guiſe fut voir Meſſieurs de la Sorbonne, & leur demanda s'ils eſtoient aſſez forts avec la plume, ſinon, qu'il le falloit eſtre avec l'eſpée.

1585. *Janvier*. Le quinzième le Roy tira des priſons du Châtelet le fils de la Dame de Grenache, lequel auparavant ſe faiſoit appeller le Duc de Genevois, comme ſoy preſtant fils aîné du Duc de Nemours, les dettes duquel il paya ou s'obligea de payer, ne pouvant autrement ſortir de-là où il eſtoit.

Le vingt-deuxième, le Duc d'Efpernon accompagné des Marquis de Conty, Comte de Soiſſons, Duc de Montpenſier, Duc de Nevers, d'Aumale, de Joyeuſe, de Rayz & de grand nombre de Seigneurs & Gentilshommes, vint en Parlement & fit le ſerment de Colonel General de l'Infanterie Françoisſe, tant deçà que de-là les monts, & en cette qualité d'Officier de la Couronne, après le ſerment fait on le fit monter en haut & ſeoir ſur les fleurs de lis au rang des Princes, avec reſtriſtion toutefois, telle que portent ces mots

expres, Duc d'Espèrnon montez icy comme Pair de France, & non comme Colonel General, car en cette dernière qualité vous n'avez point icy de séance.

Le vingt-troisième arriverent à Paris les Ambassadeurs d'Angleterre, desquels le Comte de Warvich estoit chef, suivis de deux cens chevaux bien en conche, que le Roy fit bien recevoir à ses despens, & disoit-on que leur despence revenoit à près de cinq cens escus par jour : les chefs furent logez en l'Hostel d'Anjou jadis de Villeroy, près le Louvre, & la suite aux logis des Bourgeois par Fourriers. Ils apportoint au Roy le Collier de l'Ordre de la Jartiere, que la Roïne d'Angleterre envoyoit au Roy, comme à son bon frere, garny de perles & de pierreries, estimé à cent mil escus & mieux; & sous cette couverture venoient pour exciter sa Majesté à prendre les Flamans en sa protection; offrans au nom de leur Roïne contribuer au tiers des fraiz, qu'il conviendroient faire en cette guerre.

Fevrier. Le Jeudy dernier de ce mois, le Roy en grand pompe & magnificence, vestu d'un habit tel que portent les Chevaliers de l'Ordre Anglois, receut après Vespres dans l'Eglise des Augustins à Paris le Collier de la main du Comte de Warvich, & fit entre ses mains le serment de l'Ordre de la Jartiere, & le soir mesme au dit Comte & Ambassadeurs fit un festin magnifique.

Mars. Le troisième jour du Dimanche gras, le Roy en faveur des Ambassadeurs Anglois, leur fit un festin magnifique en la grande salle haute de l'Evêché de Paris, auquel il convia
un

un bon nombre des plus belles & braves Dames de tous les quartiers de Paris, & y fut après le repas fait un balet, auquel balerent & dancèrent six vingts personnes des deux sexes masquées & si somptueusement habillées & diaprées, qu'on le disoit couster près de vint mille escus.

May. Le quatorzième, par Arrest du grand Conseil fut devant l'Hostel de Bourbon decapité un Gentil-homme Gascon nommé Montaud, qui estoit penitent favory du Duc d'Espéron, lequel l'avoit donné au Roy, & estoit l'un de ses quarante-cinq appointez à douze cens escus de gage & bouche à Cour, que le Roy avoit mis sus, depuis ces derniers troubles, pour estre toujours près de luy, comme seures gardes de son corps, se deffiant de chacun & se voyant comme deffié par ceux de la Ligue, par leur desobeissance, croissant par l'impunité, & par la foiblesse du superieur. Son procès luy fut fait sur ce qu'il avoit dit au Roy, que le Duc d'Elbeuf luy avoit fait offrir dix mille escus pour faire mourir le Roy, & pource que le Roy luy avoit fait réponse, que s'il verifioit ce qu'il disoit, il luy donneroit vingt mille escus, & se trouvant court, & n'en pouvant monstrier ne preuve ne indice, fut mis à la question, où il confessa, que mensongerement & contre verité il avoit avancé ce propos, afin de tirer de la bourse du Roy quelque bonne somme de deniers, à raison d'un tant important & signalé advertissement.

Juillet. Le vingt-deuxième, Messire Philippes de Lenoncourt Abbé de Barbeau & de Re-

bais, Conseiller du Roy en son Conseil d'Estat & Commandeur de l'Ordre du saint Esprit, accompagné du President Boulart, du Sieur de Poigny, de Prevost & de Cueilly Theologien de Sorbonne, partit de Paris par le commandement du Roy, pour aller trouver le Roy de Navarre en Gascogne, où il estoit, & rascher à le reduire à la Religion Romaine, afin d'eviter la fureur de la guerre, qui alloit fondre sur luy & sur ceux de son party & religion. On faisoit deja à Paris son Epitaphe, pource qu'on disoit qu'il seroit incontinent bloqué & pris. Toutefois beaucoup trouvoient estrange l'instruction, qu'on luy vouloit donner pour sa conversion, qui estoit avec l'espée sur la gorge. Ainsi Madame d'Uzaiz, voyant qu'à la queuë de ceux qu'on y envoyoit pour cet effet, il y avoit une armée, ne se put tenir de dire au Roy en gaussant à sa maniere accoustumée, en presence de plusieurs Ligueurs, qui estoient là, qu'elle voyoit bien que l'instruction du Bearnois estoit toute faite, & qu'il pouvoit bien disposer de sa conscience, puis qu'à la queuë des confesseurs, qu'on y envoyoit il y avoit un bourreau. En ce temps le Roy commença de porter un bilboquet à la main, dont il se jouoit par les ruës; le Duc d'Espernon & les autres Courtisans firent le semblable, au grand mespris d'eux tous.

Septembre. Sur la fin de ce mois on publia à Paris la Bulle d'excommunication contre le Roy de Navarre & Prince de Condé, donnée à Rome à saint Marc, par le Pape, le neuvième de ce mois, par laquelle au lieu d'instruction on ne respiroit que destruction, changeant

geant sa houlette pastorale en un flambeau refroyable, pour perdre entierement ceux qu'il doit regaigner au troupeau de l'Eglise, s'ils en sont esgarez.

La Cour de Parlement fit remonstrance au Roy sur icelle, tres-grave & tres-digne, du lieu qu'elle tient, & de l'autorité qu'elle a en ce Royaume, disant pour conclusion que la Cour avoit trouvé & trouvoit le style de cette Bulle si nouveau & si esloigné de la modestie des anciens Papes, qu'elle n'y reconnoissoit aucunement la voix d'un successeur des Apôtres, & d'autant qu'elle ne trouvoit point par les registres, ni par toute l'Antiquité, que les Princes de France eussent jamais esté sujets à la Justice du Pape, qu'elle ne pouvoit deliberer sur icelle, que premierement le Pape n'eût fait apparoir du droit qu'il pretendoit en la translation des Royaumes establis & ordonnez de Dieu avant que le nom de Pape fust au monde. Fut dit par un Conseiller, que la dite Bulle estoit si pernicieuse au bien de toute la Chrestienté & à la souveraineté de cette Couronne, qu'elle ne meritoit autre responce que celle, qu'un de ses predecesseurs Roys avoit fait faire à la Cour, à une pareille Bulle qu'un predecesseur de ce Pape leur avoit envoyée; A sçavoir de la jetter au feu en presence de toute l'Eglise Gallicane, & enjoindre au Procureur General de faire diligente perquisition de ceux, qui en ont poursuivy l'expedition en Cour de Rome, pour en faire si bonne & breve justice, qu'elle serve d'exemple à toute la posterité.

Octobre. Le dernier de ce mois, le Roy s'en

alla à Vincennes pour passer les festes de Toussaints & faire les penitences & prieres accoustumées avec ses confreres Hieronimites, auxquels le dernier jour du mois de Septembre precedant, Feste saint Hierosme, il avoit luy-mesme fait, & de sa bouche, le presche ou exhortation en leur Convent du Bois de Vincennes, & quelques jours auparavant auroit fait faire pareille exhortation aux dits confreres & au dit lieu par Philippes des Portes Abbé de Tiron, de Josaphat & d'Aurillac son bien aymé & favory Poëte.

1586. *Janvier.* Le dixième le Roy grandement pressé & importuné par le Clergé de France par la Ligue, à laquelle s'estoit joint le Nonce du Pape, de faire publier & recevoir en son Royaume les Decrets & Ordonnances du Concile de Trente, en demanda advis à Monsieur Jacques Faye son Advocat au Parlement de Paris, lequel sieur luy fit une belle & grave remonstrance, luy faisant par icelle entendre le tort qu'il feroit à son Estat, s'il les faisoit publier & recevoir en son Royaume, & alleguant plusieurs belles raisons & histoires à ce Propos, deduisit si bien son fait, que le Roy après l'avoir ouï, comme il fit aussi l'Archevesque de Vienne parlant au contraire pour le Clergé, dit à Messieurs les Ecclesiastiques, qu'ils ne l'en importunaient plus, & qu'il n'en vouloit ouïr parler que la guerre commencée ne fust finie. Le Clergé là dessus se divise en deux factions, dont l'une favorise le Roy, & l'autre le Pape : Le Roy donne comme devant ies benefices aux Seigneurs & Gentils-hommes & aux Dames, pour en
jouir

jouir par economat sans en parler au Pape.

En ce mois, un Medecin nommé de Sylva accusé de sodomie, après avoir tué en prison un Gentil-homme, fut renfermé plus estroitement en un cachot, où avec du linge attaché de sa chemise fit des pelottes en guise de pillules, lesquelles mises en sa gorge il se suffoqua, & fut trouvé le matin suivant mort, & fut traîné à la queue d'un cheval à la voirie, où il fut pendu par les pieds.

Fevrier. Le dixième de ce mois, je vis un homme sans bras, qui escrivoit, lavoit un verre, ostoit son chapeau, jouoit aux quilles, aux cartes & aux dez, tiroit de l'arc, demonstroït, chargeoit, bandoit & delaschoit un pistolet, il se disoit natif de Nantes en Bretagne aagé de quarante ans.

Mars. Au commencement de ce mois, le Clergé de France forma opposition à la Bulle du Pape, par laquelle il avoit permis au Roy d'aliener & vendre pour cent mille escus de rente du temperol du Clergé: Ce que le dit Clergé trouvoit fort dur & estrange, & en murmuroit, disant qu'on le vouloit rendre tailable & tributaire, ce qu'on n'avoit jamais veu.

Le septième l'Evesque de Noyon fut ouï en Parlement, sur les moyens & raisons de l'opposition de ceux du Clergé, lesquelles il deduisit hautement & longuement sans rien espargner; le premier President l'ayant ouï, luy fit une remonstrance en forme de reprimande, luy disant qu'il avoit tenu propos trop hautains & piquans contre le Roy, en ce mesme qu'il avoit voulu dire, que depuis l'an mil cinq cens seize. l'Eglise de France estoit com-

me

me tributaire à son Roy, ayant tousjours esté depuis ce temps chargée de decimes & autres subventions extraordinaires, auparavant non ouïes ni usitées, & combien que le Clergé ne se fust jamais espargné à secourir son Roy en sa necessité, mesmes sous les derniers Roys & en ces derniers troubles, où il y alloit de son Estat & de la Religion, neantmoins qu'ils avoient esté fort mal-traitez, que c'estoit icy la cinquième alienation du temporel de l'Eglise, & que tout le spirituel des Ecclesiastiques estoit revenu comme à neant, ne faisant le peuple plus de conte de faire des ofrandes, ne payer dismes, ne donner ou leguer chose que ce soit, & plusieurs autres choses semblables, que le dit Evesque avoit alleguées, tendantes à la descharge du Clergé, & trop licentieusement taxantes le Roy à present regnant, lequel il avoit blasmé en mots exprés de faire des exactions effrenées sur le Clergé, à quoy les Gens du Roy ne dirent mot, dont le Roy adverty fut mal-content, cependant la Cour fit retirer ceux du Clergé sans rien prononcer.

Le vingt-cinquième feste de l'Annonciation nostre Dame, le Roy ne fit point aller par la ville la procession des Penitens, comme on avoit accoustumé & le porte l'institution de la penitence, mais le lendemain matin il partit des Chartreux, accompagné d'environ soixante de ses Confreres Penitens, & avec eux à pied en habit de Penitent s'en alla à nostre Dame de Chartres, dont il revint à pied, & en mesme habit en deux jours, & arriva à Paris le dernier Mars; la nuit du
Jeudy

Jeudy absolu fit la procession accoustumée par les ruës & Eglises de Paris, accompagné d'environ deux cens des dits penitens, & depuis la veille jusques au Mardy de Pasquès ne bougea des Capucins à y faire prieres & penitence.

Avril. En ce mois un garçon aagé de trois ans au Cloistre de l'Eglise de Paris, un Escolier aagé de dix-huit ans au College de Boncour, & un Gentil-homme aagé de cinquante ans au faux-bourg saint Germain des Prés, se pendirent & estranglerent miserablement.

Juin. Le Lundy seizième le Roy vint en sa Cour de Parlement tenir son lit de Justice, & fit en sa presence publier vingt-sept Edits de creation de nouveaux officiers & autres Edits Bourfaux, par son Chancelier, qu'il avoit long-temps auparavant envoyez à la dite Cour, laquelle avoit toujours fuy à les homologuer, à cause du mauvais temps. Tous ces Edits furent appelez les Edits des Guisars.

Depuis le dix-huit de ce mois jusques au douzième de Juillet, les Procureurs de la Cour & du Châtelet s'abstiennent tous unanimement & comme par une commune communication & intelligence, d'aller au Palais & au Châtelet, à cause de l'Edit que le Roy avoit fait publier contre eux : par lequel leur estoit deffendu de faire aucun exercice de leurs estats de Procureurs, sinon après avoir pris desà Majesté ou de Scipion Sardini, qui en avoit pris le party, lettres de confirmation, en payant cent ou deux cens escus de finances.

Le vingt-cinquième, le Comte de Soissons accompagné du sieur de Lansac & d'autres

tres Chevaliers de l'Ordre du saint Esprit, par commandement du Roy alla à la Chambre des Comtes, pour y faire publier l'Edit des survivances, ou succession des Offices venaux, en finançant la moitié du prix commun d'iceux; Auquel ceux de la Chambre firent réponse, qu'ils ne pouvoient admettre, ni ne devoient consentir la publication de cét Edit, & le lendemain vingt-six revinrent encores en la Chambre les dessusdits, par mesme commandement du Roy, & firent entendre que la volonté & la resolution du Roy estoit, que le dit Edit y fust (voulussent ou non ceux de la Chambre des Comtes) publié & enregistré. Lors s'eleverent tous les Presidens, Maistres & autres Officiers des Comtes estants en la Chambre, & s'en allerent, fors le President Nicolai, l'Advocat du Roy, Pasquier, & Dannes le Greffier, en la presence desquels, le dit Comte de Soissons fit publier & enregistrer le dit Edit. Et le Vendredy vingt-sept, le Roy par le sieur de Lansac & de Rostain envoya à la dite Chambre une lettre d'interdiction.

Le vingt-huitieme les Procureurs de la Cour assemblez aux Augustins, après avoir veu les lettres patentes du Roy, par lesquelles il declaroit & entendoit, que faisans & continuans l'exercice de leurs Estats, ils ne s'obligeassent en rien au contenu de l'Edit, qu'il avoit publié contre eux. Et que de grace il leur donnoit encore un mois de delay, pour opter, ou de prendre de luy lettres de confirmation de leurs estats, en payant la finance qu'il entendoit exiger d'eux, ou quitter tout à fait leurs dits estats, resolurent de n'aller plus au Palais

lais & de quitter deslors leurs estats, si le Roy ne leur vouloit permettre d'iceux exercer sans payer aucune finance ; dequoy la Cour de Parlement troublée, pource que les plaidoyés & autres exercices de la Justice defailloient à raison de leur absence, les manda le Lundy ensuivant trentième du dit mois, où ils firent la mesme declaration & demanderent acte, lequel la Cour leur permit, & leur promit d'abondant le premier President de tant faire pendant le mois de Juillet qui leur restoit encore. Surquoy l'apresdinée ils s'assemblerent derechef aux Augustins, où par l'advis des plus anciens fut arresté que le lendemain premier Juillet, ils iroient au Palais faire leur charge comme devant : Mais le jour ensuivant ils changerent d'opinion, au moins les jeunes, qui firent retirer comme par force trois ou quatre des anciens, qui le matin vinrent au Palais, & s'estans assemblez l'apresdinée prirent resolution de n'y plus aller, & d'y molester ceux qui s'y transporteroient pour y faire exercice. Autant en firent ceux du Chastelet, où les anciens Procureurs furent empeschés par les jeunes en l'exercice de leurs estats.

Jullet. Le samedi douzieme, les Procureurs de la Cour, par l'exhortement de quelques-uns des plus grands d'icelle allerent au Louvre en grand nombre se jettent à genoux devant le Roy, & luy demandans (par l'organe de Maître Louis Buisson Advocat) pardon de la faute qu'ils avoient faite, delaisant l'exercice de leurs estats, tres-humblement supplierent sa Majesté d'avoir pitié d'eux & de leur pauvreté.

vreté. A quoy le Roy fit response, que si plustost ils luy eussent fait entendre ce que lors ils luy remonstroient, le cours de sa justice ne fust pas demeuré si long-temps interrompu ; qu'ils se levassent & s'en allassent faire l'exercice de leurs estats, comme ils faisoient auparavant la publication de leur Edit, & qu'ils se comportassent en gens de bien ; qu'ayant d'eux la pitié dont ils luy avoient fait requeste, il revoquoit le dit Edit, & qu'ils priaissent Dieu pour luy : ce que fit le Roy, pource que à l'exemple de Paris le cours de la Justice ordinaire avoit cessé par tous les sieges des Jurisdic-tions du Royaume de France.

Le quatorzième, fut publié en la Cour de Parlement l'edit de la revocation des Procureurs, auquel le Procureur General la Guesle ayant consenty, comme aux autres, & à la publication & à la revocation ; on en fit une risée au Palais, disant, que comme mineur il s'en feroit relever, & qu'il pouvoit estre restitué jusques à l'age de vingt cinq ans.

Le Mardy quinzième, le Roy fit venir au Louvre chez le Chancelier, les Presidents & Conseillers du grand Conseil, & leur remonstra qu'il sçavoit bien que contre droit & raison il avoit fait l'Edit de la creation de deux nouveaux Presidents, & huit nouveaux Conseillers en leur compagnie, lequel des pieça il leur avoit envoyé pour le publier, mais qu'à ce faire il avoit esté forcé par la necessité de ses affaires, dont ils avoient assez claire connoissance : pour ce les prioit de ne faire plus tant les retifs à publier cet Edit, leur promettant que la necessité passée, il les reduiroit tous

à l'ancien nombre. Louis Chandon President du dit Conseil porta la parole, & supplia tres-humblement le Roy de leur pardonner, remontrant que ce qu'ils avoient si longuement differé de publier cet Edit, n'estoit procedé d'aucun mespris de ses commandemens, car ils luy avoient toujours esté & estoient tres-humbles & obeïssans serviteurs; mais de ce qu'ils ne voyoient aucune apparence d'augmenter leur nombre, veu qu'ils estoient en nombre plus que suffisant pour satisfaire à leur charge, laquelle ils avoient jusques alors toujours faite au plus près du bien qu'ils avoient pû, & de fait qu'ils ne s'estoient point encores apperceus qu'aucun, ni mesme sa Majesté, eust onques receu mescontentement de faute qu'ils eussent faite, mais que pour assouvir l'ambition de ceux, qui abboyoient comme chiens affamez après ces estats de nouveau erigez, librement & liberalement ils remettoient leurs offices entre les mains du Roy, le priant tres-humblement de disposer d'iceux à sa volonté; & ce dit, tous mirent leurs cornettes sur la table: à quoy le Roy fit response que cette remise ne luy estoit aucunement agreable, & que son intention estoit qu'ils continuassent l'exercice de leurs estats, comme ils avoient accoustumé, qu'il se contentoit bien de leur service.

Decemb. Environ la my-December, le Roy fit saisir tous les revenus temporels des benefices du Cardinal Pelevé, & donner aux pauvres, à cause des mauvais offices, qu'il avoit faits à Rome à sa Majesté envers le Pape & les Cardinaux, dont le Cardinal d'Este l'avoit au-
pa-

paravant adverty : les Huguenots l'appelloient le Cardinal Pelé.

Sur la fin de cet an le fleur de Bellièvre arriva à Londres en Angleterre , où il fut par la Royne bien receu & patiemment ouï , auquel elle mesme de sa propre bouche seante en son Conseil , respondit en ces mots , extraits fidellement de l'original envoyé à l'Ambassadeur.

Messieurs les Ambassadeurs , je me fie tant de la bonté du Roy mon bon frere , que je m'asseure qu'après avoir entendu & connu comme toutes choses se sont passées , il ne prendra en mauvaise part la procedure, que j'ay faite contre celle , qui tant de fois a conspiré contre ma personne & mon Estat , & suis tres-faschée qu'un tel personnage que vous , Monsieur de Bellièvre , ayez pris la peine de passer en ce Royaume pour un affaire, duquel il n'y a aucun honneur de parler , ayant eu connoissance des choses desquelles avez reçu toute louange , mesmes en un sujet si clair , que chacun peut juger mon innocence. J'appelle icy devant vous Dieu à tesmoin , si jamais j'ay eu volonté de luy donner aucun mescontentement , chacun connoist assez combien de fois elle m'a offencée , & comme je l'ay porté patiemment : on doit peser combien est precieuse la dignité Royale , & le rang que je tiens, estant mon inferieure , puisqu'elle est en mon Royaume. Je luy ay démontré beaucoup d'offices d'amitié , ce qui ne l'a divertie de sa mauvaise volonté en mon endroit. Jamais quelques afflictions & facheuries que j'aye eues , comme de la mort du Roy mon pere ,

pere, du Roy mon frere, & de la Royne ma sœur, ne m'ont tant touché au cœur, comme le sujet dont nous traitons maintenant. J'appelle Dieu à tesmoin encores un coup, si j'ay voulu user en cét endroit, comme elle a fait au mien, & prenez-le tout sur ma saluation, ou damnation. J'ay veu beaucoup d'histoires, & leu possible autant que Prince ou Princesse de la Chrestienté : mais je n'y ay jamais trouvé chose semblable à ceste cy ; il me souvient fort bien de tout vostre discours, Monsieur de Bellievre, je l'ay si bien compris que je n'en ay pas perdu un mot : mais tout cela ne me peut inciter à changer de volonté : car le sang des Princes est trop precieux, & de l'inferieur au superieur n'y a apparence de droit : maintenant je suis tousjours en peine pour n'estre en seureté dans ma maison, & dans mon pauvre Royaume : ains suis assaillie & espiée de toutes parts ; Je ne suis libre, mais captive, je suis sa prisonniere, au lieu qu'elle doit estre la mienne ; elle m'a suscité de toutes parts tant d'ennemis, que je ne sçay de quel costé me tourner : mais j'espere que Dieu me conservera avec mon peuple, & pour iceluy, duquel j'ay juré la protection à Dieu, devant le trosne duquel j'en suis responsable, & n'y manqueray : si je vous accorderois ce que me demandez, je me parjurerois, & prendrois son saint nom en vain. Je ne voudrois faire pareille requeste au Roy mon bon frere vostre Maître, ni à aucun Prince & Potentat de la Chrestienté, là où il iroit de leur Estat, comme il y va du mien en ceste affaire, ains desire qu'ils soient preservez & gardez de tous leurs ennemis ;

mis ; & moy qui ne suis qu'une pauvre femme , que je puisse resister à tant d'assauts & d'embusches.

Janvier, 1587. Le Roy demanda à la Ville 600 mille escus , avec encore une autre imposition de 120 mille escus , & 600 mille escus sur tout le Royaume.

Fevrier. Dominique Miraille & sa femme , le vingt-septième furent accusez de magie , furent pendus & estranglez , puis bruslez. On trouva ceste execution toute nouvelle à Paris ; pource que ceste vermine y estoit tousjours demeurée libre & sans estre recherchée. Et mesmes du tems du Roy Charles IX estoit provenüe par l'impunité , jusques au nombre de trente mille , comme confessa leur chef , l'an 1572.

Mars. Mort de la Roynie d'Ecosse, Princesse du sang d'Angleterre , & de la droite descende de Henry sept , nasquit le septième Decembre mil cinq cens quarante deuz , couronnée à dix-huit mois, assavoir le vingt-unième Aoust, conduite en France à six ans , mariée à quinze ans au Dauphin de France , après sa mort remariée à Henry d'Harlay Gentil-homme , âgé de vingt-deux ans , espousa en troisièmes nopces le Comte de Botheul , fut dix-huit ans prisonniere en Angleterre , puis fut decapitée. Après sa mort luy fut fait un solennel service à Paris , où tous les Princes assisterent , & toute la Justice.

May. Le premier jour de ce mois , soixante tant Presidents que Conseillers de la Cour , allerent au Louvre faire remonstrances au Roy , sur ce qu'il avoit deliberé de prendre
les

les deniers destineez au payement des rentes de la Ville, pour le quartier escheant le dernier jour de Juin mil cinq cens quatre-vingts sept, & luy firent entendre librement que les pauvres vefves & orphelins, qui avoient tout leur bien sur la Ville, crieroyent contre luy, & demanderoient vengeance à Dieu, de ce qu'il leur retiendroit les moyens de vivre & avoir du pain en un temps si sec & miserable. Que pour payer les cinq cens mil escus qu'il vouloit prendre, il y avoit bon moyen de les recouvrer ailleurs, & ce, en prenant le quart du bien de quelques-uns qui n'avoient du commencement valant cinq sols, & maintenant se trouvoient riches de cinq & six cens mille escus: qu'il y avoit à craindre une sedition, criant le peuple tout haut, qu'on luy voloit son bien pour le donner à je ne sçay quels mignons, vrais sangsuës & pestes du Royaume; qu'il se trouveroit, que luy seul avoit levé plus de deniers en France depuis qu'il estoit Roy, que n'avoient fait en deux cens ans auparavant, les Roys ses predecesseurs: & qui estoit le pis, qu'on ne sçavoit où tout estoit allé, le peuple ne s'en estant senty soulagé ni amendé, au contraire beaucoup pis & en plus piteux & pauvre estat, qu'il n'avoit jamais esté. Que si les finances estoient bien deuëment & loyalement administrées, il y auroit assez & trop, pour subvenir à la necessité de ses affaires. Que ceux qui luy donnoient conseil de prendre les deniers des payemens des rentes de la Ville, estoient gens meschans, sans foy, sans loy, non vrais François, mais ennemis jurez de son

Estat, & de la France : & plusieurs autres raisons qu'ils deduisoient hautement à sa Majesté, avec beaucoup d'eloquence, gravité & liberté. Nonobstant lesquelles, le Roy, après les avoir fort patiemment ouïs, leur respondit avec une grande Majesté, entremeslée toutefois de colere, comme il parut à son visage, Qu'il sçavoit & connoissoit aussi bien, & mieux qu'eux, la necessité de son peuple, l'estat de ses affaires & finances, & qu'il y sçavoit donner bon ordre, sans qu'ils s'en empeschassent plus avant. Qu'ils rendissent la Justice à son peuple, qui estoit ce dequoy il crioit & se plaignoit le plus, n'ayant les oreilles battues d'autres choses que de leurs injustices ; du reste, qu'il y sçauroit bien pourvoir au contentement de son peuple. Que s'ils sçavoient quelques moyens prompts pour toucher les cinq cens mil escus, dont il avoit necessairement affaire, qu'il ne toucheroit point à leurs rentes : mais sinon, sa resolution estoit de les prendre, bien qu'avec regret, pour n'avoir aucuns moyens d'en recouvrer d'ailleurs.

Le trentième, certain nombre de Presidents & Conseillers de la Cour furent au Louvre faire au Roy remonstrances sur la saisie des deniers destinez au payement des rentes de la Ville, & arrest de leurs gages, & luy dire que s'il n'embaillloit mainlevée, ils estoient résolus de n'aller plus au Palais : à quoy le Roy tout fâché leur dit, qu'ils fissent ce qu'ils voudroient, qu'ils luy fissent bailler mainlevée de la guerre, qu'il leur feroit raison sur l'un & l'autre des points de leur requeste : mais qu'il

qu'il voyoit bien que c'estoit qu'ils marchandoient de se faire jetter dans un sac en la riviere ; ce qu'il dit , pource qu'un jour de la feste Dieu , la plupart des Predicaturus avoient declamé contre ceux de la Justice , jusques à avoir dit qu'il les faloit tous jetter dans un sac en l'eau.

Venuë des Feuillans de Thoulouse.

Juillet. Le Mardy vingt-unième, le Cardinal de Bourbon Abbé de saint Germain des Prez , fit faire une procession solennelle , à laquelle il fit marcher tous les enfans, fils & filles du fauxbourg saint Germain , pour la plupart vestus de blanc , & pieds nuds : portans les garçons un chapeau de fleurs sur la teste nuë , & tous tant masles que femelles un cierge de cire blanche en la main, les Capucins, les Augustins, les Penitens blancs , les Prestres de saint Sulpice , & les Religieux de saint Germain portoient les reliques , & y avoit une musique tres-harmonieuse, mesmes y estoient portées les sept Chasses de saint Germain par hommes nuds en chemise , assistez d'autres qui portoient flambeaux ardens en grande devotion : à icelle assista le Roy vestu en penitent blanc, marchant en la troupe des autres, & les Cardinaux de Bourbon , & Vendosme en leurs habits rouges, suivis d'une grande multitude de peuple de l'un & l'autre sexe : le Roy à son disner loüa ceste procession, & dit qu'il n'en avoit veu de longtemps une mieux ordonnée ni plus devote que celle-là, & que son cousin le Cardinal y avoit honneté. A quoy chacun qui estoit prés de luy , va respondre que c'estoit la devotion mesme que Monsieur le Cardinal : oui , dit le

Roy, c'est un bon homme, je desirerois que tous les Catholiques de mon Royaume luy ressemblassent, nous ne serions en peine de monter à cheval pour combattre les Reistres.

Aoust. Le vingt-troisième, Jean Louis de Nogaret Duc d'Espéron premier mignon du Roy, & qu'il appelloit son fils aîné; fut marié à petit bruit au Chateau de Vincennes; le bruit estoit que le Roy luy avoit donné en faveur de mariage la somme de quatre cens mille escus.

Le trentième, le festin de la nopce du Duc d'Espéron & de la Comtesse de Candales fut fait tres-magnifique en l'Hostel de Montmorency, où le Roy & toutes les Dames assisterent, & y bala le Roy en grande allegresse, portant neantmoins son chapelet de testes de mort attaché & pendu à sa ceinture tant que le bal dura: donna ce jour à la mariée un collier de cent perles estimé à cent mille escus.

Septemb. Le vingt-sixième à la Croix du tiroir fut rompu & mis sur la rouë à Paris un Normand nommé Chantepie, qui avoit envoyé au Seigneur de Millan d'Allegre, par un laquais, une boëte artificieusement par luy composée, dans laquelle estoient arrangez trente-six canons de pistolets, chargez chacun de deux bales, & y estoit un ressort accommodé de façon qu'ouvrant la boëte ce ressort laschant faisoit feu, lequel prenant à l'amorce à ce preparée, faisoit à l'instant jouer les trente-six canons, & jetter soixante & douze bales, dont à peine se pouvoient sauver ceux qui se trouvoient à l'environ: cette boëte fut par ce laquais envoyée sous le nom de

de la Damoiselle de Compagny, sœur du dit Millan, avec une lettre, par laquelle elle luy mandoit qu'elle luy envoyoit une boîte de rare & esmerveillable artifice, afin qu'il la vist. Oravoit Chantepie monstre au laquais, comme il falloit ouvrir la dite boîte, lequel de fait l'ouvrit en la presence du dit sieur de Millan, & soudain se lascherent tous les dits canons, desquels neantmoins ne fut le dit Millan que peu ou point offensé; deux ou trois bales donnerent dans les cuisses du laquais & n'en mourut. Chantepie fut appréhendé, confessa avoir fait l'instrument, & fut executé.

Octob. Au commencement de ce mois le Duc d'Espéron en la presence du Roy fit un rude affront à Monsieur de Villeroy, Secrétaire d'Estat, l'appellant petit coquin, & le menaça de luy donner des coups d'esperons, comme à un cheval retif, mesme luy reprochant certaine intelligence, qu'il disoit avoir avec la Ligue, & le Roy d'Espagne, auquel il reveloit tous les secrets du Roy, sous ombre d'une pension de doubles pistoles qu'il en tiroit.

En ce mois jour vingtième fut la bataille de Coutras; avant qu'entrer au combat le Roy de Navarre & ceux de la religion s'estans prosternés en terre pour prier Dieu, le Duc de Joyeuse les regardant comme gens qui paroissent ja tout humiliez & abbatus, dit à Monsieur de Laverdin, ils sont à nous, voyez vous pas comme ils sont à demy bartus & defaits? à voir leur contenance, ce sont gens qui tremblent: Ne le prenez pas là, luy respondit Monsieur de Laverdin, je les connois mieux

que vous, ils font bien les doux & les chattemites ; mais que se vienne à la charge vous les trouverez diables & lions, & vous souvenez que je vous l'ay dit

Le Cardinal de Bourbon ayant ouï la mort du Duc de Joyeuse, dit qu'il eust voulu que le Roy de Navarre eust esté en sa place, & qu'il n'y eust eu tant de perte de luy que du dit Duc: ce qu'ayant esté raporté au Roy, il dit, que cette parole estoit digne de ce qu'il estoit.

Le 3 Monsieur Maillard Maître des Requestes fut condamné par contumace d'avoir la teste tranchée,

Decemb. En ce mois le Roy fit une capitulation avec les Reistres, ce que les Ligueurs trouverent fort mauvais : les Prédicateurs crioient que sans la Prouësse & constance du Duc de Guise, l'Arche fust tombée entre les mains des Philistins, & que l'heresie eust triomphé de la Religion. Et là dessus la Sorbonne fit un resultat secret, qu'on pouvoit oster le Gouvernement aux Princes, qu'on ne trouvoit pas tels qu'il falloit, comme l'administration au tuteur qu'on avoit pour suspect. Ce sont les propres termes de l'arresté de la Sorbonne, fait en leur College le Mecedry seizieme du present mois.

Le trentième, le Roy manda venir au Louvre sa Cour de Parlement, & la Faculté de Theologie, & fit une aspre & forte reprimende aux Dócteurs Theologiens, en la presence de la Cour, sur leur insolente & effrenée licence de prescher contre luy & contre toutes ses actions, mesmes touchant les affaires de son Estat ; & s'adressant particulièrement à Boucher

cher Curé de S. Benoist, l'appella meschant, luy dit que deffunt Poille son oncle, qui avoit esté indignement Conseiller de la Cour, estoit un meschant homme, mais qu'il estoit encore pire que luy, & que ses compagnons ne valloient gueres mieux : mais qu'il s'adressoit particulièrement à luy, pource qu'il avoit esté si impudent que de prescher, qu'il avoit fait jetter en un sac en l'eau Burlat Theologal d'Orleans, combien que le dit Burlat fust tous les jours avec luy, beuvant, mangeant & se gauffant ; leur disant davantage, qu'ils ne pouvoient nier qu'ils ne fussent notoirement malheureux & damnez par deux moyens, l'un pour avoir en la chaire de verité, detraicté contre luy, leur Roy naturel & legitime, & avancé plusieurs calomnies contre son honneur : ce qui leur est defendu par toute l'Ecriture sainte. L'autre, que sortant de la chaire, après avoir bien menty & mesdit de luy, ils s'en alloient droit à l'Autel dire la Messe, sans se reconcilier & confesser des dits mensonges & mesdisances, combien que tous les jours ils preschent, que quand on a menty ou parlé mal de quelqu'un que ce soit, suivant le texte de l'Evangile, se faut aller reconcilier avec luy avant que se presenter à l'Autel. Sçait aussi la belle resolution de la Sorbonne du seizième de ce mois, à laquelle il a esté prié de n'avoir esgard, pource que c'estoit après desjeuner. Que l'ayant outragé en toutes ces façons, il ne s'en vouloit neantmoins venger, comme il en avoit la puissance, & comme avoit fait le Pape Sixte V, à present regnant, lequel avoit envoyé aux

Galeres certains Prestres Cordeliers, qui en leurs sermons avoient osé mesdire de luy, qu'il n'y en avoit aucun d'entre eux qui n'en méritast autant, ou davantage, mais qu'il vouloit le tout oublier, & leur pardonnoit, à la charge de n'y retourner plus; que s'il leur advenoit jamais, il prieroit sa Courde Parlement cy-presente, de luy en faire la raison, & en faire faire une si bonne justice, que les seditieux (comme luy) y peussent prendre exemple, pour se contenir en leur devoir.

En ce mesme temps vinrent à Paris nouvelles de la mort du Capitaine Sacremore, tué à Dijon par les mains du Duc de Mayenne son Maistre, à cause de quelques fascheux propos, que le dit Sacremore avoit esté si temeraire de luy tenir à sa barbe, touchant le mariage d'entre le dit Sacremore & Mademoiselle de Villars, fille aînée de Madame du Mayne, laquelle le dit Sacremore maintenoit luy avoir esté promise par le Duc de Mayenne & sa femme, & bien davantage, la dite fille s'estre obligée de l'espouser: sur quoy le dit Duc le tua.

Sur la fin de cet an, le Roy fut adverty que le Duc de Guise avoit fait un voyage à Rome luy fixième, tellement desguisé qu'il n'avoit pû estre reconnu: & qu'ayant esté à Rome trois jours seulement, il s'estoit descouvert au seul Cardinal de Pelevé, avec lequel il avoit communiqué jour & nuit.

Sa Majesté aussi en mesme temps eut advis que le Pape avoit envoyé au Duc de Guise l'espée gravée de flammes, & que le Prince de Parme luy avoit envoyé ses armes, & mandé, Qu'entre tous les Princes de l'Europe, il
n'ap-

n'appartenoit qu'à Henry de Lorraine porter les armes & estre chef de l'Eglise.

1588. *Janvier*. Le douzième, le Duc d'Espéron fut en la Cour de Parlement receu Admiral de France, & par le premier President de Harlay installé au siege de la table de Marbre: l'Advocat Marion le presenta & haranga en sa faveur, avec magnifiques louanges. Faye Advocat du Roy haranga hautement & un peu flateusement à la louange du Roy: car il l'appella le Saint des Saints, disant qu'il meritoit d'estre canonisé, autant ou plus, qu'un de ses predecesseurs Roys de France, que nous adorons pour Saint; & louant le Duc d'Espéron, dit que le feu Admiral de Chastillon avoit fait tout ce qu'il avoit pû pour ruiner l'Eglise Catholique, Apostolique & Romaine: mais que cestuy-cy la maintiendrait & restablirait en sa propre splendeur & dignité. Sur ce nouveau Saint de Roy de Monsieur Faye, on sema ce jour au Palais ce distique suivant.

*Quis neget Henricum miracula prodere
mundo,*

Qui fecit montem, qui modo vallis erat?

Le Dimanche vingt-quatrième, s'esleva sur cette ville de Paris & aux environs, un si espais brouillard, principalement depuis midy jusques au lendemain, qu'il ne s'en est veu de memoire d'homme un si grand: car il estoit tellement noir & espais que deux personnes cheminans ensemble par les ruës, ne se pouvoient veoir, & estoit-on contraint de se pourveoir de torches pour se reconnoistre, encore qu'il ne fust pas trois heures: furent

trouvées tout plein d'oyes sauvages & autres animaux volans en l'air, qui estoient tombez en des cours des maisons tous estourdis, qui volans s'estoient frappez contre les maisons & cheminées, & en a esté pris plusieurs en ceste ville de Paris de ceste façon.

Mars. Le Jeudy troisiéme, un jeune Normand aagé de dix-neuf à vingt ans, ayant esté surpris coupant à l'entrée du parquet de l'audience la monstre d'un Gentil-homme, qu'il portoit penduë au col, représenté devant Messieurs en la grande Chambre, ayant avoué le fait, fut sur l'heure condamné à estre pendu & estranglé en la cour du Palais, ce qui fut executé sur le champ.

Le cinquiéme de ce mois, mourut à saint Jean d'Angely Henry de Bourbon Prince de Condé, le second jour de sa maladie, ayant esté empoisonné, comme on disoit, par un page, à la fuscitation de sa femme, de la maison de la Trimoville, laquelle fut constituée prisonniere, se trouvant grosse du fait du dit page, sans que le mary y eût aucune-ment part. Lequel se sauva des premiers & fut defait en effigie & comdamné par contumace, & un nommé Brilland domestique du dit Prince en personne, ayant esté tiré à quatre chevaux en la place publique de Saint Jean d'Angely, & plusieurs autres emprisonnez, ausquels on commença à faire le procès. Monsieur le Cardinal de Bourbon son oncle en ayant entendu les nouvelles vint trouver le Roy, auquel avec une grande exclamation il dit, Voilà, Sire, que c'est d'estre excommunié ! quant à moy je n'attribuë sa mort à autre chose.

chose qu'au foudre d'excommunication, dont il a esté frapé : auquel le Roy en riant respondit, il est vray, mon cousin, que ce foudre-là est dangereux : Mais si n'est-il pas besoin que tous ceux qui en sont frapez en meurent, il en mourroit beaucoup ; je croy que cela ne luy a pas servy : mais autre chose luy a bien aydé.

May. Tout ce mois le Duc de Guise en passant par les ruës, on crioit, vive Guise.

Les Barricades le vingt-deuxième.

Le Dimanche quinzième fut semé le suivant quadrain, qu'on trouva bien rencontré sur le jeu de Prime, auquel le Duc de Guise jouoit fort souvent.

La fortune a jouant le Guisard bien traité,

Car ayant un valet & un Roy escarté,

Une & une autre Roïne en sa main retenue.

O trois fois heureux sort ! Prime luy est venue.

Le Jeudy dixneuvième, le President de la Guesle, le Procureur general son fils, & les Conseillers de la Cour, qu'il le Dimanche precedent deputez par icelle estoient allez trouver le Roy à Chartres, pour sçavoir son intention & recevoir ses commandemens, revinrent à Paris, & rapporterent que l'intention de sa Majesté estoit, que la dite Cour & toutes autres Jurisdiccions continuassent l'exercice de la justice : entre autres propos notables que le Roy leur tint, il leur dit ; Il y en a qui en ce fait s'arment du manteau de la Religion, mais meschamment & faussement ; ils eussent mieux fait de prendre un autre chemin, mais vie & mes actions les dementent assez, & veux bien qu'ils entendent qu'il n'y a au monde Prince plus Catholique, ni qui desire tant

l'extirpation de l'heresie que moy, & voudrois qu'il m'eust cousté un bras, & que le dernier heretique fust en peinture dans cette chambre. Au President de Nully, lequel député de la Cour des Aydes, faisant la harangue pleuroit, & s'excusoit de ce qui estoit advenu, il dit ces mots, Hé pauvre homme, pensez-vous que si j'eusse eu quelque volonté envers vous & les autres de vostre faction, que je ne l'eusse pas bien pû executer ? qui m'en eust gardé si j'en eusse eu envie ? Non, non, j'ayme les Parisiens en despit d'eux, combien qu'ils m'en donnent fort peu d'occasion, retournez-vous-en, faites vostre estat comme de coustume, vous & les autres, & vous monstrez aussi bons sujets comme je me suis monstté bon Roy, en quoy je desire continuer, pourveu que vous vous en monstriez dignes. Le mesme jour on escrivit sur la porte de la Presidente Seguier, avec laquelle logeoit l'Advocat du Roy son fils (*Valet à louer.*)

Aoust. Le Mardy deuxième Aoust, sa Majesté entretenue du Duc de Guise pendant son disner, luy demanda à boire, puis en riant luy demanda, à qui ils boiroient : A qui il vous plaira, Sire, respondit le Duc, c'est à vostre Majesté d'en ordonner : Mon Cousin, dit le Roy, beuvons à nos bons^{es} amys les Huguenots : C'est bien dit, Siré, respondit Monsieur de Guise : Et à tous nos bons barricadeurs de Paris, va dire le Roy aussi-tost, beuvons aussi à eux & ne les oublions pas. A quoy le Duc de Guise se prit à sous-rire, mais d'un ris qui ne passoit point le nœud de la gorge, mal content de cette nouvelle union, que le
Roy

Roy vouloit faire des Huguenots avec les bar-ricadeurs.

Le fixième Septembre le Prevoist des Marchans & les Eschevins de Paris envoyèrent prier l'Advocat du Roy Seguier, lequel on avoit chassé de Paris le jour de saint Barthelemy, par des Placards attachez à sa porte fort seditieux & comminatoires, de revenir à Paris exercer sa charge, & qu'ils le tiendroyent en leur protection & sauvegarde. Et de fait il y revint, & assista à la prononciation des Arrests le Mecredy septième de Septembre : & on disoit à Paris, que le dit Seguier leur avoit promis de faire publier & recevoir au Parlement le Concile de Trente, & que à cette occasion ils l'avoient r'appellé.

Octob. Le seizième de ce mois fut l'ouverture des Estats de Blois.

Novemb. Le trentième de ce mois, un de mes amis s'estant adressé à Pericart Secrétaire du Duc de Guise, pour avoir un passeport, Pericart luy dit qu'il patientast encores un peu, & que bien-tost ils changeroient de qualité.

Decemb. On fit le quatrième de ce mois promettre & jurer au Roy sur le S. Sacrement de l'Autel, parfaite reconciliation & amitié avec le Duc de Guise; & oubliance de toutes querelles & similtés passées, ce que sa Majesté fit fort librement en apparence: mesme pour ce contenter & amuser, declara qu'il s'estoit resolu de remettre sur son cousin de Guise & la Royne sa Mere, le gouvernement & conduite des affaires de son Royaume, ne se voulant plus empescher, que de prier Dieu & faire penitence.

Le vingt-troisième Decembre est la mort du Duc de Guise ; & lors qu'on le tuoit, il disoit, Mon dieu, je suis mort, ayez pitié de moy, ce sont mes pechez qui en sont cause ! & fut la son corps jetté sur un tapis, & là laissé quelque temps exposé aux mocqueries des courtisans, qui l'appelloient le beau Roy de Paris: Nom que le Roy luy avoit donné. Estant en son Cabinet, demanda s'ils l'avoient fait sortir, & donna un coup de pied au visage de ce pauvre mort, ainsi que le Duc de Guise en avoit donné au feu Admiral de Chastillon. Chose veritable & remarquable. Le Roy l'ayant un peu contemplé, dit, Mon Dieu, qu'il est grand ! il paroist un corps plus grand mort, que vif.

Le vingt-quatrième, la mort du Cardinal de Guise.

Le soir de ce jour, les corps du Duc & Cardinal de Guise furent mis en pieces par le commandement du Roy, en une salle basse du Chasteau, puis bruslez & mis en cendres, lesquelles après furent jettées au vent ; afin qu'il n'en restast ni relique ni memoire.

1589. Janvier. Le Premier jour de l'an, Lincestre après le sermon qu'il fit à saint Barthelemy, exigea de tous les assistans le serment (en leur faisant lever la main pour signe de consentement) d'y employer jusques au dernier denier de leur bourse, & jusques à la dernière goutte de leur sang, pour venger la mort des Princes Lorrains Catholiques, assavoir le Duc de Guise & le Cardinal son frere, massacrez dans le Chasteau de Blois, à la face des Estats, & du premier President de Harlay, qui

qui assis à l'œuvre devant luy avoit ouï sa predication ; exigea serment particulier, de luy dis-je, qui avoit accoustumé le recevoir des autres, l'interpellant par deux diverses fois, en ces mots, Levez la main, Monsieur le President, levez-la bien haut, s'ils vous plaist, afin que tout le monde le voye. Ce qu'il fut contraint de faire, non sans scandale & danger du peuple, auquel on avoit fait entendre que le dit President avoit sceu & consenty la mort de ces deux Princes Lorrains, que Paris adoroit comme ses Dieux tutelaires.

Le deuxième, le peuple continuant les furies & insolences, auxquelles les animoient leurs Curez & Predicateurs, abatit & demolit les sepulchres & figures de marbre que le Roy avoit fait eriger auprez du grand Autel à l'Eglise saint Paul à Paris, de deffunt saint Maigrin, Quelus & Maugiron ses mignons, disans qu'il n'appartenoit pas à ces meschans, morts en reniant Dieu, sangsuës du peuple & mignons du tyran, d'avoir si braves monumens & si superbes en l'Eglise de Dieu, & que leurs corps n'estoient dignes d'autre monument que d'un gibet.

Le septième, arriverent les nouvelles de la mort de la Royne Mere du Roy, decédée au Chasteau de Blois, le Lundy precedent cinquieme de ce mois. Elle estoit aagée de soixante & un an, & portoit bien l'aage pour une femme pleine & grasse comme elle estoit : elle mangeoit bien & se nourrissoit bien, & n'apprehendoit pas fort les affaires, combien que depuis trente ans que son mary estoit mort, elle en eust eu d'aussi grandes & importantes qu'onques-

queseut Royné du monde : elle mourut endettée de quatre cens mille escus, estant prodigue & par-de-là la liberalité, plus que Prince ni Princesse de la Chrestienté; ce qu'elle tenoit de ceux de sa maison.

Ceux qui l'approcherent de près en sa maladie, eurent opinion que le desplaisir qu'elle avoit pris de ce que son fils avoit fait, luy avoit avancé ses jours, non pour l'amitié qu'elle portast aux deux Princes occis, lesquels elle aimoit à la Florentine, c'est à dire pour s'en servir, mais pource que par-là elle voyoit le Roy de Navarre son gendre estably, qui estoit tout ce qu'elle craignoit plus au monde, comme celle qui avoit juré sa ruine par quelque moyen que ce fust. Toutefois le peuple de Paris eut opinion qu'elle avoit donné consentement & occasion à la mort des deux Princes Lorrains, & disoient les Guisards, que si on apportoit le corps à Paris pour l'aller enterrer à saint Denis au sepulchre magnifique, que de son vivant elle avoit basti à elle & au feu Roy Henry son mary; qu'ils le traineroient à la voyrie ou le jetteroient dans la riviere. Voilà pour le regard de Paris. Pour le regard de Blois, où elle estoit adorée & reverée comme la Junon de la Cour, elle n'eust plustost rendu le dernier soupir, qu'on n'en fit non plus d'estat que d'une chevre morte. Quant au particulier de sa mort, le desespoir & la violence y ont esté remarquez, comme en une fin tres-miserable, conforme à sa vie.

Le Dimanche huitième, le petit Feuillan en son sermon faisant une apostrophe au feu Duc

Duc de Guise, dit ces mots, en se retournant vers Madame de Nemours sa mere, qui estoit vis à vis de luy : O saint & glorieux martyr de Dieu, benit est le ventre qui t'a porté & les mammelles qui t'ont allaité.

Le Lundy seizième Janvier, Maistre Jean le Clerc nagueres Procureur en la Cour de Parlement, lors Capitaine de son quartier & Gouverneur de la Bastille de Paris, accompagné de vingt-cinq ou trente coquins, tous comme luy, armez de leurs cuirasses, ayans le pistolet à la main, dit haut & clair, Vous tels & tels qu'il nomme, suivez moy, venez en l'hostel de la Ville, où lon a quelque chose à vous dire. Et au premier President & autres, qui luy voulurent demander de par qui & en quelle puissance il vouloit faire cet exploit, il respondit qu'ils se hastassent seulement & se contentassent d'aller avec luy, & que s'ils le contraignoient d'user de sa puissance, quelqu'un d'eux s'en pourroit mal trouver. Lors le premier President, le President Potier & le President de Thou s'acheminèrent pour le suivre, & après eux marchaient volontairement, jusques au nombre de cinquante ou soixante Conseillers de toutes les chambres de Parlement, mesmes des Requestes du Palais; & plusieurs qui ne se trouverent point sur le billet du Clerc, ne laisserent de marcher & accompagner les autres, disans qu'ils ne pouvoient moins faire que de suivre leurs Capitaines.

Marchant le premier, il les mena sur les dix heures du matin par le pont au change, comme en monte & triomphe, jusques en la place

ce de Greve, où se voulans arrester pour entrer en l'hostel de Ville, suivant la proposition de maistre Jean le Clerc, en furent empeschez, & contrainsts par luy de passer outre, & menez en la Bastille Saint Antoine, tout au travers des ruës pleines de peuple, qui espendu par icelles les armes au poing & les boutiques fermées pour les veoir, les lardoient de mille brocards & vilenies. Il alla encores prendre quelques-uns ce jour-là en leurs maisons, qui ne s'estoient pas trouvez en la Cour, & mesmes de la Cour des Aydes, Chambre des Comptes & autres Compagnies, dont il y en eut quelques-uns ferrez en la Conciergerie & aux autres prisons de la ville : mais les uns furent eslargis dès l'apresdinée ; les autres, les deux ou trois jours ensuivans, pource qu'ils ne se trouvoient sur la liste du Clerc, & qu'ils estoient estimez bons Catholiques : & à la verité la face de Paris estoit miserable, car l'on eust veu un Clerc, un Louschard, un Senault & un Morliere, un Olivier & autres, qui avec main armée fourrageoient les meilleures maisons de la ville, principalement où ils sçavoient qu'il y avoit des escus, & ce sous un masque digne de voleurs, pource qu'ils estoient (disoient-ils) Royaux, & pourtant de bonne prise : mais par dessus tous les autres avoit Monsieur Buffi le Clerc, ainsi se faisoit-il appeller, grande puissance : car encores que par la ville, ou par le conseil, quelques-uns de ces prisonniers eussent ordonnance de sortir, ne sortoient point toutefois, que quand il plaisoit à Monsieur de Buffi, auquel outre les trois, quatre, & cinq escus qu'il exigeoit de chaque

reste

teste pour sa journaliere despence, il falloit encore faire quelques presens de perles, ou de chaines d'or à Madame, de vaisselle d'argent, de deniers contans à Monsieur, avant qu'en pouvoir sortir.

Le Mardy dix-septième, on plaide à la grand-Chambre à huis ouverts, nonobstant l'emprisonnement des plus saines & meilleures parties de la Cour & fut tenuë l'audience par le President Brisson, qui combien qu'il fust des plus suspects par quelque promesse aux seize, qui disoient tout haut qu'il leur avoit promis d'estre homme de bien, se garantit & sauva des prisons, & demeura tous-jours depuis en la Cour, exerçant de fait l'Estat de premier President.

Le Samedy vint-unième, furent nommez par la Cour Monsieur Molé Conseiller en icelle, pour exercer l'Estat de Procureur General, lequel il accepta enfin à son grand regret, estant vaincu de la voix & multitude de ce peuple eschauffé qui crioit, Molé, Molé, & aussi d'une vive apprehension de la mort, ou, pour le meilleur marché, d'une prison, venant de sortir d'une Bastille, où il s'asseuroit bien d'y rentrer au cas qu'il le refusât. Furent aussi nommez & esleus pour Advocats du Roy, Maistre Jean le Maistre & Louis d'Orleans Advocats en Parlement: le matin du dit jour, les Commissaires Louchart & Esmonnet avoient esté chez Monsieur Molé, le prier d'en rapporter luy-mesme la requeste, & le consolans sur sa prison, luy dirent que c'estoient des probations que nostre Seigneur envoyoit souvent aux siens.

Ce

Ce jour, Messire Barnabé Briffon premier President de la Ligue, craignant une catastrophe de tragedie à la ruine de luy & de sa maison, pour estre forcé en son ame à faire & passer tous les jours choses iniques & injustes contre le service du Roy, desirant qu'à l'advenir il ne luy en fust rien imputé, comme ayant tousjours esté bon serviteur du Roy, & qu'on conneust, que ce qu'il faisoit au contraire estoit contre son gré & volonté, y estant induit par la terreur des armes & la violence d'un peuple mutiné, qui le tenoit prisonnier sans pouvoir sortir, & aussi pour garantir sa vie & celle des siens de leur fureur, fit la protestation suivante, qu'il escrivit & signa de sa main, & la fit reconnoistre le lendemain pardevant deux Notaires en forme disposition & ordonnance de derniere volonté, de laquelle la teneur s'ensuit, extraite fidellement de mot à mot de l'original.

Je sous-signé declare, qu'ayant consulté & tenté tous les moyens à moy possibles pour sortir de ceste ville, afin de m'exempter de faire ou dire chose qui peût offencer mon Roy & souverain Seigneur, lequel je veux servir, obeir, respecter & reconnoistre toute ma vie, & perseverer en la fidelité que je luy dois, detestant toute rebellion contre luy, il m'a esté impossible de me pouvoir retirer & sauver pour estre mes pas observés de toutes personnes, guettez, gardés, & que plusieurs qui en habit desguisé ont tasché de sortir, ont esté surpris & emprisonnez, & d'ailleurs on a emprisonné le General le Comte, mon gendre, saisi sa maison, & desnié l'entrée d'icelle à ma
fille,

filles, qui a esté contrainte de se refugier chez ses amis, à raison de quoy estant contrainct de demeurer en ceste ville & adherer és deliberations ausquelles le peuple nous force d'entrer, je proteste devant Dieu que tout ce que j'ay fait, dit & deliberé en la Cour de Parlement, & ce que je feray, diray & delibereray, jugeray & signeray cy-aprés, a esté & sera contre mon gré & volonté & par force & contrainte, y estant violenté par la terreur des armes & licence populaire qui regne à present en ceste ville, & aussi par le Conseil des gens de bien & d'honneur, bons & fidelles serveurs du Roy, exposez à mesmes perils & injures, qui me conseillent & exhortent de temporiser & m'accommoder aux desirs & vouldoirs d'un peuple, quoy qu'ils soient injustes & defraisonnables, & contre le devoir de sujets, & ce tant pour sauver ma vie & à ma femme & enfans, qui seroient en peril & danger indubitable & nos biens en proye, que pour tascher avec le temps, à profiter quelque chose pour la reconciliation & reduction du dit peuple avec le Roy, quand l'occasion se pourra presenter d'en parler, dont à present on n'oseroit ouvrir la bouche, à peine de hazarder sa vie : & afin qu'à l'advenir ma demeure & residence en ceste ville & mes actions & deportements ne me soient imputez à blasme, dont j'appelle Dieu à tesmoin, qui connoist l'interieur de mon cœur, & la candeur, pureté & sincerité de ma conscience, j'ay escrit & signé la presente protestation en continuant la precedente, ja par moy faite, voulant que la presente serve une fois pour toutes, pour tout le temps futur.

futur. Fait à Paris ce vingt-unième Jan-
mil cinq cens quatre-vingt-neuf, signé B

Aujourd'huy Messire Barnabé Brisson
de Gravelle Conseiller du Roy & Presi-
en sa Cour de Parlement a reconnu & de-
avoir escrit & signé de sa main, la disposi-
& ordonnance de derniere volonté cy-
& de l'autre part contenuë, qu'il veut &
tend sortir son plein & entier effet, sel-
forme & teneur, dont il a requis le pr-
acte à luy delivré. Ce fut fait après midy
maison du dit sieur President, l'an mil
cens quatre-vingts & neuf, le vingt-deux
jour de Janvier, & a signé Brisson, signé
Lussion & le Noir.

Le Jeudy vingt-fixième, le Heraut
nommé Auvergne envoyé de la part du R-
arriva à Paris, portant au Duc d'Au-
(qui s'en disoit Gouverneur) mandement
vuider, & interdiction à la Cour de Parlem-
à la Chambre des Comptes, à la Cour des
des, au Prevost de Paris & à tous les autres
ficiers & Juges Royaux de plus exercer a-
ne jurisdiction : il ne fut ouï, ni son
quet veu, ains emprisonné, en danger d'e-
pendu & estranglé, finalement r'envoyé
responce avec injure & contumeli : Tant
toient les Parisiens animez contre leur R-
duquel le nom estoit si odieux entre le peu-
que, qui l'eust proferé seulement, estoit
grand danger de sa vie.

Furent faites à Paris force images de
qu'ils tenoient sur l'Autel, & les picquo-
à chacune des quarante Messes, qu'ils
soient dire durant les quarante heures
pluſie

plusieurs paroices de Paris, & à la quarantième picquoient l'image à l'endroit du cœur, disans à chaque picqueure quelque parole de Magie, pour essayer à faire mourir le Roy.

Aux processions pareillement, & pour le mesme effet, ils portoient certains cierges magiques qu'ils appelloient par mocquerie cierges benits, qu'ils faisoient esteindre au lieu où ils alloient, renversans la lumiere contre bas, disans je ne sçay quelles paroles, que des forciers leurs avoient aprises.

En ce mesme tems, la Sorbonne & faculté de Theologie comme trompettes de la sedition, declarerent & publierent à Paris, tout le peuple de ce Royaume; absous du serment de fidelité & obeïssance, qu'ils avoient jurez à Henry de Valois, nagueres leur Roy, rayèrent son nom des prieres de l'Eglise, firent entendre au peuple qu'en saine conscience, ils pouvoient s'unir, s'armer & contribuer deniers pour luy faire la guerre, comme à un tyran execrable, qui avoit violé la foy publique, au notoire prejudice & contemnement de leur sainte foy Catholique, Apostolique & Romaine, & de l'assemblée des Estats du Royaume.

Le Chevalier d'Aumale, faisoit ces jours grandes processions nocturnes, qui se faisoient à Paris, s'y trouvoit ordinairement, & mesmes aux grandes ruës & aux Eglises jettoit au travers d'une sarbatane des dragées musquées aux Damoiselles qu'il connoissoit, & après rechauffées & refectionnées par les collations qu'il leur apprestoit, tantost sur le pont aux changes, autres fois sur le pont nostre

tre Dame, & ailleurs, & y en avoit de couvertes seulement d'une fine toile avec un point coupé à la gorge. [La Sainte Beuve qu'il entretenoit] se laissant mener par dessous les bras à travers des Eglises, au grand scandale de plusieurs.

Le Mercredi jour des cendres, Lincestre dit en son sermon, qu'il ne leur prescheroit point l'Evangile ce Carefme, pource qu'elle estoit commune, & que chacun la sçavoit : mais qu'il leur prescheroit la vie, gestes, & faits abominables de ce perfide tyran Henry de Valois, contre lequel il desgorgea une infinité de vilénies & injures, disant qu'il invoquoit les diables ; Et pour le faire ainsi croire à ce sot peuple, tiroit de sa manche un des chandeliers du Roy, que les seize avoient de robé aux Capucins, auquel il y avoit des satyres engravez, comme il y en a en beaucoup de chandeliers, lesquels il affirmoit estre les demons du Roy, que ce miserable tyran (disoit-il au peuple) adoroit pour ses Dieux, & s'en servoit en ses incantations.

Mars. Le Lundy trezième le Duc de Mayenne fit le serment à la Cour de Lieutenant General de l'Estat Royal & Couronne de France, laquelle qualité ridicule luy ayant esté deferée par seize faquins, luy fut confirmée par ce Parlement imaginaire, le vray Parlement captif en diverses prisons de la Ville ; & est à remarquer que par ces letters de Lieutenant General, octroyées au Duc de Mayenne, il fut ordonné, qu'il y auroit deux nouveaux sceaux aux armes de France, differens en grandeur : le grand pour le Conseil, & le petit pour les Parlemens

Parlement & Chancelleries, desqueſ l'inſcription ſeroit le ſcel du Royaume de France.

Un Sire de Paris, fit peindre en ce temps le Duc de Mayenne avec une Couronne Imperiale ſur la teſte.

Le vendredy vingt-troiſième, le Roy fit faire un Edit, par lequel il transporta en la ville de Tours l'exercice de la Juſtice, qui ſe ſouloit rendre en la Cour de Parlement de Paris, & là fut fait Advocat du Roy Maître Louïs Servin, par demiſſion de Maître Jacques Faye, que le Roy honora de l'Eſtat de Preſident en la Cour.

Linceſtre, le Vendredy Saint, dit à un des premiers de l'Union, qui faiſoit ſcrupule de faire ſes Paſques pour la vengeance, qu'il avoit empreinte dans le cœur contre Henry de Valois, qu'il s'arreſtoit en beau chemin, & qu'il faiſoit conſcience de rien, attendu qu'eux tous, & luy-meſme le premier, qui conſacroit chacun jour en la Meſſe le corps de Noſtre Seigneur, n'eult fait conſcience de le tuer, ores qu'il eult eſté à l'Autel tenant en main le precieus corps Dieu.

Avril. Accord & entreveuë du Roy avec le Roy de Navarre à Tours, qui fut faite avec une grande lieſſe & joye de part & d'autre: & le Roy de Navarre ſe retirant le ſoir, dit ces mots: Je mourray content dès aujourd'hui de quelque mort que ce ſoit, puis que Dieu m'a fait la grace de voir la face de mon Roy: & au paſſage de la riviere, dit à un des ſiens qui luy vouloit mettre quelque ombrage à ce qu'il alloit faire, Dieu me dit que je paſſe & que je voiſe, il n'eſt en la puiſſance de

l'homme de m'en garder, car Dieu me guide & passe avec moy; je suis assuré de cela, & si me fera voir mon Roy avec contentement, & trouveray grace devant luy: comme il advint.

En ce temps, le Roy ayant receu nouvelle que le Pape le vouloit excommunier, & en ayant eu advis de Rome, assembla son Conseil & y proposa tous moyens possibles & faisables pour rompre ce coup, & divertir l'orage qui le menaçoit, disant, que qui voudroit se mocqueroit de ses foudres, mais quant à luy qu'il les avoit tousjours craints & craignoit plus qu'il ne faisoit toutes les forces & canons de la Ligue.

Le Roy ne voulut poursuivre davantage le Duc de Mayenne, après avoir fait une échauffourée dans un des fauxbourgs de Tours, ni que le Roy de Navarre y allast, disant, qu'il n'estoit raisonnable de hazarder un double Henry contre un Carolus.

Après la prise de ce fauxbourg, le Duc d'Aumale fit plusieurs cruautés & voleries, & plusieurs femmes & filles furent forcées: après se transporterent à l'Eglise, où couperent la corde qui tenoit le Ciboire, pensans qu'il fust d'argent: mais le trouvant de cuivre, le jetterent par terre, & ayant trouvé deux Calices, l'un d'estain & l'autre d'argent, laisserent celui d'estain, pource qu'ils disoient qu'il estoit de la Ligue, & prirent celui d'argent qui estoit Heretique & royal, & pourtant de bonne prise. Le Chevalier d'Aumale eut pour butin une fille de Tours aagée de douze ans, qu'il força dans un grenier le poignard sous la gorge: & le Duc de Mayenne eut

eut le corps mort, selon les memoires de l'Union, de saint Mallin, qu'on disoit avoir donné le premier coup de poignard au feu Duc de Guise son frere, à l'occasion dequoy par Arrest de son grand Prevost, il eut le poing & la teste coupée & pendu par les pieds, & pour servir de tesmoignage de sa trahison un escriteau attaché au dessus, contenant, que pour la punition exemplaire de sa damnable execution, la teste seroit portée a Montfaucon, attendant qu'elle fust accompagnée de celle de Henry de Valois, auteur de si lasche trahison. Ce sont les propres mots, extraits du livre imprimé à Paris par Nivelles Thierry, intitulé, discours ample & veritable de la défaite obtenüe au Fauxbourg de Tours sur les troupes de Henry de Valois.

Et est à noter, que lors que les Escharpes blanches parurent en l'Isle, pour le secours du Roy, le Duc de Mayenne & ses troupes leur commencerent à crier, retirez-vous, escharpes blanches; retirez-vous, Chastillon, ce n'est pas à vous à qui nous en voulons, c'est aux meurtriers de vostre Pere: voulant par-là donner à entendre, qu'ils n'en vouloient qu'au Roy, & non pas aux Huguenots, & que la vengeance & l'attentat à la Couronne estoit le vray sujet de leurs armes: mais Chastillon entre autres leur respondit, qu'ils estoient tous des traitres à leur patrie, & qu'ou il y alloit du service de son Prince & de l'Estat, qu'il mettoit sous le pied toute vengeance & interest particulier, ce qu'il prononça si haut, que sa Majesté mesme l'entendit, qui l'en loua & l'en ayma.

Le Mardy vingtieme, fut faite à Paris une solennelle procession, en laquelle furent portés par les Evesques, les corps de saint Denis, de saint Rustic, & de saint Eleuthere, & la Chasse saint Louis; son chef, & le corps de saint Denis furent portez par des Conseillers de la cour de Parlement, vestus de leurs robes rouges.

Fun. En ce mois, deux honnestes Dames de Paris de la Religion, lesquelles pour faire ouverte profession, & n'avoir obeï aux Edits du Roy, estoient depuis les barricades toujours demeurées cachées, qui çà & là tantost en un endroit, tantost en l'autre, ayans esté finalement descouvertes, tomberent entre les mains du peuple, qui sans autre forme ny figure de procez, les voulurent saccager & traïner en la riviere, estants conneuës de tout le monde pour Huguenotes, qui n'alloient point à la Messe: d'elles furent recouvrées & garanties miraculeusement par Lincestre, un des Docteurs & rans gages de Madame de Montpensier pour mesdire du Roy & des plus seditieux & dans les Predicateurs de Paris, qui ne preschoient que le sang & le meurtre, principalement contre telles gens, au logis duquel à ceste occasion ces deux Dames furent trainées. Ceste populace furieuse, afin d'avoir plus de couverture de les faire mourir, après avoir parlé à ce Docteur, qu'ils croyoient leur voir servir de guide & port'enseigne à l'execution qu'ils se preparoient d'en faire, comme aussi ces deux bonnes Dames ne s'attendoient à gueres mieux, attendu la renommée qu'

qualité du personnage , & le temps & la Religion dont elles faisoient profession : & toutefois comme si de Loup en un instant cest homme eust esté transformé en Agneau , & devenu tout un autre homme , elles trouverent en luy tant de douceur & d'humanité , qu'après avoir conféré amiablement avec elles , remonstré & disputé sur les points de leur Religion , les ayant trouvées fermes & resoluës d'y persister , & mesme ayant trouvé à une des dites Dames une Meditation de Th. de Beze sur le Pseaume 80, après la luy avoir renduë non seulement les conduisit luy-mesme en lieu de seureté, les tirant des mains de ceste populace enragée, à laquelle il fit accroire qu'elles estoient toutes reduittes & converties à retourner à la Messe , encores qu'elles n'en eussent rien promis ; mais aussi leur donna moyen d'evader & sortir de la ville , & leur ayda en ce qu'il put , Dieu les retirant du gouffre de la mort , par les mains de cét homme , leur capital ennemy ; & se servant de luy en cét œuvre pour les conserver & mettre en liberté. Ce qui seroit mal-aisé à croire s'il n'avoit esté tesmoigné par la bouche de ces honnestes Dames, lesquelles avec exaltation & loüanges à Dieu le conterent à une honneste Damoiselle de mes amies, de laquelle je l'ay appris.

Le Roy estant à Estampes receut les nouvelles de son excommunication , qui le facherent fort , & le dit au Roy de Navarre son beau frere , qui luy respondit , qu'il n'y avoit qu'un remede en cela , qui estoit de vaincre : car il seroit incontinent absous, qu'il n'en dou-

tast point : mais s'ils estoient vaincus & tus, qu'ils demeureroient excommuniez, re aggravez & raggravez plus que jamais.

Ce jour les Cordeliers osterent la teste representation de la figure du Roy, qui estoit peint à genoux priant Dieu aupres de la Reine sa femme, au dessus du Maistre Autel de l'Eglise; & aux Jacobins estant peint de la même façon en leurs cloistres, ils barbouillerent luy chauffourent tout le visage: Belle occupation & amusement de gens qui n'ont rien à faire, & ouvrage, disoit-on, de moines.

Mort du Roy Henry III. Au mesme lieu au logis mesme, à l'heure mesme, le Roy venant de la garde-robe, comme il faisoit quand il fut tué, le massacre de la Saint thelemy avoit esté conclu : le pauvre Roy qu'on appelloit, Monsieur, alors present au Conseil le premier jour d'Aoust 1572, dans la mesme chambre, à la mesme heure, estoit huit heures du matin, le desjeuner estoit de trois broches de perdreaux attentez aux conspirateurs de cette maudite action.

Aoust. Le corps mort du Jacobin fut traîné sur quatre chevaux, & mis en quatre quartiers puis bruslé en la place, qui est devant l'Eglise du dit Bourg saint Cloud, par le commandement de Henry de Bourbon quatrième du nom, Roy de France & de Navarre; duquel le regne commença ce Mercredi deux d'Aoust mil cinq cens quatre-vingts neuf & prit fin celuy des Valois, qui avoient régné en France depuis l'an mil cinq cens quarante par la mort de Henry III, Roy de France & de Pologne, dernier de la dite race des Valois.

CERTIFICAT

de plusieurs Seigneurs de qualité, qui assistèrent le Roy, depuis qu'il fut blessé jusques à sa mort.

Nous soussignez, après avoir considéré qu'il est tres-veritable que Dieu est seul scrutateur des cœurs, & qu'il connoist l'interieur d'iceux, s'estant reservé cela comme chose à luy propre & particuliere, & qu'au contraire les hommes jugent par l'apparence du bien ou du mal d'autrui. A ceste occasion avons bien voulu faire la presente attestation, & si besoin estoit la signer de nostre propre sang, à vous Monsieur l'Illustrissime & Reverendissime Cardinal de Gondy, comme Evêque & Pasteur de ce Diocèse, & à tous autres à qui il appartiendra, sur le decez & trespas de Tres-haut, Tres-puissant, Tres-Magnanime & Tres-Chrestien Prince Henry III. Roy de France & de Pologne, qui passa en une meilleure vie, ce jour d'hier en son camp de S. Cloud, au tres-grand regret de tous ses bons, fideles & affectionnez sujets, d'une blessure par luy receüe avec toute la felonnie & acte plus que barbare & si detestable, qu'à peine la posterité le pourra croire, attendu la profession du malfacteur, & la bonté & pieté de sa Majesté envers ceux de son Ordre. Laissons doncques à d'autres personnes pour attester comme durant le temps de sa vie il a employé les meilleures heures aux exercices de la Religion Ca-

tholique, Apostolique & Romaine, pour servir d'exemple & miroir à ses successeurs, n'y suffira de représenter les divers actes de sa vie, à commencer de l'heure de sa blessure, fut sur les sept à huit heures du jour de Mars premier de ce mois, estant en sa chambre jusques à l'instant de son trépas. Comme se sentit blessé il se recommanda tout aussitôt à Dieu, comme au souverain medecin. Après le premier appareil, il auroit en nos presences demandé à son premier Chirurgien quel jugement il faisoit de sa playe, & que luy commandoit de ne luy celer le mal, afin qu'il ne fust prevenu de la mort, sans avoir recours aux remedes de l'ame, qui sont les sacremens de l'Eglise Catholique, Apostolique & Romaine, à sçavoir, la Sainte Confession, le Sacrement de Penitence, la Sainte Communion du Corps & Sang de Jesus-Christ & l'Extrême-Onction : qui luy auroit respondue avec le jugement des autres Chirurgiens ses Confreres, qu'on ne connoissoit pas qu'il fust en danger, & qu'ils esperoient avec l'aide de Dieu, que dans dix jours au plus tard il monteroit à cheval. Ce qui donna à sa Majesté une grande assurance. Quelque temps après ayant demandé son Chapelain pour ouïr la Sainte Messe, il auroit esté dressé un Autel à vis de son lit dans sa chambre, laquelle il auroit ouïe avec toute l'attention & de tout qu'on sçauroit desirer : & au temps de la consecration du Saint Sacrement & precieux Corps & Sang de Jesus-Christ, ayant sa Majesté les larmes à l'œil, auroit à haute voix proferé les paroles : Seigneur Dieu, si tu connois

ma vie soit utile & profitable à mon peuple & à mon Estat, que tu m'as mis en charge, conserve moy, & me prolonge mes jours : sinon, Mon Dieu, pren mon corps & sauve mon ame, & la mets en ton Paradis, ta volonté soit faite : y adjoustant ces beaux mots, que l'Eglise chante à telle action, *O salutaris hostia, &c.* Et la Messe finie, il prit quelque rafraichissement pour pouvoir reposer, & tout le reste du jour il ne parla que de Dieu, & combien il estimoit heureux ceux qui mourroient en sa grace, & qu'il desiroit sur tout de s'y disposer pour estre plus assuré, encores qu'il n'y n'avoit que dix jours qu'il avoit receu son Createur, qui fut le jour de Dimanche vingtième du mois dernier, estant en son Camp de Pontoise. Il est venu à nostre connoissance comme son Confesseur signa avec nous, que luy ayant dit, que le bruit estoit que nostre Saint Pere le Pape avoit envoyé une monition contre sa Majesté, sur ce qui s'estoit passé dernièrement aux Estats à Blois : toutefois qu'il ne sçavoit pas les clauses de la dite monition, mais qu'il ne pouvoit, sans manquer à son devoir, faillir de l'exhorter de satisfaire à ce que sa Sainteté demandoit de luy, & qu'autrement il ne luy pouvoit donner l'absolution des fautes qu'il venoit de luy confesser : A quoy il auroit respondu, qu'il estoit premier fils de l'Eglise Catholique. Apostolique & Romaine, & qu'il vouloit vivre & mourir tel, & qu'il contenteroit sa Sainteté en ce qu'elle desiroit de luy. Quoy oyant le Confesseur, il luy en donna absolution, suivant le pouvoir qu'il en avoit. Sur le soir du mesme jour du Mar-

dy, sa Majesté commença à sentir quelques douleurs & grandes tranchées pour avoir esté blessé au petit ventre, lesquelles douleurs s'accrourent sur les onze heures, & se sentant foible envoya querir son-dit Chapelain pour l'ouyr en confession, & esperant que les douleurs s'appaiseroient par les remedes que l'on appliqueroit, il desiroit se confesser. Sur les deux heures après minuit son mal rengregea si fort, que luy-mesme commanda au dit Chapelain d'aller prendre le precieux corps de Jesus-Christ; afin qu'estant confessé, je le puisse adorer & recevoir pour viatique; car je juge que l'heure est venue que Dieu veut faire sa volonté de moy, qui fut cause que nous tous presens, commençâmes à luy donner courage, & de vouloir prendre la mort en patience, qu'il reconneust que Dieu luy pardonneroit ses pechez, pour le merite de la mort & passion de Jesus-Christ son fils. Ce qu'il confessa fort librement & fort asseurement. Un autre d'entre nous luy dit: Sire, Montrez nous à ce coup que vous estes vray Catholique, & reconnoissez la puissance de Dieu, & montrez nous, que les actes de pieté & de Religion qui ont esté faits par vous, que vous les avez faits franchement & sans contrainte, parce que vous y avés tousjours creu. Ouy, dit-il, Je veux mourir en la Religion Catholique, Apostolique & Romaine: Mon Dieu, ayez pitié de moy, & me pardonnez mes pechez, disant, *In manus tuas, &c.* & ce Pseaume; *Miserere mei deus, &c.* Lequel il ne put tout achever, pour estre interrompu de l'un de nous, qui luy dit, Sire, puisque desirez que
Dieu

Dieu vous pardonne, il faut premierement pardonner à vos ennemis; sur quoy il respondit, Ouy, Je leur pardonne de bien bon cœur; mais, Sire, luy fut-il dit, pardonnez-vous à ceux qui vous ont pourchassé vostre blessure? Je leur pardonne aussi, & prie Dieu leur vouloir pardonner leurs fautes, comme je desire qu'il pardonne les miennes. Du depuis il fit approcher son Chapelain, qui à la verité luy trouva la parole fort foible, & ne put faire la confession si longue qu'il eust bien désiré, lequel luy donna l'absolution, & ayant perdu la parole, bien tost apres, il rendit l'ame à Dieu, faisant par deux fois le signe de la croix, au regret de tous nous autres ses serviteurs. Et du depuis à la façon qu'on a accoustumé de faire prier Dieu pour les Roys, l'on y a procedé le mieux qu'il a esté possible; & ne luy avons pas pû rendre les honneurs derniers, que la grandeur de sa Majesté meritoit, pour la necessité du temps. Ce que nous certifions, & disons tout ce que dessus estre veritable, & l'avons signé de nos mains au Camp de Saint Cloud, le troisiéme jour d'Aoust, en l'année quatre-vints & neuf. Ainsi signé, Charles d'Orleans, grand Prieur de France. I. Louïs de la Valette, Duc d'Espernon, qui l'a assisté jusques au dernier soupir, & a ouï ce que dessus de ses oreilles. Biron pere l'ayant ouï & assuré par gens d'honneur. Rogier de Belle-garde, grand Escuyer de France, qui luy ay entendu dire de sa propre bouche tout ce qui est porté ci-dessus. François d'O, Gouverneur de Paris & Isle de France, qui luy ay assisté jusques à la fin, certifie luy avoir ouï

dire ce que dessus. De Chasteau-vieux, premier Capitaine des Gardes du corps de sa Majesté, qui luy ay assisté depuis qu'il a esté blessé, jusques à ce qu'il a rendu l'esprit, certifie luy avoir ouï dire ce que dessus. Charles de Balsac, Capitaine des Gardes du corps de sa Majesté, qui luy ay assisté depuis l'heure de sa blessure jusques à la fin, certifie luy avoir ouï dire ce que dessus. M: Lanon, Capitaine des Gardes du corps de sa Majesté, certifie ce que dessus estre veritable. Ruzé, premier Secrétaire d'Estat du feu Roy, certifie ce que dessus estre veritable. Charles du Plessis, premier Escuyer de sa Majesté, certifie ce que dessus estre veritable. Louis des Parades, Aumoisinier ordinaire du Roy, certifie ce que dessus estre veritable. Estienne Bollogne, Chapelain ordinaire du feu Roy en son cabinet, certifie ce que dessus estre veritable, & l'ay confessé.

*Collationné à l'original, par moy
Conseiller, Notaire & Secrétaire du Roy.*

Signé,

BEAUCLERC.

L E T-

L E T T R E

d'un des Premiers Officiers de la Cour de Parlement, écrite à un de ses amis sur le sujet de la mort du Roy.

MOnsieur, j'ay veu par vostre lettre le desir extrême qu'avez de sçavoir le triste & pitoyable discours de l'accident advenu au feu Roy nostre Maistre, & estimez qu'il n'y a personne qui le vous puisse faire entendre plus particulièrement, & plus au vray que moy, d'autant que le commandement de sa Majesté & mon extrême mal-heur m'en ont rendu partie. Et combien que mon ame refuse d'y entrer, & ait horreur de s'en souvenir; neantmoins pour le desir que j'ay de vous contenter, & aussi que j'estime estre nécessaire qu'un chacun sçache comme le tout s'est passé, afin de connoître la barbare cruauté des ennemis de la France, je vous diray (non sans larmes qui par plusieurs fois effaceront ce que j'escriray), Que le dernier de Juillet de ceste mal-heureuse année mil cinq cens quatre-vingt & neuf, retournant avec quelques-uns de mes amis de devers Paris au Bourg de Saint Cloud, où le Roy estoit logé, j'eus pour ma rencontre un Religieux Jacobin, de l'aage, comme il apparoissoit par l'inspection de sa personne, de vingt-sept à vingt-huit ans, qui estoit parmy deux soldats du Regiment de Comblanc, estimant qu'ils le tinssent prisonnier, & sçachant l'intention du Roy estre, que telles personnes de-

meurassent saines, fauves & libres, combien que pour la plus-part ce fussent les trompettes de ceste sanglante sedition, je leur demanday, s'il estoit leur prisonnier; leur response fut, que non, mais que c'estoit un Religieux, qui apportoit à sa Majesté lettres & nouvelles de quelques serviteurs qu'il avoit dans Paris, & qu'à ceste fin ils le conduisoient vers son quartier, & que m'ayant rencontré à popos ils me supplioient de luy mener. Ce que je fis, pensant que ce fût quelque advertissement qui pourroit servir aux affaires. Arrivé en mon logis, je l'interrogeai fort-particulierement de ce qui le menoit, & après plusieurs difficultez & refus, comme si c'eust esté chose qu'il ne pouvoit faire entendre qu'à sa Majesté, il me dit qu'il venoit de la part de Monsieur le premier President, pour dire à sa Maïesté, que luy & tous les serviteurs qu'elle avoit dans Paris, estoient merveilleusement affligez de ne pouvoir entendre aucunes nouvelles de son armée; combien qu'ils sceussent qu'elle fût fort près. Que ceux qui restoit dans la ville de ses serviteurs estoient fort-tourmentez, comme en ayant esté le jour precedent emprisonnez mil ou douze cens; Que tous ces rudes traitemens augmentoient bien leur douleur, mais ne diminuoient point leur vertu, & que le mesme consentement & la mesme volonté de la servir demeuroit en leurs cœurs, qu'ils estoient en tel nombre, qu'aisément ils pouvoient faire un bon service, & que partant le dit sieur premier President, qui encores qu'il fût prisonnier, ne laissoit pas de sçavoir leurs intentions, & le
moyen

moyen qu'ils avoient de servir, l'envoyoit vers sa Majesté, pour luy dire de sa part, qu'ils estoient prests de se saisir d'une porte, & luy donner entrée dans la ville : disoit davantage, avoir charge luy faire entendre quelque autre chose plus particuliere. Sur lequel propos j'insistay fort-long-temps, l'interrogeant plus avant sur la façon & sur les paroles du dit sieur President, s'il estoit seul ou en compagnie, lors qu'il luy tint les dits propos ; il me dit que de Rivault Abbé de Lagny estoit avec luy, par quelle façon & par quel moyen il entroit dans la Bastille, que c'estoit faisant semblant d'aller voir un Conseiller de la Cour, qui y estoit prisonnier nommé Portail, fils de Portail Chirurgien du Roy, avec lequel il avoit familiarité & habitude, recevant de luy & de sa mere plusieurs biens & commoditez, & qu'il alloit souvent en la dite Bastille. Je luy demanday s'il avoit lettre du dit sieur premier President ou quelque autre signe ou marque, lequel monstrant, il pouvoit estre creu. Sur quoy, il me monstra un petit billet escrit en lettre Italienne, qu'il disoit estre de la main du sieur President ; & de fait il en approchoit bien fort, comme la lettre Italienne est fort aisée à imiter & contrefaire, & contenoit à peu près ces paroles : Sire, ce present porteur vous fera entendre l'estat de vos serviteurs, & la façon de laquelle ils sont traitez, qui ne leur oste neantmoins la volonté & le moyen de vous faire tres-humble service, & sont en plus grand nombre que vostre Majesté peut-estre n'estime. Il se presente une belle
occa-

occasion, sur la quelle il vous plaira faire entendre vostre volonté, suppliant tres-humblement vostre Majesté croire ce present porteur en tout ce qu'il dira. Après ces paroles il y avoit une croix enfermée dans un O. Ayant leû ce billet, & luy ayant demande quel moyen il avoit tenu à sortir de Paris, il respondit, qu'il avoit fait entendre qu'il s'en alloit à Orleans, & que sous ce pretexte il avoit demandé un passe-port au Comte de Brienne, prisonnier au Louvre, lequel à l'instant il m'exhiba: Ce discours fut fort long entre nous deux, taschant par tous moyens à descouvrir quel il estoit, me doutant que ce fust quelque espion, sans neantmoins jamais penser qu'il couvast en son ame une si desesperée & enorme trahison: Mesme je luy dis, que peut-estre il estoit suscité de la part des ennemis, pour sous ces belles paroles & promesses, nous faire donner en quelque embusche: mais je le trouvay ferme & resolu, en ce que premierement il m'avoit dit, & mesme respondant pertinemment sur mon doute, à sçavoir qu'après qu'il auroit fait entendre à ceux de Paris la volonté du Roy, il viendrait retrouver sa Majesté pour l'advertir du jour & heure, & qu'on le pourroit mettre entre les mains de qui elle adviseroit, jusques à ce que l'entreprise eut reüssi; pour respondre sur sa vie de la faute qu'il auroit commise, si aucune y en avoit de sa part. Lors ne pouvant tirer autre chose de luy, je le delaisay parmy les miens & m'en allay trouver le Roy, lequel n'estoit encores revenu de devers Paris, où il estoit allé. Je l'attends en un
logis

logis d'un de mes amis, prochain du sien, chez lequel ayant souppé, & sçachant sa Majesté estre de retour, je luy fis entendre tout ce que dessus; de quoy estant extrêmement aisé, pour le moyen qu'il se voyoit ouvert, sans plus grande ruïne de ses sujets, laquelle il deplorait, de tirer ses bons serviteurs qu'il avoit dans là ville, de la sanglante & cruelle tyrannie sous laquelle ils languissoient, me commanda de le luy amener le lendemain de bon matin sur les six à sept heures, nonobstant que je luy disse que s'il luy plaisoit, par son commandement, je luy demanderois s'il avoit quelque autre chose à luy faire entendre, outre ce qu'il m'avoit ja dit. Cependant (comme depuis j'ay appris) le méchant & miserable demeuré en mon logis souppa gayement avec les miens, taillant ses morceaux du funeste cousteau meuble ordinaire de tels oyseaux : mesme l'un d'eux luy disant, qu'il y en avoit de son Ordre fix qui avoient (à ce qu'on disoit) entrepris de tuer le Roy, luy froidement, sans changer de couleur, respondit qu'il y en avoit par tout & de bons & de mauvais. Le lendemain au matin, premier jour d'Aoust, jour à jamais lamentable pour la France, m'estant levé pour aller trouver sa Majesté suivant son commandement, je le fis esveiller ayant paisiblement dormy toute la nuit; & devant qu'entrer au logis du Roy, je le fis parler à Portail, auquel il donna des remarques fort particulieres de sa femme, de son fils, & de sa maison. Entré au logis & peu de temps après appelé par du Halde, qui fit pareille-
ment

ment entrer par le commandement du
ce mal-heureux , je le trouvaÿ assis sur
chaise tout debrailé, qui fut cause que j
fis arrester à la porte, & pris de luy les billes
passe-port , & les presentay à sa Majesté ,
les ayant leus, deceuë de la similitude de
lettre, estima que ce billet venoit du dit
premier President, lequel parce qu'il ne
toit que creance il fit approcher ce me
pour entendre de luy ce qu'il avoit à dire ;
quel approché, m'estant mis entre le Ro
luy, & de l'autre costé estant Monsieur
Grand Escuyer, qui lors estoit en la chamb
il luy dit, qu'il venoit de la part du dit
President, & des autres serviteurs que sa
jesté avoit dans Paris, pour luy dire ch
d'importance , & qui concernoient gran
ment son service, lesquelles il ne pouvoit
qu'à luy seul, sur quoy, je ne sçay par
instinct, ou si quelque esprit ayant la F
ce me pouvoit, je pris la parole, luy
sant qu'il eust à parler haut, & qu'il n'y a
dans la chambre autres que serviteurs
fidelles de sa Majesté. Ce que luy insistan
parler en secret, je repetay une autre fois
enfin m'adressant au Roy mesme, luy dis,
n'estoit besoin qu'il approchast de si près :
lors le mal-heur de la France estant trop
sant, le Roy suivant sa benignité & facilité
coustumée le fit passer du lieu où il estoit
place du dit sieur le Grand, & luy ten
l'oreille, nous deux reculez, nous fûmes
tout estonnez que nous le vismes s'escrier
disant hâ malheureux ! que t'avois-je fait
m'assassiner ainsi ? & se lever le sang luy

rant du ventre, duquel il tira le couteau, qui incontinent fut suivy des boyaux, & d'ice-luy frappa ce mal-heureux assassin sur le front, lequel se tenant ferme vis à vis de luy, j'eux crainte qu'il eust encore quelques armes & dessein d'offencer sa Majesté, qui me fit sacquer l'espée au poing, & luy baillant des gardes contre l'estomac, je le pouffay & jettay dans la ruelle. Sur ce bruit arrivent les ordinaires, desquels l'un tirant l'assassin de la ruelle où il estoit, incontinent fut tué par les autres: nonobstant que je leur criasse par plusieurs fois qu'ils n'eussent à le tuer; mais leur juste colere ne put permettre que mon advisement servist d'aucune chose. Vous pouvez juger, Monsieur, quel estoit ce pitreux & miserable spectacle, de voir d'un costé le Roy ensanglanté, tenant ses boyaux entre ses mains, de l'autre ses bons serviteurs qui arrivoyent à la file, pleurans, crians, se desconfortans extremement, remplissans l'air de regrets, & l'eschauffans de leurs ardans souspirs & gemissemens. Quant à moy, ce tres-grand & non preveu mal-heur me toucha de telle sorte, que la force m'abandonna, le sens se troubla, & mon ame estant ja sur le bord de mes levres, ne s'arrestoit que sur un seul point, qui estoit un desir merveilleux de la mort, que je priois un chacun me donner; & mon œil (fenestre de mon ame) devint pierre immobile, insensible, sans que pour lors les larmes en coulissent, le mal estant trop grand, trop fraichement & vivement empreint en icelle, pour se pouvoir repaistre de larmes, comme cest ancien Psammenitus

Roy

Roy d'Égypte , après la prise de luy, des siens , & de sa ville , estant par son cruel victorieux mis en un fauxbourg pour le combler d'injure & fâcherie, voyant sa fille avec les filles des autres Princes & Seigneurs d'Égypte, qui en habit d'esclave alloit tirer de l'eau, & son fils avec deux mil autres Gentils-hommes, les mains liées, la bouche bridée, tirans à la mort tous ceux qui estoient avec luy, pleurans & se lamentans, il ne jetta ni soupir ni larmes, ni ne fit autre signe de douleur , sinon qu'il baissoit le visage : mais lors qu'il vit un de ses familiers chargé d'ans & de pauvreté allant par le Camp demander l'aumosne, il se mit fort à pleurer & à se frapper la teste , & faire autres signes d'homme tres-affligé ; dequoy son ennemy estonné , & luy en ayant demandé la raison , il respondit, que les miseres & calamitez des siens estoient trop grandes pour estre plorées , celles de ses amis, comme luy touchans moins au cœur , estre dignes de larmes & pleurs. Tel estoit lors le mal que je sentoie : mais incontinent après ce premier estonnement & stupeur , les larmes en sont coulées en grand nombre ; larmes qui sont perpetuelles & desquelles au souvenir de mon mal-heur, ou plustost du mal-heur public , je laveray à jamais mon visage. Le Roy blessé s'estant mis sur son lit fut visité par ses Medecins & Chirurgiens , qui asseurerent qu'avec l'ayde de Dieu ils le gueriroient; ce qui diminua de beaucoup la douleur de toute l'armée , & nous donna à tous esperance que cest effort, puisqu'il n'avoit réussi , seroit le dernier de la rage ennemie.

L E
PROCEZ VERBAL
 D'UN NOMME'
NICOLAS POULAIN,

*Lieutenant de la Prevosté de l'Isle de France ,
 qui contient l'histoire de la Ligue , depuis
 le second Janvier 1585 , jusques au jour des
 Barricades , escheues le 12 May 1588.*

L'An 1585 le 2 jour de Janvier, furent a moy Nicolas Poulain Lieutenant de la Prevosté de l'Isle de France, natif de saint Denis en France, envoyez de la part du party de Messieurs de la Ligue de Paris : Maistre Jean le Clerc Procureur en la Cour de Parlement, & Georges Michelet, Sergent à verge au Chastelet de Paris, qui me connoissoient de vingt ans & plus, & avec lesquels j'avois ordinairement frequenté. Et après m'avoir parlé de plusieurs affaires, me firent entendre, qu'il se presentoit une belle occasion, qu'à si je voulois il y avoit moyen de gagner une bonne somme de deniers pour se mettre à son aise, avec la faveur de plusieurs grands Seigneurs & personnages de la ville de Paris: & d'ailleurs, qui avoient moyen de me faire avancer, pourveu que je leur fusse fidelle en ce qui me seroit donné par eux en charge, qui n'estoit sinon pour la conser-
 vation

vation de la foy Catholique, Apostolique
 Romaine. Ce que je leur juray & promi
 re. Et sur cette assurance il me fut do
 jour par le dit le Clerc le lendemain en son
 logis. Et le dit jour du lendemain 3 du dit m
 sur les 8 heures du matin, me serois trans
 té au logis du dit le Clerc, où estoient au
 des habitans de la dite ville, qui estoient
 party, & avec eux un Gentil-homme n
 mé le Seigneur de Mayneville, qui leur
 toit envoyé (comme ils disoient) par le
 de Guise, pour leur communiquer de l
 affaires & entreprises: en la presence du
 me fut dit par le dit le Clerc, que la Relig
 Catholique estoit perdue, si on n'y don
 ordre & prompt secours, pour empesche
 qui se preparoit pour la ruiner, & qu
 avoit plus de dix mil Huguenots au fauxbo
 saint Germain, qui vouloient coupe
 gorge aux Catholiques, pour faire avoi
 Couronne au Roy de Navarre, & qu'il
 avoit plusieurs tant au fauxbourg, que
 la ville, attirés, qui tenoient son party, m
 tié Huguenots, moitié Politiques: que
 sieurs du Conseil & de la Cour de Parlem
 favorisoient le Roy de Navarre, à qu
 estoit besoin de pourvoir: mais aussi
 estoit tres-necessaire que les bons Catholi
 prissent les armées secrettement, pour se
 dre les plus forts & empescher telles entre
 ses: qu'ils avoient de bons Princes & gr
 Seigneurs pour les soustenir, assavoir le
 de Guise, de Mayenne, d'Aumale, & t
 la maison de Lorraine, & qu'en leur fave
 Pape, Cardinaux, Evêques, Abbés, & to
 Cle

Clergé, joint avec Messieurs de la Sorbonne, les assisteroient, pour estre portez & soustenus par le Roy d'Espagne, le Prince de Parme, & le Duc de Savoye, qu'ils connoissoient qu'à la verité le Roy favorisoit le Roy de Navarre : & qu'à cest effet il luy avoit envoyé d'Espernon pour luy faire toucher par prest ou autrement, la somme de deux cent mil escus, pour faire sous-main la guerre aux Catholiques, mais qu'il y avoit déjà un bon nombre d'hommes secrettement pratiquez dans Paris, qui avoient tous juré de mourir plustost que de l'endurer : ce qui leur seroit facile, car ils n'avoient affaire qu'à rompre & ruiner les forces que le Roy avoit dans Paris, qui estoient foibles & en petit nombre, à sçavoir deux ou trois cent de ses Gardes, qu'on mettoit en garde au Louvre, le Prevost de l'Hostel & ses archers, & le Prevost Hardy, qui estoient toutes les forces dont le Roy se pouvoit ayder dans Paris. Et quant au Prevost Hardy qui estoit vieil ; ils sçavoient qu'il ne faisoit les executions des mandemens qui luy estoient donnez, & qu'il les renvoyoit à moy : & que si je voulois estre de leur party, auquel je pouvois beaucoup servir, je ne manquerois de moyens. Ce que je leur juray & promis. Eux aussi me jurerent que le premier d'entre-eux, fust-ce moy ou un autre, qui seroit mis prisonnier pour ceste querelle, qu'on employeroit la vie & les moyens pour le secourir, mesmes par les armes, si autrement faire ne se pouvoit, & qu'il ne falloit rien craindre : car à la premiere occasion le Duc de Guise seroit prest pour les secourir, qui avoit des forces levées.

levées secrettement en Champagne & die, jusques au nombre de quatre mil mes soudoyez par beaucoup de gens de ce qu'ils me firent confirmer par le Sie Mayneville, & remirent au lendemain me faire connoistre aux principaux de qui avoient ceste affaire en main.

Le lendemain 4 Janvier me transport logis du dit le Clerc, où estoit Michelet, il avoit prié me mener au logis de la Cha Marteau, où il y avoit plusieurs des paux de la Ligue, pour me presenter à & leur faire entendre que j'estois le Li nant du Prevost Hardy, dont il leur avoi lé : Ce que le dit Michelet auroit fait m'auroit mené au logis du dit de la Cha où estoient assemblez les Sieurs de Bray, temau, qui estoit Receveur de Monfieur Paris, le Turc, Rolland General des noyes, le pere la Bruyere, de Santeuill, Saint Gervais, Drouart Advocat, C Procureur au Chastelet, Michel Proc en Parlement, & plusieurs autres. Et dit le dit Michelet qui j'estois, & l'assur que le Clerc luy donnoit de moy : & me firent entendre ce que le dit le Cle eux m'avoient le jour precedent pro avec le Seigneur de Mayneville, après quels le propos fut conclu entre eux, falloit que les armes fussent achetées par n afin qu'ils ne fussent descouverts : d'au que le Roy avoit fait defenses à tous C qualliers & Armuriers de Paris de vendre cunes armes ou cuirasses, sans sçavoir à & me donnerent un pretexte pour ach

les dites armes : à sçavoir , de dire , au cas que je vinssé à estre descouvert , Que c'estoit pour aller en une Commission secrette en une maison forte, où il estoit besoin de mener quantité d'hommes : & me donnerent des memoires , où eux-mesmes sçavoient qu'il y avoit des armes & gens atitez par eux , qui faisoient semblant de les vendre secretement. Et toutesfois je faisois le prix des dites armes sans disputer, & les faisois payer sous main par un autre, & les faisois porter la nuit en certaines maisons, qui estoient l'Hostel de Guise , du Clerc, Compan, Commissaire de Bar, Rolland , Crucé, & autres lieux en tous les quartiers de la ville. Et en fut par moy acheté en fix mois pour fix mil escus, suivant l'arrest qu'ils en avoient fait : & comme je m'enquerois un jour du dit le Clerc, qui bailleroit l'argent pour payer les dites armes ; il me respondit , que c'estoient tous gens de bien, qui ne se vouloient declarer qu'au besoin , crainte d'estre descouverts : & toutesfois il m'en nomma plusieurs , & entre autres un Seigneur de Paris, duquel je tairay le nom , qui avoit baillé des premiers dix mil livres, avec d'autres encores qu'il ne voulut declarer : Pendant lequel temps & achapt des dites armes , je serois entré plus avant en connoissance de leur affaire , voyant tous les jours practiquer plusieurs personnes à leur devotion sous les pretextes dessus declarez : & se practiquoient de la façon suivante. Ceux de la Chambre des Comptes, par la Chappelle Marteau. Ceux de la Cour, par le President le Maistre. Les Procureurs d'icelle, par le Clerc & Michel Procureurs.

Les Clercs du Greffe de la Cour, par Se
 Les Huissiers, par le Leu, Huissier en la
 Cour, voisin de Louchart. La Cour de
 des, par le President de Nully. Les C
 par Choulier, voisin du Clerc. Les C
 raux des Monnoyes, par Rolland. Les C
 missaires ont aussi practiqué la plus grande
 des Sergens à cheval & à verge, comme
 la pluspart des voisins, & habitans de
 quartiers, sur lesquels ils avoient quelque
 sance. Le Lieutenant Particulier la Bru
 avoit charge de practiquer ce qu'il pou
 des Conseillers du Siege du Chastelet, com
 aussi Crucé, qui a practiqué la pluspart
 Procureurs, & une grande partie de l'Uni
 versité de Paris. De Bar & Micheler ont
 practiqué tous les Mariniers & garçons
 viere du costé de deça, qui font nombre
 plus de 500, tous mauvais garçons. Tous
 Poccart potier d'ostain, avec un nommé
 beert, Chaircuitier, ont practiqué tous les
 chers & Chaircuitiers de la ville & fauxbour
 qui font nombre de plus de 1500 Hom
 Louchart Commissaire a practiqué tous
 Marchans & Courtiers de chevaux, qui n
 tent à plus de six cents hommes, à tous
 quels l'on faisoit entendre que les Hugue
 vouloient couper la gorge aux Catholiques
 faire venir le Roy de Navarre à la Cour
 Ce qu'il estoit besoin d'empescher, & s'ils
 voient des armes, que l'on leur en fourni
 Ce qu'ils avoient tous juré, & promis se
 prests quand l'occasion se presenteroit.

Quelque temps après, le Clerc m'a
 mené au logis de Hotteman, qui estoit c

voit esté Receveur de Monsieur de Paris, demeurant rue Michel le Compte, devant les estuves Saint Martin, qui estoit celuy qui avoit la bourse des deniers de la Ligue, qu'il estoient fort homme de bien, & fort zelé au party, où estant, seroit venu la Chapelle, la Bruiere, le pere Drouiard Advocat au Chastelet, Ameline, & Santeuil, lesquels furent d'avis que suivant la lettre, qu'ils avoient receüe du Duc de Guise, qu'il estoit necessaire de pratiquer le plus qu'ils pourroient les meilleures villes de ce Royaume, & leur faire entendre ce que dessus, afin de se ranger de leur party. Et pour ce faire prièrent le dit Ameline de vouloir prendre ceste charge, & aller par la Beausse, Touraine, Aujou, & le Maine, & autres Provinces dont il luy fut baillé memoire, avec les noms de ceux à qui il se devoit adresser, afin de leur faire entendre, mais principalement aux plus zelez, sous le pretexte dessus déclaré, la volonte & intention du Duc de Guise, & la grande diligence qu'il avoit faite d'assembler des forces secretement, tant en Picardie qu'en Champagne, & ailleurs, avec la grande provision de grains qu'il avoit fait pour nourrir la dite armée qu'il promettoit mettre sus, jusques au nombre de quatre-vingt mil hommes & plus, pour l'exécution de ceste entreprise, que le Duc de Guise avoit juré & promis que dans trois ans il n'y auroit qu'une Religion en France: sur laquelle promesse il avoit tiré de Messieurs de Paris 300 mil escus par plusieurs fois, fut baillé par le dit Hotteman trois mille escus au dit Ameline, & deux bons chevaux pour faire

son voyage : luy firent aussi entendre que si-tost qu'il auroit esté en quelques villes, qu'il leur mandast incontinent ce qu'il y auroit fait, & le disposition en laquelle il auroit trouvé les affaires : & quant aux lettres qu'il escriroit, qu'il les fist tenir en mon logis, de moy, dis-je qui parle : ce que fit le dit Ameline, & s'en alla de Paris droit à Chartres, où il se feroit adressé au Receveur Bon-homme, Receveur du Domaine, & qui avoit esté Commis de Monsieur de Bray, parent de Madame de Grandrué : & de Chartres seroit allé droit à Orleans, Blois, Tours, & plusieurs autres villes, où si-tost qu'il avoit fait les pratiques il escrivoit incontinent à Paris, & adressoit ses lettres en mon logis, lesquelles je portois incontinent à Messieurs de la Ligue, au lieu où ils tenoient le Conseil, lequel j'apprenois d'un nommé Merigot, Graveur, tenant sa boutique aux pieds des degrez du Palais, qui sçavoit toujours le lieu où se tenoit le Conseil : où si tost que j'estois entré, faisoient en ma presence lecture des dites lettres, par lesquelles il leur manda en somme qu'il avoit practiqué pour le party tous ceux qu'il avoit pû, & qu'ayant parlé aux plus zelés il les avoit trouvez en disposition & resolution de suivre ceux de Paris en tout & par tout, & d'estre tousjours prests de bien faire quand ils le feroient.

Le dit Ameline estoit homme d'affaires & grand negociateur.

Pendant ces menées je me trouvay un jour aux Jesuites prés saint Paul, où se tenoit le Conseil. Et là un d'entre eux fit une ouverture pour la ville de Boulogne, qu'ils disoient leur
estre

estre fort necessaire, pour faire aborder & descendre l'armée qu'ils attendoient d'Espagne; & de fait leur fit entendre que le Prevost Vetus avoit accoustumé d'aller de trois mois en trois mois à Boulogne pour faire sa chevauchée, & qu'en y allant il pourroit avec cinquante bons hommes se saisir de l'une des portes, attendant que Monsieur d'Aumale, qui avoit des forces près la ville, & qui seroit adverty du fait, luy donnast secours. Et que par ce moyen ils se pourroient rendre maistres de la ville de Boulogne, qui ne se doutoit en rien du dit Prevost Vetus: lequel avis fut trouvé fort bon de Messieurs du conseil, tellement qu'au mesme instant fut escrite une lettre au dit Prevost, narrative de tout leur fait: ce qu'estant par moy entendu, j'en advertis aussi-tost sa Majesté, qui en escrivit incontinent au sieur de Barnay Gouverneur de la ville, qui estant averty se tint si bien préparé, qu'il receut fort honorablement le dit Prevost Vetus entre les deux portes, & le fit mettre prisonnier avec une bonne partie des siens. Cependant le Duc d'Aumale qui pensoit que le dit Prevost eust gagné l'une des portes, s'avança assez près de la ville pour soustenir le dit Prevost: mais il fut salué de coups de canon qu'on luy tira tout à travers de ses troupes, ce qui fut cause de les faire escarter, & faillit le dit d'Aumale à estre prisonnier par une embuscade d'arquebuziers que luy avoit dressée le sieur de Bernay, qui tailla en sa presence quelques-uns de ses gens: & demeura le dit Prevost Vetus prisonnier au dit Boulogne quatre mois & plus, & n'en sortit

tit que par la priere qu'en fit le Duc de G
au Roy. Au sortir de la prison il vint à
où il fut bien receu & caressé de tous ceu
la Ligue, & me fut commandé de le m
par les meilleures maisons, & les plus ho
rables de la Ligue. Ce que je fis, & den
rasmes huit jours à faire nos visites: car
sieurs estoient bien-aïses de le recevoir, p
l'apprehension qu'ils avoit conceue de
sue de la prison.

Cependant une infinité de menu pe
qui avoient envie de mener les mains, &
piller sous ce beau pretexte qu'on luy a
fait entendre, estant impatient de la long
de cette entreprise murmuroit fort, tant
salut aller par les quartiers, leur remon
qu'ils eussent patience, autrement qu'i
perdroient tous: que les chefs n'estoient
cores prests, & que ceste entreprise estoit
grande consequence: Nonobstant lesqu
raisons, desquelles ils ne se payoient gu
ils disoient qu'ils craignoient d'estre des
verts si on ne se hastoit, & que le Roy les f
tous pendre (ce qu'ils m'ont dit à r
mesme), & qu'il s'entendoit avec les Hu
nots: & là dessus bastissoient eux-mesme
entreprises pour commencer le jeu de f
faire du Roy, sans parler ni à Prince,
Chef, ni à Conseil, qu'à eux-mesmes
uns disoient qu'il se falloit jetter sur luy
tuer; les autres disoient que non, & qu
falloit seulement prendre & le mettre e
Monastere. De fait, ils furent un jour, q
se peut coter, en deliberation de le surp
dre en la rue Saint Antoine, revenant de

de Vincennes, & n'avoit lors avec luy que deux hommes de cheval & quatre laquais, proposerent de tuer son cocher & quelques-uns d'autour de luy, & incontinent devoient crier au Roy, Sire, ce sont les Huguenots qui vous veulent prendre. A laquelle parole il seroit tellement effrayé, qu'il sortiroit de son carosse, & lors ils s'en feroient & le meneroient où bon leur sembleroit, que s'il ne vouloit sortir, ils l'en tireroient de force, & le meneroient en l'Eglise Saint Antoine en une petite tour qui est fort près du clocher, en attendant que le commun Peuple s'assemblast pour y venir. Mais sur l'exécution de ceste entreprise leur fut remontré par un plus sage qu'eux, qu'un Roy ne se prenoit pas ainsi, que cela ne se pouvoit faire sans murmure : & quand il se fust pû faire, qu'il eust salu avoir un Prince de marque pour la conduite : ce qu'ils n'avoient pas, & n'estoient asseurez d'estre secourus, au cas qu'ils se trouvaissent foibles. Bref, que telles entreprises estoient trop grandes pour eux, & trop hazardeuses, dont ils demeurèrent tous refroidis, & ne fut exécutée la dite entreprise. Or attendoient-ils tousjours le Duc de Guise, qui promettoit les venir voir de jour à autre : mais sur ces entrefaites arriva le Duc de Mayenne de son voyage de Guyenne, où ils disoient qu'il avoit fait de grands faits d'armes contre les Heretiques, & n'estoit aucun bien-venu envers la Ligue, s'il ne tenoit ce langage. Estant arrivé à Paris, les principaux de la Ligue le furent trouver à dix heures du soir en l'Hostel de Saint Denis, où il estoit logé, mais en petite

compagnie, luy communiquerent leurs des-
seins, & comme le Duc de Guise son frere
leur avoit promis de les assister & ne les abandonner
donner point : mais qu'ils craignoient en ce
la longueur, & d'estre descouverts par le Roy
qui les pourroit surprendre si on n'y donnoit
ordre promptement. Lequel Duc de Mayenne
ne trouva bon, & leur promit assistance de
vie & de ses moyens mesmes, sur la plaine
qu'ils luy firent d'un des leurs nommé
Morliere, prisonnier en l'Hostel de Ville
par le commandement du Roy, pour avoir
usé de quelques menaces, & fut luy-mesme
chez le Prevost des Marchans Perreux, & luy
timida tellement qu'il fut contraint le mesme
jour mettre la Morliere en liberté. Depuis
temps fut advisé entre eux du moyen, qu'ils
devoient tenir pour se saisir des places for-
tes de la ville : En premier lieu, pour avoir
la Bastille, ils devoient aller sur la minuit au logis
du Chevalier du Guet, à la Coustume de
Sainte Catherine, lieu fort escarté, & là faire
heurter un homme à la porte, qui demanderoit
à parler à luy de la part du Roy, ce que
luy seroit rapporté par un de ses Archers, par
l'usage de leur intelligence, qui luy diroit que
le Roy le mandoit, comme il faisoit souvent
& leur feroit ouvrir la porte, où estans entrés
au nombre de cent ou six vingts, monteroient
& se la feroient ouvrir sous esperance de grande
de recompense, & d'avoir la vie sauve : Mais
qu'estant accompli, ils luy couperoient la
gorge. Autant en devoient-ils faire à Monsieur
le premier President, au Chancelier, au
Procureur General, à Messieurs de la Guesle
d'Esper

d'Espeffes & plusieurs autres, lesquels ils devoient faire mourir & piller tout leur bien. Pour le regard de l'Arfenal, ils s'en affeu-
roient par le moyen d'un fondeur qui estoit dedans, & quelques autres pour eux. Touchant le grand & petit Chastelet qui leur estoit necessaire, ils les devoient surprendre par des Commissaires & Sergens qui feindroient y mener de nuit des prisonniers. Quant au Palais, ils trouvoient aisé de le prendre à l'ouverture d'iceluy. Le Temple & l'Hostel de Ville de mesme façon. Mais quant au Louvre, qu'il trouvoient un peu plus mal-aisé, ils le devoient assieger & bloquer par les avenues des ruës; puis défaire les Gardes du Roy, ou les affamer, afin de se saisir de sa Majesté, & de ceux qui seroient dedans le Louvre. Sur quoy il leur fut remonsté qu'il y avoit dans la ville une grande quantité de voleurs & gens mechaniques, qui passoient le nombre de six, voire de sept mille, qui n'estoient advertis de l'entreprise, lesquels il seroit mal-aisé de retenir, s'estans une fois mis à piller, que leur bande seroit une pelote de neige, qui grossiroit tousjours, & apporteroit enfin ruïne & confusion totale à l'entreprise & aux entrepreneurs. Sur cet advis, qui sembla considerable, & tres-pertinent, fut proposée l'invention des Barricades, suivies & approuvées, finalement conclusës; assavoir que joignant chacune chaine, il seroit mis des tonneaux pleins de terre pour empescher le passage: & que si tost que le mot seroit donné, nul ne pourroit passer par les ruës, que ceux qui auroient le mot & la marque pour passer. Et que chacun en

son quartier feroit la Barricade suivant les r
moires qu'on leur envoyeroit. Seulement
quatre mil hommes passeroient par les d
Barricades, tant pour aller au Louvre rom
les Gardes du Roy, qu'és autres lieux où
auroit des forces pour sa Majesté, par le moy
desquelles Barricades ils empescheroient a
que la Noblesse, qui estoit logée en div
quartiers ne luy pourroient donner secou
auxquels on devoit couper la gorge, & à to
les Politiques qui tenoient le party du Ro
specialement aux suspects de la Religion. C
fait, on devoit crier par les ruës, *vive la M*
se; & ce, afin d'inviter tous les bons Catho
ques à prendre les armes: Aussi qu'au m
me jour toutes les villes du party feroient
verties de faire le semblable. Qu'aussi-t
qu'ils se feroient rendus maistres du Roy &
Louvre, ils tuëroient son Conseil, & luy
donneroient un autre à leur devotion, f
vant sa personne, à la charge qu'il ne se met
roit d'aucunes affaires. Et quant à l'armée
venoit d'Espagne, elle feroit envoyée avec
tres forces en Gascogne, pour faire la gue
au Roy de Navarre & aux Heretiques, jusq
à ce qu'ils les eussent ruinez & exterminéz
tout. Bref, chacun se deliberoit de meurtr
piller, & se vanger à toutes restes, & s'
richir du bien de son voisin. Les princip
se promettoient les premiers Estats & dig
tez de la Republique, au moyen des con
scations qui proviendroient des massâcres
premiers Officiers du Roy.

Mais après avoir longuement consid
ceste meschante & damnable entreprise (je
n

moy qui parle), & que ce n'estoit qu'une pure volerie : aussi que les Princes & les Grands faisoient jouer ce jeu par le petit peuple, pour deposseder le Roy de sa Couronne, & en investir ceux de Lorraine, après avoir coupé la gorge aux vrais heritiers d'icelle, & aux principaux membres & officiers de ceste Couronne: L'horreur de ceste entreprise m'estonna, & tant de sang qui se devoit espandre se representant continuellement à mes yeux, & mesmes quand je pensois prendre mon repos, m'effraya tellement & me donna une si grande apprehension, inquietude, & remors de conscience, que je pensois deslors à bon escient de me tirer de la Ligue & compagnie conjurée de tels meschans : me proposant en moy-mesme que si je pouvois avec la grace de Dieu estre cause d'empescher un si grand carnage de gens de bien, qui estoit la ruine & dissipation de cest Estat, je ferois une bonne œuvre; aussi bien que les grandes richesses qui m'estoient promises par tels voleurs & rebelles, ne profiteroient en rien; que je pouvois mourir, & au partir de là aller droit en enfer, qui estoit le grand chemin de la Ligue. Je me remettois après devant les yeux, que moy qui estois François naturel, de la premiere ville de France, où mon Roy souverain avoit pris sa Couronne, & que je luy avois presté le serment de fidelité, mesmes lors que je fus receu en l'Estat de Lieutenant General en la Prevosté de l'Isle de France. Tellement que s'il se brassoit quelque chose contre son Estat, j'estois tenu sous peine de crime de leze Majesté l'en

advertir. Joint que je vivois des gages & profits que me donnoit sa Majesté. Toutes ces considerations, dis-je, jointes ensemble, me toucherent tellement le cœur, qu'après avoir invoqué Dieu à mon ayde, je pris resolution d'en advertir le Roy : mais m'en proposant la maniere, je me trouvay si fort perplex & troublé sur les difficultez qui s'y presentoyent, outre la peur que j'avois d'estre descouvert par les conspirateurs, que je demeuray tout court : Car premierement je n'avois personne auquel je peusse ou osasse me descouvrir. Je n'avois jamais parlé au Roy & il ne me connoissoit aucunement, sinon peut-estre par l'advis que je luy avois fait donner de Boulogne par Monsieur le Chancelier : depuis lequel s'estoit passé beaucoup de choses de grandes consequences, dont je ne l'avois averty; qui seroit cause qu'il ne me croiroit pas de ce que je luy dirois. Il me souvenoit d'ailleurs, qu'on en avoit fait mourir tout plein pour avoir dit la verité, & que j'avois affaire à des Princes & à une maison de Guise, contre laquelle les plus Grands n'osoient parler. Et ainsi je demeurois entre deux selles le cul à terre, ne sçachant à quoy me resoudre : mais enfin une nuit que je me mis à prier Dieu, le priant de me vouloir bien conseiller & fortifier, je me sentis tellement resolu en mon esprit, qu'il me tardeoit grandement qu'il ne fust jour, pour en advertir sa Majesté. Le jour donc venu, je fus trouver Monsieur le Chancelier, auquel je fis entendre que j'avois affaire de consequence à luy dire, qui concernoit l'Estat, & la personne du Roy, la vie de
luy

luy & de tous les siens & de plusieurs autres : lequel ne pouvant lors m'entendre secretement, pource qu'il luy falloit aller au Conseil, me donna heure au lendemain matin. Mais le jour mesme comme je revenois de son logis, il me survint un accident à la suscitation d'un nommé Ratier, & d'un autre nommé Faizelier, & fus mené prisonnier au grand Chastelet, ce qui me fit penser qu'il y avoit quelque malin esprit qui vouloit empescher mon dessein : toutefois je me resolus de passer outre & faire entendre par escrit à Monsieur le Chancelier, ce dont je luy avois fait ouverture le jour precedent, lequel auroit incontinent commandé à Monsieur le Lieutenant Civil Segulier me venir prendre en la prison & me mener le soir en son logis, & m'auroit mis entre les mains du Commissaire Chambon, qui m'auroit mené avec cinq ou six Sergens à Monsieur le Chancelier, où estant, comme il me vouloit tirer à part je luy fis entendre, que je ne pouvois parler seurement devant le dit Chambon, que je ne fusse descouvert. Lors il me fit entrer dans son cabinet, où je luy fis entendre bien au long tout ce qui se passoit, & afin de n'estre descouvert, je le priay que me remettant és mains du dit Chambon il me donnast devant luy quelques reprimendes : Ce qu'il trouva bon, & me dit en sa presence, que j'avois fait une grande faute en mon estar, & que je devois informer du fait de la Commission qui m'avoit esté baillée, ou bien faire bons & suffisans procez verbaux : que le Roy estoit courroucé contre moy, & que resoluement il falloit que

je me deffisse de mon office, ou autrement qu'on me le feroit perdre. Auquel je fis réponse qu'il me falloit faire premierement mon procez, & à l'instant (ce jeu ayant esté assez bien joué) commanda au dit Chambon de me remener prisonnier, ce qu'il auroit fait. Le lendemain le Clerc, la Chapelle & quelques autres vinrent au Chastelet me visiter, & sçavoir les causes de mon emprisonnement, & pourquoy on m'avoit mené au logis du Chancelier, dont ils estoient fort estonnez & bien empeschez: Mais la grace de Dieu qui me laissa jamais despourveu de réponse, leur fis entendre que le Commissaire Chambon m'auroit mené au dit Chancelier, ce qu'il m'auroit bien crié, mesmes en presence du dit Chambon, jusques à me vouloir contraindre de resigner mon estat, & qu'il en avoit la charge du Roy, qui me vouloit beaucoup de mal. Auquel j'avois fait réponse qu'il me falloit faire devant mon procez. Ce qui leur fut confirmé par le dit Chambon, duquel ils firent sçavoir la verité, & adjoustant foy à ces paroles, me dirent qu'il falloit patienter & avoir courage, & que devant qu'il fust quatre ou cinq jours qu'ils l'en empescheroient bien, ils me viendroient querir en bonne compagnie, voulant parler de l'exécution de leur entreprise. Ce qu'incontinent je fis entendre par une lettre à Monsieur le Chancelier, dont ayant esté incontinent advertie sa Majesté, il m'auroit envoyé querir derechef par le Commissaire Colletet, qui m'avoit mené au soir bien tard au logis de Monsieur le Chancelier, où je fis entendre incontinent au Roy tout ce que

se passoit, & les places desquelles ils preten-
doient se saisir pour effectuër leur entreprise :
& commanda sa Majesté à Monsieur le Chan-
celier m'envoyer au logis de Monsieur de Vil-
leroy. Ce qu'il fit ; & m'y mena Colletet, en-
tre les mains duquel le dit Chancelier me met-
tant (tousjours pour couvrir cet affaire) dit
tout haut, qu'il ne falloit point faire le retif,
qu'il y falloit aller, & me disoit que c'estoit
pour mon Estat, lequel il falloit resigner, &
qu'on n'en parlât plus. Estant arrivé au logis
de Monsieur de Villeroy, le dit Seigneur me
tira tout aussi-tost à part, auquel je discours
sommairement de toute l'entreprise, laquelle
il redigea par escrit : & quant & quant me de-
manda si je voulois sortir de prison, & qu'il
m'en tireroit de puissance absolüe. Auquel je
fis response que si je sortois par la puissance du
Roy, que je ferois desouvert : mais qu'il y
avoit autre bon moyen, dont je luy ferois ou-
verture quand il seroit temps.

Cependant le Roy sur mes advis comman-
de la garde estroite des portes de la ville, mit
des forces au grand Chastelet & au petit : A sça-
voir Monsieur Lugoli & Monsieur Rapin, au
Temple; pareillement à l'Arсенac, pont Saint
Cloud, Charanton & Saint Denis. Et si fit
venir forces troupes, dont ceux de la Ligue
se trouverent estonnez, & craignoient fort
que le Roy ne les fist prendre & punir : ne
sçachans le moyen par lequel ils avoient esté
descouverts : Or avoient-ils opinion sur la
Bruyere le pere, pource que le Roy l'avoit en-
voyé querir.

Sur ces entrefaites je fortis de prison, sur
une

une simple requeste que je presentay à Monsieur le Lieutenant Civil , pour estre mené par la Ville à mes affaires , à la charge de retourner coucher chacun jour à la prison ; & par ce moyen je demeuray libre jusques à ce que je fortis de Paris.

Or Monsieur de Mayenne voyant cette entreprise descouverte , fut au Louvre voir le Roy , où il n'avoit esté qu'une fois depuis un mois ou six semaines , qu'il estoit arrivé de Castillon , & prenant congé de sa Majesté , le Roy luy dit ces mots , Comment , Cousin , quittez vous le parti de la Ligue ? Auquel il fit response qu'il ne sçavoit que c'estoit , comme luy mesme le conta à Messieurs de la Ligue : desquels prenant congé , leur promit de voir le Duc de Guise son frere & luy communiquer de leurs affaires : leur promettant cependant de ne les abandonner point , au cas que le Roy , ou autre quel qu'il fust s'en voulust fascher : & pour cet effet qu'il ne s'esloigneroit pas fort loin d'eux : dont ils le remercierent. Et ne pouvans faire pis , semerent force Pasquils & autres libelles diffamatoires contre sa Majesté , desquels ils remplirent Paris , pour de plus en plus le rendre odieux au peuple.

Le Duc de Mayenne d'autre costé , qui ne dormoit pas , bastit une autre entreprise , qui tourna à neant comme les precedentes ; à sçavoir à soixante Capitaines , tant à luy qu'au Cardinal de Guise son frere , qu'à son depart il laissa , & logea au fauxbourg S. Germain , esperant surprendre le Roy à la foire , auquel on devoit donner à dîner pour cét effet en
l'Abbaye :

l'Abbaye : Mais sa Majesté en fut par moy advertie , & ne fut ni à l'Abbaye ni à la foire. mais y envoya le Duc d'Espéron , où on luy dressa une querelle d'Aleman , qui commença par les Escoliers : Ce que voyant le dit Duc se retira.

Les conspirateurs se sentans frustrez furent contrains de r'envoyer leurs Capitaines : ausquels fut à chacun d'eux baillé argent pour se retirer secretement & à petit bruit : & fut la levée faite sur les plus affectionnez, de certaines grandes sommes de deniers , & un roole fait d'iceux , qui estoit intitulé *pour bouës* : Ceux qui estoient taxez à trente sols, c'estoit trente escus ; & ceux de six sols, six escus : de laquelle invention ils tirerent une bonne somme de deniers de toutes les paroices , tant de la ville que des faubourgs.

Monsieur de Guise estant averty de l'entreprise du Duc de Mayenne, en fut fort courroucé contre ceux de la Ligue : de fait il leur envoya le Sieur de Mayneville , pour sçavoir qui les avoit meus de ce faire , s'ils avoient esté pressez du Roy en quelque chose , & pourquoy ils ne luy avoient fait entendre ; qu'ils sçavoient ce qu'il leur avoit promis, s'ils ne s'asseuroient pas assez sur sa foy : & finalement qu'ils eussent à dire, s'ils estoient entrez en quelque soupçon & defiance de luy. A quoy ceux de la Ligue en sçavoient bonnement que respondre , ni comment s'excuser, sinon qu'ils avoient eû peur que le Roy leur jouast un mauvais tour , voyant qu'il avoit fait emprisonner la Morliere ; supplians le dit de Maineville de prier pour eux le Duc de Guise ,
de

de ne le trouver mauvais, & l'asseurer qu'ils avoient plus d'esperance en luy que jamais qu'ils n'y retourneroient plus. Et pour faire leur accord, donnerent à Maineville une chaîne d'or de quatre ou cinq cens escus.

En l'an 1587, sa Majesté partit de Paris pour aller au devant des Reistres, & laissa à Paris le Royne sa Mere & la Royne sa femme, pour gouverner en son absence. Et lors Messieurs de la Ligue furent en deliberation de se faire maistrs de la ville de Paris en l'absence du Roy, selonc les memoires que leur en avoit dressé le Duc de Guise, qui pensoit se saisir de la personne du Roy en la campagne. De fait ils envoyerent le Commissaire Louchart avec dix ou douze Courtiers de chevaux à Estampes, où estoit logé le Duc de Guise, pour sçavoir si cette entreprise reüssiroit. Estoit venu aussi à Paris le Chevalier d'Aumale, & s'estoit logé à la rue rouge près Saint Germain de l'Auxerrois, où attendoit les nouvelles de Louchart, que furent pas telles qu'il desiroit, ni la Ligue aussi: car le Duc de Guise ne trouva pas cette entreprise seure, voyant une si grosse & forte armée près la ville, tellement qu'il la rompit.

En ce mesme temps, Monsieurs de Villequier m'envoya querir pour parler à luy, où estant il me demanda, si j'avois parlé au Roy, & de quelles affaires je l'avois entretenu: Je luy respondis que je n'avois point veu le Roy, & ne sçavois de quoy il me vouloit parler: mais il me repliqua en reniant Dieu, & blasphemant qu'il sçavoit le contraire, & que je luy avois rapporté des mensonges: Mais que s'il m'alloit venir jamais plus, qu'il m'apprendroit à me.

mesler de mes affaires & non de celles de l'Estat. Et me fit toutes les dites menaces en la presence d'un nommé la Croix, Capitaine de ses Gardes : lesquelles toutefois m'estonnerent si peu, que je ne laissay, suivant le commandement que m'en avoit laissé le Roy, d'avertir journellement Monsieur le Chancelier de tout ce qui se passoit à Paris en l'absence de sa Majesté, laquelle estant de retour à Paris, m'en fit remercier avec grandes promesses de récompense.

S'ENSUIVENT LES PREPARATIFS
*de la Ligue pour les Barricades, afin de
 tuer ou prendre le Roy.*

MESSIEURS de la Ligue continuans leurs mauvais desseins, escrivirent au Duc de Guise, le prians de leur tenir promesse : & qu'ils estoient en bon nombre pour executer leur entreprise. Ausquels il fit response, qu'ils regardassent de s'accroistre en plus grand nombre d'hommes qu'ils pourroient, & du surplus qu'ils l'en laissassent faire. Qu'il falloit attendre la commodité, laquelle il ne lairroit passer quand elle se presenteroit. Ceste lettre fut apportée par le Sieur de Mayneville, & fut leuë en ma presence au logis de Hotteman, rue Michel le Comte, où il y avoit plusieurs du parti : & lors ils commencerent à practiquer le plus de peuple qu'ils peurent, sous le pretexte de la Religion, & les Predicateurs se chargerent en leurs Sermons de parler fort & ferme contre le Roy, & le denigrer
 envers

envers le peuple plus qu'ils n'avoient jam
 fait, & ce pour provoquer le Roy à fa
 prendre quelqu'un d'eux, afin d'avoir su
 de s'eslever contre luy. Ce qui advint en
 par la seditieuse Predication d'un des leur
 S. Severin, auquel ils firent vomir en cha
 tant de vilaines injures contre le Roy, que
 Majesté fut contrainte de l'envoyer que
 pour parler à luy. Incontinent ils firent cour
 le bruit qu'on le vouloit prendre & se faisir
 tous les bons Predicateurs, & là-dessus
 Clerc avec sa compagnie s'arme secretem
 & se met en embuscade au logis d'un Notair
 près Saint Severin, nommé Hatte, pour e
 pescher le dit Predicateur d'estre pris. De qu
 le Roy averty envoya le Lieutenant Civil
 guier au logis du dit Hatte, pour sçavoir c
 vouloient faire ces gens armez là-dedai
 mais ils ne le voulurent laisser entrer, & ret
 rent un valet de chambre du Roy qu'il le
 avoit envoyé, sans vouloir parler à luy.
 donc le Lieutenant Civil envoya querir fo
 Sergens & commissaires pour la forcer : m
 voyant que la commune s'eslevoit & que
 pluspart de ceux qu'il avoit envoyé querir
 toient gagnez du costé des mutins, fut co
 traint de se retirer, pour aller le tout faire
 tendre à Messieurs le Chancelier & de Vi
 roy : que si lors sa Majesté eust suivy leur co
 seil & celuy du Duc d'Espéron, le Clerc
 ses complices eussent esté prisonniers,
 ayant rien plus aisé, & le mesme jour euss
 esté pendus & estranglez, qui eust esté
 grand coup d'Estat. Mais il en fut empes
 par Villequier & autres, qui luy firent cro

que le peuple de Paris l'aimoit trop , pour attenter jamais quelque chose contre sa Majesté. Et par ainsi le Clerc & ses complices avertis par luy & quelques autres du Conseil s'absenterent pour quelque temps. Continuant donc en leur rebellion ils dresserent une nouvelle entreprise , que si sa Majesté le jour de Careme-prenant alloit en masque par la ville comme de coustume , ils se jetteroient sur luy & sur le Duc d'Espéron & sa troupe : ce qu'ils trouvoient plus aisé en un tel jour qu'en un autre. Dequoy je fis avertir incontinent sa Majesté (pource qu'il ne m'estoit possible ce jour-là d'aller au Louvre), qu'il ne sortit point ce jour-là.

Voyans à la fin que toutes leurs entreprises ne pouvoient sortir à effet, & craignans d'estre prevenus par le Roy , Messieurs les Cardinaux de Bourbon estans allez à Soissons par commandement de sa Maieité, ils penserent se servir de cette occasion, pour executer leur entreprise , laquelle ils resolurent mettre à fin à quelque prix que ce fust , soit que le Duc de Guise le trouvast bon ou non (estans extrêmement ennuyés de sa longueur), & toutefois, crainte de l'offenser, ils luy escrivirent une lettre , par laquelle ils le prioient de leur tenir promesse, & ne differer davantage ; que leurs gens estoient prests, forts & en bon nombre, & que rien ne leur manquoit que sa presence. A laquelle lettre le dit Duc de Guise fit respondre , qu'ils eussent à establir secrettement leur quartier , & voir quel nombre ils pourroient faire : Qu'ils luy mandassent, & ne se souciaissent du demeurant, car
tout

tout iroit bien. Suivant laquelle responce
assemblée fut faite entre eux au logis de S
reuil, devant Saint Gervais, où estoient
Bruyere, la Chapelle, Rolland, le Cle
Crucé, Compan, & plusieurs autres; &
estois aussi. Après la lecture bien au long
la lettre du dit de Guise, & des belles offres
favorables recommandations qu'il faisoit,
Chapelle auroit pris la parole, & remon
que suivant l'advis du Duc de Guise, il es
nécessaire d'establir les quartiers; assavoir
cettetement, quel nombre ils pourroient e
en chacun quartier, y establir un Colon
& sous chaque Colonel quatre Capitaines, a
qu'en l'exécution de leur entreprise il
eust aucune confusion: Et à l'instant le di
Chapelle auroit desployé une grande ca
de gros papier, où estoit peinte la ville de
ris, & ses faubourgs: qui fut tout aussi-t
au lieu de seize quartiers qu'il y avoit à Pa
partie & separée en cinq quartiers, & à c
cun quartier estably un Colonel: depuis f
chacun desdits Colonels furent establis no
bre de Capitaines, à chacun d'eux baillé
memoire de ce qu'ils avoient à faire, & le l
où devoient trouver des armes ceux qui n
avoient point.

Après le dit establissement ils firent la rev
secrète de leurs forces, selon le mandem
du Duc de Guise, & trouverent qu'ils faiso
le nombre de trente-mil hommes. Ce qu
firent entendre au dit Duc, qui leur ma
là-dessus ce qu'ils avoient à faire.

Le quinzième jour d'Avril 1588, estant
logis du Clerc, il me commença à dire

vouvelles qui estoient venues de la part du Duc de Guise, qui estoit en bonne deliberation de les assister bien-tost : & que c'estoit à ce coup qu'il falloit combattre pour la Foy Catholique ; qu'avant qu'il fust le jour de *Quasimodo*, il y auroit bien de la besogne, que Monsieur de Guise avoit desja envoyé un nombre de Capitaines bien experimentez à la guerre, logez en tous les quartiers de Paris, dont sa Majesté ne sçavoit rien, & qu'il y en devoit venir encores un plus grand nombre : Toutefois qu'il connoissoit bien que Monsieur de Guise se vouloit asseurer, premier que de venir à Paris, & qu'il y vouloit avoir des forces à sa devotion, pource qu'il ne s'asseuroit du tout sur les Parisiens & sur leurs gens : qui estoit la cause qu'il leur avoit mandé qu'il enverroient cinquante cheuaux qui seroient conduits par Monsieur d'Aumale, qui devoit loger à Aubervilliers, Saint Denis, la Villette, Saint Oüin, & autres lieux : qu'ils devoient entrer la nuit du Dimanche de *Quasimodo* en la ville, & qu'ils tenoient déjà les clefs de la porte Saint Denis : mais de Saint Martin que le Comte l'Eschevin ne les leur avoit voulu bailler, & que c'estoit un meschant homme. Toutefois qu'ils ne lairroient de faire entrer leurs forces par la porte Saint Denis qui estoit à leur devotion : qu'estans entrez, ils devoient défaire le Duc d'Espernon, qui faisoit la ronde à Paris depuis dix heures du soir, jusques à quatre heures du matin ; & qu'ils avoient gagné deux hommes des siens qui le devoient tuer : qu'ils estoient bien asseurez que si-tost qu'il entendroit le bruit deschevaux il ne faudroit

droit d'y courir, & que c'estoit là où ils se vouloient avoir; que de là ils iroient droit au Louvre rompre les Gardes du Roy, & se saisir du dit Louvre, & que les Capitaines de la ville se tiendroient chacun en son quartier à garder & faire Barricades, horsmis trois mil hommes que le dit le Clerc devoit mener par la ville pour aller aux bonnes & fortes maisons: & me pria de tenir la compagnie preste que je leur avois promise, pour marcher avec luy, & que je le suivrois par tout où il iroit. Que la promesse qu'il m'avoit faite ne manqueroit point, & qu'il auroit le moyen par la grace de Dieu de l'effectuër: car il me fairoit gagner ce jour-là pour ma part vingt mil escus. Et après avoir esté si longuement avec luy, où il me tarδοit beaucoup, je pris congé, sans toutefois oublier rien de tout ce qu'il m'avoit dit.

Estant retourné à mon logis, songeant aux moyens que je pourrois tenir pour empescher cet abominable dessein, & comme je pourrois parler au Roy secretement, sans estre apperceu & descouvert. Après avoir fait ma priere à Dieu, sortant de ma maison, je trouvay un mien amy nommé Pinguer, à present Huissier du Conseil, que je connoissois pour Politique, auquel je demandai s'il sçavoit point quelqu'un qui me pust faire parler au Roy secretement. Il me fit response que ouy, & fut incontinent trouver le Seigneur de Petremol (qui a depuis esté Gouverneur d'Estampes, où il fut pris prisonnier par la Ligue & amené à Paris aux prisons, où ils le firent mourir), lequel Petremol fut le Jeudy douzième

zième Avril après dîner trouver le Roy, pour luy dire que je voulois parler à luy. Si tost qu'il en eût ouvert la bouche, le Roy luy demanda où j'estois, & me faisoit chiercher, commandant au dit Petremol de me mener le lendemain matin en son cabinet à cinq heures du matin.

Le Vendredy donc vingt-deuxième Avril 1588, je fus trouver de grand matin le dit Petremol, qui m'attendoit en la sale du Louvre, & me fit entrer au cabinet de sa Majesté par une petite montée, où je ne fus veu de personne. Si-tost que le Roy m'apperceut il appella Monsieur d'O, & luy dit: Voilà celui qui m'a donné tous les advis, de ce que ceux de la Ligue font contre moy, & mesmes lorsque Monsieur de Mayenne me voulut surprendre revenant de Castillon. Le dit Sieur d'O luy fit response: Vrayement, SIRE, il merite bien une bonne recompense. Le Roy luy dit qu'il m'avoit promis vingt mil escus, & qu'il me les feroit bailler avec le temps; puis me demanda ce qui se passoit: Incontinent je luy fis entendre tout ce que le Clerc m'avoit dit, & qu'il n'y avoit rien de plus certain. Après luy avoir fait tout entendre, il me commanda de le rediger par escrit, & le bailler à Monsieur d'O, le plus promptement qu'il me seroit possible. Commanda au Sieur de Petremol de sçavoir mon logis. Et après m'avoir licencié, je sortis du dit cabinet, sans estre apperceu d'aucun: Mais estant dans la Cour du Louvre, je trouvay cinq ou six espions de la Ligue, qui me demanderent d'où je venois. Je leur fis response que je venois

de voir si je pourrois donner une requeste à cet homme de bien d'O, pour présenter au Conseil; afin d'avoir mes gages, qu'on avoit faisi, comme on avoit fait tous ceux des Prevosts des Mareschaux. Laquelle requeste j'avois toute prestee en main pour excuse, leur disant, que ledit d'O estoit entré au cabinet & qu'il me faudroit retourner après dîner. Ce que j'aurois fait, & aurois baillé le memoire à Monsieur d'O, que le Roy m'avoit commandé le matin, en la presence de quatre ou cinq de la Ligue, qui estoient là: Ce que j'avois fait tout exprés; car baillant le dit memoire ils pensoient que ce fust ma requeste. Aussi je dis à Monsieur d'O (qui entendit incontinent mon jargon), que c'estoit une petite requeste pour avoir mes gages: & que je le suppliois d'avoir pitié da moy. Il me fit réponse qu'on me feroit justice.

Le lendemain, qui estoit le Samedi vingt-troisième Avril, sa Majesté envoya querir cent ou six vingt cuirasses au Louvre, à la veuë d'un chacun: car elles furent apportées dans des paniers & hottes. Ce qui estonna fort ceux de la Ligue, & incontinent j'envoyay un des dits espions, que j'avois trouvé le jour precedent au Louvre, dire à Monsieur le Clerc, que j'avois veu porter des cuirasses, & que j'estois demeuré pour prendre langue. De fait je demeuray au dit Louvre jusques à six heures du soir, que le Clerc y vint, & me trouva encores aux escoutes, faisant bien l'empesché. Il me demanda si j'avois veu entrer les dites cuirasses. Je luy dis oui, & qu'il y avoit encores autres nouvelles par les champs,

champs , que j'estois après à descouvrir. Après nous estre promenez environ demie heure , arriva le Sieur de la Chapelle , qui nous dit qu'il avoit entendu du Conseil , que l'entreprise estoit descouverte , & que le Roy avoit envoyé querir ses quatre-mil Suisses à Lagny , & qu'il les faisoit loger le lendemain , qui estoit le Dimanche de Quasimodo , aux fauxbourgs Saint Martin & Saint Denis : Mais il ne sçavoit rien des cuirasses. Après ces propos il se retira , & le Clerc incontinent après , que j'accompagnay jusques à son logis , où il me voulut faire souper , & m'en estant excusé me fit promettre de l'aller voir le lendemain de grand matin.

Ce que je fis , & ne l'ayant trouvé chés luy , je fus au petit Saint Antoine , où il oyoit la Messe. Il me dit que tout estoit descouvert , & qu'il y avoit quelque traître qui avoit tout decelé , qu'il n'en pouvoit soupçonner que le Comte , lequel avoit refusé les clefs de la porte Saint Martin , qu'il s'en alloit au Conseil au logis de la Chapelle adviser ce qu'ils auroient à faire , & qu'il me prioit le vouloir venir voir après dîner. Ils furent au Conseil depuis onze heures du matin jusques à trois heures après midy ; de quoy j'advertis sa Majesté , esperant que là elle les feroit prendre , comme elle pouvoit faire aisément , & l'eust fait si elle eust esté bien conseillée : Toutefois elle m'envoya dire que j'eusse à descouvrir seulement ce qu'ils auroient arresté en leur conseil ; ce que je pourrois apprendre aisément du Clerc , & que je luy en donnasse promptement avis. Ce que je fis , attendant

que le Clerc fust fortý du dit lieu, & me promenant tousjours là auprés, afin qu'au sortir il m'y trouvast, & ses compagnons m'y vissent: Car s'ils me voyoient par les rués proche où ils s'estoient assemblez, ils croiroient que c'estoit pour eux, & m'en porteroient davantage d'amitié, pource qu'ils croiroient que je me rendrois sujet & affectionné à leur party; ce qu'il falloit faire pour n'estre descouvert.

Le dit le Clerc donc estant fortý du conseil, comme je le conduisois en son logis, me dit que tout estoit descouvert, & que ce pauvre Prince estoit venu jusques à Gonnelle, & ses troupes jusques à S. Denis & la Villette, jusques là mesme qu'il y en avoit de logez aux fauxbourgs Saint Laurens & S. Denis: mais qu'il les avoit fait retirer, & que de-là il s'en estoit allé à Dampmartin: me dit davantage qu'ils avoient advisé de luy envoyer la Chapelle, & devoit partir à cinq heures pour l'aller trouver en poste, & qu'il alloit monter à la porte Saint Martin: que le Roy faisoit venir quatre mil Suisses, qui arriverent incontinent, & que de tout il alloit advertir le Duc de Guise, pour le supplier de ne les abandonner au besoin: car ils sçavoient que le Roy estoit grandement animé contre eux.

Estant retiré d'avec le Clerc j'entray au soir bien tard au cabinet du Roy, pour luy faire entendre ce que j'avois appris, & sur ce que je luy dis que la Chapelle s'en alloit vers le Duc de Guise, il me respondit qu'il avoit bien fait & qu'il le vouloit envoyer voir cette nuit.

Le Lundy vingt-cinquième Avril, la Chapelle

pelle revint de son voyage sur les quatre à cinq heures du soir, que le dit le Clerc fut incontinent voir, & m'y mena avec luy : il nous dit qu'il avoit trouvé & laissé Monsieur de Guise en bonne deliberation de bien faire, que si l'affaire n'eust esté descouverte il nous eust ja fait paroistre des effets de sa promesse & bonne volonté : mais que pour cela il ne nous abandonneroit point, qu'il estoit trop homme de bien pour nous faillir. Mesmes qu'il nous verroit plustost que nous ne pensions : & pour vous en assurer, me dit-il, j'envoye avec vous Chamois & Boisdauphin, qui vous assisteront & ne manqueront a leur devoir, si on vous veut forcer. Et d'ailleurs je ne seray loin de vous, & me verrez possible plustost que ne pensez.

Or les Seigneurs de Chamois & Boisdauphin furent passer au bas des Tuilleries, & vindrent loger au fauxbourg Saint Germain à l'Arbaleste, où je les fus voir le lendemain avec le Clerc, qui y alla faire la cour.

Le lendemain vingt-fixième Avril, sa Majesté m'envoya querir par le Sieur Petremol, environ sur les deux heures après midy en son cabinet, où estoient lors Messieurs d'Espernon, d'O, & de la Guiche, & fis entendre à sa Majesté ce que la Chapelle avoit exploité vers le Duc de Guise, & comme il avoit envoyé à Paris les Sieurs de Boisdauphin & Chamois, pour assurer ses amis de sa bonne volonté, luy faisant entendre particulièrement tout ce qui a esté cy-devant déclaré. Je vis lors sa Majesté comme estonnée & quasi en doute de ce qu'on luy faisoit voir à l'œil ; car il

me demanda si je luy pourrois fournir memoires assurez de ce que je luy avois baillé par escrit, si je n'estois point de la Religion, persuadé par quelques-uns d'eux, de me mettre entre les mains les dits memoires. Ce qu'ayant entendu, je suppliay sa Majesté de me faire prisonnier & envoyer querir quatre des principaux de la Ligue, que je luy nommerois, dont je m'assurois qu'il scauroit la verité, & que je verifirois mes memoires, voire plus que je n'en avois escrit, à peine de ma vie : suppliant sa Majesté de croire que je n'avois dit, ni escrit, que la pure verité sans aucun fard ni dissimulation : que je n'avois jamais hanté la Cour, & estois un tresmauvais Courtisan, n'ayant jamais eu cét honneur de parler à sa Majesté : que le seul zele de son service & l'assurance, que j'avois de la parole veritable que je portois, m'avoit donné la hardiesse de comparoistre devant sa Majesté, que je n'estois ni n'avois jamais esté de la Religion, ni persuadé par aucunes personnes d'icelle.

Lors sa Majesté me fit response qu'elle n'estoit en doute de ce que je luy avois dit : mais la preuve qu'il en desiroit estoit pour y besogner d'autre façon que je ne pensois, & cependant me pria de continuer, usant de ce mot & me disant, que bien-tost il me desgageroit d'où j'estois engagé, qu'il s'en alloit à Saint Germain en Laye ; où il seroit sept ou huit jours. Ce qui se passeroit pendant son absence que j'en advertisse Monsieur d'O, & que je n'y faillisse pas, & quant à ce qu'il m'avoit promis, qu'il estoit tout assuré, & qu'il n'y mangeroit point, & ce mesme jour sortit

tit de Paris pour aller à Saint Germain conduire Monsieur d'Espernon. Je croy qu'il avoit bonne envie pour lors, de ce que j'en pouvois juger, de donner ordre à ses affaires, & que pour cela en partie le Duc d'Espernon sortit de Paris. Mais quand il fut de retour, en ayant communiqué avec la Royné sa mere, & Villequier, il fut intimidé d'un costé & detourné de l'autre, si que son intention demeura d'estre executée lors qu'il le pouvoit faire: & depuis quand il l'a voulu il n'a pas pû.

Le Mécresdy vingt-septième Avril, je me trouvoy au logis du Clerc, où plusieurs estoient assemblez, entr'autres y estoit le Commissaire de Bar, Santueil, tous estonnez d'où estoit party cet advertissement, qu'on avoit donné au Roy de leur entreprise. Les uns en soupçonnoient Compan, pour ce qu'autrefois il avoit esté heretique: les autres le Comte Eschevin, les autres le pere de la Bruyere, & estoient fort divisez en opinion, s'en enpeschans fort, pour ce qu'ils disoient que jamais ils ne pourroient rien faire qui valust, tant qu'ils eussent descouvert les traitres de leur compagnie.

Sur ces entrefaites Madame de Montpensier leur donna advis que le Roy leur en vouloit fort, & qu'ils y pensassent s'ils vouloient, voire plustost que plus tard, qu'elle avoit parlé à luy pour le Duc de Guise son frere, & supplié tres-humblement sa Majesté luy permettre de venir à Paris, pour se justifier des faux bruits & calomnies qu'on luy avoit mis à sus, qu'il y viendroît en pourpoint, tout seul pour y perdre la vie, au cas qu'il se trou-

vast en rien coupable de ce qu'on l'accusoit. Mais qu'il n'avoit pas fait grand conte de toutes ces paroles, & avoit bien descouvert parlant à luy, qu'il avoit du dessein contre eux, qu'il falloit prevenir s'il estoit possible. Ce qui donna un grand courage à la Ligue d'exécuter à tous hazards leurs entrepises. De fait ils envoyèrent incontinent un homme en diligence vers le Duc de Guise, avec lettres, par lesquelles ils luy mandoient, que s'il ne venoit à ce coup les secourir à leur besoin, qu'ils ne le tenoient plus pour Prince de foy : Laquelle lettre fut cause que le dit Duc envoya en diligence sous main plusieurs Capitaines à Paris, que la Ligue logea en divers quartiers de la ville, avec charge de leur dire qu'il venoit après : Dequoy je donnay advis à sa Majesté, qui me fit réponse qu'elle avoit envoyé Believre luy dire, qu'il vint à Paris pour esmouvoir son peuple.

Le Jeudy cinquième May huit jours avant les Barricades, se dressa une entreprise contre le Roy, de Madame de Montpensier, qui donna ce jour à dîner à cinq ou six cuirasses en une maison nommée Bel-esbat hors la porte Saint Antoine à main gauche, qui devoient surprendre le Roy venant du bois de Vincennes accompagné seulement de quatre ou cinq grands laquais & un Gentil-homme ou deux ; ils devoient faire rebrousser son carosse en toute diligence vers Soissons, & incontinent donner l'alarme à Paris & par tout, que les Huguenots avoient pris le Roy & l'avoient emmené, & luy vouloient couper la gorge, afin d'avoir occasion de se ruër chaudement
sur

sur les politiques, comme ils eussent fait, les massacrans & tous ceux du Party du Roy, non seulement à Paris, mais par toutes les villes liguées, auxquelles on avoit donné le mot: Mais le Clerc m'ayant revelé en grand secret cette entreprise, je fus trouver sa Majesté au bois de Vincennes, qui en estant adverty, envoya incontinent querir cent ou six vingt chevaux à Paris, qui l'accompagnerent, qui fut le Vendredy au soir, auparavant les Barricades, & si tost qu'ils virent partir les dites troupes pour aller querir le Roy, chacun des dits hommes, qui estoient en la dite maison de Bel-esbar, se retirerent tout doucement chacun en son quartier.

Le Samedy ensuivant je fus advertir sa Majesté, que Monsieur de Guise venoit, laquelle me fit responce, qu'il y avoit envoyé le Sieur de la Guiche luy dire, qu'il ne vint pas.

Le Dimanche ensuivant je fus adverty que la Roynne Mere & Villequier me faisoient chercher pour parler à moy; mais je n'y voulus aller, craignant estre descouvert, & n'attendois que quelque mauvaise recompense de mes services.

Le Jeudy neuvième May, le Duc de Guise arriva à Paris, & aussi-tost m'envoya querir le Prevost Hardy, qui estoit fait de la main de Villequier; me voyant, il me demanda si j'estois encore à Paris, & que je serois pendu devant qu'il fust trois jours, que Monsieur de Guise estoit venu pour se justifier, & qu'on avoit trouvé mes memoires: mais je vis bien qu'il parloit à la traverse & par la pource de Villequier, qui luy faisoit tenir ce langage

afin de me faire prendre la fuite , ce qu'estant le dit de Villequier diroit au Roy que celui qui luy avoit baillé les memoires s'en estoit fuy désqu'il auroit sceu la venuë de Monsieur de Guise ; laquelle faute je ne voulois faire. Au contraire je n'ay le tout asseurément, après je fus trouver le Sieur de Petremol , auquel je fis entendre que je voulois parler au Roy , & me dit que Monsieur de Guise y estoit , & qu'il me falloit attendre , comme je fis jusqu'à cinq heures du soir que le dit Petremol me fit entrer dans son cabinet. Incontinent sa Majesté me demanda ce qu'il y avoit. Je luy dis SIRE , j'ay esté averty que Monsieur de Guise est venu icy se justifier , s'il plaist à vostre Majesté me faire mettre prisonnier , & en envoyer querir quatre ou cinq que je vous nommeray , ils vous confirmeront ce que je vous ay dit , & le soustiendray à peine de ma vie devant qui il vous plaira : Lors il me demanda si j'estois descouvert ; auquel je respondis que je ne sçavois. Il me dit que je me tinssse sur mes gardes. Pour m'en retourner chés moy , je trouvay que l'on mettoit les Suisses en bataille devant la Chapelle de Bourbon. Ce jour le lendemain je ne fus point voir le Clerc , mais le Mardy au soir sur les six à sept heures je trouvay un memoire, par lequel il me mandoit, que je ne fissse faute le lendemain au soir que estoit le Mécredy, veille des Barricades, de venir trouver avec la compagnie , que je luy avois promise.

Ce mesme jour , comme je revenois au Louvre , je trouvay la Chapelle qui me vint lut mener faire la reverence au Duc de Guise dequ

dequoy je m'excusay fort bien , craignant un coup de poignard : Et le lendemain voyant que je ne pouvois fatisfaire à la demande du Clerc , & par ce moyen je demeuroid tout à fait descouvert , je fus trouver Monfieurs d'O, auquel je fis fçavoir tout ce que je fçavois , qui me fit refponfe qu'il y donneroit bon ordre : Après laquelle refponfe je fortis de la ville , & gagnay les champs , attendant les nouvelles qui demeureroit le plus fort.

Les Barricades achevées , qui reüffirent à la fin que chacun fçait , ceux de la Ligue voyans que je n'avois fatisfait à ma promeffe , ils fe doutèrent que je les avois descouverts , & furent à mon logis faifir mes papiers , & y pillèrent ce que bon leur fembla : Mais ils ne trouverent rien des memoires qu'ils cherchoient : En vengeance de quoy ils mirent ma femme prifonniere : De forte que depuis mon depart de la ville de Paris , j'ay toujours fuivy fa Majefté felon fon commandement.

Mais je louë Dieu , & luy rends graces , de ce qu'il m'a tousjours affifté en une fi bonne œuvre , prefervé des mains de tous ces meurtriers & voleurs , & m'a fait la grace d'avoir donné des advis fi à propos à fa Majefté , qu'ils ont fauvé la vie à beaucoup de gens de bien de fes ferviteurs & fujets , m'eftimant plus heureux d'eftre povre pour le fervice de mon Roy & du public , que le premier & le plus riche de la terre en donnant contentement à une fi mal-heureufe entreprife : & ne defefpere point que quelque jour mes fervices ne foient reconnus par le Roy & les gens de bien.

Le Samedi d'après les Barricades, ayant sçeu les nouvelles que sa Majesté estoit sorti de Paris, & qu'elle avoit pris le chemin de Chartres, je commençay à suivre sa piste, l'y fus trouver le Lundy ensuivant, où je me presentay à luy. Il me demanda quel jour j'estois sorti, je luy dis que ç'avoit esté le jour des Barricades, suppliant sa Majesté avoir pitié de moy, que j'estois le premier de ses serviteurs, qui pour son service avoit esté contraint d'abandonner Paris, que je n'avois pris un sol, & cependant avois esté forcé de laisser à l'abandon de la Ligue ma femme & mes enfans. Sa Majesté dit lors tout haut qu'il estoit fâché de ce qu'il n'avoit mieux creu mes avis & plustost, & qu'il en avoit reconnu la vérité, mais trop tard; que les traitres l'avoient abusé. Je luy fis réponse que c'estoit à moi grand regret, & qu'il n'avoit tenu à moi il me commanda lors de le suivre, & d'avoir l'œil sur ceux que je verrois autour de lui qu'ils ne fussent du party de la Ligue, & commanda à Richelieu de me donner force quand je luy en demanderois, pour les prendre prisonniers, & ay tousjours suivy sa Majesté jusqu'à ce qu'il plut à Dieu l'appeler, qui a esté trop tost pour moy & pour plusieurs pour quoy je prie la divine bonté luy faire paix, Amen.

Il y en a beaucoup qui quitterent le party de la Ligue, lors qu'ils virent qu'on avoit fait luy à prendre sa Majesté le jour des Barricades, qui estoit le premier & principal dessein de la Ligueurs, & une de leurs fautes remarquables, qu'ils penserent recouvrer aux Estats de Blois.

mais ils firent encores plus mal leurs affaires.

Je ne mettray icy les autres signalez services que j'ay faits à sa Majesté depuis son départ de Paris, tant à Blois, Tours, qu'autres lieux, pource que je ne puis escrire au vray sans en toucher quelques-uns qui n'en feroient pas contens, d'ailleurs que j'ay assez d'ennemis pour avoir servy fidèlement le Roy, au contentement des gens de bien, & grand mescontentement des ennemis de cette Couronne.



LE DIVORCE
SATYRIQUE
OU LES AMOURS
DE LA
REYNE MARGUERITE

C'Est aux Roys à faire les loix
disent les Tyrans, & ceux dont l'
force & non pas l'amour regn
sur les peuples : Mais je ne lou
point, ni approuve cet axiome, encore qu
les armes & la violence m'ont rendu l'heritag
& le sceptre de mes peres. Dieu benit la dou
ceur, & fait prosperer les desseins de ceux
dont les actions sont autant aymées que re
doutées, & sera mon tesmoin si vos cœur
ingrats s'en rendent mesconnoissans, que j'ay
pardonné à plus d'ennemis, que vengé d'in
jures, aux yeux de tout le monde, comme
à la France, à Paris, ma clemence & ma de
bonnaire benignité, n'ayant pas absous seu
lement les perturbateurs de l'Estat, de leur
crimes, mais aussi remis mon particulie
interest à ceux qui temerairement ont osé
attaquer mon nom. J'ay cette obligation
au bonheur, d'avoir glorieusement veu la
fin des troubles de mon Royaume, d'avoir
experimenté la foy de mes bons sujets, d'a
voir estably pour long-temps une heureuse
pai

paix avec mes voisins, & d'avoir esteint mes ennuis plus particuliers par le moyen d'un divorce, qui separe de ma maison, ainsi que du cœur, celle dont l'infamie a longuement obscurcy ma reputation. Je sçay que plusieurs Estrangers, & plusieurs François mal affectionnez, trouvent fort estrange, qu'apres vingt-huit ans de mariage, un pretexte de parentage ait délié ce qu'un sacrement si digne avoit conjoint : les uns m'en appellent voluptueux, les autres Athée, & tous ensemble mesconnoissant : il faut que j'esclaire à leur ignorance, & que je confonde leur caute malice, cachant ma juste douleur, & déployant les dignes raisons, que j'avois par honneur voulu déguiser à la renommée, avec des paroles exquisés, ambiguës & recherchées : Ma grandeur m'expose, & me met en veuë, & l'integrité de ma conscience fait trouver bon qu'un chacun lise dans mes œuvres, afin que les malins & mal informez n'attribuent à tort aux delices, à la Religion, ni à l'ingratitude, encore qu'elle soit des dependances de la Couronne, ce que des causes plus pregnantes & recevables excusent.

Une pluye de sang au mont Aventin durant la Romaine superstition, presagea la défaite de Cannes ; & un torrent de sang respandu par toute la France à mes tristes nopces, predict la défaite de mon honneur : le Ciel qui voit clair à nos adventures en donne souvent quelque connoissance avant le succez, & les sages evitent le peril par la prevoyance. Je voyois le jour au travers de mon infortune, & toutes choses taschoient à m'en esclaircir : mais je
n'ay

n'ay pû fuir mon dommage , encore que le Roy Charles pour lors regnant, à qui l'humeur de sa sœur estoit prou connue , m'en donna quelque sentiment dessous cet oracle , lorsqu'assurant les Huguenots , pour les attrapper & les allecher d'une feinte paix, il protestoit sous mille sermens , qu'il ne donnoit pas sa Margot seulement pour femme au Roy de Navarre , mais à tous les heretiques de son Royaume. O • Prophetie trop veritable , & digne d'une sainte & divine inspiration ! s'il eust mis le general & non le particulier , & qu'au lieu des Huguenots seuls, il eust compris tous les hommes : car il n'y a sorte ou qualité d'iceux en toute la France avec qui cette depravée n'ait exercé sa lubricité ; tout est indifferant à ses voluptez , & ne luy chaut d'aage , de grandeur , ni d'extraction , pourveu qu'elle soule & fatisfasse à ses appetis , & n'en à jusques icy depuis l'aage d'onze ans desdit à personne, auquel aage Antragues , & Charins (car tous deux ont creu avoir obtenu les premiers cette gloire) eurent les premices de sa chaleur , qui augmentant tous les jours , & eux n'estans point suffisans à l'esteindre, encore que Antragues y fît un effort, qui luy a depuis abregé la vie , elle jetta l'œil sur Martigues , & l'y arresta si long-temps , qu'elle l'enroolla sous son Enseigne , & en donnerent l'un & l'autre tant de connoissance , que c'estoit le discours & l'entretien commun de tous les soldats dans les armées, où l'on connoissoit le dit Martigues outre sa valeur pour Colonel de l'Infanterie. Plusieurs d'entre vous, vous souvenez bien d'une escharpe de broderie , & d'un

d'un petit chien qu'il portoit ordinairement aux sieges & aux escarmouches plus dangereuses, & n'ignorez pas d'où partoient ses amoureuses faveurs, qui continuerent jusques à la mort, aprez laquelle il falut que par l'entremise de Madame de Carnavalet, Monsieur de Guise en passât les mains, jeune Prince, brave & ambitieux, lequel commençant desja de construire cette machine qui trop-tost esbranlée luy chéra dessus, songeoit de parvenir de ses impudiques baisers aux nopces, & d'en fortifier ses pretextes & ses desseins, ayant rompu dextrement le traité de mariage d'elle & du Roy de Portugal desja fort avancé & en tous termes, par le moyen du Cardinal de Guise son oncle, envoyé l'an mil cinq cens soixante huit en Espagne, pour se condouloir de la part du Roy tres-Chrestien avec le Roy Catholique de la mort de la Reyne Isabeau de Valois sa femme, Princesse autant vertueuse & sage, que cette sienne sœur virieuse & folle; & de laquelle les inconstances sont si frequentes, que l'examen de sa memoire mesme erroiroit à compter ses fautes : celles-cy sçay-je bien toutefois qu'elle adjousta tost après à ses sales conquestes ses jeunes freres, dont l'un, à sçavoir François, continua cet inceste toute sa vie; & Henry l'en desestima tellement que depuis il ne la peut aymer ayant mesmes à la longue apperceu, que les ans au lieu d'arrester ses desirs augmentoient leurs furies, & qu'aussi mouvante que le Mercure elle branloit pour le moindre object qui l'approchoit. Voila la pucelle que mes proches, & le bien commun, me firent prendre pour belle

belle & bonne, à son grand mescontentement & de ses favoris, entre lesquels Antragues, comme le Marechal de Retz m'a autrefois dit, qui faillit à mourir de regret, ou d'un lâchement de sang que la violence de la douleur de nous voir mariez luy provoquoit par divers endroits : Mais le temps qui guerit toutes choses, le guerit aussi, & le pourveut pour plusieurs années, d'une moins belle, mais plus constante Maistresse ; & elle de divers serviteurs, dont l'un toutefois, à sçavoir la Molle, s'en trouva marry, car sous pretexte de tremper en quelque conspiration, dont furent accusez les Marechaux de Montmorency & de Cossé, en laissa la teste à Saint Jean en Greve, accompagnée de celle de Coconas, où elles ne moisirent ni ne furent pas longuement exposées à la veuë du peuple, car la nuit venant ma preude femme, & Madame de Nevers sa compagne, fidele amante de Coconas, les ayant fait enlever, les porterent dans leurs carosses enterrer de leurs propres mains dans la Chapelle Saint Martin, qui est sous Montmartre, laissant cette mort de la Molle maintes larmes à sa Maistresse, qui sous le nom d'Hiacinte, a longuement fait soupirer & chanter ses regrets, nonobstant les frequentes & nocturnes consolations de Saint Luc, que nous avons veu depuis arriver par fois inconnu & desguisé à Nerac, jusques à ce que Bussi luy en fit oublier la perte, qui a esté par elle descouverte, quelque reputation qu'il eût d'estre brave parmy les hommes, & de ne l'estre gueres parmy les femmes, à cause de quelque colique, qui le prenoit

prenoit ordinairement à minuit; cette dégoustée déguisant en quelque façon son appetit de diverses sauces, s'en prit à Monsieur de Mayenne, bon compagnon gros & gras, & voluptueux comme elle, & sont tousjours depuis demeurez bons amis en toutes leurs rencontres; bien furent-ils quelque temps broüillez pour une lettre escrite à la Vitry, où il promettoit de preferer le Soeil à la Lune: mais toutes choses pacifiées le maltalent en demeurera seulement sur la Vitry, qui pour cela ne laissa pas de trouver party, non plus que cette pleine Lune, dont je n'ay jusques ici deduit que les vertus, ni par modestie compté la diffe-
rence de ceux que la renommée rend participants de ses secretes faveurs, me contentant de ceux seulement, que je sçay fort bien qu'elle ne voudroit ni ne sçauroit desadvouer. A ses premiers Amants succederent doncques en divers temps (car le nombre m'excusera si je faus à les bien ranger), ce grand dégousté de Vicomte de Turenne, que comme les precedens, elle envoya bien-tost au change, trouvant sa taille disproportionnée en quelque endroit, l'accomparant aux nuages vuides qui n'ont que l'apparence dehors; dont le triste amoureux au desespoir, après un adieu plein de larmes, s'en alloit perdre en quelque lointaine region, si moy qui sçavois ce secret, & qui pour le bien des Eglises feignois pourtant de n'en rien sçavoir, n'eusse tres-expressément enjoint à ma chaste femme de le rappeler: ce qu'elle fit tresmal-volontiers, desirant de tout temps pour la vanité, que quelque lourdaud se rompiست le col à son occasion;

sion: mais il n'est gueres plus de ces fots depuis qu'on s'en moque; car de manger de rage les plumes de son chapeau, comme la Bole, & casser en colere une bouteille d'encre aux yeux des Dames, comme Clermont d'Amboise, ce sont petites rages & jalousies, qui n'estoient que trop ordinaires chez nous, & que consentant à mon des-honneur, je sçavois & voyois clairement, donnant par cette tolerance aux uns & aux autres souvent le courage, & les commoditez de faillir; elle le sçait bien, & plusieurs de vous qui tenez la main à ses gentilleses, aussi je ne suis point tellement aveuglé moy-mesme en un fait si sensible & si apparent, que je n'apperceusse, comme les autres, que Clermont maintefois la baisoit toute en juppe sur la porte de sa chambre, tandis que le soir, pour luy donner loisir de se mettre au lit, je joüois ou me promenois avec ma noblesse dans la salle. Que direz vous, fâcheux maris, de cette souffrance? n'aurez vous point de peur, que vos femmes vous laissent pour venir à moy, puisque je suis ainsi amy de nature? ou n'estimerez vous point plustost que ce fût quelque lâcheté? vous aurez raison de le croire, & moy de vous l'avouer, si considerant que j'avois pour lors plus de nez que de Royaume, & plus de paroles que d'argent, vous m'approuvez, que j'avois besoin de toutes mes pieces, & principalement de faire & conserver des amis, ou bien les perdre & n'en point acquerir: la consideration de cette Dame, telle qu'elle est, flechissoit ses freres & la Reyne sa mere aigrie contre moy; sa beauté m'attiroit force Gentils-
hom-

hommes, & son bon naturel les y retenoit ; car il n'estoit point fils de bon lieu, ni gentil compagnon, qui n'avoit une fois en sa vie esté serviteur de la Reyne de Navarre, qui ne refusoit personne, acceptant ainsi que le tronc public les offrandes de tous venans : il est vray que de quelques-uns elle se'mocquoit, comme vous direz de ce vieux rusien de Pibrac, que l'amour avoit fait devenir son Chancelier, duquel pour en rire elle me monstroit les lettres. Je connois à vos yeux, ennemis de société, que si vos femmes vivoient ainsi, vous seriez en peine & par aventure iriez vous au Conseil de Chaune ou de Villeclaire, pour sçavoir comme on s'y gouverne : mais je n'eus jamais cette volonté, quoy qu'on me conseillat, quoy quelle craignit, ni quoy que les Astronomes plus entendus vissent, & conneussent au Ciel, & au point de son horoscope : je sçavois fort bien que dès le 21, jusques au 28 de Mars de l'an 1560. sa nativité le jugeoit mourir de ma main pour raison d'honneur ; mais une certaine prescience de nostre future separation, ou, pour mieux dire, une certaine prudence humaine, me fit divertir les effets des affections & impressions des Astres, continuans tous deux comme devant, moy ma bonté naturelle, & elle son opiniastre inclination à sa volupté, laquelle pour exercer avec plus de delices, & hors des rudesses de la toille, cette impudique a d'autrefois couché avec son seigneur dans un lit éclairé de divers flambeaux, entre deux linceuls de taffetas noir, accompagnez de tant d'autres petites voluptez que je laisse à dire : ce fut lors qu'elles

les conquret de ces mignardises non pas une Lyna comme Uranie, dont à tort elle usurpe le nom : mais bien cet Esplandian, qui vit encores, & qui sous des parens putatifs promet de réussir quelque chose de bon un jour. Ne vous estonnez plus, si poudreux & suant au retour de la guerre, de la chasse, ou de mes autres violens exercices, elle avoit mal au cour de me caresser, jusques à changer les draps; où nous n'avions seulement demeuré qu'un quart d'heure ensemble, puisque son desir se passoit de ces friandises, & ne l'attribuez plus comme vous, souliez à cette fâcheuse senteur de l'aissle & du pied dont elle m'accuse, ni au desdain de nostre disparité, bien que vous ayez apperceu quelquefois qu'elle mesprisat & desestimat les miens, jusques à me répondre un jour, que je voulois que Madame de Tirans mangeat à sa table (car c'estoit le privilege de mes parens), qu'il falloit plustost doncques qu'avec un bassin remply d'eau, & une serviette ou tablier devant elle, ils se laissassent laver les pieds, voulant inferer que c'estoient des gueux, & qu'elle s'en alloit faire la Cene, ne se souvenant pas (avec sup-
portation de mes nouveaux alliez), qu'à Florence elle a cent Mercadans qui luy sont plus proches de vingt degrez, que pas un allié des illustres maisons de Foix ou d'Albret n'est proche de Bourbon : elle a bien depuis ravallé de gloire, & changé de devise, ainsi que vous oïrez de fil en esguille, s'il ne vous ennuye de m'escouter & d'entendre une partie de ses fortunes.

Depuis qu'elle fut honteusement sortie de
Paris,

Paris, d'où un Capitaine des Gardes la fit partir, apres avoir fouillé jusques dans sa littere, & regardé qui l'accompagnoit, & si Madame de Duras, & de Bethune, Secretaires de son Cabinet, y estoient, pour les en chasser : cet affront luy fit peur, & luy fit tellement craindre pis, qu'elle fut quelque temps vivante avec la vergogne de ses pechez : mais étant mal-aisé que le poisson ne revienne à l'hameçon, & le corbeau à la charogne, ce haut-de-chaussé à trois culs se laisse derechef emporter à la lubricité & débordée sensualité, me quittant sans mot dire & s'en allant à Agen, ville contraire à mon party, pour y establir son commerce, & avec plus de liberté continuer ses ordures, mais les habitans presageans d'une vie insolente d'insolens succez, luy donnerent occasion de partir avec tant de haste, qu'à peine se put-il trouver un cheval de croupe pour l'emporter, ni des chevaux de louage ni de poste pour la moitié de ses filles, dont plusieurs la suivoient à la file, qui sans masque, qui sans devantier, & telle sans tous les deux, avec un desaroy si pitoiable, qu'elles ressembloient mieux à des garces de Lansquenetz à la route d'un Camp, qu'à des filles de bonne maison ; accompagnée de quelque noblesse aharnachée, qui moitié sans bottes, moitié à pied, la conduisirent sous la garde de Lignerac aux monts d'Auvergne dans Carlat, d'où Marze son frere estoit Chastelain, place forte, mais ressentant plus sa tanniere de larrons que la demeure d'une Princesse, fille, sœur & femme de Roy.

Je rougis, & rememore à regret tant d'indigni-

dignitez, ſçachant bien que les faits des grands ne meurent jamais, & qu'après mille ſiècles un ſiècle moins vicieux ſ'eſmerueillera, que noſtre ait produit un monſtre au lieu d'une femme, & le vitupere d'un ſi beau ſexe de ſemence des Oincts de Dieu.

J'eſperois avant cette dernière boutade ayant tant de preuves de ſon naturel incorruptible qui ſe laſſe de tout, qu'enfin elle deuſt laſſer d'une ſi continuë diſſolution, & que le gré de me voir oublier le preſent comme le paſſé la deuſt gagner & vaincre d'obligation. J'en ay perdu, comme vous voyez, & ma douceur & ma peine, & ne m'en reſte que le regret d'avoir veu ma maiſon ſouillée & l'apprehenſion de ſervir de ſujet à ceux, qui gravent nos noms à l'Eternité, outre l'ennui d'eſtre deſja vieux, & de voir à ſon occaſion cette petite famille dont Dieu a beni noſtre ſeparation, en un ſi bas aage, qu'elle ne puiſſe regir aprez moy ſans crainte cette Monarchie ni recueillir en repos ce que j'ay ſemé avec grands labeurs. Dieu qui m'a fait cette grace qu'il fit à Jonas en me delivrant du ventre famelique de cette baleine, ſçait combien volontiers je voudrois avec des paroles plus douces pouvoir expoſer l'article ſecret de noſtre divorce, & n'eſtre pas contraint d'eſventer ce que je voudrois enſevelir: mais le murmure public & la calomnie m'y forcent, & l'aſſurance que j'ay d'avoir plus de teſmoins de ſes malefices, qu'il ne ſe trouveroit de voix pour l'exaucer, m'y convie.

Le Roy ſon frere oyant cette ſienne fuite & ma plainte, m'eſcrivit que ſi j'euffe cre
fo

son Conseil au retour de Paris, & traité sa sœur comme elle le méritoit, & comme l'information qu'il m'en avoit envoyé le consentoit, je serois hors de peine, & luy sans soucy de ses impertinences; & dit tout haut en présence de ceux qui le voyoient disner, Les Cadets de Gascogne n'ont peu souler la Royné de Navarre; elle est allé trouver les Muletiers & Chauderoniers d'Auvergne. Je vous jure (car nous avons désormais la perruque tonduë & blanche esgalement) que le respect qu'on doit au poil blanc me retient, & que je laisse à dire plus de choses que je n'en dis, me contentant de celles qui font voir, que je ne parle pas par cœur, ni en homme qui paye mal ses advertisseurs. Chacun qui luy a souvent parfumé son devant de storax, outre qu'il m'a servi de tescmoin que c'est le plus puant & le plus infect trou de tous ceux qui pissent, m'en a autrefois tant dit & de tant de sortes, qu'il n'y a que les ignorans qui m'en puissent desavouer; à qui j'apprens que cette perduë estant arrivée à Carlat, où elle fut long-temps non seulement sans daiz & lit de parade, mais aussi sans chemises pour tous les jours, elle commença de voir & de regarder sur lequel de ceux-cy courroit l'honneur de son nom, elle jetta l'œil sur son Cuisinier, pour ne chaumer point, se fachant d'attendre Duras qu'elle avoit envoyé vers le Roy d'Espagne querir de l'argent, encore que sa femme sa confidente craignant qu'elle ne luy enlevat son Causaquet, luy preschat la constance & le mérite de cet absent: Mais son desir insatiable esgal à la

faim d'un limier qui cause une défaillance à qui ne se soule tousjours , ne peut endurer cette attente ni celle de Saint Vincent , qui pour éviter la depense estoit allé jusques à sa maison. Elle s'en prit au triste Aubiac , comme au mieux peigné de ses domestiques , qu'elle enleva de l'Ecurie en la Chambre , & s'en fit tellement picquer , que son ventre heureux en telle rencontre en devint rond & enflé comme un balon, vomissant en son terme un petit garçon, avec le secours d'une femme sage que la mere de ce picqueur pour l'amour de son fils y avoit conduite , assistée du Medecin du May , lequel outre sa profession , & de luy penser quelque apostume sur son derriere , luy servit à ce coup de porter ce jeune Prince nouveau Lyfandre mal emmailoté en nourrice au village d'Escoubiac là auprès, si fraichement nay , que neantmoins pour le froid enduré du long chemin il en demeura pour tousjours privé de l'ouïe & de la parole, & pour ces imperfections , abandonné de l'amour & du soin de sa propre mere , qui ayant oublié les plaisirs de la conception , a long-temps permis qu'il ait gardé les Oïsons en Gascogne, où Mademoiselle d'Aubiac son Ayeule l'a (tant qu'elle a vescu) preservé de mourir de faim , & depuis elle Gefilax de Firmacon son beau-fils, qui montre encore aujourd'huy par grande rareté ce gage de la Couronne à ceux, qui le vont voir à Birac , où il l'entretient moyenant deux cens escus de pension , que Goute Raquette luy va depuis quelque temps chercher à Usson & à Paris.

Plusieurs de ceux qui sçauront sa fécondité
s'es-

s'estmerveilleront avec raison qu'elle n'ait aussi tost retenu de moy que d'un autre, & feront divers jugemens de mon impuissance, au lieu d'attribuer ce secret à celuy qui ne permet point que la maison paillarde prospere : je m'en suis quelquefois esbahy moy-mesme, qui, Dieu mercy, ne suis pas des plus refroidis, & qu'il n'en deplaise à cette preude femme, ay autant d'adulterins mal semez comme elle en divers endroits : mais je n'ay sceu onques deviner la cause de nostre compagnie sterile & infructueuse, ni pû l'attribuer aux raisons communes, bien que je sçache qu'à regret elle a souvent consenty à la force de mes desirs pour se donner volontairement en proye à mille, qui n'en eussent osé pretendre ni esperer aucune faveur, si luxurieusement effrontée elle ne les eût, pour parler intelligiblement, mis dessus ; entre lesquels on peut bien mettre Aubiac, Escuyer chetif, rousseau & plus ravelé qu'une truitte, dont le nez teint en escarlatte ne s'estoit jamais promis au mirouer d'estre un jour trouvé dans le lit avec une fille de France, ainsi qu'il le fut à Carlat par Madame de Marie, qui trop matineuse fit ce beau rencontre, allant donner le bon jour suivant sa coustume à la Reyne, payant neantmoins cet officieux devoir avec la mort de son mary, que cette vertueuse Princesse entenduë au boucon du pais maternel fit empoisonner, esperant delivrée de cet obstacle & fortifiée des soldats, que Romes cousin d'Aubiac estoit allé lever en Gascogne, se rendre Maistresse absolue de la place, & en tirer ingratement ceux qui l'avoient liberalement receuë &

mise à couvert : mais l'exemple de Duras les avoit fait sages, qui-revenu d'Espagne tout mutiné de trouver sa Dame pourveuë & avoir ignominieusement esté jetté par les espauls en danger de pis, si Misselac ne fût tout à propos arrivé au secours, sous pretexte d'avoir prodigalement employé ce que cette nouvelle Amazone avoit destiné pour me guerroyer, en gans parfumez, chevaux d'Espagne, & autres babioles du païs d'où il venoit : si bien que la garde renforcée, & son secours Gascon découvert, on luy conseilla familièrement de trouver autre giste, & de vuidier promptement le logis. Ce qu'elle (peureuse & apprehensive) execute sur l'heure, partant avec la mesme confusion & desâroy qu'elle y estoit venue, & parvenant par ses journées à Ivoy, maison de la Roynne sa Mere; où à peine arrivée elle fut du commandement du Roy par le Marquis de Canillac assiegée & prise avec son amant, lequel on trouva vilainement caché sous quelques ordures, sans barbe & sans poil; l'ayant sa Maistresse ainsi deguisé de ses ciseaux mesmes pour le sauver. Et après que mille belles & persuasives paroles n'eurent pû gagner qu'il se fist mourir avant que tomber entre les mains de ses ennemis; offrant luy montrer le chemin de cette genereuse & peu Chrestienne resolution, s'il avoit le courage de la suivre. Je vous vois tous esmeuz d'une si miserable fortune, & connois que sa qualité vous incite à compassion, vous souvenans du nombre des Roys de son nom, sous lesquels vous avez heureusement estendu les bornes de ce Royaume, & valeureusement rabattu
l'orgueil

l'orgueil de vos voisins : & me deuil comme à vous de voir leur memoire offensée, & que cette ennemie de la vertu diminue & obscurcisse ainsi leur reputation : Mais il n'est point de race tant illustre, ni de famille tant renommée, qui ne puisse à la fin abastardir ; ni rien de si pur ni de si parfait, qui souvent refondu, ne laisse à la fin quelque ordure. L'amour pourroit causer quelque erreur : mais infinies amours sont indignes d'excuses, lors mesmement qu'elles sont conçues par un sale desir, guidé par l'effronterie, entretenue par la volupté, ainsi que ces deshonestes. plasirs, dont la diversité vous estonne, & le vice augmente mon deshonneur, à la confusion de cette autre Alcine, qui pleurante, & à peine hors des bras du dernier amant, songe & invente d'autres moyens de prendre celui qui l'a prise. J'excuse Canillac, quoy que vilainement il trahit celui, qui fioit sa sœur sur sa preudhommie, & je confesse (moy de qui la fragilité se laisse souvent emporter aux femmes) qu'il est tresdifficile de parer aux yeux & à la voix qui consulte nostre ruine. Ce Marquis témoigne mon dire & plus né pour les affaires que pour l'amour, qui preferant à la foy qu'il devoit à son Maistre, un chetif plaisir, se laisse piper aux artifices de sa prisonniere, oubliant son devoir, & quittant tout ce qu'il pouvoit pretendre de sa fortune, pour se rendre amoureux de cette amoureuse, & tellement jaloux, qu'il en sacrifia le pauvre Aubiac au soupçon ; luy faisant faire son procez par Lugoly, & puis pendre & estrangler à A-gueperse, tandis qu'au lieu de se souvenir

de son ame & de son salut , il baïsoit un manchon de velous raz bleu , qui luy restoit des bien-faits de sa Dame. J'admire qu'en ce genre de mort fut accomplie une prophetie ; car plusieurs qui s'en souviennent encore fort bien , vous tesmoigneront qu'Aubiac accompagnant le Commandant de Saint Luc , lors qu'il vit cette Roïne premierement , dit tout haut en la regardant attentivement , Je voudrois avoir couché avec elle à peine d'estre pendu quelque temps après. Il n'est pas toujours bon de deviner , ces oracles ainsi exprez sont à craindre , & m'estonne que ceux qui ont herité depuis eux d'une si specieuse & rare fortune , n'en ayent apprehendé pour le moins autant : mais on voit bien que les gibets sont pour les mal-heureux & non pas pour tous les coupables. Canillac pour ce criminel , sur qui il exerça plustost sa jalousie que ma vengeance , ne laissa pas de faire les doux yeux , & de soigner sa petite taille outre l'ordinaire , devenant en peu de temps d'aussi mal propre que je pourrois estre , coint & poli comme un beau petit amoureux de village : mais de quoy luy servit à la longue sa bienfiance ? Cette inconstante , dont il cuidoit retenir la legereté sous la clef & sous l'impugnabile forteresse d'Usson , se fâche de son ordinaire & coustumiere façon de commander , & d'approcher de son ratelier ores l'un , ores l'autre , & souvent plusieurs à la fois ; voulut devenir Maistresse & chercher à l'accoustumé dans le change , la pointe & l'esguillon de son appetit ; pour à quoy parvenir & sçachant par experience combien peut le desir sur la volupté

volupté, feint d'aimer, de se voir aimée; & consentant à l'importunité de quelques prières, elle esmeut & allume si bien son gardien, qu'enfin ses artificieuses caresses obtiennent sa liberté, sous promesses que ce qui sembloit estre seulement accordé pour lors chichement à la force, seroit prodigalement départi par la volonté, lorsque libre & Maistresse d'Usson absoluë, elle pourroit sans apprehension vaquer à l'amour, & le tromperent en cette façon; car à peine eust elle obtenu que la garnison vuideroit, qu'elle remplaceroit des gens à sa devotion, & que son facile Marquis cependant se retireroit à Saint Cirque cueillir ses pommes; qu'ingrate de ce serviteur, elle ne peut plus ouïr seulement proferer son nom; & rassurée d'une bonne troupe d'hommes qui luy fut envoyée d'Orleans, qui faillirent tost après à la traiter en fille de bonne maison; elle se resoud de n'obeïr qu'à ses volontez, & d'establi dans ce Roc l'Empire de ses delices, où clause de trois enceintes & tous les grands portaux murez, Dieu sçait & toute la France les beaux jeux qui en vingt ans se sont jouëz & mis en usage. La Nanna de l'Arretin ni sa Sainte ne sont rien auprès. Il est vray qu'au lieu des galands qui fouloient adoucir sa vie passée, elle y a esté reduitte à faute de mieux, à ses domestiques, Secretaires, Chantres & Metis de Noblesse, qu'à force de dons elle y attiroit, dont la race & les noms inconnus à leurs voisins mesmes, sont indignes de ma memoire, horsmiscaluy tant célébré de Pominy, fils d'un Chauderonier d'Auvergne, lequel tiré de l'Eglise Cathedrale de

la ville, d'enfant de Cœur parvint, par le moyen d'une assez belle voix qui le discernoit d'avec ses semblables, à la musique de cette Roïne, s'introduisant enfin de la Chapelle à la Chambre, & de la Chambre au Cabinet pour Secrétaire; où longuement il a tenu diverses parties, & fait diverses dépesches: c'est pour luy que ses folies se sont si fort augmentées, qu'on en pourroit fournir des justes volumes: c'est de luy qu'elle dit qu'il change de corps, de voix, de visage, & de poil, comme il luy semble; & qu'il entre à huis clos où il luy plaît: C'est pour luy qu'elle fit faire les lits de ses Dames d'Usson, si hauts qu'on y voyoit dessous sans se courber, afin de ne s'escorcher plus comme elle souloit les espauls, ni le fessier, en s'y fourrant à quatre pieds toute nuë pour le chercher: c'est pour luy qu'on l'a veue souvent tastonner la tapisserie pensant l'y trouver, & celuy pour qui bien souvent en le cherchant de trop d'affection, elle s'est marquée le visage contre les portes & les parois: c'est pour luy que vous avez tant ouï chanter à nos belles voix de Cour, ces vers faits par elle mesme:

*A ces bois, ces prez, & ces antres
 Offrons les yeux, les pleurs, les sons,
 La plume, les yeux, les chansons,
 D'un Poete, d'un Amant, d'un Chantre.*

Et c'est luy qu'elle nomme maintenant ce méchant homme, qu'elle dit luy gaster tout ses serviteurs, & pour qui son œil droit luy bat sans y faillir, lorsque contre elle il brasse quelque malice. Qui d'entre vous peut ignorer ces mysteres tant apperceus des moins clairvoyans,

voyans , ni s'esbahir deormais de nostre divorce , ayant tant de justes raisons de nostre separation ? Je suis un peu long-temps en ce discours contre ma coustume , & connois que je fasche peut-estre quelqu'un à qui la continuation de ma honte estoit agreable : mais le fait me touche , & faut que pour un coup je me soule aux dépens de vostre patience & de mon loisir. Ce Manifeste qui peut-estre vivra plusieurs siecles , apprendra quelque jour aux esprits amis de verité , ce que j'ai voulu taire tant par modestie à nostre Saint Pere , & au Cardinal de Joyeuse Commissaire par luy député pour m'ouïr sur les causes de nostre repudiation ; n'ayant sur vingt & deux chefs en son interrogatoire respondu chose qui luy puisse apporter deshonneur nî blasme , si ce n'est peut-estre sur celuy qu'il s'enquist de moy , si jamais durant le mariage nous avions eu communication ensemble ; où je respondis contraint par la verité , que nous estions tous deux jeunes au jour de nos nopces , & l'un & l'autre si paillards , qu'il estoit plus qu'impossible de nous en empêcher. La description particuliere de sa vie ne me dément point , je m'en rapporte à ses amis mesmes , si tant est que son vice luy en ait encore laissé quelqu'un , & me soumetts à leur jugement , quoy que fort suspect , si j'ajoute ou diminue au conte , aimant beaucoup mieux en dire trop peu , que m'obliger à déduire tout. Tant & si diversifiées sont & ont esté jusques icy ses affections , ou plustost ses foibles (car ainsi faut-il baptiser ses jalousies & dernieres fureurs amoureuses) qui commencerent à

Bonivet & qui ont toujours continué depuis
c'est bien loin de ce que sa boune fortune lui
promettoit, l'ayant fait naistre d'un des plus
grands & Magnanimes Roys de la terre, &
la voir aujourd'huy valet de la sorte, & tellement
reduitte du trot au pas, que de Roy elle
soit venue Duchesse, & de legitime Epouse
du Roy de France, amante passionnée
de ses valets. Partant on ne scauroit justement
s'offenser pour elle contre Madame de Guise
qui discourant une fois du ravaleme[n]t de
gloire, chanta fort à propos une vieille chan-
son de son temps, dont le refrain estoit :

*Margot Margueritte en haut ,
Margot Margueritte en bas ,
Margot Margueritte.*

Tellement on l'avoit des honorée, & de grâ-
ce de qu'elle souloit estre, d'un chacun mespris
& rangée au petit pied, Dieu le causant, do-
mineur & irreverent, elle souille les sacrés mystere
osant impudemment depuis plusieurs années
trois fois la semaine faire sa Pasque dans sa
bouche aussi fardée que le cœur, la face pla-
trée & couverte de rouge, avec une gran-
de gorge descouverte qui ressembloit mieux
plus proprement à un cul, que non pas à un
sein. J'ay horreur de me scandaliser, moy qui
ne suis pas des plus entendus du Royaume
fait de ma Religion, de voir ainsi prophane
cette sainte reconciliation avec son Dieu, &
recevoir si souvent le Sauveur du monde
dans un corps si pollué de paillardes voluptez, si ta-
cheux (car les contemplatifs en doutent), que
l'hostie que hypocritement elle feint recevoir
soit consacrée; ne pouvant quelquefois p

mi la pitié que j'en ay m'empescher de rire des extravagantes jalousies, & fortes passions qu'on raconte de ses amours, qui la transportent plus souvent à mespriser ce qu'elle voit, & à croire ce qui n'est point, ores cherchant furieuse & chaude ses Rufiens en tous les endroits les plus cachez de sa maison, bien qu'elle ne puisse ignorer qu'ils sont autrepars; & ores les voyant & oyant, & toutefois se persuadant que sous leur image ce soient d'autres qui taschent à la decevoir, & à luy méfaire. Vous sçavez les particularitez mieux que moy qui n'en sçay que trop : mais peut-estre vous ignorez que l'enorme laideur, & le peu de merite, & la qualité de ce Pominy, a fait croire à plusieurs qu'il y ait eu du charme, quoy qu'elle ait esté plusieurs fois charmée de mesme, s'arrestant sur ce qu'à Usson, on luy voyoit ordinairement pendu au col entre la chemise & la chair, une bourse de soye bleuë, en laquelle ses plus privez avoient descouvert une boîte d'argent, dont la superficie gravée representoit naïvement (outre plusieurs differens, & inconnus caracteres) d'un costé son portrait, & de l'autre son chauderonier, qui l'avoit par un si solemnel serment obligée à ne l'ouvrir de certain temps, ni à s'en dessaisir, qu'elle confessoit la larme à l'œil, ni l'oser, ni le pouvoir faire. On m'a dit que le Roy son pere fut par Madame de Valentinois enforcélé de mesme : & je n'ignore pas qu'en niant la magie, on refuse en un mesme temps, non seulement la propriété des herbes, des plantes, des mineraux, des corps celestes, & des paroles; mais aussi la propre puissance

de Dieu en la vertu des substances séparées. Que ce soit charme ou non, à d'autres en soit la dispute, si faudra-t-il que l'on avouë qu'il se trouve pour enforcer, des matieres bien-aisées & disposées, & une ame fort attachée au corps, & un corps fort subject au charnel plaisir : dont le frequent usage l'a reduitte à ne pouvoir plus ouïr proferer sans rougir ni penser qu'on se mocque d'elle, ces mots (honneur & vertu) qui sont ennemis & directement opposés à sa profession. Il n'est point de juge meilleur que la conscience, elle nous esveille & nous poind ordinairement en la partie la plus dolente : aussi cette Dame a beau avoir demeuré enfermée, & n'avoir veu que petites gens dans Usson ; elle a esté pourtant trompettée par tout le monde, & s'est rendue subiette à ne pouvoir plus tolerer qu'on touffe, rie, ou parle bas en sa presence, tant le soupçon & le mesfy d'elle mesme luy fait apprehender le discours de ses actions. Je suis maintenant à peu prez exempt de sa honte, & delivré deormais de m'en souvenir, & suis assez bon compagnon, pourveu qu'elle en valut la peine, pour luy en dire par humeur encore deux mots aussi bien que les autres.

Jusques icy ses fautes n'estoient que fleurs, quoy qu'assez mal couvertes ; l'aage, le temps, & sa volontaire prison d'Usson en faisoit tolerer & cacher quelques-unes : son habitude au mal avoit desja lassé les langues plus babilardes, & sa longue absence avoit desja fait oublier son nom parmy les Grands : mais pour couronner son œuvre & donner la dernière main à ce beau discours de sa vie, elle a voulu
venir

venir revoir la France, & n'a pas voulu moins choisir que Paris & les yeux de la Cour, pour servir de Theatre & de tefmoin à son hiftoire qu'elle promet d'efcrire cy-aprez. Vous y voyez auffi clair que moy : mais oyez en quelle façon un fourrier bien instruit luy marque l'Hostel de l'Evesque de Sens, lors qu'aprez son arrivée en cette ville elle y alla premiere-ment loger :

*Comme Roine elle devoit estre
Dedans la Royale maison :
Mais comme putain c'est raison,
Qu'elle soit au logis d'un prestre.*

Je ne croy point que si on peut avoir quelque ressentiment d'honneur, qu'elle n'ait d'estranges esclancemens dans son ame autant de fois qu'elle tourne ses yeux vers le Louvre, se representant qu'elle en a perdu la demeure pour un sujet dont une plus chaste qu'elle ne se sçauroit souvenir sans rougir. O insigne impudence, & manifeste effronterie ! à huis ouverts, aux yeux de tous, & faisant gloire de son amy, exercer publiquement sa lubricité, & ayant depuis son enfance fait banqueroute à la renommée, il ne luy chaut que l'on l'estime, pourveu qu'on satisface à ses ords desirs. Elle tint bon à Paris, & au bois de Boulogne environ six semaines : mais ne se pouvant plus passer du mâle, plaignant le temps, & ne voulant plus demeurer oisive; elle envoya chercher un petit valet en Provence, qu'avec six aunes d'estoffe elle avoit annobli dans Usson en l'absence de Pominy depuis quelques années, dont l'éloignement luy causoit tant d'impatience, qu'à son arrivée

pour luy faire payer le chaume, ils demeuroient souvent ensemble enfermez dans un cabinet des sept & huit jours, avec les nuentieres, sans se laisser voir qu'à Madame de Chastillon, qui cependant rongeoit son frein à leur porte, & aydoit seule à tenir secret ce que tout le monde sçavoit assez. Cet Amant est ce datte pour qui vous voyez encore tant de palmes en ses tapisseries; C'est ce petit chichon tant reclamé en ses voluptez; C'est ce fils d'un Charpentier d'Arles jadis laquais de Garnier, l'un des Maistres de ma Chapelle. C'est ce mignon, que le Jeune Vermond luy tua deux mois après qu'il fut arrivé à Paris devant la portiere de son carosse; C'est celui dont la perte luy fit changer le quartier de Saint Antoine avec Saint Germain; Celui pour qui depuis elle a fait escrire & chanter tant de vers; & celui pour qui l'on ne peut seicher ni tarir ses larmes, quoy que le bien disant Beaujement en ait entrepris la cure par le secours des plus fortes persuasions que Mayne son assistant peut tirer dans toutes les fleurs de bien dire. Que vous ensemble ne devoit elle pas bien venir à Paris pour témoigner ce bel amandement de vie passée & elle la plus difforme femme de France n'estoit-ce point à elle à faire venir des monnes reformez? qui sera celui qui lira ses actions heroïques (car ils ne manqueront pas d'ecrivains), qui n'admire son inclination au putanisme, & qui n'approuve qu'ils meriteroient d'estre enregistrez au bordel? Ceux qui font cette esperance de liberalité la louënt en leurs presches, luy adressent des livres, ou qui escrivent

vent à sa louange , ont beau luy attribuer des qualitez qui ne luy font pas deües ; car la véritable traditive , que malgré eux les siècles futurs conserveront de pere en fils immémorialement , faisant fort qu'ils sont des menteurs autant pleins d'avarice , & de flatterie , comme elle est ennemie de la vertu. Et qu'il ne soit vray , lequel d'entre vous l'a jamais veu faire une bonne œuvre , qui ne se puisse aussi-tost refuter avec une mauvaise ? Avez vous veu jamais personne qui se loüe de ses bien-faits , vous qui oyez ordinairement reprocher ses ingrattitudes ? Avez vous jamais veu ses amans , excepté quelques-uns , enrichis de ses mains , vous qui voyez les prisons pleines de ceux qu'elle appauvrit ? l'avez vous jamais veu au sermon sans dormir , à vespre sans parler , & à la Messe sans son Rufien ? Je croy que plusieurs , luy peuvent bien avoir veu maintesfois prodiguer des aumônes : mais lequel est-ce qui luy a jamais veu payer de bon cœur une dette ; Elle donne , je le sçay bien , & à mes despens , la disme de toutes ses ventes & pensions aux Convents & Monasteres tous les quartiers : mais aussi elle retient , dont j'ay grand pitié , le salaire de ses Domestiques , & de ceux qui le long de l'année luy ont fourny leurs denrées , & leur labour. En somme tout son fait n'est qu'apparence & ostentation , sans aucune estincelle de devotion ni de pieté : Je la connois de longue main. Si ces raisons de nostre divorce ne satisfont à ceux qui blasment nostre separation , & qu'il n'y ait point en son vilain corps prou de sujet pour l'abandonner , je
vous

vous deduiray une autre fois à loisir les monstruosités de son esprit, où vous n'aurez pas moins occasion de rire que de vous esmerveiller; le sujet m'emporte, & plus je parle, & plus je trouve à parler : car quoy que j'eusse resolu de faire, en cet endroit, ma pensée est de n'aigrir point davantage mon Manifeste. J'ay toutesfois Beaujement avec son bec jaune qui me semond de luy donner place, & de luy faire jouïr son personnage sur cet eschafaut. Ce Beaujement metz nouveau de cette affamée, Idole de son temple, le veau d'or de ses sacrifices, & le plus parfait sot qui soit jamais arrivé dans la Cour, lequel introduit de la main de Madame d'Angluse, instruit par Madame Roland, civilisé par le Mayne, & naguères guery de deux poulains par Penna le Medecin, & depuis souffleté par Delain, maintenant en possession de cette pecunieuse fortune, sans laquelle la pauvreté luy alloit safraner tout ainsi que la barbe le reste du corps : Je n'ay que faire de vous conter leurs privautes, elles sont prou conneuës, ni rechercher dans la memoire, pour vous particulariser leurs amours, aucuns termes de mignardises & de douceurs : car ce feroit tout autant comme d'appeller des gros mâtrins de boucherie Marjolaine ou bien Romarin. Je vous diray seulement en passant, que cette Dame ayant depuis long-temps deux lous aux jambes, elle a voulu que son amant ait des caustiques aux bras, afin qu'en leurs embrassemens, & lorsque goulument elle le revoit à jambes ouvertes, il y puisse venir pareillement à bras ouverts; & cecy soit dit comme seulement en passant & par parenthese du dit

dit Beaujement, attendant de voir la fin de leur insolence , & si ce cheval felon luy fera point enfin comme aux autres perdre l'arçon. Pour elle vous n'ignorez ce que je luy suis & la memoire du passé m'oblige à n'en dire point davantage : mais à luy souhaitter quelque amendement & à prier Dieu qui seul peut toucher le cœur , de luy départir quelque goutte de repentance, sans laquelle l'eau de cire & de chair qu'elle alambicque pour son visage, ne peut cacher ses imperfections; l'huile de jassemin dont elle oinct chaque nuit son corps ; empêcher la puante odeur de sa reputation ; ni l'eresipele qui si souvent luy pele les membres , changer & depouiller sa mauvaise peau.



HISTOIRE

DES

A M O U R S

DU GRAND

ALCANDRE.

LE grand Alcandre venu à son tour à la succession du Royaume de ses Ancestres, ne trouva pas peu de difficulté à s'en mettre en possession, tant parce qu'il estoit de la nouvelle Religion, que pour la resistance qu'il rencontra en plusieurs des plus grands de ses sujets, qui ne le vouloient pas reconnoistre. La plupart des grandes villes tenoient leur party; si bien que ce fut à luy de travailler à bon escient pour un interest si illustre. Les premieres armes qu'il entreprit furent en Neustrie. Ce qui se passa à Serquas & à Pédipe, estant escrit par tous les Historiens du temps, je me contenteray de rapporter icy ce que j'ay appris & leu s'estre passé dans sa Cour. Je diray donc qu'estant venu trouver le Roy son predecesseur, il y avoit dans la Vigenne une Comtesse, dont il estoit tres-amoureux, & qui avoit acquis beaucoup d'empire sur ses volontés. Il aymoit tous ceux qu'elle luy avoit recommandez, & entr'autres Philemon, qui avoit sa sœur auprès de cette Dame. Se promenant près des frontieres de la Neustrie, il

il passa par la maison ² d'une Dame veuve, & qui tenoit grand rang : Elle estoit encore jeune, & parut si belle aux yeux de ce grand Roy, qu'il oublia aisément celle à qui il avoit fait tant de protestations contraires. Aussi véritablement celle-cy avoit des appas qui ne se rencontroient pas en la premiere ; toutes deux estoient de condition égale : mais Scilinde (c'est le nom de la dernière) avoit esté nourrie dans la Cour la plus belle & la plus polie de ce temps-là, c'estoit celle de Pariandre, le Prince du monde qui sçavoit mieux faire le Roy, & qui sçavoit mieux regler les hommes & toutes les choses qui appartiennent à la Royauté.

Ce nouveau conquerant, qui servoit à toute heure de conquête à l'amour, se donna entièrement à Scilinde, & oublia de telle sorte ³ Corisande, qu'il ne luy estoit resté que la seule memoire de son nom. Philemon ne put faire autre chose que luy dire qu'il luy devoit au moins conserver de l'amitié : ce qu'il a fait toute sa vie. Son affection le porta si avant qu'il parla du mariage de Scilinde, voyant qu'elle ne le vouloit point escouter autrement.

Estant en cét estat, il fit plusieurs progrès sur les ennemis, qui finalement par leurs bons succès luy firent entreprendre le siege de la grand'ville de Lutecie, qui dura assez pour luy faire voir une belle & jeune ⁴ Abeffe du Mont de Mars, qui luy fit oublier & Corisande & Scilinde pour se donner à cette nouvelle beauté.

N'ayant pas reüssi à l'entreprise de Lutecie, il tira sa Maistresse du Mont de Mars, & l'ayant fait conduire à Elise, ville de son obeïssance ; elle demeura Maistresse de son cœur pour
un

un peu de temps ; cependant il pratiqua le mariage de Scilinde avec un illustre Chevalier ^s qui avoit grande charge en la Cour, & luy escrivit en faveur de ce nouvel amant, comme peu avant il avoit fait par luy mesme.

Cette vertueuse Dame qui l'avoit escouté sans rien hazarder qui luy pût estre honteux recorda bien-tost ce mariage, demeurant en fort bonne estime auprès d'Alcandre ; ce qu'il luy tesmoigna, comme je diray en son lieu. Nostre grand Roy allant par tout establir son autorité, vint enfin en la ville de Tiane, où toutes les Dames de la Province s'estoient retirées, & faisoient une espece de Cour. Il prit tres-grand plaisir à voir cette belle compagnie de Dames & de Filles de qualité, qu'il avoit conneues, les unes à la Cour des Roy ses predecesseurs, & les autres dans la sienne, ayant eu à son service les maris ou les freres, n'estant que Prince de la Couronne. Il les traita toutes avec tres-grande civilité, & receut aussi de leur part tout le respect qui luy estoit deu.

Un peu auparavant qu'il arriva à Tiane, un jeune Seigneur qui avoit esté favory du feu Roy, & qu'il estimoit fort, luy avoit parlé de la beauté d'une fille, dont il estoit extrêmement amoureux ; & comme elle estoit admirablement belle, il ne pouvoit s'empescher de la louer : elle n'estoit pas alors à Tiane, & il fit naistre au Roy la curiosité de la voir. Ses affaires pourtant ne luy permirent pas pour l'heure, & il partit pour Elise, où ayant trouvé la belle Abbessse du Mont de Mars, l'envie qu'il avoit eue de voir Crisante (tel estoit le nom de la Maistresse de Florian) luy
passa

passa pour cette fois : il fit à Elise toutes les galanteries dont le temps luy donna loisir pour plaire à celle qu'il voyoit ; & en estant party après beaucoup d'autre voyages , il revint à Tiane , où Florian luy ayant demandé congé pour aller voir Crisante , le Roy voulut estre de la partie ; le pauvre Florian fut à ce coup l'ouvrier de son malheur , puisqu'il perdit par cette veuë la liberté de vivre avec sa Maîtresse, & hazarda l'amitié de son Maître & le bon-heur de sa fortune: tant il est vray que nous avons plus à nous garder de nous mesmes que de nos propres ennemis. Ce Chevalier avoit fait un long voyage à Tiane , où il avoit esté extrêmement malade , les Dames qui y estoient luy avoient rendu toutes les assistances & toutes les courtoisies possibles : Et l'une d'elles nommée Eliane , jeune & fort belle, s'estoit resoluë d'en estre servie , tant pour la reputation qu'il avoit d'estre un des plus galans de son siecle, que pour estre fort bien fait de sa personne. Cela luy avoit reüssi, pource que Florian avoit esté heureux de rencontrer une si bonne fortune, qu'il eust cherchée long-temps , & il la trouva d'abord.

Eliane de son costé estoit contente que son desir luy eust bien reüssi : mais cette douceur ne luy dura gueres ; Car Florian estant allé voir le pere de Crisante fut pris à la premiere veue de cette merveille. Il ne fut pas aisé de la resoudre à souffrir la recherche de Florian, aymant & estant aymée de Scevole Chevalier de grand merite & fort aymable. Cette belle pourtant ne fut pas long-temps cruelle ; car elle ayma passionnément Florian , dont Scevole

vole qui voyit fort clair en ce qui le touchoit, luy fit mille reproches, qui ne servirent qu'à avancer les affaires de son rival : qui de son costé commença à négliger tellement Eliane, qu'elle en estoit au desespoir.

Comme les choses estoient en cet estat Alcandre devint amoureux de Crisante, qu'il ne put voir pour ce voyage qu'une seule fois, l'importance de ses affaires l'appellant ailleurs; toutefois il emporta dans son cœur le feu que cette belle luy avoit allumé, & ne se soucia plus que d'elle. Durant son voyage, qui fut assez long, le Prince Lindemart vint à Tiane, où trouvant Crisante il perdit sa liberté, cette belle n'en laissant point à ceux qui la regardoient.

Ce Prince avoit auparavant aymé Eliane, laquelle ayant perdu Florian s'estoit embarquée avec luy, qui ne laissa pas pour cette nouvelle amour de la conserver; aussi estoit il si peu assuré au choix qu'il faisoit, qu'il aymoît tout ce qui lui estoit présenté; & Eliane, qui ne vouloit estre sans party, aydoit à se contenter elle mesme. Cette pratique de Lindemart & de Crisante dura autant que le voyage d'Alcandre : mais à son retour il se picqua si fort qu'il devint extrêmement jaloux : ce fut alors qu'il commença à ne faire plus tant de cas de Florian, qu'il luy tesmoigna qu'il ne vouloit plus de compagnon en son amour, disant qu'il ne plaignoit aucun travail pour n'en avoir point en la Royauté, & que sa passion luy estoit plus chere que toutes les choses du monde. Florian fut fort troublé du langage & de l'action avec laquelle il estoit proferé, &
pro-

promit à son Maistre tout ce qui luy plut : mais Crisante qui n'aymoit point le Roy, & qui avoit donné toutes ses affections à Florian, se mit en une extreme colere contre Alcandre, luy protesta de ne l'aymer jamais, & luy reprocha qu'il luy vouloit empescher son bien d'espouser Florian, dont la recherche avoit cette fin, & là-dessus elle partit de Tiane & se retira en la maison de son pere. 7.

Le Roy, à qui ses ennemis n'avoient jamais donné d'estonnement, en receut un si grand par la colere de Crisante, qu'il ne sçavoit à quoy se resoudre. Enfin il drut que la voyant le lendemain il la pourroit au moins adoucir : mais ce voyage ne luy plaisoit pas en compagnie : d'y aller seul, la guerre estoit allumée de tous costés, & deux garnisons d'ennemis sur son chemin, qui estoit à travers d'une grande forest, luy estoient de merveilleuses difficultés, qu'il ne pouvoit resoudre avec personne, & c'estoit un conseil qu'on ne pouvoit luy donner : mais sa passion par dessus tout luy fit entreprendre ce chemin de sept lieues, dont il en fit quatre à cheval accompagné de cinq de ses plus confidens serviteurs, & estant arrivé à trois lieues du séjour de la Dame, prit les habits d'un païsän, mit un sac plein de paille sur sa teste, & à pied se rendit à la maison où elle estoit : il l'avoit fait avertir le jour d'uparavant qu'il la verroit, & la trouva dans une galerie seule avec sa sœur, nommé Dalinde.

Crisante fut si surprise de voir ce grand Prince en cet equipage, & fut si mal satisfaite de ce changement, qui luy sembla ridicule, qu'elle

qu'elle le receut fort froidement : & plustost comme son habit le monstroit , que selon ce qu'il estoit : elle ne voulut demeurer qu'un moment avec luy , & encore ce fut pour luy dire, qu'il estoit si mal qu'elle ne le pouvoit regarder; & se retira là-dessus. Sa sœur plus civile luy fit des excuses de cette froideur , luy voulut persuader que la crainte de son pere l'avoit fait retirer , & fit tout ce qu'elle put pour adoucir ce grand mécontentement ; ce qui luy fut aisé , puisque ce Prince estoit si espris que rien ne pouvoit rompre ses chaisnes. Voila comment ce perilleux voyage fut de fort peu de fruit, & mit en peine tout le monde, qui ne sçavoit ce que le Roy estoit devenu.

A son retour il rassura tout ; & cependant , pour n'estre plus en cette peine , il pratiqua le pere de Crisante , & sous ombre de s'en servir dans son Conseil , pource que ce viellard estoit Gouverneur de la Province , ⁹ le fit venir demeurer à Tiane. Il eust esté assez satisfait ayant le moyen de voir sa Maistresse tous les jours , si la necessité de ses affaires ne l'eust tiré ailleurs. Je ne peux cependant passer sous silence l'aventure arrivée à un jeune Seigneur , nommé Napoleon , ¹⁰ qui à l'âge de vingt ans avoit deffendu la ville d'Elise durant la rigueur d'un grand siege , s'y estoit jetté tres-hazardeusement , & avoit soustenu deux assauts contre l'opinion de tous ceux qui estoient dedans & du Gouverneur mesme , n'ayant jamais voulu capituler. Cette courageuse opiniaستreté donna loisir aux serviteurs du Roy de secourir cette place & d'y gagner une memorable Bataille ¹¹ qui avançoit fort les

les affaires d'Alcandre, qui estoit encore alors au delà de la riviere Riolo : la plus-part des Chefs qui se trouverent en cette bataille estoient tous proches parens de Napoleon qu'ils ne vouloient perdre, & cela les fit haster de le secourir.

Ce brave guerrier avoit en ce jeune âge rendu mille preuves de sa valeur, & n'avoit eu jusqu'à cette heure-là d'autres pensées que pour sa gloire : mais comme il fut sorti de ce siege si glorieusement, qu'il traîna la plus-part des canons des ennemis dans la ville, & encloua le reste ; il voulut donner quelque chose à son plaisir. Il vint à Tiane, où il vit la belle Dioclée, dont il devint passionnément amoureux. Cette Dame outre sa beauté, estoit si agreable, & avoit tant d'appas, qu'elle mit Napoleon en estat de n'avoir des yeux ni des pensées que pour elle : cela dura quelque temps sans qu'on s'en apperceut, & le mary de cette Dame, nommé Polidor, fut le dernier à le connoistre : Mais l'ayant découvert, il fit contre sa femme toutes les enrageries qu'il put adviser. Il l'emmena de Tiane la nuit dans un Chasteau plus propre à enfermer des lions que cette belle, & parmy tout cela ne disoit rien, dont Napoleon se pût offencer, n'ayant nulle envie de se prendre à un si rude ennemy. Luy cependant desesperé du traitement qu'y recevoit sa Dame, ne sçavoit quel remede y apporter : le temps luy en fournit un qui ne le contenta pas du tout, mais qui tira a tout le moins sa Maistresse de sa prison : Car le Roy estant revenu de Tiane assiegea & prit la ville de Larisse, dont il donna le gouvernement à

K

Polidor,

Idoobi

Polidor, qui s'y retira avec sa femme. Celieu plus beau & plus commode, donna aussi commodité à Napoleon d'avoir des nouvelles de Dioclée : ils usèrent de tous les artifices imaginables pour continuer leurs pratiques, & Napoleon mesme ayant trouvé moyen de faire un Baptême à Tiane, Polidor & sa femme y furent priez, & il y falut venir, pource que c'estoient des personnes de qualité qui les en prioient. Ce fut alors que Napoleon & Dioclée ravis de se voir, ne purent estre assez discrets pour empescher la jalousie de Polidor d'éclater. Il pensa tuër sa femme, la ramena à son gouvernement, luy osta tous ses gens & l'enferma dans une chambre. Napoleon adverty de ce desordre fit tout ce qui luy fit possible pour y remedier : mais comme il ne le pouvoit faire ouvertement sans justifier toutes les jalousies de Polidor, qui eût sans doute tué Dioclée ; il n'eut recours qu'à chercher les moyens de mourir. Il se retira en une de ses maisons, où aussi-tost qu'il y fut arrivé, toute la Noblesse qui estoit dans le pais le vint trouver. Les voyant assemblés jusques au nombre de quarante ou cinquante, il leur proposa d'aller en plein jour petarder une petite ville où il y avoit garnison d'ennemis ; tous resisterent au commencement à cette proposition, cette entreprise leur semblant trop hazardeuse en plein jour : mais il leur persuada si fortement que chacun s'y accorda. Il y envoya donc quelque infanterie, & y vint à une telle heure qu'il força les portes de la ville : mais la garnison estant sortie & les habitans reprenant

leur cœur, firent une sâlve de mousquetades, dont
une

une balle ayant donné dans la teste de ce genereux Guerrier finit par ce coup sa gloire & son amour, n'ayant que vingt ans : ¹² le Roy le regretta extremement, en ayant receu & en attendant de tres-grands services. Je me suis trouvé obligé de dire au plus genereux de tous les hommes quelque chose d'un des plus vaillans de son siecle.

Dioclée porta fort impatiemment cette mort : mais comme elle se prenoit aisément, elle se consola en l'amour de quelque autre.

Crisante cependant continuoit d'aimer Florian, & ne laissoit pas d'escouter Lindamart ; de luy escrire & d'en recevoir des lettres : luy qui ne vouloit pas hazarder les bonnes graces d'Alcandre pour conserver celles de Crisante, qu'il luy estoit assez facile de regagner, voyant revenir le Roy la pria de luy rendre ses lettres, qu'il en feroit de mesme des siennes, & qu'il ne delaisseroit de luy conserver son affection ; bref il la sceut si bien cajoler, qu'elle luy permit de luy rapporter toutes celles qu'il luy avoit escrites, en un lieu où il se devoit trouver avec toutes les lettres qu'il avoit receuës d'elle : y estant arrivé, & ayant eu de Crisante toutes ses lettres, il fit semblant d'avoir oublié la moitié de celles que Crisante luy avoit envoyées, & encore c'estoient celles qui parloient plus clair, si bien qu'ils se separerent, luy tres-satisfait s'imaginant qu'il conserveroit par crainte quelque pouvoir sur elle, & celle-cy mortellement offensée de cette fourbe, qui depuis cousta la vie à Lindamart. Car elle ne cessa depuis ce temps-là de luy rendre de si mauvais offices auprès

d'Alcandre, que ne pouvant souffrir tous les déplaîsirs qu'il en recevoit, il fut réduit à prendre le party couvert qui se fit quelque temps après contre Alcandre, ce qui fit croire à tout le monde qu'elle avoit trouvé moyen de s'en défaire par un coup de mousquet qu'il reçeut dans la teste à l'entrée d'une ville. Ainsi finit Lindamart pour avoir esté trop fin. Cependant l'amour d'Alcandre croissant tous les jours, & le pere de Crisante s'en sentant importuné ; elle voulut sortir de cette tyrannie : Et pour en trouver un plus raisonnable sujet, elle desira d'estre mariée. Il se presenta un Gentil-homme du pais tout propre à cette alliance, ¹³ il avoit du bien & estoit d'assez bonne condition : mais pour le regard de sa personne & son esprit, ils estoient aussi mal-faits l'un que l'autre. Crisante fait jurer au Roy que le jour de ses nopces il arriveroit & la meneroit en un lieu, où elle ne verroit son mary que quand il luy plairoit, luy ayant persuadé, qu'elle ne vouloit consentir à luy faire une infidélité : mais ce jour estant passé, sans qu'Alcandre eut pû abandonner une entreprise tres-importante qu'il avoit ; elle jura cent fois de s'en venger, & toutefois elle ne voulut jamais coucher avec luy ; si bien que son mary pensant estre plus autorisé chez luy, que dans la ville où il avoit esté marié, & dont le pere de Crisante estoit Gouverneur, il l'emmena : mais elle se fit si bien accompagner de Dames ses parentes, qui s'estoient trouvées à ses nopces, qu'il n'osa vouloir que ce qu'il luy plût.

Le Roy estant arrivé là-dessus à la plus prochaine ville, manda le mary qui amena sa femme,

me, presumant d'en tirer à tout le moins quelque avantage à la Cour : Partant de-là Alcandre la mena avec luy, & afin qu'elle ne fust pas seule, mena sa sœur, une Dame sa cousine, & s'en alla de ce pas attaquer la ville de Carnutes. Ce siege fut assez long, si bien qu'une des Tantes de Crisante l'y vint trouver. Cette Dame fine, s'il en fut jamais, luy donna de si bons preceptes, que le Roy fut tout soumis aux volontez de Crisante, & le mary de Lydie ¹⁴ (c'estoit le nom de cette Tante) eut par cette faveur le gouvernement de cette bonne ville aussi-tost qu'Alcandre l'eut prise.

Devant que le Roy fût amoureux de Crisante, il poursuivoit de faire trouver bou à Melisse de se démarier d'avec luy : c'estoit une tres-grande Princeesse, fille & sœur de Rois, mais qui estoit moins chaste que Lucrette, aussi estoient-ils separés il y avoit long-temps, & elle l'avoit quitté & s'estoit fait conduire dans un chasteau extremement fort, ¹⁶ pour estre situé sur une haute montagne en un pais tres-aspre, qu'elle avoit fait fortifier outre cela autant qu'il luy avoit esté possible. Elle avoit monstre de vouloir consentir à cette separation sous de certaines conditions, & en estoit comme d'accord : mais cette nouvelle amour éloigna fort ce traitté ; d'autant qu'Alcandre avoit peur qu'estant libre, ses plus affectionnés serviteurs le pressassent de se marier, ce qu'il n'eût voulu pour quoy que ce fût, ne voulant ni ne pouvant aimer que Crisante, qu'il eust faschée de luy parler de cela. Elle estoit aussi mariée de son costé ; si bien qu'il ne parloit que d'amours sans nopces. Cependant la

Princesse Grassinde sœur d'Alcandre vouloit se marier avec le Prince Palamede, ¹⁶ jeune & beau & à qui le Roy l'avoit fait espérer : mais ayant changé d'opinion il manda à la Princesse de le venir trouver, & alla au devant d'elle par de-là la riviere de la Riote, ayant résolu de la donner au Duc de Micene, ¹⁷ jeune Prince, mais à la vérité moins aimable que Palamede ; aussi dès que Grassinde le vit, il luy fut si desagréable qu'elle dit tout haut qu'elle n'en vouloit point ; le Duc pourtant voyant le Roy entierement de son costé, ne laissoit pas de luy rendre tous les devoirs imaginables. Palamede d'autre costé offensé de cette recherche que le Roy avoit embarquée se retira en sa maison ; cependant Grassinde arriva en la ville de Larisse, ¹⁸ où elle trouva Crisante qui luy sembla digne de l'amour du Roy son frere pour son extreme beauté, qui luy donnoit contr'elle une envie si forte, que si elle luy faisoit bonne mine, c'estoit avec tant de contrainte que cela estoit aisé à voir. Crisante de sa part ne pouvoit souffrir la grandeur de cette Princesse, à laquelle il faisoit qu'elle deferaist en tout, & reprochoit souvent au Roy son arrivée : mais il n'y avoit point d'autre remede que de l'eloigner ; ce qui luy fut aisé, les affaires d'Alcandre l'appellant en divers lieux où il menoit tousjours Crisante, qui commençoit à se mesler à bon escient d'affaires, & cela luy fut rendu facile par Lydie, de qui le principal du Conseil d'Alcandre ¹⁹ devint amoureux ; tant il est vray que'exemple du maistre a de pouvoir sur l'esprit de ses serviteurs. Cet homme dans
une

une charge si serieuse & si eminente ne cachoit point sa passion ; & le Roy , qui eust voulu que tout le monde eust esté aussi pris que luy , estoit bien-aïse qu'un tel personnage se trouuast embarrassé du mesme mal que le sien. En ce temps-là mourut fort tragiquement la mere de Crisante , ²⁰ & comme elle avoit assez mal vescu, il estoit juste qu'elle receust quelque punition de ses crimes. Crisante continuoit à aimer Florian , dont le Roy avoit quelque soupçon : mais à la moindre caresse qu'elle luy faisoit, il condamnoit ses pensées comme criminelles & s'en repentoit. Il arriva un petit accident qui faillit à luy en apprendre davantage ; ce fut qu'estant en une de ses maisons pour quelque entreprise qu'il avoit de ce costé-là , & étant allé à trois ou quatre lieuës pour cet effet ; Crisante estoit demeurée au lit , disant qu'elle se trouvoit mal, & Florian avoit feint d'aller à Tiane , qui n'estoit pas fort éloignée : si-tost que le Roy fut parti , Arfure la plus confidente des femmes de Crisante , ²¹ & en qui elle avoit une entiere confiance , fait entrer Florian dans un petit cabinet, dont elle seule avoit la clef ; & comme Crisante se fût defaite de tout ce qui estoit dans la chambre , son amant y fut reçu. Alcandre qui n'avoit pas trouvé ce qu'il avoit esté chercher, revint plustost qu'on ne croyoit, & pensa rencontrer ce qu'il ne cherchoit pas ; & tout ce que put faire Florian, fut d'entrer promptement dans le cabinet d'Arfure, dont la port se trouvoit au chevet du lit de Crisante , & où il y avoit une fenestre qui avoit veuë sur un jardin. Le Roy ne fut

pas plustost entré qu'il demanda Arfure pour avoir des confitures ; que si Arfure ne se trouve , que quelqu'un vienne pour ouvrir cette porte , ou qu'en la rompe ; & luy mesme commença à luy donner des coups. Dieu sçait en quelle allarme estoient ces deux personnes si proches d'estre découvertes. Crisante feignoit que ce bruit l'incommodoit fort : mais pour cette fois Alcandre fut sourd & continuoit à vouloir rompre cette porte. Florian voyant qu'il n'y avoit point d'autre remede se jetta par la fenestre dans le jardin , & fut si heureux que bien qu'elle fût assez haute , il se fit fort peu de mal. Arfure qui s'estoit cachée pour n'ouvrir pas cette porte , entra aussi-tost bien échauffée , s'en excusant sur ce qu'elle ne pensoit pas qu'on eust affaire d'elle , elle alla donc querir ce que le Roy avoit si impatiemment demandé , & Crisante voyant qu'elle n'estoit pas découverte , reprocha mille fois à Alcandre cette facon ; je vois bien (luy dit-elle) que vous me voulez traitter comme les autres que vous avez aimées , & que vostre humeur changeante veut chercher quelque sujet de rompre avec moy , qui vous prevendrai me retirant avec mon mary que vous m'avez fait laisser d'autorité. Je confesse que depuis , l'extreme passion que j'ay eüe pour vous m'a fait oublier mon devoir & mon honneur , que vous payez d'inconstance , sous ombre de soupçon , dont je ne vous ay jamais donné de sujet par pensée seulement : là-dessus les larmes ne manquoient pas , qui mirent Alcandre en un tel desordre , qu'il luy demanda mille fois pardon , qu'il confessa avoir failly,

ly, & fut long-temps depuis sans tesmoigner aucune jalouſie.

Cependant la grande ville de Lutecie eſtoit toujours occupée par les ennemis d'Alcandre, & comme il y avoit force Princes & Princeſſes, & quantité de perſonnes de qualité, cela faiſoit une Cour, où il ſe paſſoit pluſieurs choſes.

La Duchefſe Poliniſſe, qui eſtoit veuve d'un des Princes du ſang d'Alcandre, & ſœur du Prince de la Suziane, Chef de ce party, y tenoit le premier rang, & n'oublioit rien de ce qu'elle pouvoit mettre en pratique pour avancer les affaires de ſon neveu ſils de ſon frere, ²² jeune Prince de qui on avoit bonne opinion, & ſ'y portoit avec beaucoup plus de ſoin qu'à avancer celle de ſon autre frere, ²³ quoy qu'elle travaillaſt beaucoup pour cet effet.

Cette femme aymoit un Chevalier du party d'Alcandre ²⁴ qui avoit la reputation d'eſtre tres-grand homme, & qui l'eſtoit veritablement, qui luy monſtroit toute l'amour qui luy eſtoit poſſible, quoy qu'il ne l'aymaſt point : mais bien ſa niepce Milagarde fille auſſi de ſon frere ainſné, belle, de bonne grace & l'une des plus aymables de ſon temps. Cette jeune Princeſſe, à qui Alcandre avoit donné quelque eſperance qu'il la pourroit eſpouſer lors qu'il ſeroit libre, & cela avant qu'il aymaſt Criſante, luy avoit donné quelque vanité, ce qui luy faiſoit deſdaigner tous les autres hommes, dont Almidor (c'eſtoit le nom de ce Chevalier) ſ'apperceut à la premiere veüe : car ayant favoriſé autant qu'il avoit pû ce

qu'il pensoit estre agreable à Milagarde, & ayant mesme fait passer des vivres dans Lute-
cie²⁵ qui en estoit souvent en necessité; il re-
ceut d'elle un si mauvais visage & apparent
mespris que cela rabatoit beaucoup de la va-
nité dont il faisoit profession. Tous les hon-
nestes gens du party de Sertorius (c'estoit le
nom du Chef des ennemis d'Alcandre) a-
voient de la passion pour Milagarde, & neant-
moins parmy tout cela elle se conservoit fort
libre. Sa mere nommée Dorinde tenoit sa
maison à part avec cette belle fille, & cet
Hostel se pouvoit dire la Cour de ce party,
tant la beauté de Milagarde attiroit de monde.
Elle portoit une extreme envie à Crisante, en
partie pource que veritablement elle estoit
plus belle, & en effet pource qu'elle croyoit
qu'elle luy avoit osté Alcandre; & cherchoit
avec soin le moyen de s'en vanger.

Cependant Alcandre vint assieger Lutecie,
où il se faisoit tous les jours des entreprises de
part & d'autre, les assiegés faisant bien sou-
vent des sorties, qui estoient presque tous-
jours repoussées par les assiegeans. Milagarde
se trouvoit sur le rempart, d'où Almidor luy
disoit ou faisoit tousjours dire quelque chose
qui se ressentoit de la passion qu'il avoit pour
elle: à quoy elle faisoit semblant de ne rien
entendre, voulant paroistre tres-dédaigneuse,
& particulièrement en ce temps qu'Alcandre,
qui n'estoit pas tout à fait embarqué avec Cri-
sante, avoit envoyé demander son portrait,
& sembloit que faisant la paix, ce mariage
se pourroit pratiquer: Si bien que Milagarde
toute glorieuse de cette esperance mesprisoit
Almidor

Almidor & tous les autres Chevaliers. Or un jour que pour quelque occasion on avoit accordé une petite trêve de six heures, la Princesse Dorinde & Milagarde accompagnée de plusieurs Dames vinrent sur le rempart, & aussi-tôt tous les galands de l'armée se trouverent au pied de la muraille pour parler à quelques-uns de leur reconnoissance, & tous presque pour voir Milagarde. Florian s'y trouva qui arresta si fort sa veuë sur les beautés de cette Princesse, qu'oubliant Crisante & les sermens qu'il luy avoit faits de n'aymer jamais personne qu'elle, il se donna à cet objet present.

Milagarde qui mesprisoit tout le monde sentit à la veuë de Florian qu'elle pouvoit aimer autre chose qu'un Roy, & dès lors ces deux personnes eurent de l'amour l'une pour l'autre. Estrange effet des passions auxquelles on ne resiste point! Florian estoit allé là pour s'excuser d'avoir, comme l'on disoit, trempé à la mort du Prince Cleandre, pere de Milagarde, & la mere l'avoit creu coupable & avoit protesté de s'en vanger. Il s'estoit donc trouvé là pour s'en justifier à la mere & à la fille, & la premiere devint amoureuse de luy, & il devint amoureux de la derniere qui ne luy fut pas insensible: ils tinrent ce feu assez caché, Milagarde pour n'en point donner de soupçon à sa mere, & Florian pour ne pas fascher Crisante, qu'il ne vouloit perdre, comme estant alors l'appuy de sa fortune.

Durant si peu de temps il ne put faire qu'employer ses amis, afin de dire de sa part à ces Dames qu'il estoit du tout innocent de la mort

de Cleandre ; & sa justification fut si bien receuë, que la mere de Milagarde dit qu'elle n'en croyoit plus rien , & dit à sa fille qu'il ne l'en falloit plus accuser , qu'elle croyoit en ses paroles , & qu'il en avoit fait des sermens execrables à ceux, qu'il avoit employez pour leur faire perdre cette opinion. Voilà comme l'amour justifie les crimes.

Milagarde ne fut pas mal-aisée à persuader , sentant bien que s'il estoit coupable d'avoir fait mal à son pere , elle n'estoit pas assez libre pour le haïr , & qu'il valoit mieux estre credule pour cette fois. Chacun se retira après que la trêve fut expirée , & Florian remporta mille pensées en son ame , tantost plaisantes & tantost fâcheuses. Il ne vouloit ni ne pouvoit quitter Crisante : sa nouvelle passion luy donnoit des inquietudes : mais il n'y vouloit pas resister. Enfin il se resolut d'aymer Milagarde , de conserver Crisante , & de les garder toutes deux. Il commença dès l'heure à chercher les moyens de servir la Princesse Dorinde , qui recevoit si bien ses messagers & ses lettres , qu'en moins de rien il y eut entr'eux beaucoup d'intelligence. En ce temps le frere de Milagarde sortit de prison , où il avoit tousjours esté depuis la mort de leur pere. ¹⁶ Florian qui le connoissoit , prit occasion de luy envoyer un trompette pour le visiter. Il avoit des lettres pour sa mere qui furent tres-bien receuës, & il fut assez fin pour en donner à Milagarde sans estre veu de personne: elle ne luy put parler pour cette fois ; mais elle luy fit signe que ses lettres ne luy estoient pas desagrees , dont Florian fut extrêmement content l'ayant appris. Ce-

Cependant la guerre continuoit tousjours, & Dorinde mere de Milagarde rechercha d'avoir un passeport pour aller en une de ses maisons ; & Alcandre le luy accorda aisément, & mesmes de passer par le lieu où il estoit avec toute la Cour.

Milagarde estoit tres-aise de ce voyage, tant pource qu'elle esperoit que Florian auroit moyen de parler à elle, que pour voir si Crisante estoit aussi belle que l'on disoit.

Il ne fut pas mal-aisé à Florian de persuader à Alcandre tres-courtois de son naturel, d'envoyer au devant des Princesses, & luy mesme en eut la commission à cause du lieu qu'il avoit en la Cour.

A l'arrivée, Dorinde & sa fille receurent mille caresses d'Alcandre, & la premiere ne pouvoit se lasser de louer la beauté de Crisante, qui trouva Milagarde trop aimable à son gré, & cette-cy fut surprise de tant de beautez qu'elle vit en Crisante : mais toutes deux sans faire semblant du jugement qu'elles faisoient l'une de l'autre, demurerent avec toute la froideur que la civilité put souffrir. Dès que Milagarde l'eut veüe, se tournant vers Florian qui n'estoit pas loin d'elle, l'ayant conduite jusques-là, luy dit, Je la croyois plus belle : à quoy il ne respondit point, pour estre trop près de Crisante.

Ce Roy qui se connoissoit fort bien en passions, & sçavoit celle de Dorinde, ne douta point que Florian ne l'amusast afin d'avoir moyen de voir sa fille, de laquelle il jugea qu'il estoit amoureux; & cette opinion fit deux effets; l'un qu'il assoupit le soupçon qu'avoit

tousjours Alcandre , que Florian aimoit sa Maistresse ; & l'autre luy fit perdre tout à fait le dessein qu'il avoit eu pour Milagarde.

Crisante qui estimoit plus l'affection de Florian que tous ces petits interests , espia de si prés toutes les actions de son amant , qu'elle reconnut qu'il aimoit Milagarde , & qu'il n'en estoit pas haï , dont elle eut un tel despit & une si forte jalousie qu'elle eut bien de la peine à la cacher.

Milagarde qui estoit bien-aise de luy donner martel en teste , & qui croioit avoir gagné beaucoup de rendre cette belle jalouse , faisoit tout ce qu'elle pouvoit pour augmenter son soupçon , s'imaginant que si elle partoit de la Cour sans avoir rien gagné sur le Roy , elle triompheroit au moins de sa Maistresse.

Le lendemain Dorinde partit ayant obtenu neutralité d'Alcandre pour la maison où elle alloit , à quoy Florian avoit contribué tout ce qu'il avoit pû , estant si enflammé des attraits de Milagarde , qu'Alcandre accorda tout ce qu'il voulut pour luy faire abandonner Crisante , qui outrée de colere ne voulut dire Adieu , ni à la mere , ni à la fille , feignant de se trouver fort mal , & ne se laissant voir de tout le jour à personne , Florian & toute la Cour conduisirent ces Dames assez loin , & revindrent le lendemain que Crisante fit si mauvaise mine à ce Chevalier , que cela commença à l'inquieter. Car ne voyant plus Milagarde , l'objet present le reprenoit , & outre toutes ces choses il avoit si peur de la perdre , pour les interests de sa fortune , qu'il maudissoit son inconstance & son indiscretion. Cependant
Dorinde

Dorinde qui ne pouvoit vivre sans estre aimée de Florian, trouva moyen d'embarquer son fils à quelque traité avec le Roy, & pour acheminer envoya à la Cour pour en donner advis à Alcandre; qui ne desirant que de ramener tous ses fujets à leur devoir, & particulièrement ce jeune Prince, l'un des premiers du party contraire, & de qui il avoit fort bonne opinion, dépescha aussi-tost Florian vers elle: à quoy Crisante s'opposa de tout son pouvoir, disant qu'il n'estoit pas homme d'affaire, & que peut-estre Floridor (c'estoit le nom du Prince) n'auroit pas son entreprise si agreable que sa mere. Mais Antenor lors premier Conseiller d'Alcandre l'emporta pour faire plaisir à Florian qu'il aymoît extrêmement, & fit mesme qu'il porta force bonne esperance pour Floridor, qui n'eut jamais obtenu les avantages qu'Alcandre luy accorda sans les soins d'Antenor, qui faisoit tout ce que Florian desiroit: & avec tant de chaleur, que tout le monde s'estonna qu'une affaire si grande fust si-tost & si avantageusement terminée. Voilà comme les affaires de la Cour se font par des personnes auxquelles on pense le moins, & il y a peu qui les sçachent, quoy que plusieurs en discourent. Floridor receut du Roy à son arrivée tout le bon traitement qu'il pouvoit desirer. Et la Princeesse Grassinde sœur d'Alcandre luy fit si bon visage que dés le mesme jour il s'embarqua à la servir. En ce temps le Roy estant allé assieger une ville ²⁷ qui tenoit encore le party de Sertorius, Crisante accoucha d'un fils, ²⁸ dont Alcandre receut une telle joye qu'il luy

luy fit à l'instant quitter le nom de son mary, luy bailla le titre de Marquise ²⁹ & commença non pas à l'aimer davantage (car son amour estoit si extreme qu'il ne pouvoit recevoir d'augmentation), mais à en faire beaucoup plus de cas, & à la faire honorer.

Se voyant en cet estat elle commença à chercher tous les moyens possibles de se desmarier, & à prendre de plus grandes esperances: le Conseil de sa tante Lydie luy inspirant qu'elle pourroit arriver à une plus grande fortune, & le vicil amoureux de cette femme, ³⁰ tres-habile homme (fors en cela seulement qu'il aymoit Lydie) luy donnoit des advis tres-utiles pour ce dessein. Elle commença donc d'y travailler à bon escient, pratiquant du support, faisant des amis & establisant ceux qui dependoient d'elle: elle avoit aussi gagné des gens pour porter la Reine, lors femme d'Alcandre, ³¹ de rompre leur mariage, qui ne luy pouvoit produire qu'une fortune tres-malheureuse & pleine de mesfiance: mais pour l'heure elle ne put rien obtenir sur son esprit. Florian cependant s'estoit un peu remis avec elle, qui avoit une si forte inclination à l'aimer, qu'elle s'aidoit à se tromper elle-mesme lors qu'il la flattoit, à quoy il apportoit toute son industrie, la voyant plus puissante que jamais.

Grassinde & Floridor ne cachotent pas aussi leur amour, & ce Prince commençoit à trouver mauvais les visites trop ordinaires de Florian en son logis; si bien que Milagarde qui craignoit que son frere ne fit quelque rumeur, en advertit ce Chevalier, qui y ayant bien pen-

fé consulta Antenor , qui luy promit de faire en sorte qu'on luy donneroit le Gouvernement de la province des Romains. Ce qui s'y passa est pour les Historiens.

Grassinde s'en prit à tout le monde ; mais elle s'appaisa par un autre objet , qui fut Damon, ³¹ desja assez avancé en âge : mais tres-galand homme , & qui avoit acquis avec les bonnes graces du dernier Roy de grandes dignitez & de belles charges. Cela dura jusques à ce que Grassinde fut mariée , qui fut peu de temps après avec le Prince de la Suziane , & fut conduite au país de son Mary , si bien que Crisante demeura seule Maistresse de la Cour.

Florian craignant qu'à la fin l'amour qu'il avoit pour Milagarde ne luy fit perdre Crisante , se resolut de mettre bien ensemble ses deux Maistresses : & voyant qu'il pouvoit ce qu'il vouloit sur l'esprit de celle-cy , il luy persuada que puisqu'elle estoit dans le chemin d'estre Reine , il auroit plus d'establissement & de moyen de la servir s'il pouvoit espouser Milagarde : que si elle ne vouloit pas ce mariage , le pretexte leur seroit fort plausible vers Alcandre , & le destourneroit des soupçons qu'il pourroit avoir d'eux , où il luy sembloit qu'il pourroit retomber en reconnoissant desja quelque chose : que ce soupçon nuiroit extremement à sa grandeur , & qu'elle scauroit bien que quoy qu'il tesmoignast en apparence , en effet son cœur estoit à elle. Bref, il la sceut si bien cajoler , qu'elle luy promit de faire bonne mine à Milagarde , qui fut tres-aise d'estre bien avec cette puissance , & la sceut si adroitement entretenir , que Crisante
la

la favorisoit plus que nulle autre. Et il y eut entr'elles une si étroite intelligence, qu'elles estoient tousjours habillées l'une comme l'autre, & ne bougeoient d'ensemble. Cela éblouit pour un temps Alcandre, & guerit son esprit d'un soupçon qu'il recommençoit d'avoir de Florian : mais un de ses valets de chambre³³ luy ayant fait voir une lettre que ce Chevalier escrivoit à Crisante, qu'il avoit trouvée un matin qu'elle faisoit la malade, sur la toilette où Arfure l'avoit laissée, ne pensant que l'on deust venir de si bonne heure dans la chambre ; le Roy commanda à cét homme d'avoir l'œil sur eux. Luy qui craignoit comme bon serviteur que son Maistre n'épousast cette femme, les épia de si près, qu'il crût un soir avoir veu entrer Florian chez sa Dame ; il alla aussi-tost en donner avis au Roy, qui commanda au Capitaine des Gardes³⁴ d'aller tuër ce Seigneur en la chambre de Crisante.

Licidan (c'estoit le nom de ce Capitaine) fut tres-surpris de ce commandement, aymant fort ces deux personnes, & toutesfois il falut marcher. Il prit des Archers, passant dans la sale & le plus long chemin, fit tant de bruit qu'il ne trouva personne que Crisante toute seule estant entré dans sa chambre, à qui il dit sa commission. Elle qui vit bien qu'il ne l'avoit pas voulu surprendre, luy promit de n'oublier jamais ce bon office ; ce qu'elle luy témoigna depuis, faisant pour luy tout ce qu'elle pouvoit : & Milagarde qui sceut l'affaire, luy en sceut si bon gré qu'elle luy ayda fort à venir aux grandes dignités qu'il avoit
lors

lors qu'il mourut.³⁵ Crisante cependant fit de grandes plaintes à Alcandre des soupçons qu'il prenoit d'elle. Il fit semblant à l'heure d'avoir tort, & ne voulut pour cela estre mal avec elle; mais la lettre qu'il avoit veüe que Florain luy escrivoit, luy fut un peu repochée. Elle jura ne l'avoir jamais veüe, & se justifia assez bien, tout luy estant aisé avec le Roy: mais Florian en fut si mal qu'il falut qu'il s'en allast, avec deffences de ne revenir point qu'il ne fust marié, & qu'il n'amenast sa femme.³⁶ Antenor qui le maintenoit estoit mort, & Crisante eust esté mal receüe à parler pour luy; de façon que ce fut le plus court pour Florian de partir & de faire ce qui luy estoit commandé, bien que ce fut avec un extremé regret.

Durant son voyage la belle Leonide arriva à la Cour. Elle estoit femme du Duc de Moravie premier officier de la Couronne, & de tres-illustre maison.³⁷ Ce vieux Seigneur estoit depuis peu marié avec cette belle Dame, qui attira à son arrivée les yeux & le cœur de tous les hommes; mais son naturel hautain, & le rang où elle se trouvoit, luy ostioient tout foudroy, & luy faisoient mespriser la haine des Dames, comme elle faisoit bien souvent l'amour des hommes.

Alcandre en fut un peu touché, & Dieu sçait si Crisante le luy pardonna; mais cela ne l'empescha pas de tesmoigner à toutes les occasions de l'amour à Leonide, qui le souffroit plus pour faire despit à Crisante, que pour plaisir qu'elle y prist, n'estant pas seulement aymée, mais adorée du brave Eteocle, qui avoit

avoit acquis plu de reputation aux armes qu'aucun autre de son temps. Cette belle Dame à peine parut elle au monde ; car elle mourut incontinent d'une couche , & laissa un fils & une fille , ¹⁸ le premier si bien fait , & elle si belle , que c'estoient deux miracles. J'en parleray davantage ailleurs , voulant achever l'Histoire de Crisante , qui eut une fille durant que tout cela se passoit , ³⁹ & bientôt après un fils , ⁴⁰ dont elle accoucha après avoir esté dé mariée. Cela luy haussa le courage de telle sorte , qu'elle commença de chercher à bon escient tout les moyens dont elle se peut adviser pour parvenir au mariage d'Alcandre. Luy plus amoureux que jamais depuis la naissance de ces deux fils , se resolut à ce qu'elle desiroit , & chassa un des principaux de son conseil , ⁴¹ qui luy en avoit donné un contraire à ce dessein. Il sçavoit qu'il auroit le consentement de la Reine Melisse sa femme quand il voudroit ; & il ne restoit plus sinon que le Pape voulut la dissolution de ce mariage. Il envoya pour cet effet à Rome un tres-habile homme de son Conseil , ⁴² qui ne desiroit que luy complaire & obliger sa Maistresse , qu'il avoit fait Duchesse ⁴³ quelque-temps auparavant. Se voyant en une si grande dignité , & avec si hautes esperances , elle se rendit si courtoise & si officieuse , que ceux qui ne la vouloient pas aymer ne la pouvoient pas haïr ; elle commandoit à toute la Cour avec une grande douceur , obligeant le plus qu'elle pouvoit de personnes. En ce temps-la elle devint grosse. Cela fit resoudre tout à fait le Roy l'espouser. Elle vivoit avec tant de gravité & de

de retenue, qu'il sembloit qu'elle n'eust jamais bougé d'avec les Vestales, ses habits & toutes ses actions ne représentant qu'une parfaite modestie; de façon que le Roy avoit regret d'en avoir eu jamais aucun soupçon.

Un homme qui estoit à la Cour il y avoit long-temps, se maria pour lors avec une femme qui avoit de grands enfans de luy, à dessein d'obliger Crisante, ⁴⁴ pource que cet homme estoit bien avec Alcandre, à qui il parloit fort librement, luy donnant le Conseil qu'il avoit prispour luy, qui servit de quelque chose; pource qu'ordinairement on est bien-aise d'avoir des exemples aux choses qu'en soy-mesme on n'estime pas trop bien faites: Voilà donc le commandement donné à l'Ambassadeur qui estoit à Rome de poursuivre la dissolution du mariage du Roy & de la Reine sa femme, sollicitée d'y consentir. Tout cela toutefois tiroit en longueur, & Crisante presse d'accoucher pressoit, afin qu'il n'y eût rien à redire à la naissance de l'enfant dont elle estoit grosse. Elle vint à Lutecie pour y faire ses Pasques en public, afin de se faire voir bonne Catholique au peuple qui ne la croioit pas telle. Elle se logea dans le Cloistre des Chanoines de la Paroisse du Palais Royal: ⁴⁵ & le Mercredi saint estant arrivé, elle alla en une Eglise à un des bouts de la ville ⁴⁶ pour y ouïr les Tenebres qui s'y disoient avec une grande Musique. Crisante y alla en litiere, & toutes les Princesses en carosse, & il y avoit à costé de la litiere un Capitaine des Gardes. On luy avoit gardé une Chapelle, où elle entra pour n'estre pressée ni trop en veüe.

Milagarde

Milagarde estoit avec elle, & tout le long de l'office, elle luy monstra des lettres de Rome, où l'on l'assieuroit que ce qu'elle desiroit feroit bien-tost achevé. Elle luy fit aussi voir deux lettres qu'elle avoit receuës le mesme jour d'Alcandre, si passionnées & si pleines d'impatience de la voir Reine, qu'il luy mandoit qu'il depescheroit le lendemain un de ses Secretaires d'estat ⁴⁷, & qui estoit tout à elle, pour avoir épousé une de ses parentes, ⁴⁸ pour presser sa Sainteté de luy permettre ce qu'aussi-bien il estoit resolu de faire. Toute l'heure de la devotion se passa en semblables prieres: & quand le service fut achevé, elle dit à Milagarde qu'elle s'alloit mettre au lit, & que puisqu'elle estoit là, qu'elle la prioit de l'aller entretenir: là-dessus elle monta en litiere, & Milagarde en carosse, se plaignant d'un grand mal de teste, & soudain il luy prit une convulsion dont elle ne revint qu'à force de remedes. Elle voulut escrire au Roy; mais une autre convulsion l'empescha: & voulant lire une lettre qu'elle avoit receuë d'Alcandre, comme elle fut revenuë de la seconde, une troisieme la reprit, qu'il augmentant tousjours, luy dura jusqu'à la mort. Ce mal la prit le Mecredi, elle accoucha le Vendredy par force de remedes, & mourut le Samedy matin, veille de Pasques, sans avoir eu aucune connoissance, au moins à ce qu'on en pouvoit juger. Le Roy qui estoit en une de ses maisons, ⁴⁹ fut aussi-tost averty de son mal, & presumant que c'estoit un accident de la grossesse, il ne se hâta point de partir; mais le troisieme courrier, qui luy rapporta
que

que le mal continuoit, le fit mettre en chemin & le fit venir jusques à six lieuës de Lutecie, ^{so} où il trouva toute sa Cour, & il connut bien par la tristesse, qui paroissoit sur le visage de ses Seigneurs, que Crisante estoit morte. ^{si} Il jetta une grande abondance de larmes, & renvoya tout le monde, disant qu'il vouloit estre seul, & ne retint avec luy que celuy que j'ay dit, qui s'estoit marié pour luy en donner envie, & le Duc de Ponti, qui estoit de tres-bonne compagnie, ^{sa} qui après luy avoir laissé faire quelques regrets, luy dit, quasi en riant, qu'il estoit bien-heureux, & que songeant à ce qu'il alloit faire sans cette mort, il jugeroit que Dieu luy avoit fait une grande grace. Après avoir un peu resvé, il l'avoua, & levant les mains & les yeux au Ciel, en rendit mille graces à celuy qui luy en avoit fait tant d'autres, & se consola si bien, que trois semaines après il devint amoureux d'une fort belle fille & de bon lieu, nommée Ismene. Celle-cy luy fit oublier tout à fait Crisante, bien qu'elle ne fust pas si belle: mais elle estoit plus jeune de beaucoup & plus gaye. Les Ministres de son Estat, voyant de quel mal-heur Dieu l'avoit délivré, & reconnoissant l'esprit hardi d'Ismene, qui n'avoit pas moins d'ambition que l'autre, l'embarquerent le plus viste qu'ils pûrent à se marier, & celuy qui estoit allé à Rome pour faire agréer le mariage de Crisante, ^{si} en traitta un autre avec la Princesse Olimpe. Le Pape donna tout le consentement necessaire, & la Reine Melisse tout ce qui dependoit d'elle: de sorte que l'affaire fut concluë plustost mesme que le Roy

Roy ne pensoit ; & sans qu'Ismene en eut aucun avis. Elle estoit grosse & alla faire ses couches en l'une des belles maisons d'Alcandre, où il la mena luy-mesme avec force belles esperances : mais elle se blessa & accoucha d'un fils mort. Ismene fut fort malade : & fut si bien assistée par le Roy , & on luy appliqua tant de remedes, qu'elle revint en santé ; & ce fut à cette heure-là qu'elle apprit l'accord du mariage de son amant, dont elle fit tant de vacarme, & gourmanda tant ce Roy amoureux, qu'il eut bien de la peine à la mettre en bonne humeur. Elle s'en prit à Florian qui l'avoit voulu cajoler, & qu'elle n'avoit gueres écouté ; si bien qu'elle trouva moyen de faire que Filizel, jeune Prince & de bonne grace, & qui estoit amoureux d'elle, entreprit sur sa vie, un soir que le Roy souppoit à la ville, & qu'ils se trouverent tous deux à la porte du logis où souppoit Alcandre : Florian fut blessé ; mais ses gens voyant cela poursuivirent si bien Filizel, qu'ils l'eussent tué sans un jeune Chevalier de bonne maison, nommé Lucile, qui le secourut, & fut si grièvement blessé qu'on croyoit qu'il en deust mourir.

Alcandre fut si outré de colere de cette action, qu'il vouloit faire punir Filizel, & ne vouloit en façon quelconque que l'on prit soin de Lucile, qui fut neantmoins si bien pensé qu'il en échappa, & la Princesse de la Suziane mère de Filizel, & sa sœur Milagarde, firent son appointment avec le Roy, bien qu'elles fussent & l'une & l'autre extrêmement fâchées contre Filizel, soupçonnant qu'il

qu'il n'avoit pas ainſi traité Florian pour le ſeul amour d'Iſmene. Tout cela ſe paſſa à la fin, & il fut queſtion d'aller faire la guerre au Duc des Allobroges. Ce Prince eſtoit venu trouver Alcandre pour ſ'accommoder avec luy d'un petit Eſtat, ¹⁶ qu'il avoit pris ſur le feu Roy durant les grandes affaires de ce Prince. Son ſucceſſeur, qui avoit recouvré preſque tout ſon Royaume à coups d'eſpée, & qui ne pouvoit ſouffrir que ce petit Prince au prix de luy, euſt entrepris de garder ſa priſe, l'avoit ſouvent fait avertir qu'il vouloit avoir ce qui luy appartenoit. Le Duc croyant qu'il gagneroit quelque choſe ſ'il y venoit luy-meſme, vint trouver Alcandre, qui le receut fort courtoiſement. Mais ſa principale eſperance avoit eſté l'intelligence qu'il avoit eüe avec la Duchefſe Criſante, du vivant de laquelle il avoit aſſeuré le Roy de le venir trouver. De façon que quand il ſceut ſa mort, il eſtoit ſi engagé, de parole & par lettre, à faire ce voyage, qu'il ne ſ'en pût dédire. A ſon arrivée ce ne furent que feſtins, il fit des preſens à toutes les plus belles Dames & aux principaux de la Cour, trop pour le profit de quelques-uns. Les diſputes pour la preſſeance entre les Dames ne manquèrent pas. Alcandre y prenoit plaifir, & ne les terminoit point. Iſmene en paſſoit ſon temps. Le Duc ſ'en retourna ſans rien faire, ſi bien que le Roy ſe reſolut de luy faire la guerre, & c'eſtoit auſſi ſon chemin pour aller recevoir la Princeſſe d'Etrurie. Il avoit envoyé ſa procuration au Duc ſon oncle ¹⁷ pour l'épouſer, & Florian en fut le porteur; ce qui augmen-

ta bien fort la haine qu'Ismene luy portoit. Le Roy conquist en moins de rien tout l'Estat du Duc des Allobroges, & la paix s'estant faite par l'entremise du Pape, Alcandre eut son compte. Cependant Olimpe arriva à la ville des Massiliens pour venir trouver le Roy, & y fut conduite par la Duchesse d'Etrurie femme de son Oncle, & par la Duchesse d'Achaïe sa sœur, par le Duc de Velitre son cousin germain, ⁵⁸ & quelques autres Seigneurs. Elle fut receüe par deux Cardinaux, ⁵⁹ par le Duc de Moravie premier Officier de la Couronne, par le Chancelier, ⁶⁰ par le Prince de la Suziane, Gouverneur de la Province, ⁶¹ par les Princesses des Armoriques ⁶² & de la Suziane, par la belle Milagarde sa fille, & de plusieurs Dames, & entr'autres de Scilinde, que le Roy avoit aimée, & l'ayant trouvée plus vertueuse qu'il n'eust voulu, luy dit, que puisque veritablement elle estoit Dame d'honneur, elle le feroit de la Reine sa femme: parole qu'il luy tint au bout de dix ans, car il y avoit autant de temps qu'il l'avoit aimée.

Olimpe fut conduite avec toute sorte de magnificence jusques à la ville où Alcandre la vint trouver, ⁶³ & les ceremonies des nopces s'y acheverent; deux filles du Duc de Moravie s'y trouverent, toutes deux mariées à des Ducs: l'aînée estoit nommée Armise, & l'autre Licine; toutes deux fort belles: & celle-cy qui estoit la plus jeune, donna de l'amour au Duc de Velitre; mais cela passa comme luy qui ne séjourna pas long-temps à la Cour. Le Prince de la Suziane n'en fit pas de mesme,
ni

ni le Duc de Medoc , qui en eurent une querelle qui mipartit toute la Cour. Enfin le Roy les accorda , qui n'estoit pas sans quelque intention pour Licine , qui avoit eu grande dispute à la ceremonie du mariage pour sa preference avec Milagarde : mais on y avoit trouvé quelque expedient , non pas à les rendre amies : car elles ne le pouvoient estre , ayant les plus grands interests des Dames à demesler , toutes trois estant fort belles. Le Roy cependant ne laissoit pas d'aimer Ismene , & de luy envoyer tous les jours des Courriers , & elle se dispensoit de parler un peu trop librement d'Olimpe , à qui on ne manquoit pas de rapporter tout ce qu'elle disoit : & cela fit des l'heure mesme une broüillerie dans la Cour , où tout le monde estoit embarrassé ; les uns rapportant tout à la Reyne , & gagnant par ce moyen , sinon ses bonnes graces , au moins sa familiarité ; les autres l'obligeant , en l'avertissant de tout : & Dieu sçait combien il y en avoit qui jouoient les deux personages.

Ces embarras ne parurent pas si-tost , & il y eut une autre intrigue qui amusa la Cour durant tout le voyage que fit la Reyne pour venir à Lutecie. Le Roy avoit envoyé à la Reine la Duchesse des Armoriques & la Marquise Scilinde , pour estre Dames d'honneur , & une autre Dame pour estre Dame d'atour , nommée Leriame. ⁶⁴ La Reine ne voulut point recevoir cette derniere , disant qu'elle vouloit qu'Argie eust cette charge , qui l'avoit toujours servie , & qu'elle avoit amenée pour cela. Le Roy disoit que l'ayant donnée a Leriame , il vouloit qu'elle servist : si bien que ce-

la éloigna la Reyne de la Marquise, & tout le train qu'on luy avoit donné fut renvoyé, dont elle se fascha amèrement contre ces Dames, & leur faisoit tres-mauvaise mine. Milagarde tres-adroite, sceut bien profiter de cette occasion, prenant incontinent le party de la Reyne, ce qui luy donna part en ses bonnes graces, & plus de privauté avec elle que n'avoient toutes les autres. Le mesme jour qu'Olimpe arriva à Paris, le Roy commanda à la Duchesse des Armoriques, surintendante de la maison de la Reyne, d'aller querir Ismene, & de la luy presenter. Cette vieille Princesse s'en voulut excuser, disant que cela luy osteroit toute creance auprès de sa Maistresse; mais le Roy le voulut, & le luy commanda assez rudement, contre sa coustume, qui estoit d'estre fort courtois. Elle la mena donc à la Reyne, qui extremement surprise de cette veuë se trouva estonnée, & la receut assez froidement; mais Ismene fort hardie de son naturel, luy parla tant, & se rendit si familiere avec elle, qu'enfin elle s'en fit entretenir. Cependant le Roy sceut peu de gré à cette vieille Duchesse de cette conduite, & Olimpe luy fit un tres-mauvais visage qui dura tousjours depuis. Argie voyant qu'il n'estoit au pouvoir d'Olimpe de faire que le Roy voulust qu'elle la servist en la charge de Dame d'atour, eut recours à Ismene, & luy fit parler, luy promettant, que si elle faisoit son affaire, elle la mettroit au point qu'elle voudroit avec Olimpe. Elle l'entreprit & en vint à bout; si bien que la Reine estoit radoucie, & commença à luy faire bonne chere:

Le

Le Roy lassé d'aller tous les jours deux ou trois fois chez Ismene, la fit venir loger dans son Palais ; où il luy fit faire sa chambre. Au bout de quelque temps cela ralluma la jalousie d'Olimpe ; qui estoit d'ailleurs entretenue par plusieurs personnes des discours d'Ismene, qui estoient à la verité un peu libres, & elle en parloit avec peu de respect : si bien que la bonne intelligence qui estoit entre elles, commençoit fort à se perdre. Elles estoient toutes deux grosses, & Alcandre bien empesché d'estre bien avec elles : il portoit le respect à Olimpe, auquel le lieu qu'elle tenoit l'obligeoit : mais il se plaisoit davantage en la compagnie d'Ismene. Ce qui faisoit que chacun, pour ne luy pas déplaire l'alloit visiter ; ce qu'Olimpe trouvoit fort mauvais. Elles estoient logées si près l'une de l'autre, que l'on ne s'en pouvoit cacher, & que c'estoit une broüillerie perpetuelle. Argie cependant se maintenoit avec Ismene à force de presens, estant bien assurée que sa Maistresse trouvoit tout bon d'elle.

Il estoit venu avec le train de la Reine un Gentil-homme Etrurien qui faisoit l'amour à Argie. Je ne dis pas qu'il en fust amoureux, estant telle qu'on ne pouvoit seulement la regarder : mais l'entiere faveur qu'elle avoit auprès d'Olimpe la faisoit desirer de plusieurs. Celuy-cy nommé Pisandre fut en cela le plus heureux, pource qu'il luy plut davantage, & qu'elle se le choisit pour mary, croyant que cela luy fust avantageux (estant quasi née de la lie du peuple) d'espouser Pisandre, qui veritablement estoit Gentil-homme en

son païs : mais il y avoit bien de la difficulté de parvenir à ces nopces, le Roy ne l'aimant pas & estant haï de tous ceux de la Maison de la Reine, & Olimpe ne se voulant pas hazarder d'en parler, de peur d'estre refusée. Pisandre & Argie ayans donc consulté ensemble cette affaire, ils resolurent que Pisandre feroit la Cour à la Marquise Ismene, ⁶⁶ à qui le Roy avoit donné cette qualité dès sa premiere grossesse : & cela luy réussit si bien qu'il pouvoit aller chez elle quand bon luy sembloit. Elle luy faisoit bonne mine, & en effet elle n'estoit pas marrie d'obliger Argie, afin d'empescher Olimpe d'éclatter contre elle. Après qu'il eut pris assez d'accez aupres d'elle, il la supplia de faire trouver bon au Roy qu'il espousast Argie. Elle y fit quelque difficulté au commencement, connoissant l'averfion qu'avoit Alcandre pour ces deux personnes : mais enfin Argie l'en ayant prié, & promis que la Reine luy en parleroit ; elle se resolut de faire réussir ce mariage. Ce fut alors que la Reine envoya tous les jours à sa chambre, pour sçavoir de ses nouvelles, & qu'elle luy fit part de tous les presens qu'elle recevoit. Elle la traittoit mieux qu'aucune des Princesses, & tout cela alloit fort bien au gré d'Alcandre : mais il falloit attendre que la Reyne & la Marquise fussent accouchées devant que faire ces nopces. Olimpe accoucha la premiere de ce grand & heureux Prince, ⁶⁷ que nous avons veu regner si glorieusement, & la Marquise un mois après du Prince Aruede. Ces couches faites, il fut question de se rejouir l'hiver. La Reine fit un ballet qu'elle

qu'elle estudia deux ou trois mois : la Marquise en estoit, dont Alcandre fut si aise qu'il accorda le mariage de Pisandre, & permit que la Reyne luy donnast beaucoup. Cette bonne intelligence dura tout l'hyver & une partie de l'Esté : mais les gens de la Cour ne pouvoient pas si long-temps demeurer dans le calme, chacun pensant tousjours profiter du changement & des troubles.

Alcandre avoit autrefois un peu regardé une sœur de la Duchesse Crisante, qui n'avoit pourtant d'autre beauté que la jeunesse & les cheveux. Celle-cy, nommée Mirtille, portoit une extreme envie à Ismene, qui luy avoit, à son opinion, osté la faveur d'Alcandre, ce qui la fit résoudre de la ruiner. Et comme elle estoit fort malicieuse, elle commença mettre en pratique tout ce qu'elle peut pour parvenir à son dessein, & en parla à Olimpe ; qui lassée de voir vivre Ismene si audacieusement auprès d'elle, fut bien-aise d'entretenir Mirtille en cette humeur. Argie, qui n'estoit pas tousjours pres la Reyne, ne descouvrit rien de toute cette intrigue, & Pisandre ne se vouloit point mesler parmy tout cela ; se contentant de sa fortune presente. J'ay dit ailleurs qu'il y avoit long-temps que Filizel estoit amoureux d'Ismene, & il le devint alors de Mirtille, qui le sceut si bien cajoler, qu'elle tira de luy des lettres qu'Ismene luy avoit escrites, où elle se mocquoit d'Alcandre & d'Olimpe & le traitoit fort favorablement. Quand Mirtille eut ses lettres en sa puissance, elle les montra à la Riene, qui en fut si aise qu'elle ne le pouvoit dissimuler : elle

fit des presens à Mirtille, & luy persuada de faire voir ces lettres à Alcandre. Au commencement elle n'y pouvoit consentir, voyant le grand credit d'Ismene & craignant son esprit : mais enfin les persuasions d'Olimpe l'y firent resoudre. Milagarde qui avoit introduit Mirtille chez la Reyne, ne put d'abord descouvrir, quoy qu'elle eust tres-bon esprit, d'où venoit ce bon visage qu'Olimpe, qui estoit assez froide a tout le monde, faisoit à Mirtille : aussi on se cachoit d'elle parce que cela ruinoit son frere.

Après que cette affaire eût traîné quelques jours, Mirtille trouvant le Roy à propos, le supplia qu'elle luy pût parler en particulier : ce qu'il trouva bon, & elle prenant sujet de luy parler d'affaires, le fut trouver dans une Eglise, & comme elle fut entrée dans la Chapelle où il estoit, il fit sortir tout le monde. Là elle luy montra ce qu'il n'eust pas voulu voir, qui estoit ces belles lettres qui luy tesmoignoient l'infidelité & le mespris d'Ismene. Elle luy dit en suite, que les obligations qu'elle avoit à sa bonté, & l'amour qu'elle avoit tousjours eu pour sa personne, n'avoient pû permettre qu'on luy celast l'outrage qu'on luy faisoit, luy qui estoit le maistre des autres, & veritablement le plus honneste homme du monde.

Ce bon Prince qui se laissoit aisément flatter, & particulierement quand on luy parloit de son merite, remercia cette femme de son bon avis, & impatient de faire esclatter sa colere, envoya par un de ses confidens dire des injures à Ismene ; luy reprochant sa perfidie, & protestant de ne la voir jamais.

A cette heure-là elle n'estoit pas logée dans le Palais ; mais dans la ville. Elle fut fort surprise de cette nouveauté , & neantmoins conservant assez d'esprit dans ce desordre ; elle répondit froidement : Comme je suis assurée de n'avoir jamais rien fait qui puisse offencer Alcandre, aussi je ne puis deviner ce qui l'oblige à me traiter si mal. J'espere que la verité & mon innocence me vangeront assez de ceux qui luy ont donné de fausses impressions de moy : & sans luy dire autre chose , se retira dans son cabinet , beaucoup plus troublée qu'elle n'avoit fait paroistre.

Cependant Florian ayant appris toute cette affaire, en avertit aussi-tost Milagarde, & bien qu'il n'aimast Filizel , il prevoyoit le déplaisir qu'en auroit sa sœur , si on n'y remédioit : ils en trouverent donc un moyen qui fut tel :

* Floridor Prince de la Susiane , avoit un Secrétaire qui contrefaisoit parfaitement toute sorte d'escriture. L'on resolut que Filizel souffrieroit que cet homme ayant recouvré de l'escriture d'Ismene, l'avoit si bien contrefaite, que Filizel qui estoit amoureux de Mirtille, & celle-cy haïssant mortellement Ismene, avoit resolu avec elle de faire les lettres qu'elle avoit montrées au Roy. Ismene ayant sceu tout cet expedient , envoya supplier Alcandre de permettre qu'elle se justifiait : à quoy il fit quelque peu de difficulté au commencement, ne pouvant tenir sa colere, ni quitter son amour : il alla luy-mesme entendre ses raisons, qu'elle sceut si bien déduire qu'il s'appaïsa entièrement contre elle. Mais Filizel fut contraint d'aller en Hongrie , où le Turc faisoit la guer-

re, Mirtille chez elle, & le Secretaire en prison. Voilà comme il est dangereux de donner des avis à son Maître, lorsqu'il ne les demande pas : & Mirtille eut ce déplaisir de se voir privée de son amant qu'elle aimoit, & renvoyée chez elle avec honte, quand elle y vouloit le moins aller : & outre cela elle se fit une grande & puissante ennemie.

La haine que la Reine portoit à Ismene avoit fort paru durant cette brouillerie ; car la tenant presque ruinée, elle n'avoit pas manqué de travailler pour l'achever : aussi furent elles depuis tousjours tres-mal ensemble, & Ismene luy rendoit tous les mauvais offices dont elle se pouvoit aviser ; ce qui faisoit quelquesfois tant de rumeur dans la Cour, que cela la rendoit fascheuse ; Olimpe ne pouvant souffrir ceux qui voyoient Ismene, & elle faisant tout le mal qu'elle pouvoit aux affidez d'Olimpe : mais enfin il survint encore un autre desordre. Le Roy eut avis qu'Ismene avoit quelque intelligence avec le Roy des Asturies, & la chose passa si avant qu'elle fut arrestée avec quelques-uns de ses plus proches parens ;⁶⁸ mais pource que cela est de l'histoire, je n'en diray pas davantage, sinon que Mirtille fut rappelée, & Filizel revint.

Ce fut en ce temps-là qu'Alcandre devint amoureux d'une jeune fille, qu'il maria aussi tost après : & puis d'une autre bien plus belle,⁶⁹ qu'il maria aussi, pour la retirer d'un lieu où elle estoit, estant d'accord avec le mary. qu'il la quitteroit dès le soir des nopces, comme il fit⁷⁰.

Quant Ismene. Cependant Ismene eut sa grace, & fut renvoyée.

voyée en sa maison, ⁷¹ & cette nouvelle Maistresse amusoit Alcandre, & la Cour estoit fort calme.

Le Roy maria Milagarde avec un Prince de la Maison Royale. ⁷² Olimpe contribua beaucoup à ce mariage, Alcandre avoit reveu Ismene, pour qui il avoit une grande inclination, & cela s'estoit passé si secretement qu'Olimpe ne l'avoit point sceu ; mais comme elle l'eut appris, ce fut un estrange trouble, & tel qu'elle dit tout haut qu'elle deffendoit à toutes celles qui voudroient entrer en son cabinet, de voir Ismene, sur peine d'en estre bannies avec affront : ce qu'Alcandre ne trouva pas bon ; mais il faisoit souffrir. Quelque temps après le Roy, tousjours galant, devint amoureux de la Duchesse de Silesie, Princesse d'une tres-grande vertu, & qui honoroit fort sa personne ; mais qui faisoit fort peu de cas de sa passion. La saison fut assez commode aux desirs d'Alcandre, pource qu'il vouloit faire baptiser les Princes ses enfans, & faisoit venir la Duchesse d'Athenes pour estre Maraine de l'aîné.

Cette Princesse estoit sœur d'Olimpe, & le Duc son mary proche parent du Duc de Silesie, ⁷³ si bien que cela obligea la Duchesse de Silesie de demeurer plus qu'elle n'avoit accoutumé à le Cour. Alcandre cherchoit tousjours l'occasion de luy pouvoir parler, & elle l'évitoit autant qu'il luy estoit possible ; mais bien souvent elle ne pouvoit l'empescher, pour le respect qui luy estoit dû. Enfin les ceremonies estant achevées, dont je ne dirai rien, cela estant assez connu, dès le lendemain le Duc

de Silesie & sa femme se retirereut, quasi sans dire adieu, & elle ne voulut plus revenir à la Cour. Il se presenta un voyage à Rome, où ce Duc fut envoyé, & sa femme le suivit; si bien qu'il falloit qu'Alcandre oubliast cette fantaisie, qui luy avoit esté tres-inutile, & tres-facheuse, n'ayant accoustumé de trouver tant de difficulté. Le voyage du Duc & de la Duchesse dura plus d'un an, & estant de retour elle vint faire la reverence à la Reine, où estoit Alcandre, qui luy fit fort mauvaise mine, & dit assez haut qu'il estoit vangé, & que la Duchesse estoit extrêmement, changée. Elle n'en fit aucun semblant, & vescu tout le reste de sa vie de mesme façon, & avec toute la modestie que peut avoir une tres-honneste femme.

Le Roy estoit alors entierement raccommodé avec Ismene, & Olimpe la souffroit si impatiemment, qu'ils avoient de grandes querelles: & quelque peine que les plus puissans & plus autorisez du Conseil pussent prendre, & quelque soin qu'ils eussent de leur remontrer, que ces façons n'estoient pas seantes à la Majesté de leurs personnes, il se presenta une occasion qui causa bien du bruit, & qui veritablement fut estrange. Ce fut qu'Alcandre & Olimpe estant allez en une maison ⁷⁴ proche de Lutecie, & separée par la riviere, il falloit passer un bac: ⁷⁵ comme le carosse où ils estoient tous deux, accompagnez seulement de Milagarde & du Duc de Micene, voulut passer, il versa dans la riviere. Le Roy ni le Duc de Micene n'en furent point mouillecz, & assez à temps sauté par dessus les
por-

portieres du carrosse ; mais les Dames beurent un peu sans soif , & coururent fortune. Quelques jours après Alcandre estant allé voir Ismene , elle luy dit qu'elle avoit esté en peine , craignant pour luy en cette cheute , & si elle y eust esté , le voyant sauvé , pour le reste elle eust crié , *La Reine boit.*

Olimpe ayant appris ce discours , se mit en une telle colere , qu'Alcandre & elle furent plus de quinze jours sans se parler , & salut que les plus sages , de ceux qui avoient plus de credit auprès du Roy , l'appaissassent. Enfin cet accord fut fait , & il salut faire un balet pour se rejouir , dont Olimpe se voulut donner le plaisir , en estant elle-mesme. Cependant qu'on le proposoit , Alcandre , qui faisoit fort bonne chere à Alcmene à cette heure-là , (c'estoit cette Dame qu'il avoit fait quitter à son mary , comme j'ay desja dit) vouloit qu'elle fust du balet , & Olimpe ne le voulant pas , il fut rompu pour cette fois.

Alcmene estoit cependant aimée de Filizel , qu'elle ne traittoit pas mal ; & leur mal-heur fut qu'Alcandre en eut avis , qui alla aussi-tost chez Alcmene , pour luy reprocher sa perfidie. Elle , qui ne sçavoit comme s'excuser , luy dit que Filizel luy avoit promis mariage : il retourna aussi-tost au Palais , envoya querir la Princesse , mere de Filizel , se plaignit de luy , le menaça , & dit qu'il le feroit punir rigoureusement , qu'il retomboit trop souvent dans ses fautes , & qu'il ne luy pouvoit pardonner , s'il ne tenoit ce qu'il avoit promis à Alcmene , qui estoit de l'espouser. Qu'il pouvoit bien consentir que l'on espousast ses

Maistresses, mais d'en faire les Galands, c'est ce qu'il ne souffriroit pas, & que c'estoit encore à sa consideration, qu'elle estoit sa parente, ⁷⁶ qu'il faisoit grace à son fils. Cette vieille Princesse, glorieuse & en colere, luy répondit tant de choses, que cela acheva de l'irriter; de forte qu'il envoya des Gardes pour prendre Filizel, qui s'estoit retiré, & l'affaire alla si avant que tout ce que purent obtenir ses parens, fut qu'il sortiroit du Royaume pour n'y revenir jamais, & aussi ne fut-il rappelé qu'après la mort d'Alcandre. Le Duc de Micene estant mort un peu auparavant toutesces choses, le Roy se resolut de faire les doux yeux à sa veuve, ayant opinion que s'il estoit aimé d'une Princesse, cela luy seroit plus avantageux, que se donner à toute heure à des femmes, qui n'estoient pas de mesme condition, & qui le trompoient. Il se voulut servir en cette occasion d'un Seigneur de sa Cour, aussi accompli quenul autre de son temps, & dont l'esprit & le courage surpasseoit de beaucoup tous ceux de son siecle, son nom estoit Dorclas. Il descouvrit donc son dessein à ce Chevalier, qui jugea la chose difficile, & toutesfois il promit à Alcandre de luy en dire des nouvelles. Le voisinage de sa maison, proche de celle où demouroit la Duchesse, & son adresse firent qu'Alcandre luy donna cette commission, & il s'y resolut pour s'en prevaloir luy mesme, si la Duchesse vouloit escouter, ce qu'il ne croyoit pas; il fit pourtant si bien que contre le dessein qu'elle avoit fait, il la fit venir à la Cour, où Alcandre apprit luy mesme que cette entreprise n'estoit pas facile; aussi

aussi ne la poursuivit-il pas davantage. Floridor estoit si amoureux d'Ismene, qu'il luy promit de l'espouser, & elle se voulant prevaloir de sa passion, ou pour renflammer Alcandre, qui la negligeoit, ou pour parvenir à ce mariage, fit proclamer des bans de Floridor & d'elle, changeant un peu ces noms. Cela estant venu à la connoissance d'Alcandre, il se mit en grande colere contre tous les deux ; mais plus contre Floridor, de qui les parens firent tant de bruit, accusant Ismene d'avoir fait cette action d'elle-mesme sans son consentement, & pour le brouiller avec le Roy, que la chose ne passa plus avant, & Floridor s'en alla en son gouvernement : ce qui assoupit cette rumeur. Mais comme Alcandre ne pouvoit vivre sans quelque amour nouvelle, Olimpe ayant repris la volonté de faire le ballet desja proposé, entre les Dames nommées pour en estre, l'incomparable Florise en fut l'une. Elle estoit si jeune alors qu'elle ne faisoit que sortir de l'enfance ; sa beauté estoit miraculeuse, & toutes ses actions si agreables, qu'il y avoit de la merveille par tout. Alcandre la voyant danser un dard à la main (comme par figure de ballet) se sentit percer le cœur si violemment, que cette blessure luy dura aussi long-temps que la vie. Il faudroit un volume entier ⁷⁷ pour raconter tous les accidens de cet amour, que la mort de ce Prince termina, quand elle le ravit parmi les siens, dont il estoit aimé jusqu'à l'adoration.

ANNOTATIONS

SUR L'HISTOIRE

DES AMOURS

DU GRAND

ALCANDRE.

V Ne Comtesse dont il estoit tres-amoureux.] C'estoit *Madame de Grammont*, autrement de *Guiche*, mere du feu Comte de Grammont, appelée plus bas *Corisande*. Elle étoit veuve alors de *Philibert Comte de Grammont*, qui ayant eu un bras emporté d'un coup de Canon au siege de la Fere, où commandoit le Mareschal de Matignon pour Henry III. Roy de France en 1580. mourut quelques jours après de ses blessures, & fut fort regretté de tout le monde. Voyez de Thou en son Histoire Tome III. Livre LXXII. p. 457.

² Par la maison d'une Dame veuve, & qui tenoit grand rang.] Il veut dire la *Marquise de Guiercheville*, qui estoit alors jeune veuve de Henry de Sily Comte de la Rocheguyon, dont elle avoit des enfans.

³ Et oublia de telle sorte *Corisande*.] C'est la Comtesse de *Guiche* ou de *Grammont*, de laquelle il a fait mention cy-dessus. Voicy en quels termes en parle M. de Thou, en son Histoire, Tome V. Liv. CI. p. 158. *Corisanda Andoina Philiberti Grammontani Comitiss, ad Faram Veromanduorum ante XII annos interfecti, vidua,*

vidua, olim Regi prædilecta, cum se spretam indignaretur, ultionem quærens, inter Carolum Sueffionem, Regis patruelem, & Catharinam Regis sororem, de quibus matrimonio jungendis mentio olim injecta fuerat, amores pene intermortuos secretis literis & plenis blanditiarum nunciis rursus accendit, ita ut passim jactaretur, ne omnino rumor vanus repertus esset, ipsos ignaro Rege, vel etiam invito, nuptias contracturos. Quod ad contemptum suum pertinere cum judicaret Rex, & talia audere quasi deploratis rebus suis cerneret, eo magis sibi enitendum existimabat, ut aliquo ingenti successu fortunæ suæ jacentis famam erigeret. *Voicy ce qu'en dit Maximilian de Bethune Duc de Sully, Tome I. Chapitre 18. pag. 39. de ses Memoires. Ce Prince (c'est Henry IV, Roy de France, & alors seul Roy de Navarre) estoit lors au plus chaud de ses passions amoureuses vers la Comtesse de Guiche, laquelle estant allé voir en un lieu nommé Agemau, il receut nouvelles d'un Espagnol, nommé Don Bernadin de Mendosse, &c.*

4 Une belle & jeune Abbessé du Mont de Mars.] Elle s'appelloit Marie de Beauvilliers, Abbessé de Montmartre près de Paris. Elle estoit fille de Claude de Beauvilliers, Comte de saint Aignan, Gouverneur d'Anjou, & de Marie Babou, fille de Jean Babou Seigneur de la Bourdaisiere, & de François Robertet. Elle eut pour frere Honorat de Beauvilliers, Comte de saint Aignan, pere du Comte de saint Aignan d'apresent, & pour sœurs Anne de Beauvilliers, femme de Pierre Forget Seigneur de Fresne, Secretaire d'estat sous Henry IV. & N. de Beauvilliers Abessé du Pont aux Dames.

' Avec

5 Avec un illustre Chevalier qui avoit grande charge en Cour.] *Nommé Charles du Plessis Seigneur de Liencour, Comte de Beaumont, premier Escuyer & Gouverneur de Paris, qui espousa la Marquise de Guiercheville veuve du Comte de la Rocheignon, laquelle a laissé des enfans de ses deux maris.*

6 Le pere de Crisante.] *Jean Antoine d'Estrée, Marquis de Cœuvres, & avoit espousé Françoise Babou de la Bourdaisiere, mere de Crisante.*

7 Se retira en la maison de son pere.] *A Cœuvres près les Villes de Soissons & Laon.*

8 Sa sœur nommée Dalinde.] *On la nommoit Juliette Hippolite d'Estrée, femme de Georges de Brancas, Marquis de Villars.*

9 Ce vieillard estoit Gouverneur de la Province.] *Je croy que c'estoit de l'Isle de France.*

10 Un jeune Seigneur nommé Napoleon.] *Il s'appelloit en son veritable nom Gilles de Comblans, Seigneur d'Armentieres, fils du Vicomte d'Auchi: c'est pourquoy il faut corriger dans l'histoire de M. de Thou, Tom. I V. liv. XCV. pag. 440. Ægidius Auxius Armenterius, au lieu de Ægidius Ursinus Armenterius.*

11 Une memorable bataille.] *Ce fut la bataille de Senlis, où le Duc d'Aumale & les Parisiens qui assiegeoient cette place, furent défait par le Duc de Longueville, la Nouë, Humieres, Grury, & autres Seigneurs du party du Roy Henry III. qui estoient accourus au secours, le 17 de May de l'an 1589.*

12 Une mousquetade qu'il reçut dans la teste à l'entrée d'une Ville.] *Cet estrange accident arriva en l'an 1595. à l'entrée que ce Prince fit*

à Dourlens , où il fut tué. d'une mousquetade en un
salve d'honneur, qui luy fut fait par la garnison. Ve-
yez M. de Thou en son Histoire, Tom. V. Liv. CXII.
pag. 540. il avoit espousé Catherine de Gonzague.
fille de Ludovic de Gonzague Duc de Nevers, duquel
mariage est issu Henry d'Orleans Duc de Longuevil-
le encore vivant.

¹³ Il se presenta un Gentil-homme du pais
tout propre à cette alliance.] Il s'appelloit Ni-
colas d'Amerval, Seigneur de Liencour.

¹⁴ Le mary de Lydie.] Son nom estoit Fran-
çois d'Escoubleau, Marquis de Sourdis.

¹⁵ Dans un Chasteau extremément fort.]
Usson fort chasteau en Auvergne.

¹⁶ Cependant la Princesse Grassinde , sœur
d'Alcandre , vouloit se marier avec le Prince
Palamede , jeune & beau , &c. De l'origine
des amours entre Charles Comte de Soissons , &
Catherine Princesse de Navarre, sœur de Hen-
ry IV, Roy de France & de Navarre , Mons. de
Thou en son Histoire , Tom. IV. Liv. LXXXVII.
pag. 180. en parle en ces termes : Interea
(A. 1587.) Navarrus ad Monforellum copias,
& Carolum Borbonium Sueffionum Comi-
tem, Condæi fratrem, ad se venturum opperie-
batur. Is magni animi juvenis, cum Regis,
& eorum, qui circa Regem erant, sive diffi-
mulatione, sive patientia, regiam Majestatem
sensim labefactari, regii sanguinis Principum
nomen apud omnes ordines vilescere, contra
indies Guisianorum gratiam ac potentiam au-
geri cerneret, quanquam majorum religioni
addictus, cum regni, non religionis causam in
hoc bello agi crederet, facile sibi persuaderi
passus fuerat, ut ad Navarri partes pro regni
salute

salute & regio nomine tuendo transfiret, præfertim conditionibus perhonorificis à Petro Delbenio Abbate oblatis, qui spem fecerat ut Catharinam Navarri sororem in uxorem pro præmio acciperet. *Le mesme Auteur, au mesme Tome, Liv. XCII. pag. 344.* Ad dolorem tantum accessit atrox Sueffionis injuria, quæ ad contemptum Regis pertinebat. Is superiore anno (A. 1588.) spe de Catharinæ Navarri Sororis nuptiis facta, ad ipsum inconsulto Rege transierat, & Cutracenæ pugnæ ac nuper expeditioni ad Maranum recipiendum susceptæ, interfuerat. Inde cum spe illarum unptiarum excidisset, repulsam ad animum revocans, relicto Navarro ad Regem paulo ante redierat, qui venia petenti concessa, ejus excusationes, cur ad Navarrum transisset, in bonam partem accipere visus est. *Au Tom. V. Livre CV. pag. 314. & 315.* Cum & Rex (A. 1593.) in Turones excurrisset, ut Catharinam Sororem è Benearni pago venientem honorificentius exciperet, martimonium inter eam & Carolum Borbonium, Sueffionum Comitem, patruelem, ante septennium injecta mentio, cum ille, deserto Rege, ad Navarram se contulit, postea non sine occulta ejus offensione abrupta, ab eo tempore per occultos nuncios renovata, ac semper repetita est sine fratris permissu, nec tamen eo omnino ignaro. Corisanda Andoina Guichia. Philiberti Grammontani Comitis, ante XIII annos ad Faram Veromanduorum interfecti vidua; quod à Regis gratia in qua olim floruerat, excidisset, spretæ formæ ultionem quærens, igniculos inter tanto locorum spatio diffitos in arcano

eano alebat, & superiore anno Sueffionensi
persuaserat, dum Rex ad Rotomagi obsidio-
nem hæreret, ut captata ex matris morbo,
quæ Cæsaroduni erat, occasione, in Turones
propere revolaret, & inde quam citissimè,
antequam Rex de ipsius profectioe posset co-
gnoscere, Benearni pagum veniret: quod cum
ille fecisset, res parum ab exitu abfuit. Secretis
pollicitationibus inter utrumque initis, &
utriusque manu subscriptis. Sed antequam
nuptiæ celebrarentur, supervenêre qui à Rege
missi erant, qui Senatus Provinciæ interceden-
te auctoritate eas diremerunt, & Sueffionem
Podio excedere coëgerunt. Rex propterea So-
rorem ad se evocaverat, cui & obviam Salmu-
riam usque exeunte Februario profectus est,
evocato pariter ex Armorica Henrico Borbo-
nio Monpenserio, quem maritum Sorori desti-
nabat. *De ces mesmes amours, M. de Sully en
ses Memoires, Tome I. Chap. 24. pag 61, escrit
de cette façon. M. le Comte de Soissons d'autre
oosté, qui estoit venu trouver le Roy de Navarre,
plustost pour espouser sa sœur que ses affections,
ni son party qu'il tenoit, ne pouvoit pas avoir
longue subsistance, fondant ses opinions sur ce
qu'il voyoit le Pape, l'Empereur, le Roy d'E-
spagne & quasi toute la France buttez à l'en-
tiere destruction des Huguenots; & qu'ayant es-
pousé Madame Catherine, il se retireroit de la
Cour, & s'approprieroit tous les grands biens,
que cette Maison de Navarre avoit deça la ri-
viere de Loire, & sur ce projet faisoit de conti-
nuelles instances & sollicitations, afin que le Roy
de Navarre le voulust mener voir sa Maistressè
en Bearn; esquelles instances rencontrant pour
complices*

complices de telles passions dans l'esprit du Roy, l'amour qu'il portoit lors à la Comtesse de Guiche, & la vanité de présenter luy-mesme à cette Dame les Enseignes, Cornettes & autres despoilles des ennemis, qu'il avoit fait mettre à part pour luy estre envoyées; il prit pour pretexte de ce voyage, l'affection qu'il portoit à sa sœur & au Comte de Soissons: tellement qu'au bout de huit jours tous les fruits esperez d'une si grande & signalée victoire, s'en allerent au vent & en fumée, & au lieu de conquérir, l'on vid toutes les choses deperir; le Roy de Navarre & le Comte de Soissons se mettant si mal ensemble par rapports & soupçons, que depuis ils se separerent quasi comme ennemis. Le mesme Mons. de Sully en ses memoires, Tome I. chap. 34. pag. 98. & 99. Vous vous souviendrez que le Roy dès l'année 1585, se voyant tomber sur les bras cette grande guerre de la Ligue, & ne se voyant en estat de pouvoir avoir des enfans, à cause de ce qui se passoit entre luy & sa femme, ni aussi de se pouvoir démarier, à cause qu'il luy eust falu passer par les mains du Pape; il se mit à regarder sa sœur comme sa certaine & unique heritiere, & se resolut de la marier comme telle à quelque Prince dont l'humeur luy revinst, & en pust faire estat comme d'un fils: & ne voyant nul Prince en France, ni dehors d'icelle, qui apparemment pust avoir les conditions plus sortables à ses desirs, que Monsieur le Comte Soissons, il luy fit proposer ce dessein, lequel comme luy estant honorable & utile tout ensemble, il tesmoigna aussi-tost de le vouloir embrasser; tellement qu'après plusieurs entremises il se vint ranger auprès de luy, comme il a esté dit cy-devant, & après la bataille de Coutras s'en allerent en Bearn voir Mad. Catherine, où il s'engendra des amours reciproques; mais

mais quelques langages, ou procédures dont usa Monsieur le Comte de Soissons, ou quelques aduis, soit vrais ou faux, que le Roy receut de la Cour; que M. le Comte en estoit party par concert fait avec ses ennemis de venir espouser sa sœur, & puis le quitter la, & se prevaloir de ce mariage, pour jouir de tous les biens qu'il avoit, où il estoit en puissance, sans se soucier que devinst sa fortune, sa personne, & sa vie (car ce sont les mesmes propos que vous nous avez dit avoir esté tenus par le Roy, lorsque sur le sujet de la mort de Messieurs de Guise, & les longueurs qui s'interposioient a l'accomplissement de son mariage, il quitta tout a fait le Roy de Navarre) avec de mauvaises paroles de toutes parts, & peu d'esperance de reconcilier jamais bien ces deux esprits. Or nonobstant cette separation, l'amour ne laissa pas de se continuer entre Madame & Monsieur le Comte de Soissons, & telles intelligences basties entr'eux, qu'ils resolurent de se marier a la premiere commodité, sans attendre ni requérir le consentement du Roy, lequel estoit embarqué en ce grand & long siege de Rouen. Les deux amoureux jugerent que c'estoit le temps le plus propre pour executer ce qu'ils avoient projeté ensemble par lettres, messages & l'intelligence de plusieurs des hommes & femmes qui estoient près de Madame. Et pour cet effet ayant préparé des chevaux par relais, faisant semblant de s'en aller seulement jusqu'a Nogeant, il passa jusqu'en Bearn; mais ils ne purent estre si fins, ni leurs affaires maniées si secretement, que le Roy n'en eust quelque vent; ni luy faire si bonne diligence qu'à son arrivée il ne trouvast le Sieur de Pangeas, & plusieurs autres, avec pouvoir du Roy pour s'opposer a tous leurs desseins: de telle sorte que M. le Comte fut chassé du pais, & contraint de s'en revenir

revenir sans rien faire. Le mesme M. le Duc de Sully en ses Memoires, Tome I. chap. 44. p. 126. Nous reprendrons succinctement ce qui a esté cy-devant dit du voyage de M. le Comte de Soissons en Bearn, pour espouser Madame sœur du Roy malgré luy, & quoy que sa Majesté y eust pourveu, comme il a esté dit, neantmoins si ne put il empescher que par le moyen de la Comtesse de Guiche (laquelle estoit irritée contre luy, & se plaisoit à le fascher, pour ce que l'ayant aimée, non seulement il ne l'aimoit plus & en aimoit d'autres; mais mesme encore avoit honte, à cause de la laideur où elle estoit venue, que l'on dist qu'il l'eust aimée) ils ne se vissent & ne s'entre-donnassent des promesses de mariage; lesquelles le Roy destroit non seulement retirer, mais aussi leur faire bailler une declaration qu'ils se quittoient l'un l'autre, & révoquoient toutes les promesses qu'ils s'estoient faites, tant de bouche que par escrit: & avoit le Roy une telle passion à cette affaire, pource que quelques malins luy avoient mis en teste, que ce mariage mettroit sa vie en danger, s'il en venoit des enfans, que vous ne l'aviez jamais veu parler d'affaires avec telle violence.

¹⁷ Ayant resolu de la donner au Duc de Micene.] Voyez le Chapitre 64. pag. 311. 312. 313. 314. 315, jusques à 321, & le Chapitre 65, du I. Tome des Memoires de Monsieur de Sully, touchant le dessein du Roy, & l'acheminement d'iceluy pour le mariage de Madame sa sœur avec de Montpensier.

¹⁸ Grassinde arriva en la ville de Larisse.] Je croy que c'est Mante, que Monsieur de Sully. Tom. I. Ch. 40. pag. 104, de ses Memoires, dit

dit avoir esté comme le Paris du Roy alors. M. de Thou en son Histoire Tom. V. Liv. CV. p. 315, assure qu'il y laissa sa sœur. Rex ubi de Novioduni obsidione cognovit, cum Catharina sorore ex Turonibus profectus, in Carnutes redit, & cum omni aulæ committatu Medontam tendit, eoque loco relicta sorore, in Picardiam excurrit.

¹⁹ Le principal du Conseil d'Alcandre.] Il veut dire le Chancelier de Chiverny, qui par sa Charge & d'ancienneté est Chef ordinaire du Conseil du Roy, au défaut, ou en l'absence du Connestable.

²⁰ En ce temps-là mourut fort tragiquement la mere de Crisante.] Elle fut tuée à Issoire en Auvergne, où le peuple s'émut contre elle, en haine du Marquis d'Alegre qui l'entretenoit. Elle estoit de la maison de Babou de la Bourdaisiere, & s'appelloit Françoisse de Babou de la Bourdaisiere.

²¹ Arfure la plus confidente des femmes de Crisante.] C'estoit la Rousse, de laquelle M. de Sully fait mention en ses Memoires, Tome I. Ch. 90. p. 421. & 422. Si nous voulions vous ramener, non pas tout ce qu'une certaine femme nommée la Rousse & son mary, lesquels avoient long-temps servi cette Dame, & que vous avez gardez six ans prisonniers à la Bastille, pour avoir parlé trop librement des actions & vie d'icelle, vous en avoient dit (car vous le teniez secret), mais seulement ce qu'elle en contoit à nous autres, lorsque nous lui voulions donner audience (car c'estoit toute sa délectation que de pouvoir trouver qui la voulast escouter là-dessus) : mais le respect de cette Da-

M

me,

me, de ses enfans & parens, la memoire de l'amitié que le Roy luy a portée, & l'animosité que cette Rouffe & son mary tesmoignoient contr'elle, qui nous rend suspect de fausseté la pluspart de ce qu'ils en disoient, nous impose silence & nous fait conten-ter de vous ramentevoir, &c.

²² De son neveu, fils de son frere.] C'estoit Charles Duc de Guise, fils aîné de celuy qui fut tué à Blois en 1588.

²³ De son autre frere] Qui estoit Charles Duc de Mayenne ou Maine, Chef de la Ligue, après la mort de son frere, appelé cy-dessus Sertorius.

²⁴ Un Chevalier du party d'Alcandre.] Je soupçonne fort que ce fut M. de Givry, à cause de ce qui est remarqué plus bas, qu'il faisoit passer des vivres dans Lutecie, pour plaire à Polinisse & à Milagarde.

²⁵ Ayant mesme fait passer des vivres dans Lutecie.] Monsieur de Thou en son Histoire Tome V. Liv. XCVIII. pag. 68. Charentonio & Confluentia, qui vicusest ad quem Matriona in Sequanam exoneratur, impositus Annas Anglurius Givrius, cum valido equitum & peditum præsidio, ex omni natione attributis delectis copiis ac aliquot tormentis, ut justus exercitus speciem præsidium illud referret, munitis circum castris & strato pontibus fluvio. Ipse vero, amœno juxta & eleganti vir ingenio, qui imperator dici gauderet, dum comitatus officiis cum Caietano, Nemorofia, Monpenseria, Guisia, viduis, aliisque belliducibus, qui in urbe erant, certat & pane, carnibus aliisque bellariis crebro summissis extremam necessitatem inscio Rege moratur, obli-

obsidionem in longum extraxisse creditus est, ejusque exemplo plerisque eadem humanitate erga obsessos usis, postremo Regis conatum irritum reddiderunt.

²⁶ Le frere de Milagarde sortit de prison, où il avoit tousjours esté depuis la mort de son pere.] *Charles de Lorraine, Duc de Guise par la mort de son pere, tué a Blois par le commandement du Roy Henry III, en 1588, fut emprisonné à l'instant mesme, & conduit dans le Chasteau de Tours, duquel il se sauva depuis, le 15 d'Aoust, 1591, par un gentil stratageme, & se rendit à Paris, où il fut receu avec grande joye.*

²⁷ Pour aller en une de ses maisons. Estant allé assieger une ville.] *C'estoit Laon en Picardie, qui fut assiegée le 25 de May, & rendue le 22 de Juillet 1544.*

²⁸ Crisante accoucha d'un fils] *Il fut nommé Cesar, & portoit le titre de Monsieur, & depuis a esté fait Duc de Vendosme, & vit encorés à present.*

²⁹ Luy fit quitter le nom de son mary, luy bailla le titre de Marquise.] *Au lieu de Madame de Liancourt, il la fit appeller la Marquise de Monceaux.*

³⁰ Le vieil amoureux de cette femme.] *Qui estoit le Chancelier de Chiverny.*

³¹ La Reyne, lors femme d'Alcandre.] *C'estoit Marguerite de France, sœur des trois derniers Rois de la Branche de Valois, & premiere femme du Roy Henry IV, de France & de Navarre.*

³² Qui fut Damon.] *J'ay conjecturé par beaucoup de raisons, que c'estoit le Duc d'Espernon,*

pernon , grand favory du Roy Henry III , & pere du Duc d'Espernon d'aujourd'huy.

³³ Un de ses valets de Chambre.] Ce fut Armagnac , ou Pierre Beringhen premier valet de Chambre.

³⁴ Commanda au Capitaine de ses gardes.] Je suis en peine de sçavoir qui il estoit ; je soupçonne que ce soit Charles de Choiseul sieur de Prastin , qui depuis a esté Mareschal de France.

³⁵ Aux grandes dignitez qu'il avoit lors qu'il mourut.] Ces mots me persuadent clairement , que ce n'estoit ni Monsieur de Vitry , ni M. de la Force , alors Capitaines des Gardes de sa Majesté , parce qu'ils ne sont morts que long-temps après le Roy Henry IV.

³⁶ De ne revenir point qu'il ne fust marié , & qu'il n'amenast sa femme.] Elle s'appelloit Anne de Bueil , & estoit fille & unique heritiere de Honoré de Bueil sieur de Fontaine , tué à Saint Malo , quand la ville se declara pour la Ligue. De Thou Livre III. pag. 502 & 509.

³⁷ Et de tres-Illustre Maison.] De la maison de Budos. Elle estoit fille de Jacques de Budos Vicomte des portes , & de Catherine de Clermont.

³⁸ Laisa un fils & une fille.] L'un s'appelloit Henry II , du nom , Duc de Montmorency , Pair & Mareschal de France , qui fut decapité à Toulouse par Arrest du Parlement en Octobre 1632 , l'autre nommée Charlotte Marguerite de Montmorency , espousa Henry de Bourbon , Prince de Condé , premier Prince du Sang , decedé en 1646 duquel sont sortis les Princes de Condé & de Conty , & la Duchesse de Longueville , qui sont pleins de vie.

³⁹ Qui eut une fille durant tout cela.] Catherine

therine Henriette légitimée de France, qui fut mariée en 1619. avec Charles de Lorraine Duc d'Elbœuf, Pair de France, duquel mariage sont issus plusieurs enfans, vivans à présent aussi bien que le pere & la mere.

⁴⁰ Bien-toft apres un fils.] Depuis appelle Alexandre de Vendosme, grand Prieur de France, mort prisonnier au Chasteau de Vincennes durant le regne de Louis XIII.

⁴¹ Chassa un des principaux de son conseil.] Nicolas de Neuville, Seigneur de Villeroy, Secretaire d'estat, sous les Rois Charles IX, Henry III, Henry IV, & Louis XIII.

⁴² Un tres-habile homme de son Conseil.] Nicolas Brulart, Conseiller du Roy en ses Conseils, President en la Cour de Parlement, & depuis Chancelier de France sous les Rois Henry IV, & Louis XIII, qu'on appelloit communément Monsieur de Sillery. Voyez M. de Sully en ses Memoires Tom. I. chap. 81. pag. 392.

⁴³ Qu'il avoit fait Duchesse.] Du nom de Beaufort.

⁴⁴ Un homme, qui estoit à la Cour il y avoit long-temps, se maria pour lors avec une femme, qui avoit de grands enfans de luy.] Cet homme estoit Antoine de Roquelaure, Marechal de France.

⁴⁵ Le Cloistre des Chanoines de la Pâroice du Palais Royal.] Le Cloistre de saint Germain de l'Auxerrois.

⁴⁶ Une Eglise à un des bouts de la ville.] Eglise du petit Saint Antoine, sise en la rue Saint Antoine à Paris.

⁴⁷ Un de ses Secretaires d'Estat.] Pierre Forget, Sieur de Fresne, Secretaire d'estat.

⁴⁸ Pour avoir espousé une de ses parentes.] Sçavoir Anne de Beauvilliers, dont la mere, Marie de Babou, estoit de la mesme maison que celle de la Duchesse de Beaufort, & avoit espousé Claude de Beauvilliers Comte de saint Aignan.

⁴⁹ En une de ses maisons.] A Fontainebleau.

⁵⁰ Jusques à six lieues de Lutecie.] A Essonne: M. de Thou livre 122, dit qu'il vint jusques à Ville-jurve. Les Memoires du Chancelier de Chiverny, à Ville-neuve S. George.

⁵¹ Que Crisante estoit morte.] De la mort de la Duchesse de Beaufort, voyez ce qu'en escrit le President de Thou en son Histoire, livre CXXII. pag. 865. Le Chancelier de Chiverny en ses memoires depuis la pag. 322, jusques à 330. M. de Sully en ses memoires Tom. I. chap. 90. pag. 420. jusques à 425. où il en rapporte des particularitez fort curieuses & fort notables.

⁵² Le Duc de Ponti, qui estoit de tres-bonne compagnie.] Je ne sçaurois deviner qui c'estoit. M. de Sully dit seulement au chap. sus allegué pag. 424, que le Roy, ayant receu la seconde lettre, qu'on luy escrivoit sur cet accident, à my-chemin, il s'estoit arresté tout court disputant en luy-mesme, s'il iroit voir cette femme que l'on luy mandoit estre morte, ou s'il s'en retourneroit à Fontainebleau. Sur quoy après que Messieurs d'Ornano, de Roquelaure, de Fontenac, & autres particuliers serviteurs lui eurent persuadé de s'en retourner: Il avoit appelé au milieu de la campagne & commande à la Varenne de le venir trouver, & dire ce qu'il

qu'il avoit entendu de luy. Ce pourroit estre Monsieur d'Ornano.

⁵³ Celuy qui estoit allé à Rome pour faire agréer le mariage de Crisante.] Monsieur de Sillery, Ambassadeur à Rome pour le Roy Henry IV. Nous avons veu les dépesches & instructions du Sieur de Sillery-Brulart envoyé pour estre Ambassadeur à Rome, à l'instance sollicitation de Madame la Duchesse de Beaufort, à laquelle il s'estoit engagé de parole, de faciliter en bref la dissolution du mariage du Roy, son mariage avec elle, & la legitimisation des enfans qui luy estoient desja nez, pour estre estimez enfans de France; & elle à luy en ce cas de luy faire avoir les Sceaux à son retour, nonobstant les interets de sa bonne tante de Sourdis, & l'office de Chancelier lorsqu'il viendroît à vacquer. Sully en ses Mem. chap. 31. pag. 392. Tom. I.

⁵⁴ En l'une des belles maisons d'Alcandre.] Au chasteau de Saint Germain en Laye.

⁵⁵ Le Roy soupoit à la Ville.] Proche l'Arsenal, au logis du Sieur Sebastien Zamet, que le Roy par familiarité appelloit Bastien.

⁵⁶ D'un petit Estat.] Du Marquisat de Saluces qu'il avoit usurpé sur la France par surprise, durant la tenuë des Estats de Blois, du vivant du Roy Henry III, en l'an 1588.

⁵⁷ Au Duc son oncle.] A Ferdinand de Medicis, Grand Duc de Toscane, oncle paternel de la Princesse.

⁵⁸ Le Duc de Velitres, son cousin Germain.] Virginio de gl'Ursini, ou Ursin, estoit fils de Paul-Fourdain Ursin, Duc de Bracciano, & d'Elisabeth ou Isabel de Medicis, sœur de Fran-

François & Ferdinand de Medicis Grands Ducs de Toscane, & partant cousin germain de Marie de Medicis Reine de France, qui estoit fille du grand Duc François de Medicis.

⁵⁹ Elle fut receüe par deux Cardinaux.] *L'Histoire du temps en met quatre, sçavoir, François de Joyeuse, Pierre de Gondy, Anne d'Escars, C. de Grury; François d'Escoubleau, C. de Sourdis.*

⁶⁰ Par le Chancelier.] *Pomponne de Bellievre, qui avoit succedé depuis un an en cette charge au Chancelier de Chiverny.*

⁶¹ Prince de la Sufiane, Gouverneur de la Province.] *Charles de Lorraine, Duc de Guise, Gouverneur de Provence.*

⁶² Par les Princesses des Armoriques.] *Elles estoient trois sœurs, sçavoir Henriette de Rohan, Catherine de Rohan, mariée depuis à Jean de Baviere Duc de Deux-ponts, Comte Palatin du Rhin, & Anne de Rohan; & ont eu pour freres Henry Duc de Rohan mort en 1638, & Benjamin de Rohan Duc de Soubise, decedé en Angleterre durant le regne de Louis XIII.*

⁶³ Jusques à la ville où Alcandre la vint trouver.] *La ville de Lion.*

⁶⁴ Dame d'atour, nommée Leriane.] *Il faut sçavoir des Courtisans de ce temps-là qui elle estoit, ne l'ayant pû apprendre de l'Histoire.*

⁶⁵ Cette vieille Princesse.] *Il veut parler de Madame de Nemours, qui venoit de la Fille de Louis XII, Madame Renée; & d'Anne d'Est. Quelle apparence que le Roy eust mis auprès de la Reine une Dame de la religion?*

⁶⁶ A la Marquise Ismene, à qui le Roy avoit donné cette qualité.] *Mademoiselle d'Entragues,*

gues, Marquise de Verneüil. Voyez ce qu'en dit le Duc de Sully en ses Memoires, Tom. I. chap. 92.

⁶⁷ De ce grand & heureux Prince.] Louis Dauphin, & puis XIII du nom, Roy de France & de Navarre.

⁶⁸ Qu'elle fut arrestée avec quelques-uns de ses plus proches parens.] Qui estoient François de Balsac Seigneur d'Entragues son Pere, & Charles de Valois Comte d'Auvergne, & depuis Duc d'Angoulesme, fils naturel du Roy Charles IX, & frere uterin de la Marquise de Verneüil, estant tous deux enfans de Marie Toucher natifve d'Orleans. Voyez l'Histoire du President de Thou. Liv. CXXXII. pag. 1134. & au Liv. CXXXIV. pag. 1182. & 1183.

⁶⁹ D'une autre bien plus belle.] Qui estoit la Comtesse de Moret.

⁷⁰ Étant d'accord avec le mary, qu'il la quitteroit dès le soir de ses nopces.] Ce mary pretendu estoit Philippes de Harlay Comte de Cesi, qui a esté long-temps Ambassadeur pour le Roy à Constantinople, & est mort âgé de 71 an, au mois de May de la presente année 1652.

⁷¹ Fut renvoyée en sa maison.] A Verneüil.

⁷² Maria Milagarde avec un Prince de la maison Royale.] Il veut dire François de Bourbon Prince du sang & de Conty.

⁷³ Cette Princesse estoit sœur d'Olimpe, & le Duc son mary proche parent du Duc de Silésie.] Elle estoit sœur aînée de Marie de Medicis Reine de France, & mariée à Vincent I. Duc de Mantouë & de Montferat, cousin germain de Charles de Gonzague Duc de Nevers, & depuis Duc de Mantouë, mort en l'an 1637.

⁷⁴ Allez en une maison proche de Laticie.]

cie.] A saint Germain en Laye, maison de plaisance des Rois de France.

⁷⁵ Il falloit passer en un bac.] *Le bac de Nully. Cet accident fut cause qu'on y bastit quelque temps après un pont de bois pour y passer la riviere de Seme.*

⁷⁶ Que c'estoit encore à sa consideration qu'elle estoit sa parente.] *Elle estoit sa cousine germaine, & fille de Marguerite de Bourbon sa tante paternelle, qui de son mariage avec François de Cleves Duc de Nivernois, eut entr'autres enfans cette cy nommée Catherine de Cleves, premierement mariée à Antoine de Croy Prince de Porcien, puis à Henry de Lorraine Duc de Guise tué à Blois en 1588.*

⁷⁷ Il faudroit un volume entier.] *Voy celuy qu'en a escrit le Cardinal Bentivoglio en Italien, intitulé Relatione della fuga del Principe di Condé.*

Apologie pour le Roy Henry quatre envers ceux, qui le blasment, de ce qu'il gratifie plus ses ennemis que ses serviteurs.

Faite en l'année mil cinq cent quatrevingt seize.

*Par Madame la Duchesse de Rohan la douairiere
Mere du grand duc de Rohan.*

L n'est rien qui passionne tant un fidelle sujet, que d'ouïr mesdire de son Prince, rien ne luy fait plustost rompre silence que le desir de s'y opposer, son devoir s'y oblige & son inclination l'y pousse. Voilà pourquoy recognoissant les rares obligations, que j'ay au treshumble service de Henry quatre mon Prince naturel, à qui de long-temps j'ay une obligation particuliere, & aussi peu commune comme ses merites & les biens faits en mon endroit sont peu communs; je ne puis plusténir ma langue qu'elle ne parle, n'y ma plume qu'elle ne repique a une infinité de malcontans, qui par faulte de cognoistre les parties non vulgaires de ce genereux Prince, blasment souvent certaines siennes actions, lesquelles bien peut-estre blasmales en d'autres, doivent estre estimables en luy.

Chacun murmure, chacun se mal contente, l'air resonne des plaintes contre cette sacrée

Majesté, l'un dit, ce Prince se perd & nous tous avec luy, il enrichit ses ennemis & ruine ses serviteurs; l'autre dira, il ne croit aucun conseil, il ne fait rien pour personne, il vult mieux le desservir que le servir. Allez vous voir quelque honneste homme en son logis, le premier langage qu'il vous tiendra fera, je m'en vay de cette cour malcontent, il y a si longtemps que j'y despence le mien sans en avoir la moindre recompense, non pas mesme payement d'une telle partie qui m'est due. Allez par les rues, vous oyrez chacun crier, nous perdons tous les jours & ny a que les ligueurs qui gagnent, ils sont remis en leurs charges, on leur donnent tous privileges & immunités, & les serviteurs du Roy sont molestez & oppressez, il n'est que de luy faire la guerre, entrez dans la basse court du Chasteau vous oyrez les officiers crier, il y a vingt cinq & trente ans que je fais service au Roy sans pouvoir estre payé de mes gages, en voila un qui luy faisoit la guerre il ny a que trois jours qu'il vient de recevoir une telle gratification.

Montez les degrez, entrez jusques dans son antichambre vous oyrez les gentils-hommes qui diront, quelle esperance y a il à servir ce Prince, j'ay mis ma vie tant de fois pour son service, je l'ay tant de temps suivy, j'ay esté blessé, j'ay esté prisonnier, j'y ay perdu mon fils, mon frere, ou mon parent, au partir de la il ne me cognoist plus, il me rabrouë si je luy demande la moindre recompense. Entrez jusques dedans sa chambre, vous oyrez a deux pas de luy & jusques derriere sa chaire des seigneurs de qualité qui diront, quelle pitié de

ce Prince, quelle misere de luy faire service, il m'a refusé ce que le feu Roy n'eust pas voulu refuser a un valet, il ny a que les larcons qui puissent gagner a son service, nul n'y peut faire ses affaires qu'en le desrobant, qu'il est imprudent, qu'il est chiche, qu'il est mauvais maistre, qu'il est de mauvais naturel. Tout beau Messieurs, aurez vous tantost tout dit, escoutez moy un peu à mon tour? & je m'assure que si vous voulez prendre la peine d'esplucher les choses de pres, que vous trouverez que le tort vient de vous & non pas de luy.

Vous confessez desia qu'il faict pour quelques uns, qu'il en gratifie aucuns liberalement, & mesme prodigalement, cognoissez donc que si vous ne recevez les mesmes gratifications que ceux-la recoivent, c'est pour n'avoir suivy les mesmes voyes qu'ils ont suivies, si vous n'avez acquis sa bonne grace, c'est pour n'avoir praticqué les moyens par lesquelles elle s'acquiert, vous voulez mesurer ce Prince à l'aune des autres, vous presupposez, qu'il ayt l'ame commune & ordinaire, qu'il doive aimer ses proches, gratifier ses serviteurs, rendre bien pour bien, & mal pour mal, & quels effects font-ce la, sinon effects d'une ame vulgaire, le moindre homme s'il a une ame raisonnable, la moindre femmelette en fera bien autant, & vous vouléz que ce Prince inimitable, ce Prince qui n'est rien moins que humain ne se gouverne point d'autre façon? ha pauvres ignorans qui ne sçavez admirer ny cognoistre un si rare homme que le Ciel vous a donné!

Sçachez, Messieurs, sçachez que ce Prince

est doiüé de vertus supernaturelles , que le sens humain ne peut comprendre , sa façon de proceder est toute autre qu'ordinaire ; il ne tient rien du vulgaire , & a l'entendement peu commun , son jugement est si vif , que nous ne le pouvons appercevoir , les bonnes parties sont rares , je dis rarissimes ; Bref il est si divin , qu'en certaines choses l'on ne cognoist en luy comme point d'humanité , & puis vous pensez le gagner par moyens ordinaires , vous vous plaignez quand vous n'y pouvez parvenir par les voyes communes. Vous avez tort Messieurs , c'est à nous à nous accommoder à son humeur , & non luy à la nostre , vous recognoissez , qu'il aime ses ennemis , mettez vous de ce nombre , il fait pour ceux qui luy font la guerre , contraignez vous de la luy faire pour quelque temps , vous ne sçauriez après faire si mai- gre capitulation , qu'elle ne vaille mieux que tout ce que vous tirerez jamais par vos lasches soubmissions tant mesprisées de luy , il caresse ceux qui le desrobent , n'y oubliez rien , je dis ceux qui ont l'honneur de fouïller en ses finances , comme je croy qu'il y a d'honnestes hommes , qui y font le debvoir , il gratifie ceux qui l'offencent , offencez le. Je sçay bien que ces moyens vous sembleront du commencement un peu rudes , mais quoy ? estimez vous si peu sa bonne grace que vous ne veüillez contraindre vostre nature pour l'acquérir ? C'est le seul moyen d'y parvenir , il vous en advertit , il vous en fait voir l'espreuve tous les jours & vous y recullez. Estes vous pas dignes d'en estre privez ? ses effets parlent & disent en bon langage , offensez m'es amis offensez moy je vous aymeray , servez

vez moy, je vous hayray, il ne vous cache point le secret, il le vous enseigne par toutes ses actions, il n'est point jaloux de vostre bonheur, pour vous vouloir celer le moyen de l'acquiescer. Regardez à tous ces deportements, il ny en a pas un, qui ne nous y conduise. Si vous demandez pourquoy est il gratifié, pourquoy luy donne-t-on les cent ou les deux cent mil escus? On vous dira soudain, pource qu'il est de la ligue, pource qu'il tient telles & telles villes contre le Roy; pourquoy fait on si bon recueil a une telle dame? pource que son Mary, son frere, ou son fils portent les armes contre le Roy; si au contraire on s'enquert, pourquoy ne fait on cas de cestuy-cy, pourquoy est il reculé des charges? pource qu'il est du party du Roy: Pourquoy un autre est plus desdaigné ou indignement traité? pource qu'il est de ses anciens serviteurs, ou (qui est le pis) pource qu'il est son parent: Que mauditte soit la parantée, car cestuy la est un mal sans remede! On peut laisser à luy estre serviteur pour avoir sa bonne grace, on peut laisser à luy faire service pour estre gratifié de luy, mais de laisser à estre son parent quand on a ce malheur de l'estre, cela est impossible. Malheureux donc deux ou trois fois ceux qui sont naiz sous une si infortunée constellation; mais ceux qui ont l'heur d'estre issus de quelque autre race, ou desquels & pour le moins la proximité ou l'obligation n'est point si grande, qu'ils ne soient capables de rechercher sa bonne grace par quelque offense, s'ils desdaignent ce moyen tant assuré, meritent ils pas d'en estre privez? je croy que vous m'advouerez qu'ouy. Ne vous plaignez donc

donc plus Messieurs , reconnoissez , que la faute n'est pas venuë de son costé , mais du nostre , & puisque vous voyez desormais quelle voye il faut tenir pour recevoir des faveurs de luy , suivez la , & je croy que vous en recevrez contentement.

Mais quoy disent aucuns cela est estrange qu'il faille avoir ce Prince de cette façon , j'aimerois mieux (dira quelque opiniaître) n'estre point favorisé de luy que de l'estre par tels moyens. Pauvres creatures , estce à vous à luy prescrire autres voyes , que celle qu'il vous ordonne s'il bannissoit chacun de sa bonne grace , vous pourriez dire , qu'il vous met au desespoir , mais il vous en donne les moyens faciles & assurez , je dis si assurez que jamais aucun ne les a tantéz , qu'il ne s'en soit bien trouvé , & vous le refusez , ne vous plaignez donc pas si vous perdez le salaire , qui ne se peut acquerir que par la.

Mais disent les autres , ces procedures sont elles point injustes , il n'y pas ce semble grande raison de faire pour ses ennemis , & ne faire rien pour ses serviteurs. O esprits foibles qui ne jugez des choses que par l'apparence , qui n'avez la veuë assez aiguë pour penetrer jusques au secret cabinet des intentions de Prince , ny le sens assez ferme pour appercevoir les justes causes de ses actions.

Vous le blasmez de ce qu'il fait pour ceux , qui luy ont fait la guerre , & à qui est il plus obligé qu'à ceux là ? qu'eust-ce esté de ce grand Prince s'il n'eut en son Royaume à debattre ; en qu'elle estime fut il tombé en-
vers

vers son peuple, s'il eust esté obligé d'estre assidu au conseil, comme le feu Roy de rendre justice à ses subjets, de respondre des place, d'estre importuné de requestes, luy qui a bien l'esprit ailleurs & qui s'occupe à des choses bien diverses, quels mescontements des sujets s'il n'eust eu à tous propos cette excuse, c'est la guerre, j'ay affaire ailleurs, il faut que je monte à cheval, s'il n'eust eu à respondre à ceux qui poursuivoient leurs payements, ou quelque salaires meritées, il faut payer ma gendarmerie, il faut de l'argent pour mes suisses, il faut que je sorte de l'hospital avant que d'en tirer les autres, combien pensez vous que ces deffaites luy soient commodés, combien il luy a esté souvent agreable que son bien ait esté pris par ses ennemis plustost que d'avoir le desplaisir de le donner, ou la peine de le refuser, & puis n'est il point redevable à ceux qui luy font naistre de si gentils. expedicns & si agreables à son humeur.

Mais quoy disent les autres, il sembleroit selon cela qu'il fut enclin à la lascheté. vice indigne d'un grand Prince, hélas que vous vous abusez, comment feroit il chiche de son bien, qu'il ne l'est pas du bien d'autrui, n'a-t-il pas esté à qui un gouvernement, à qui une charge, à qui un benefice & tout pour les donner, sont cela traiçts de chicheté d'estre liberal outre la raison, outre le devoir, dites plustost qu'il sçait donner à ceux qui l'ont sçeu estimer comme il merite, à ceux qui ne le mesurant à l'aune du vulgaire, ont sçeu recognoistre les moyens de gagner sa bonne grace; qui n'ont

n'ont espargné ny leur conscience , ny la reputation , ny la vie de cent mille ames pour rechercher sa faveur par les moyens, par lesquels elle s'acquiert , ce sont ceux la qui seuls l'ont pû obliger à les aimer, non pas ses amis foibles qui pensent gagner un tel Prince par submissions , par recherche , par service comme l'on feroit quelqu'un d'entre le commun. O valeureux Prince & genereux courage, qui ne se rend qu'aux genereux, qui ne se laisse forcer, que par la seule force , qui caresse plustost celui qui genereusement se presente à sa Majesté les armes au poing , que ceux qui auront toute leur vie demeurez laschement prosterner à ses pieds; qui fait plus d'estat d'un brave ennemy qui luy fait la guerre , que d'un Prince de son sang soubmis à ses volontés. Prince inimitable , que n'aisje la langue aussi diserte , que la volonté affectionnée pour le pouvoir louer selon ses merites.

C'est tout un encore ne voy-je point ce mescontentement cesser , j'en voy qui grondent , j'en voy qui mesprisent ce valeureux Prince , l'un avec risée , l'autre avec despit se moque de luy , chacun le desdaigne , & voudroit tourner à son desavantage ses plus louables actions , c'est pourquoy il m'est force de parler un peu de ses merites , pour faire cognoistre qu'il ny a espece de vertu, dont ce rare Prince ne soit richement orné.

Premierement s'il est question de la prudence , il ny a Prince qui jette plus l'œil que luy sur le futur. Qu'ainsi ne soit, si quelqu'un luy vient demander un don , il ne s'amusera pas à songer comme ces autres Princes vulgaires ,
cettuy-

cettuy-cy m'a t'il fait service, mais m'en pourra-t-il faire; n'est-ce pas regarder à l'advenir que cela, n'est-ce pas estre prevoyant, & la prevoyance n'est-ce pas une des principales parties de la prudence? Une ame commune fera gloire de se ressouvenir d'un service passé, de le vouloir recognoistre, de ne l'oublier point; ce grand Prince tout au contraire, quittera toujours la souvenance de tous les services faits pour un qui est à faire, la souvenance du passé n'est qu'un effet de la memoire, la prevoyance de l'advenir tient de la Prophetie & participe de la divinité. O donc Prince divin, Prince prudent & prevoyant, bien qu'a grand tort la plupart l'accusent d'imprudence.

Quand à la force, ou est le Prince qui deffere plus à cette vertu que luy, qui l'honore plus en ses ennemis mesme; vous l'avez veu tels fois imploiable aux requestes, aux persuasions, & quelquefois à la raison mesme, mais ploiable à la force; il a veu ses serviteurs, ses conseillers, les Princes mesmes de son sang pleins de volonté, de fidelité & d'affection à son service, il les a mesprizez; il a veu ses ennemis forts, il les a caresez, les a honorez, les a fait hommage de ses biens, de sa conscience, & d'une partie de son Royaume: n'est-ce pas honorer la force que cela, & honorer la vertu, n'est-ce pas estre vertueux?

Pour le Regard de la temperance, ce Prince sçait commander à ses passions si Prince au monde le sçait faire; y a t'il passions plus naturelles que l'affection des proches, & cependant voyez vous que cela le touche

en

en sorte quelconque, ny que seulement il la face paroistre par le moindre effect : voyez vous d'ailleurs qu'il flechisse à l'amitié, à la pitié, ny à toutes ces passions qui ont accoustumé de vaincre les ames vulgaires? On a veu souvent une centaine de pauvres gens le venir supplier les genoux en terre, les larmes aux yeux, de les deslivrer de l'oppression de ses gens de guerre, de leur faire raison de ses soldats, qui les auroient pilléz & rençonnez. Pensez vous que cette ame genereuse en ait esté esmeüe? aussi peu certes comme un rocher par le frayement des flots. Luy avez vous jamais veu une semblable marque de tendresse par le recit de la foule de son peuple, ny par la consideration du mal d'aucun particulier mesme, par les larmes de sa sœur capables quelquefois d'amollir un rocher? & toutefois ce diamant de fermeté, ce marbre bearois y a faict resistance sans jamais monstrier signe d'alteration de douleur ny de pitié? O constance admirable! O Prince vraiment temperant! ains la temperance mesme, Prince qui ne se laisse vaincre à aucune passion d'amours, passion divine, passion qui a surmonté les plus braves heros & qui le rend encore aujourdhuy digne imitateur du grand Hercule, qui empoigne la quenouille & le fuzeau pour complaire à sa maistresse.

Il reste la vertu de justice, à laquelle je voy bien que vous m'attendez à ce passage, & vous entends desia me dire; & bien voulez vous dire que vostre Roy soit orné de cette vertu, luy qui ne faict point de justice, qui ne l'ayme & ne s'en soucie nullement. Ayez patience Messieurs, prenez un peu la chose comme il faut, & puis

puls vous verrez, que je ne me trompe pas : vous appelez justice , ces effets de rendre à chacun ce qui luy appartient , de soulager l'innocent , de punir l'oppresseur , & autres telles procedurez pratiquées par les ames vulgaires. J'advoüe que de cette justice commune mon tres-honoré Prince n'en fait point. Mais quoy est-ce par tels effets actuels & materiels qu'il faut juger de la vertu de ce Prince ? ne sçavez vous pas bien qu'il est tout esprit , tout intellect , que ses vertus sont spirituelles & invisibles. Voyez donc qu'il est Prince tresjuste , mais d'une justice d'autant plus pure , que la visible , que le feu elementaire qui ne se voit point , est plus pur que le materiel qui se voit. Mais quoy dira quelque soupçonneux , qui vous le fera ainsi croire ? O Ame grossiere qui ne croyez que ce que vous voyez , prenez les yeux de la foy , & vous verrez sa justice , avec beaucoup d'autres siennes vertus , qui vous sont cachées , car la foy est des choses qu'on ne voit point , c'est un trait de huguenotterie , qu'il vous faut apprendre pour le bien cognoistre, & m'asseure qu'il ny a huguenot en France qui ne cognoisse tres bien, quelle est sa justice , pour l'avoir de long-temps esprouvée.

Au reste combien pensez vous que ce Prince ait de rares parties. Il est Religieux si jamais Prince le fut : les autres Roys ont pensé faire beaucoup de bien tenant une Religion , cetuy-cy en tient deux tout à la fois , les advoüe toutes deux esgallement , les observe aussi bien l'une que l'autre , n'est il pas doublement digne du nom de tres Chrestien.

D'ailleurs c'est le Prince du monde qui
sçait

ſçait autant faire beaucoup de peu : en voulez vous une preuve ? il n'a qu'une ſœur , il en a defia fait une douzaine d'amis , & en fera mille , s'il trouve autant de Princes dociles, qui veulent fuivre ſes enſeignements.

Mais avec quel jugement penſez vous qu'il ait conduict tous ces Mariages , qu'elle proportion y a-t-il tenue , pour garder que pas un de tous ces Princes n'eut avantage l'un ſur l'autre , & les rendre à la fin eſgallement contents.

Ne l'a-t-il pas offerte à cinq ou ſix en meſme temps , à peine, que je ne die en meſme jour, en mandant à l'un venez moy trouver, je vous donneray ma ſœur, à l'autre faites faire la paix par ceux de voſtre party, je vous donneray ma ſœur , à l'autre gardez moy voſtre province favorable , je vous donneray ma ſœur ; & n'eſtoit il pas des lors pourveu de difficultez, qui luy devoient faire trouver à l'un la diverſité de la langue du pays , à l'autre la difference de la Religion , à l'autre le parentage , à l'autre la volonté de ſa ſœur , à fin que par cet eſgal contentement il leur oſta tout ſubjet de diſpute ou querelle à l'advenir. O Prince vrayment politique ! Et puis direz vous que ce ſoit la des effets d'une ame commune , d'une ame qui ne ſçache autre choſe , ſinon cette vieille routine de promettre & puis tenir ? d'observer une parole, quand elle eſt donnée ! O artifice d'eſtat beaucoup plus delié , leçons du docte Machiavel dextrement praticquées , digne obſervation des maximes de la Reyne Mere du feu Roy , qui ne faiſoit jamais la paix avec les Huguenots, qu'elle n'eust deſia reſolu le moyen de rompre !

Mais

Mais quoy, disent la dessus quelque ceremo-
nieux, n'y va t-il point de la conscience de pro-
mettre ainsi & ne tenir point : ne vaudroit il
pas mieux faire un peu moins bien ses affaires;
Et puis n'est-ce point faire tort à sa sœur, que
de se servir ainsi d'elle, comme d'un appas
pour tromper tous les Princes de la Chrestien-
té. O pauvres ignorans & oublieux de ce que
je vous ay dit tant de fois, ne vous ais-je point
assez adverty, que ce Prince se gouverne d'une
façon rare & extraordinaire, que ses vertus
different autant de celles des autres Princes
vertueux, comme font les choses invisibles des
visibles, les intellectuelles des materielles, &
cependant vous le voulez tousjours mesurer à
l'aulne des autres, comme si vous aviez affaire
icy a un Roy Louis douzième, ou à un grand
Roy François premier; Princes vrayment ver-
tueux, mais non de la façon de cettuy-cy;
leurs vertus estoient grossieres & palpables,
les vertus de celuy-cy sont deliées & subtiles;
ils faisoient cas des paroles données, cettuy-cy
fait cas des effets. Ne sçavez vous point que les
paroles sont femelles, & que les effets sont
masles, & vous voudriez que ce cœur gene-
reux, ce courage viril déferat à quelque chose
de feminin, que ce brave Prince qui ne se rend
qu'à la seule force, se peut forcer par un esprit,
par un son, par un vent, luy qui va plus vif-
te que le vent & qui en a la teste toute plaine.
Il n'est pas raisonnable, Messieurs, ce n'est pas
une ame qui se lie de cette façon, il est nay li-
bre & a toutes ses actions libres, il sçait quand il
fault promettre, & quand il faut tenir, & puis il
ne fait rien practiquer à sa sœur, qu'il n'ait pra-
cticqué

ricqué le premier, il la traite en cét endroit comme sa propre personne, n'est-ce pas luy tesmoigner qu'il l'aime comme soy mesme.

Ouy bien disent les autres, si après cela il faisoit quelque chose pour elle, mais il semble qu'il ne s'en soucie point, qu'il cherche seulement par ces moyens de luy faire passer la fleur de son aage sans estre mariée, il luy defnie toute autorité! il ne luy donne rien, & mesme luy diminue en tout ce qu'il peut ce qui luy appartient, ce ne sont pas la ce me semble de grandes marques de son amitié. O Esprits grossiers & Ames terrestres, qui appelez biens ces choses corporelles & sensibles, comme les richesses, les honneurs & le contentement, qui ne sçavez pas gouster que le seul sage est heureux, que le souverain bien gist en l'ame, & la parfaite felicité consiste en la seule vertu. O que si vous aviez des yeux spirituels pour cognoistre les invisibles effets par lesquels, il oblige cette sœur bien aymée, combien vous la jugeriez sa redevable: Les autres Roys ont gratifié leurs sœurs, leurs filles, leurs parentes de dons d'appanages de grandeurs, & d'autorités. Cettuy-cy fait bien de plus riches presens a sa sœur, il l'enrichit de vertu, d'honneur & de reputation, il l'instruit a la patience & a la tolerance de toute sorte d'incommoditez, il luy enseigne la frugalité & la luy fait practiquer tous les jours, il luy apprend à se contenter de peu, & quelque fois de rien du tout; n'est-ce point l'obliger que cela? & non content encores, il luy fait acquerir la reputation (aux despens de la sienne propre) d'estre la plus pleine de patience,

ce, respect & obeissance, que nul autre qui soit sur la terre, & enfin d'estre la Princesse qui sçait le mieux ployer soubz les volontez du plus rigoureux frere du monde, & puis vous direz que ses bien-faicts soient communs, qu'ils se puissent comparer a ceux des autres Roys qui ont aymez leurs sœurs & leurs proches. O effectstrop differens ! & qui sortent bien d'une autre ame ! O Rares obligations, marques d'amitié inouyes & dignes seulement du rare naturel de Henry quatriesme !

De m'amuser icy à vous représenter mille autres gentillesces qui sont en ce Prince, ce ne seroit jamais fait, chacun le cognoist, chacun les esprouve, il ny a nul qui n'admire la legerité de son esprit, qui ne ressent les pointes de sa langue, qui ne recognoisse la fertilité de ses inventions, qu'il faut confesser estre plustost admirables, que imitables. Les plus rares esprits n'ont peu apporter tant d'artifice à leurs escrits, ny à leurs discours, qu'ils n'ayent emprunté quelque chose du labeur d'autrui, ce Prince ne produit rien que du sien, il vous donnera des advis, il vous fera des Recits tous entiers des choses qu'il ne vit ny n'ouyt jamais, & qui ne sont que de sa pure invention. O subtil esprit, Prince inventif s'il en fut jamais & digne d'estre loüé par toutes especes de louanges inventées !

Or donc Messieurs vous voyez quel est ce Prince, vous cognoissez ses vertus, sa valeur & ses meritez, la façon de gagner sa bonne grace ne vous est plus cachée, elle vous est offerte tous les jours, le moyen en est prompt & facile, ne le mesprisez, point, les recompenses

N

sont

font toutes prestes , vous voyez ce qui ont gagné ces braves seigneurs, qui y ont acquis les Mareschaussées, les Admirautez, les gouvernements, les cinquante & soixante mil escus, croyez qu'il ne vous arrivera pas plus mal qu'eux. S'il y a donc quelque genereux courage parmy vous, qui desirez acquerir ce precieux thresor de sa faveur & bonne grace, qu'il tienne le mesme chemin, qu'ils ont tenu. Si vous n'avez moyen de l'offencer, autant qu'eux, faites au moins ce que vous pourez & prenez que la recompense en sera plus petite, pour le moins la devez vous esperer à la proportion de ce que vous ferez. Courage donc Messieurs, sa bonne grace est trop desirable pour ne la rechercher par les moyens, par lesquels elle s'acquiert, vous n'avez que cettuy-la seul, cherchez de tous costez, faites tant de services que vous voudrez, usez de soubmissions, de requestes, de persuasions, employez vos amis, consommez y vos biens, vostre argent, & vostre aage, vous n'avancerez rien, vous en voyez les preuves tous les jours, au contraire suivez cét heureux chemin, qu'on vous propose, vous voyez comme on s'en trouve bien, & devez croire que ce grand Prince toujours un & semblable à soy mesme, ne vous recompensera pas moins qu'il a desia recompensé ceux, qui ont commencé à monstrier ce bel exemple. Dieu luy doint de continuer envers vous, & tous ceux qui ont mesme volonté, luy rendre le bien qu'il fait à ses proches, & leur donne heureuse longue vie.

C L E F ^{29^x}

O U

E X P L I C A T I O N

Des noms propres deguifez dans l'Histoire
des Amours d'Alcandre.

A.



Lcandre. Henry de Bourbon Roy
de France, I V du nom , & de
Navarre.

Alcmene. Jacqueline de Bueil
Comteſſe de Moret , que le Roy Henry I V
maria à Monſieur de Cefi , qui s'appelloit
Philippes de Harlay , mort âgé de 71 an en
1652.

Almidor. Anne d'Anglure Seigneur de Gi-
vry , qui eſpouſa depuis Marguerite Hurault ,
Fille du Chancelier de Chiverny.

Antenor. Philippes Hurault , Comte de
Chiverny , Chancelier en France ſous les Rois
Henry I I I & I V.

Arſure. la Rouſſe , de
laquelle M. de Sully parle en ſes Memoires.

Argie. Leonora Galigai , depuis femme de
Conchini , Mareſchal d'Aucre.

Armife. Charlote de Montmorency , fem-
me de Charles de Valois , Comte d'Auvergne,
& depuis Duc d'Angoulefme.

Armede. Henry de Bourbon , Evesque de
Metz , fils naturel du Roy de France Henry
I V , & Henriette de Baſſac d'Entragues , Mar-
quiſe de Verneuil.

N 2

C.

C.

Cleandre. Henry de Lorraine, Duc de Guise, tué aux Estats de Blois en l'an 1588.

Corisande veuve de Philibert Comte de Grammont, tué à la Fere quelques années auparavant.

Crisante. Gabrielle d'Estree, Marquise de Monceaux, & depuis Duchesse de Beaufort, morte en l'an 1599.

D.

Dalinde. La Marquise de Cerifay ou Duchesse de Villars; elle s'appelloit Juliette Hippolyte d'Estree, & est nommée Mirtille ailleurs.

Damon. Je croy que c'est le Duc d'Espernon, grand favory de Henry III, Roy de France & de Pologne. Son nom estoit Jean Louis de Nogaret de la Valette, Duc d'Espernon.

Dioclée. C'est Madame de Rosny, dont le mary (qui s'appelloit Maximilian de Bethune Baron de Rosny, depuis erigé en Marquis) estoit Gouverneur de Mantes, depuis Duc de Sully.

Dorclas. Le Comte de Cramail.

Dorinde. Catherine de Cleve, veuve de Henry de Lorraine, Duc de Guise, tué à Blois en 1588.

Duc des Allobroges. Charles Emanuel, Duc de Savoye, mort en 1630.

Duc de Medoc. Jean Louis de Nogaret Duc d'Espernon, appelé cy-dessus, comme je croy, Damon.

Duc de Micene. Henry de Bourbon, Prince du sang, dernier Duc de Montpensier, mort en 1608.

Duc.

Duc de Moravie, premier officier de la Couronne. Henry Duc de Montmorency, Connestable de France sous les Rois Henry IV, & Louis XIII.

Duc de Ponti.....

Duc de Silesie. Charles de Gonzague, Duc de Nevers, & depuis de Mantouë, mort en 1637.

Duc de Velitres. Virginio de gli Orsini, Duc de Braciano.

Duchesse d'Achaïe. Eleonor de Medicis, femme de Vincent premier, Duc de Mantouë, & sœur de Marie Reine de France.

Duchesse des Armoriques. C'est Madame la Duchesse de Nemours qu'il entend.

Duchesse d'Athenes. Madame la Duchesse de Mantouë, appelée cy-devant Duchesse d'Achaïe.

Duchesse d'Etrurie. Chrestienne de Lorraine, femme de Ferdinand de Medicis, grand Duc de Toscane, oncle paternel de Marie de Medicis Reine de France.

Duchesse de Silesie. Catherine de Lorraine, fille de Charles de Lorraine, Duc de Mayenne, Chef de la Ligue, & femme de Charles Duc de Nevers & de Mantouë.

E.

Eliane.....

Elise. Senlis, ville du gouvernement de l'Isle de France.

Eteocle. Charles de Gontaut de Biron, Maréchal, Duc & Pair de France, qui fut décapité dans la Bastille à Paris en 1602.

F.

Filszel. Claude de Lorraine, appelé premierement Prince de Joinville, & depuis

Duc de Chevreuse, qui est encore vivant, & a espousé Marie de Rohan, Duchesse de Chevreuse, fille de Hercules de Rohan, Duc de Montbason, & Pair de France.

Florian. Roger Duc de Bellegarde, grand Escuyer de France.

Floridor, frere de Milagarde. Charles de Lorraine, Duc de Guise, fils aîné de Henry tué à Blois en 1588. Il est mort en Italie à Cona dans le Sienois, âgé de 70 ans, le trentième Septembre de l'an 1640.

Florise. Charlotte Marguerite de Montmorency, femme de feu Henry de Bourbon Prince de Condé, decedé en l'an 1640, & elle en 1650.

G.

Grassinde. Catherine de Bourbon, Princesse de Navare, sœur de Henry IV, Roy de France & de Navarre, & femme de Henry de Lorraine Duc de Bar, decedée en la ville de Nancy l'an 1604.

I.

Ismene. Henriette de Balsac d'Entragues, Marquise de Verneüil, sœur uterine de Charles de Valois, Comte d'Auvergne, & depuis Duc d'Angoulesme, fils naturel de Charles IX, Roy de France, decedée en 1651.

L.

Larisse velle. Je croy que c'est Mantes.

La veuve du Duc de Micene. Henriette Catherine de Joyeuse, veuve de Henry de Bourbon, Duc de Montpensier, Prince du sang, & depuis encore veuve de Charles de Lorraine Duc de Guise, mort en Italie en 1640.

La ville des Massiliens. Marseille, ville maritime,

, & fort renommée, de la Provence-
nide. Louïse de Budos, seconde femme
Henry Duc de Montmorency, Connestable
France sous les Rois Henry IV, & Louis
decedée en l'an.

riane.
e Roy des Asturies. Philippes III, Roy
Espagne.

acidan Capitaine des Gardes d'Alcantre,
.....

Lacine. Marguerite de Montmorency, fem-
me d'Anne de Levi Duc de Ventadour.

Lindamart. Henry d'Orleans, Duc de
Bongueville, tué en une salve d'honneur, à
son entrée à Dourlans en l'an 1595. Il avoit
épousé Catherine de Gonzague, fille du Duc
de Nevers.

Lucile. Nicolas d'Angennes, Marquis de
Lambouillet.

Lutecie. Paris, ville capitale de la France.

Lydie. Isabelle de Babou, Marquise de Sour-
dis, qui fut depuis Maistresse du Chancelier de
Chiverny.

M.

Melise. Marguerite de France, sœur des
trois derniers Rois de France, de la branche
de Valois, & femme repudiée de Henry IV,
Roy de France & de Navarre, appelée vul-
gairement la Reine Marguerite, morte en
l'an 1615.

Milagarde. Louïse Marguerite de Lorrain-
ne, fille de Henry de Lorraine, Duc de Gui-
se, tué à Blois, & de Catherine de Cleves sa
femme, mariée à François de Bourbon Prin-
ce du Sang & de Conty, mort en 1614.

Mirtille sœur de *Crisante*. Juliette Hippolyte d'Estrée, Marquise de Cerisay, ou Duchesse de Villars.

Mont de Mars. Montmartre.

N.

Napoleon. Gilles de Conflans, Seigneur d'Armentieres fils du Comte d'Auchi.

Neustrie. Normandie.

O.

Olimpe. Marie de Medicis, fille de François de Medicis, grand Duc de Toscane, & de Jeanne Archiduchesse d'Autriche, & femme de Henry IV, Roy de France & de Navarre.

P.

Palamede. Charles de Bourbon, Comte de Soissons, Prince du Sang, mort en 1612, & Pere de Louis de Bourbon, dernier Comte de Soissons, tué à la bataille de Sedan en mil six cens quarante un.

Pedipe. Dieppe, ville de Normandie.

Periandre. Henry III, Roy de France & de Pologne.

Philemon.....

Pisandre. Conchino Conchini Marquis d'Ancre, depuis Marechal de France, tué à Paris en 1617.

Polidor. Monsieur de Rosny, Gouverneur de Mantes, depuis Duc de Sully, son nom Maximilian de Berhune.

Polinisse. Catherine de Lorraine, fille de François de Lorraine, Duc de Guise, & d'Anne d'Est sa femme, mariée à Louis de Bourbon, Prince du Sang, Duc de Monpensier, mort en 1582, & elle en 1596.

Prestresse du Mont de Mars. Marie de Beauvilliers,

ers, fille du Comte de Saint Aignan, Abbe de Montmartre.

Prince de la Suziane, Chef de ce party. Henry de Lorraine, Duc de Guise, Chef de la Ligue, tué à Blois en 1588, & appellé plus bas *Cleandre*.

Prince de la Suziane. Charles Duc de Guise, du precedent, Gouverneur de Provence sous les Rois Henry IV, & Louis XIII.

Prince de la Suziane. Henry de Lorraine Duc de Bar, & depuis de Lorraine, marié à Catherine de Bourbon, Princesse de Navarre, sœur de Henry quatrième Roy de France & de Navarre.

Princesse d'Etrurie, Marie de Florence.

Princesse de la Suziane ; c'est la mesme que *Dormide*. Madame la Duchesse Douairiere de Guise.

Princesses des Armoriques. Voy les Annotations.

Province des Romains. La Provence, Province de France.

R.

Riole. Loire, riviere de France, grande & celebre.

Roy des Asturies. Philippes III, d'Espagne, pere d'Anne d'Autriche, Reine de France, veuve de Louis XIII, & mere de Louis XIV, Rois de France.

S.

Sylinde. Antoinette de Pons, Marquise de Guiercheville, femme en premieres nopces de Henry de Sully, Comte de la Roche Guion, & en secondes nopces de Charles du Plessis, Seigneur de Liencour, premier Escuyer & Gouverneur de Paris.

Serquas. Arques, ville de Normandie.

Sertorius. Charles de Lorraine, Duc de Mayenne, Chef de la Ligue.

Scervole.

T.

Tiane. Compiègne.

V.

Vigenne. Guyenne, Province du Royaume de France.

Veuve du Duc de Micene. Henriette Catherine de Joyeuse, veuve du dernier Duc de Montpensier, & depuis du Duc de Guise, mort en Italie en 1640.

Ville des Carnutes. Chartres.

Ville des Massiliens. Marseille.



*Observations sur Alcandre & sa Clef,
& sur les Annotations, imprimées
& manuscrites.*

Alcandre avoit donné promesse de mariage à Corisande (quelques-uns la nomment Diane) écrite & signée de son sang. Cette Dame avoit fait la guerre pour Alcandre à ses despens, & luy envoyoit des levées de 23 & 24 mille Gascons; mais elle devint grasse & grossiere, & si rouge de visage, qu'Alcandre s'en dégouta, & se donna à d'autres. Il offrit pourtant à Antonin, son fils, de l'advouër pour sien; lequel repartit, qu'il aimoit mieux estre gentil-homme,

me, que bastard d'un Roy. Et cecy je le sçay de la bouche d'un des enfans d'Antonin. C'estoit feu M. le Comte de Grammont, pere de M. le Marechal de Grammont d'à present. M. le Duc d'Orleans disoit au dit Comte de Grammont, 'qu'il estoit son frere, puisque son pere (Henry IV) avoit couché avec sa mere. Le dit Comte disoit qu'il estoit vray, que le Roy avoit couché avec sa mere ; mais qu'il y avoit une buche entre eux deux ; c'est pourquoy d'ordinaire M. le Duc d'Orleans l'appelloit son frere buche. C'est M. d'O, qui m'a fait ce conte.

Après la bataille d'Ivry le Roy donnant la chasse à l'ennemy, prit la ville de Mante par un seul homme, ainsi que je diray cy-apres, & cependantt alla coucher à Rosny, selon M. de Thou (mais un Vieillard de ce temps-là, & du pais, homme illustre, m'a dit, à la Rocheguyon.) Quoy que c'en soit, il fut frappé à la Roche des beaux yeux d'Antoinette, & luy offrit promesse de mariage, signée de son sang, & Antoine de Lomenie de son costé fut feru d'Anné d'Aubourg Porcheux, Damoiselle de la Comtesse, & l'espousa : mais Antoinette ne voulut jamais escouter Alcandre.

Antoinette, espousant Charles du Plessis, Seigneur de Liancourt, posa pour condition, qu'elle ne porteroit jamais le nom de Liancourt, puisqu'une putain pourtoit mesme nom. C'estoit Crisante, mariée à Nicolas Darnerval, Sieur de Liancourt, pres Nesle en Picardie : c'est pourquoy le Roy la fit nommer Marquise de Guercheville.

Antoine d'Estrée Seigneur du-dit lieu (dit auparavant Wally en Santerre) & Marquis

de Cœuvres pres Soissons, grand Maistre de l'artillerie, avoit espousé François Babou de la Bourdaisiere, & disoit de sa femme à ses familiers, voyés-vous cette femme, elle me fera un clavier de putains de ma maison. Je tiens ce discours de la bouche de Jean Lievin: Sieur de Beaulieu, homme illustre qui le tenoit du dit Sieur d'Estree, dans la confidence duquel il avoit esté long-temps: Il le me racontoit en 1619.

Dioclée ne peut estre Rachel de Cochefilet, ni pendant son premier mariage avec Fr. Huraut Sieur de Chateau pres & du Marais, qui mourut 1590, au temps que l'on veut poser ses amours, & n'eut point de gouvernement, estant de robe, & Maistre des Requestes, ni pendant le deuxieme avec Maximilian de Bethune, qui n'espousa Rachel que le 18 May 1592, en la ville de Mante, de laquelle encore il n'eut le gouvernement qu'en 1597, (apres la mort de Salomon de Bethune son frere puisné), & qui d'ailleurs ne fut jamais jaloux: mais bien tout le contraire. Et ainsi, si cette annotation avoit lieu, M. d'Armenieres auroit fait l'amour apres sa mort, & auroit donné de là jalousie à un homme qui n'en eut jamais, ni n'en estoit capable.

Environ le temps que le Duc de Longueville fut tué, le Comte de Chaunes & le Marquis de Humieres se desfirent de leurs femmes. L'une fut estranglée avec ses propres cheveux, par de gens masqués; & l'autre à la promenade dans un parc fut poussée par son mary dans l'eau, où elle se noya. Le Duc estoit le sujet de la jalousie, qui luy causa la mort à la salve de Dourlens en Picardie.

Le

Le Roy ne donna pas, mais rendit le gouvernement de Chartres au Sieur de S. qui en avoit esté chassé par la Ligue.

Ce bon homme, surprenant une fois les amans dans le lit, se plaignoit qu'il ne fermoient pas leur porte, leur remontrant la honte qu'ils encouroient, si un autre que luy les eut surpris: & comme à Chartres on portoit en ceremonie au baptême un enfant d'Isabeau duquel le Chancelier estoit parrain, passant entre deux haies des gardes d'Alcandre, les soldats disoient tout haut, Il est pere & parrain, es tu sourd, dit il. Et il est constant que la Dame à l'article de la mort declara, que Henry n'estoit pas fils de son mary. Celuy qui le portoit au baptême dit que cet enfant estoit bien pesant. On luy repartit; ne vous en estonnés pas, il porte les Sceaux.

Le mariage de Palamede, & de la sœur d'Alcandre vint à tel point que Pierre Cayer, Ministre de Grassinde, fut commandé de le benir presentement, dont il s'excusa: & sur ce que Palamede menaça de le tuer, le Ministre dit à Palamede, qu'il aimoit mieux mourir de la main d'un Prince que de celle d'un Bourreau.

Grassinde à tousjours aimé Palamede, & son refrain ordinaire parmy ses familiers estoit, je n'ay pas mon comte: equivocant sur le titre que portoit Palamede.

Larisse ne peut estre la ville de Mante, que le Roy n'a jamais assiegée: elle se rendit sans siege en l'an 1590. Voicy comment Mante fut prise, & je le sçay de la bouche du preneur, qui me le raconta à Saucourt, pres Gisors, en 1622.

en presence de plusieurs gentils hommes qualifiés du pays, dont quelques-uns luy pouvoient contredire, s'ils ne l'eussent sceu tres-veritable. Alcandre, ayant gagné la bataille d'Ivry en Normandie, poursuivit Monsieur de Mayenne jusques aux portes de Mante, où le Duc crioit, Mes amis, sauvez moy, j'ay perdu la bataille; mais le Bearnois est mort; & enfin y entra par le guichet. Villeneuve, gentil-homme de Guienne, qui portoit l'escharpe blanche, & qui estoit emporté par un cheval fort en bouche à cette chasse, marchoit lors assez involontairement sur les talons du Duc de Mayenne, & se trouvoit tout seul de sa bande de tous les plus hastés de l'armée du Roy, & veritablement fut un temps qu'il s'estimoit perdu, à cause de son escharpe. Enfin il s'advisa d'une ruse qui luy succeda envers ce peuple, tout en desordre dans l'estonnement où l'avoit jetté la fuite & frayeur du Duc. D'abord Villeneuve fit signe qu'il vouloit parler, pour les empescher de tirer sur luy, puis fit aux premiers qui se presenterent, & en suite aux commandants & aux principaux, une jolie & hardie harangue. Que le Roy ayant eu pleine victoire de la bataille, comme ils le voyoient par la fuite du General & chef du party, venoit avec toutes ses forces, & le reste de celles de l'ennemy, qui avoient passé à sa solde, teste baissée droit à eux: mais qu'au paravant les menacer, & leur faire sentir les effets de sa juste colere, il leur faisoit offre de sa clemence, &c. De cette harange Villeneuve en rapporta au Roy la resolution d'une entiere obeïssance & submission, & dès le lendemain Mante fut à Alcandre.

candre. Ce discours me fut fait en la presence de Philippes de Chaumont, Marquis de Guित्रy, d'Emanuel de Nonant le Conte, Sieur de Saucourt, Pierre du Pertuis, Sieur d'Eragny sur Ette, Monsieur de Beuveray, surnomme le Cat, Monsieur de Losles la Touche, Monsieur d'Abancourt, & plusieurs autres, qui estoient assembles pour une affaire qui concernoit de près le-dit Sieur de Villeneuve, habitué lors au Vexin, au sujet qu'il y avoit pris femme, proche parente du dit Seigneur de Guित्रy. De plus ce ne fut pas. Maximilien de Bethune; mais le Baron de Rosny, Salomon, son frere puîné, qui eut le gouvernement de Mante après sa reddition Maximilien ne l'eut qu'après sa mort, venu en la ville de Beauvais 1597, au retour du siege d'Amiens.

Françoise B. fut trouvée, lorsque le peuple d'Issoire se souleva contre elle, & la massacra, ayant le poil honteux distingué & tresse de petits rubans de soye de toutes couleurs, au rapport d'un homme d'honneur, amy tres-confident de la maison d'Estrée, qui me l'a raconté il y a 36 ou 37 ans.

Il y avoit en ce temps-là plusieurs Marquis d'Alegre. Le 1 Christophle d'Alegre Baron de Saint Just, l'aîné de la maison. Le 2 Ives 4 Baron de Meillau, son neveu. Et le 3 Gabriel du Quesnel, Sieur de Coupigny en Normandie, lequel & ses descendants ont pris le nom de Marquis d'Alegre, à cause d'Isabelle d'Alegre Meillau, Dame de Coupigny femme de Gabriel. Celui qui entretenoit Françoise, estoit Ives 4, Marquis d'Alegre Meillau.

Damon n'est pas le Duc, qu'a marqué l'annotateur, qui fut en ce temps-là bien loin de la Cour, & fit trois ans la guerre 1593, 94, 95, en Provence. Aussi l'Auteur de sa vie ne l'auroit pas oublié, puisqu'il a bien osé dire, qu'Alcandre auparavant l'an 1585 fit avancer au Duc quelques propositions de mariage avec cette Princesse, pag. 35 de son Histoire : ce que j'ai peine à croire, Alcandre ayant de tout temps déclaré à un de ses plus confidens serviteurs, qu'il n'avoit jamais haï que deux personnes : mais qu'il les avoit tousjours haïes : C'estoit Catherine de Medicis, & ce Duc. Puis ce Duc estoit marié dès le 7 Aoust 1587, & ne fut veuf qu'en 1593, à la fin de l'année. Mais me souvient qu'en 1654 Mademoiselle de Boma dit, que Grassinde eut de la bonne volonté pour Henry de la Tour, Vicomte de Turenne, Duc de Bouillon, & que le mariage se fust fait, si Henry en ce temps-là n'eût point esté Officier du Roy, que Grassinde ne se pouvoit résoudre à espouser un Prince Officier d'un autre Prince. Si cela est vray, faudroit entendre par le dernier Roy Alcandre luy-mesme, n'y ayant eu qu'Alcandre qui ait avancé en charges & dignités Henry de la Tour, & encore faudroit que cette insigne faveur eût esté pendant son veuvage, qui dura pres d'un an. Ou plustost Damon, c'est Florian le Duc de Bellegarde, contre qui pour cela est remarqué que Floridor avoit jalousie, & qui par le moyen d'Antenor Chancelier fit envoyer Floridor en Provence, & n'est pas inconvenient qu'un mesme personnage ait deux noms icy, aussi-bien que

que Dalinde & Mirtille, donnés tous deux à Juliette Hippolyte d'Estrée. Floridor & Prince de Sufiane à Monsieur de Guise, & la Duchesse de Guise sa mere y a aussi deux noms de mesme, Dorinde & Pr. de la Sufiane.

Entre ceux que Crisante avança ne faut oublier Maximilian de Bethune. Il fut voir Crisante dans le rencontre de l'averfion qu'avoit Monsieur de Sancy pour son mariage, & luy demanda sa faveur pour la surintendance, avec promesse de se donner tout entier à ses volontés, & l'emporta, & mesmement la charge de grand maistre de l'artillerie, par la demission que Crisante en fit faire à son pere, Antoine d'Estrée. Polidor n'est point Maximilian.

Le Duc de Ponti est, comme j'estime, Guillaume de Hautemer, Sieur de Fervaques, Duc (en brevet) de Grancé, & Marechal de France.

Dans les brouilleries des amours de Floridor & Filizel avec les mignonnes d'Alcandre, il fut dit en jurant, Alcandre a bien couché avec non meres & nos sœurs, & il voudra nous interdire ses garces.

Alcandre aima Catherine de Rohan, depuis Duchesse de Deux-ponts, sa cousine, tres-belle & tres-sage, qui luy respondit, qu'elle estoit trop pauvre pour estre sa femme, & de trop bonne maison pour estre sa garce.

Il aima encore Charlotte des Essars fille naturelle du Baron de Sautour en Champagne, & de la Dame de Cheny, dont il eut deux filles. Elle avoit esté suivante de la Comtesse de Beaumont Harlay en son Ambassade d'Angleterre

terre ; depuis elle fut au Cardinal de Guise , qui en eut plusieurs enfans, le Comte de Romorantin , l'Abbé de Chailly le Chevalier, Madame de Rhodes, &c. apres elle fut à Monsieur de Vic, Archevesque d'Ausche, trois ans : puis espousa Fr. de l'Hospital, Comte de Rosnay, Baron de Beine, Marechal de France.

Alcandre aime encore la Vicomtesse d'Estauges, de la maison de Babou Bourdaisiere, la Comtesse de L..... & la Damoiselle d'Haraucourt, Cousines de Crisante, qui luy furent livrées par une de ses bonnes parentes : & ce fut là en cette dernière occasion qu'il fut frappé de froideur & d'impuissance. Il en eut encore plusieurs autres, comme le Chevalier bannal de son Royaume.

Une de ces belles mignonnes, paravant qu'estre à Alcandre, avoit esté publique pour une pistole, puis fut au Duc de Mayenne, qui la mena à l'armée. Elle eut entr'autres encore pour mignon le Sieur d'Estavayé, Gentilhomme Picard, issu des Seigneurs d'Estavayé au pais de Vaux, terre de Savoye anciennement, & à present de Berne. Marie Glutin Marquise de Clermont Galerande, (vulg. dit d'Amboise) sœur uterine du vieil Marechal de Schomberg, Surintendant des Finances, visitant Crisante le matin assez souvent, trouvoit maintes fois Estavayé, s'habillant familièrement à la ruelle du lit de la Dame. C'estoit un beau & puissant Gentilhomme, blond & le nez aquilin.

Quant à la mort d'une de ces belles, c'est la Duchesse de Beaufort, la Damoiselle de la Bretonniere du pais d'Anjou, l'une de ses
fui-

suivantes , & très-confidente , jusques à coucher ordinairement dans sa chambre , rapportoit à Dame Magdelaine de Pas de Feuquieres, Dame de Heucourt & Rolieres, sa seconde Maistresse, que la premiere, la veille de sa mort, commanda à la Bretonniere de ne bouger de son lit, quelque bruit qu'il put arriver pendant la nuit prochaine. Cette fille couchée entendit quelque temps après un assez rude estrif & dialogue importun de sa Maistresse avec un inconnu & invisible, lequel se termina en plus rude coup, tant que l'entrepaleur prit la Dame par les cheveux, & luy tordant le col, laissa le corps exposé nude au travers du lit, la teste & les cheveux pendants vers le plancher & sortit de la chambre. La dite Dame de Heucourt, sœur de defunt Monsieur de Feuquieres, Gouverneur de Verdun, & mere de Monsieur de Rosiers, Gouverneur de Marsal, m'a recité cette histoire en 1633, & depuis jusques en 1637, à plusieurs autres à diverses fois, en ma presence.

Quant à l'affaire, pour laquelle Monsieur de Villeneuve nous assembla à Saucour, elle merite peut-estre d'estre sceüe. Il en fit rapport en tierce personne, & nous demanda avis là-dessus. Ce Gentil-homme, qui paroissoit lors âgé de 60 ans estoit allé seul en la maison d'un païsan pour le chastier, l'ayant fasché. Ce païsan collète Monsieur de Villeneuve (ou ce tiers si vous voulez) le met sous luy, & jure de luy oster la vie, à moins que le Gentilhomme luy promist & jurast; de ne s'en ressentir jamais, ni par soy mesme, ni
par

par autrui. Ce qui fut juré par mon Gentil-homme. La question qu'il nous proposoit fut, s'il devoit tenir sa parole au païsan. Nous allâmes tous d'une voix, dix ou douze que nous estions, à l'affirmative, avec avertissement pris & donné pour tous, de n'attaquer jamais par un Gentil-homme telles gens que seurement. Et fut allegué un exemple pareil & pire, tout frais & tout nouveau en ce temps-là d'un certain Marquis, (*De Marquis de la Brosse, fils aîné de feu Monsieur le Marquis de Vardes.*) frere aîné de deux autres, dont l'un a espousé une de ces belles mentionnées en l'histoire d'Alcandre. Cet aîné n'en fut pas quitte à si bon marché, puisqu'en pareil exploit il y laissa la vie entre les mains d'un païsan. Le vieil Marquis leur pere venerable vieillard & riche de 50 ou 60 mil livres de rente, pour cacher cette mort fascheuse fit partir le train de son fils après sa mort, pour prendre le chemin de Lion & d'Italie; puis à quelques jours de là se fit écrire lettres, comme quoy il estoit mort en chemin de mort subite.

**CONFESSION
CATHOLIQUE
DU SIEUR
DE SANCY,
ET**

**Declaration des causes, tant d'Estat que de
Religion, qui l'ont meu à se remettre
au giron de l'Eglise Romaine.**



A MON SEIGNEUR

*Le Reverendissime*E V E S Q U E
D' E V R E U X.

MONSIEUR,

Ayant deliberé de mettre en lumiere ma confession (œuvre que je puis vanter n'estre pas publici saporis) je n'ay pas voulu faire comme ces ignorants, lesquels ayans quelque œuvre douteux à mettre au riant, cherchent pour la défense de leurs escrits, les uns le Roy, qui a tant d'autres choses à defendre: les autres quelque Prince; comme un des traducteurs du Tasse, qui a choisi pour son apologue le Prince de Conty. Les autres y employent des gouverneurs, plus soigneux de rescriptions que de rimes: ou les financiers, occupés à l'exercice de leur fidelité.

Enfin

Enfin la folie des dedications est venue
 jusques au Capitaine d'Argoulets &
 coupejarets. Le secours de telle gens sert
 aussi peu à la defense de ces mauvais pe-
 tits livres, que si on peignoit des bastions
 aux coins de chaque page, ou si l'on fai-
 soit la couverture à l'espreuve du pistolet.
 Ces precautions ne defendent pas une
 mauvaise cause des censures. Mais c'est
 en vostre sein, capable de toutes choses,
 Monsieur mon Confesseur, que j'ay
 voulu jetter ce petit avorton, vous ayant
 oui (par maniere de passe-temps) defen-
 dre l'Alcoran de Mahomet, & le Tal-
 mud des Juifs, avec telle dexterité, que
 les esprits des auditeurs furent mipartis,
 voulans, sans le long voyage qui les fas-
 choit, ou la pauvreté qui les estonnoit,
 les uns coiffer un turban, les autres un
 bonnet orangé. Il me souvient aussi, que
 le Roy vous ayant un jour commandé de
 prouver par discours la divinité, vous
 ravissiez les dames en admiration, &
 vous offristes quant & quant à la preuve
 de l'antipatique; ce qui eust esté plaisant:
 mais

mais le Roy vous fit taire. Nous vous
ouïsmes une autrefois, avec estonnement,
faire une homelie à la loüange de l'amour
Sacré & Philosophique. A la catastro-
phe vous cheustes sur les regrets de Hya-
cinthe Catamite, l'un de vos Mecenas.
La France a ouï resonner par vos vers,
chantés à la musique de sainte Cecile, les
Antiphones de Quailus & ses compa-
gnons. Et depuis c'est vous, qui par vos-
tre eloquence ramenez à la grande &
spacieuse voye tant de gens de bonne mai-
son; le zele desquels, & leur conserva-
tion, ayant touché les ames en perplexi-
té, vous a rendu force disciples, & acquis
le nom de grand convertisseur. Pour ces
raisons je vous ay dedié mon livre, soit
qu'ayant resolu de quitter cette voye
espineuse, je fis election de vous pour le
Sacrement de ma conversion. Je dis Sa-
crement, parce que vous m'avez promis
de le faire compter dorénavant pour le
huitiesme, & de le faire mettre au de-
vant de la Confirmation. Les signes se-
ront une charge de livres; la chose signi-
fiée,

fiée, l'esperance de parvenir. De toutes ces choses je veux faire une ample & publique declaration: de quoy je faisois une grande difficulté, n'appartenant qu'à personnes publiques de mettre en avant des escrits manifestes; mais feu Monsieur de Sponde m'a appris à vaincre cette difficulté, encore qu'il n'eust rien de public que sa femme. Or pource que ses derniers escrits ont servy de pretexte à la conversion de force honnestes gens, & ont donné quelque couverture à la mienne; je reproche, comme en passant, à ceux qui luy avoyent fait de si hautes promesses, qu'ils devoient pour le moins retenir ce saint personnage par une honneste prison en l'Abbaïe de saint Mathurin, comme autrefois Postel, & maintenant Cahier, doctes & fols; ou plustost au for. l'Evesque, comme Maistre Pierre: que de le laisser, ayant encore l'esprit troublé, aller par despit machiner la prise de Bayonne, & faire rompre sur la rouë ses compagnons. Encore le mal estant fait, y avoit-il bien moyen de payer la grosseesse de la fille
de

de M. de Guerres, son hôte, sans le laisser courir à la cruelle résolution, qu'il luy fallut prendre de l'espouser, avec dispense de sa Sainteté, & un decret du Conseil de conscience, que Pere Alexandre eut favorablement despesché, il pourroit commodement empoisonner sa femme pour sa Catholique luxure exercée en Broüage. Mais encore, pourquoy ne punit-on pas la boiteuse Rollette de la Rochelle, qui fit deux grandes meschancetés : l'une de s'offrir au pauvre de Sponde, pour empoisonner sa Maistresse, de laquelle elle luy conta les pechés les plus descouverts, suivant la conspiration faite par eux-deux dès Broüage. Et l'autre malice fut de changer de potage, & luy donner le contre-temps de poison ? Je dis ces choses en passant, contre l'opinion des Huguenots, qui le croient avoir esté empoisonné par Monsieur Raymond, pour avoir esté reconnu en ce nouveau converty quelque trouble de conscience, & sa volonté d'aller faire sa repentance à la Rochelle. Voilà pour l'apologie de sa mort, & de la har-

diessé que je prens, en faisant ma déclaration publique, laquelle je suis prest de signer de mon sang, à mes premières hemorrhoides. Vous protestant, Monsieur mon Confesseur, que je tiens vos conseils *δυναμικὰ σφίσει eis σωτηρίαν* ce que je n'interprete pas comme ce pauvre Ministre de Montauban; mais je l'entens selon vostre Dispute de Mantes, & le beau livre que vous avez fait imprimer, qui porte pour titre De l'insuffisance des Ecritures. Je l'entens donc comme vous dites d'elles, que vos conseils sont suffisans pour me faire devenir sage, non pas entierement à salut; mais pour me faire parvenir à ce que je desire. Je les suivray donc objectivè & subjectivè, comme fit Morlas, jusques à une heure devant la mort.

CONFESSION
CATHOLIQUE
DU SIEUR
DE SANCY,
ET

Declaration des causes, tant d'Estat que de
Religion, qui l'ont meu à se remettre
au giron de l'Eglise Romaine.

LIVRE PREMIER.

CHAPITRE I.

De l'autorité de l'Eglise & de son Chef.

QU'N n'a que trop débattu en ce temps, si l'Estat est en l'Eglise, ou si l'Eglise est en l'Estat. De ceux qui veulent que l'Estat soit en l'Eglise, les uns disent, quelle ne seroit pas Universelle, si elle estoit circonferitte dans l'Estat, qui n'est pas universel. Les autres prenans mesmes choses pour exemples. Ne voyez-vous pas, disent-ils, comme l'Estat se soumet à l'Eglise, que ce brave Roy, apres tant d'armées défaites, tant de sujets soumis, tant de grands Princes ses ennemis abbatus à ses pieds, il a salu que luy, se prosternant au pied du Pape, ait receu les gaulades en la personne de M. le Convertisseur, & du Cardinal d'Os-
far? lesquels deux furent couchés de ventre à bechenez, comme une paire de maquereaux

sur la grille depuis *miserere* jusqu'à *vitulos*. Encore dit on qu'il a falu depuis jouer le mesme jeu entre la personne de sa Majesté & M. le Legat, toutesfois ç'a esté doucement & sous la custode. Ceux qui veulent annichiler le S. Siege, alleguent la hardiesse de la Cour, laquelle fugitive à Tours, osa faire brusler les bulles de S. Sainteté par un bourreau. Ils alleguent après cela une seconde hardiesse de la Cour unie ensemble, au bannissement des Jesuites de France, qui est un grand mespris du Saint Siege. Mais je respons contre cela, qu'on n'est pas à s'en repentir : Tescmoin la bonne Catholique de Tournon, & à son imitation le Parlement de Toulouse & de Bordeaux, qui replanterent, malgré tous, ces grands defenseurs de l'Eglise Catholique. Voilà des preuves d'une part & d'autre par les effets. Maintenant j'en veux chercher par les causes, & que nul ne trouve estrange cette façon de proceder. Il y a longtemps que nous considerons en France les choses par les consequences, & non pas par les raisons. Et puis j'avertis le lecteur que j'aurois plustost fait une soustraction de cent mil escus, que de vuider des affaires si difficiles. Je me contente de dire que je crois le Pape estre plus, que tout le reste du monde ensemble, que tous les Saints, & que tous les Anges: Voicy les passages que m'a donné M. le Convertisseur, pour m'asseurer de cette opinion nouvelle. Bernard de Sens, liv. 3, l'appelle Prince des Evesques, heritier des Apostres: En primauté Abel, en primauté Noé, en patriarchat Abraham, en ordre Melchisedec, en dignité Aaron, en titre Moyse, en jugement

ment Samuël, en puissance Pierre, en autorité Christ. J'ay leu ce qu'en dit Clement VI, en sa bulle *dist. 19, in Can.* le proëme des Clementines, & la glos. *Papa admirabilis est. Item Papa stupor mundi.* Puis apres: *Nec Deus, nec homo, sed quasi neuter inter utrumque.* M'a aussi montré la glos. sur q. sect. 1. chap 17, où il dit que le Pape n'est pas homme. Et pour abreger, j'ay leu la distinct. *Canon proposuit. de Con. præ. 19. Cap. si humanorum.* où il est notamment dit du Pape que *secundum plenitudinem potestatis potest de jure contra jus dispensare.* Et 5. *transf. ep. 5. in. glos.* il est dit en expliquant, qu'il peut *ex injustitia justitiam facere.* M. le Convertisseur, ne vous estonnez-vous pas de ces derniers passages, les renforçant d'un troisiéme, où il est dit, que le Pape peut *facere infecta facta*? Par une seule Histoire, dit-il, je vous prouveray que le Pape peut dispenser du droit contre tout droit, faire d'injustice justice, & que les choses faites ne le soient point. Ce grand Pontife Sixte V, qui fit trancher en sa vie quatre mille testes, & portoit envie à la Reine d'Angleterre, d'avoir fait *saltar una testa Coronata*, celui-mesme qui osta les bourdeaux des femmes & des garçons, faute d'avoir leu le livre de M. Cahier, car ceux-cy les remettent, & par consequent quatre-vingts mille ducats de rente à l'Eglise. Celuy qui disoit, *non si chiara in questa religione, non durera*, & que le Roy appelloit Maistre Sixte, qui fut fait Pape pour avoir perdu un pourceau. Ce grand personnage estant donc par malheur entré en pacte avec le diable, & ayant leu comment Alexan-

dre VI, pource qu'il avoit pris la chaire par force, fut trompé sur les douze ans & six, cettuy-cy fit son marché à regner sept ans, & son contract fut fort simple, pour se garder des ruses d'un tel Notaire. Après qu'il eust regné cinq ans fort redouté, il tomba malade le dernier jour du cinquième an, & à la veuë de son Camerier maggior vint à son lit un Romipete, avec lequel le Pape entra en de grandes altercations. Les assistans entendirent comment le Pape appelloit l'autre perfide, l'interrogeant s'il n'avoit pas promis sept ans absolus, & s'il y en avoit plus de cinq passez. L'ambassadeur d'enfer respondit à claire voix; Il est vray que je t'ay promis sept ans, & n'en as regne que cinq, & si pour cela je ne suis point perfide. Souviens-toy, que l'an passé voulant faire mourir le fils de..... pour avoir..... la justice te remontrant que par les loix elle ne le pouvoit faire mourir devant seize ans, tu le fis pourtant mourir, & respondis que tu luy en donnois deux des tiens. Or cinq & deux font sept, il s'en faut venir; & s'en alla avec une façon estrange, comme je l'ay sceu par M. de Vic, qui lors du siege de Paris estant Gouverneur de Saint Denis, me monstra le courier, & les lettres prises par ses gens. Il falut avoir Chorin pour les deschiffrer, & par ce malheur les Huguenots ont sceu l'Histoire, laquelle il eust bien cachée sans cela: Car il est Catholique zelé. Mais puis qu'elle est decouverte il en faut tirer ce profit, de monstrier la grande & absoluë puissance du Pape, qui en cet acte seul a prouvé ce que promettoyent les trois Canons alleguez. Il a dispensé du droit contre le droit, faisant mourir cet enfant contre le

le droit. C'est justice que l'enfant eschappe, il a rendu cela injustice. Le diable & luy ont achevé le troisiéme point; car le marché, qui estoit à sept ans, s'est trouvé n'estre point fait, par la vertu du diable & du Pape trouvé parfait, pour faire aller l'un d'eux à la mort & l'autre avec son maistre. Et pourtant ce boufon de prevost de Beaulieu, selon sa Matheologie, quand le Pape eust excommunié la Messe, où le Roy fut sacré, avec ceux qui y assistoyent, n'avoit pas trop de tort de dire, qu'une assemblée, qui se fit d'Ecclesiastiques, estoit pour estre un Dieu, le Chancelier le reprenant: par le corps B. Monsieur, dit le rustre, vous m'advouërez que Dieu estoit à cette Messe-là; le Chancelier ne l'osant nier, l'autre demande s'il y avoit là quelque heretique, qui voulust borner la puissance de sa Sainteté, chacun baussa les espaulles, aimant mieux conceder l'excommunication du Dieu du Ciel, que borner la puissance du Dieu en terre.

CHAP. II.

Des traditions.

ON fait bien fascher les Huguenots, quand on leur monstre que l'autorité de l'Eglise & les traditions nous apprennent à reconnoistre les Escritures, encore que les Escritures Canoniques ne nous apprennent pas à reconnoistre ni l'autorité de l'Eglise Rom. ni les traditions. De fait il se faut tenir aux livres de l'Eglise & non aux Canoniques, autrement les heretiques diffameroient nos affaires avec leurs passages de Bible. Mais pour avoir plus-

roist fait, je serois d'advis, qu'on ne contaſt point pour traditions ces anciens docteurs des ſix premiers ſiecles, pendant leſquels l'Egliſe n'eſtoit pas encore annoblie : ces beaux temples n'eſtoient point baſtis : les Papes de Rome tenoient leur ſiege dans des cavernes, & pour dire en un mot, les Papes pouvoient paſſer comme miniſtres des premiers troubles, & l'Egliſe ſentoit la Huguenotte, ou pour mieux dire le ſagot. Je diſ qu'ils n'eſcrivoient point hardiment en ces premiers temps, & pourtant j'advouë pour traditions les livres corrigés par le Sacre-saint concile de Trente. Depuis quelque temps nous avons veu à la Cour, & avons encore quelques docteurs, qui pour contrefaire les conſciencieux font les demy Huguenots, & les appointeurs de religion. Ce devoit eſtre un bel exemple à M. Benoist, & à ſes compagnons ; Berenger & Chauveau en ſont morts de melancolie, ou de poiſon. Ces galands vouloyent perſuader la ſuppreſſion d'un livre nommé *index expurgatorius* ; C'eſt un reſultat du Concile de Trente, ſelon lequel eſtoit commandé à tous imprimeurs de corriger les plus rudes paſſages, par leſquels les Saints Peres ont barbouillé la creance de l'Egliſe, avec un catalogue des ſentences qu'il eſt bon d'eſtouffer, ou reſtituer, afin que les heretiques ne s'en ſervent. Ces ſages mondains ſe croyans plus ſages que le Saint Concile, ont voulu ſupprimer cet indice expurgatoire, pour cacher, comme ils diſoyent, la honte de l'Egliſe, qui ne devoit plaider ſur des titres falſifiés. Mais ils en ont deſcouvert la honte en la penſant cacher ; Car
ce

ce livre tomba il y a 18 ou 20 ans (je dis une copie signée du Concile) entre les mains de la maison de Ville d'Anvers, & est aujourd'huy gardé soigneusement aux Archives de l'El. Palatin. qui pis est, quelques docteurs, entr'autres Baronius, qui furent choisis pour cette reformation, se sont reformés eux-mêmes, & ont confessé par escrits imprimés, que l'un d'eux en avoit changé pour sa part soixante & tant de passages. Ainsi le dessein du Concile estant descouvert, en voulant supprimer ce livre, on supprimeroit l'autorité de l'Eglise, & on feroit douter s'il est permis de changer les gloses des Docteurs, & quelque peu du texte des anciens. Il faut maintenir que oui, & que l'Eglise doit changer le vieil & nouveau Testament, sans s'arrester non plus à la traduction des Septante, qu'à celle des quinze-vingts, si on veut que les principes soyent tous de nostre costé. Les Primats de Bourges & de Lion ont aussi voulu oster du nombre des traditions les conformités de Saint François, le doctrinal de sapience, le jardin des ames desolées, le Marial, les Sermons de Menot, le *Manipulus Curatorum*, *Stella*, *Lavacrum conscientie*, *Summa peccatorum*, dédié à la Vierge Marie. La Légende dorée, le livre des taxes, & le *Vita Christi*. Un précheur, nommé *Christi* preschoit à Nantes en ces termes aux dames : Mes dames les affectées, si je trouve entre vos mains une Bible, ou un nouveau Testament, je vous bailleray de mon fouët ; mais ayez moy au poing le bon *Vita Christi*, le *Vita Christi*, qui fit Vespasian & Tite Chrestiens, & le dessein du Siege de Jerusalem

pour vanger la mort de Christ; & il faisoit condamner toutes les Histoires pour establir la verité de ce livre. Mais l'un de ces Prelats sus allegués auroit aussi-tost appris à croire en Dieu, que nous de croire de luy, & est aussi mal-aisé de nous faire quitter l'amour de ces livres qu'à l'autre l'amour de sa sœur. Ce sont livres qui sont l'unique fondement de nostre creance. Il n'approuve pas aussi la desfaite de M. Cayer. Il dit que les contes de Saint François furent faits à Geneve. Cela est bon pour l'Alcoran de Saint François. Mais ces affectés de Ministres ont leurs bibliotheques pleines de livres de l'ancienne impression; il vaut bien mieux les defendre, & dire qu'ils sont faits à bonne intention: comme quand on lit, Saint François habitant avec sa femme de neige, il faut dire que c'estoit un antidote contre sa chaleur naturelle, & pout celle qui paroist en sa posterité. Quand il a presché aux poissons; c'est que quand sa posterité presche, elle auroit besoin d'auditeurs muets. Quand il leur prescha pour miracle, que Dieu les empescha d'estre noyés au deluge; c'est que les miracles de l'Eglise R. selon Richcome, doivent estre de causes naturelles. Quand il appelle les loups ses freres, & les fait toucher à la main; c'est en predisant que les Cordeliers seroient pattes peluës, & taschans de surprendre les innocentes brebis. Il appelle les hirondeles ses sœurs, parce que leurs freres, comme elles, se nichent au temps des matines chez les villageois. Quand en priant, l'Ange dit à Saint François, que de son Ordre devoit naistre l'antechrist; c'estoit afin qu'on ne desdaignast point

point de faire les Cordeliers Papes. Et quand il met chemise à part pour s'arborer devant les dames tout nud en la place du Crucifix, c'estoit pour monstrier les beautés de nature, comme n'ayant point mangé du fruit de l'arbre de Science, & representer, si non la Science, au moins la nudité du pere Adam. Quand Saint Germain ressuscite un asne mort, pourquoy par charité fraternelle & onopathie ne put il, estant en vie, donner la vie aux asnes, qui la reçoivent de luy mort en tant de lieux, comme à Saint Germain des Prez, & de l'Auxerrois ? Blaise d'Anjou, qui menaçoit son fils d'excommunication, s'il sçavoit qu'il leût une ligne de la Sainte Escriture, notamment des Commandements, enfin par l'intercession de l'Aubraye, bon Catholique, il luy fut permis de lire les Machabées. Frere Jacopon porta deux ans un bas d'asne, la croupiere à la bouche, ne pouvant chevaucher sans croupiere & en asne desbaté. Quand j'estois Huguenot je ne trouvois rien qui me fist tant rire que la legende de ce bon saint. Il y a encore un livre chez nous, où j'ay fait de belles annotations. Comme sur ce qu'il faisoit confesser à un sien frere ses pechés par signes. Madame de Villeroy s'enquerant comment il confessoit sa paillardise : de mesme curiosité elle s'enqueroit comment s'appelloit en Grec cette huile legere, que saint Dominique fema entre les cuisses d'une nonnain, l'appellant huile d'amour. Ces choses semblent absurdes ; mais elles font ce bien au peuple, qu'apres elles, il ne trouve absurde aucune absurdité. Et c'est pourquoy Saint Paul ap-

pelle la predication de telle choses la folie de la predication: de quoy M. Cayer tire ce brave syllogisme. Il a plu à Dieu sauver les croyans par la folie de la predication, la predication de la legende est folie. *Ergo* Dieu a voulu sauver les croyans par la predication de la legende. Si quelqu'un demande la note de l'universalité, & dit qu'on ne conclud rien *ex puris particularibus*, cela est bon pour les Scholastiques; mais cecy est une logique de financier, où tout se conclud par purs particuliers. La legende des Saints est le jardin de l'ame. Les images le livre des ignorants. Dans ce jardin se trouvent des herbes, qui pour le moins endorment si elles ne guerissent pas. Un galand homme qui s'accommode en ce temps, sçait ce que les païsans appellent voler. S'il se trouve, que son ame desolée ne puisse changer de vie, il y a dans la legende, au chap. de l'annonciation, l'exemple d'un chevalier, qui voloit sans pitié pauvres & riches, & estoit quitte pour dire tous les jours une fois, *ave Maria*; & pour les soldats de ce temps c'est ce qu'ils pratiquent. Si une Dame de la Cour sent en son ame desolée qu'elle ne se puisse passer d'une grande, Catholique & universelle luxure, n'a-t-elle pas pour se consoler S. Marie Egiptienne, qui depuis douze ans jusques à l'âge du mespris ne refusa homme? Et n'avons-nous pas l'exemple de Sainte Madeleine, tant celebre par les chroniques anciennes? Les poëtes de la legende nous ont depuis enseigné comme elle fit par allechements, que force gens de bonne maison vendirent leur bien pour elle, plusieurs courageux

geux se couperent la gorge pour les jalousies de son amour, & puis elle ne fut pas si-tost lassée que la voila canonisée. Si quelque pauvre prestre ne se peut garder en chasteté, & ne se peut servir du Canon, *si quis presbyter concubinam non habuerit*, qu'il soit aussi honteux que l'Abbé Ephraïm, qui vouloit, comme Diogene, planter un homme en plein marché : autorité du chap. *inter opera caritatis* : où il est dit, que qui s'est couplé avec une Magdelene, *multum profuit in remissionem peccatorum*. Si quelque Evesque ou Cardinal devient amoureux de son page, qu'il se console à l'imitation de Saint François, qui appelle ses amours avec *frater Maceus* sacrées. Et de fait ils tesmoignerent leur fureur jusqu'à l'autel. Quant à ce que dit le dit livre, que S. François demuroit tout en feu regardant frere Macée, & s'escrioit souvent, mesme un jour comme il tenoit le calice & l'autre les cannettes, il s'escria transporté de fureur, *præbe mibi te ipsum*. Je diray en passant où se fonde M. le Convertisseur, quand il nomme les amours de Quailus & de son Maistre sacrées, & depuis ce titre a demeuré. Un jour que je l'en enquis, il me monstra un passage dans l'Histoire Ethiopique. Il y a un autre livre lequel ceux dont j'ay tantost parlé, ont fort voulu extirper : mais le Saint Siege ne le permettroit jamais. De Sponde le premier le demanda en ces termes, *habeat jam Roma pudorem, ejusmodi mores toti mundo prostituere desinat*. C'est le livre des taxes, où un bon Catholique voit les pechés à bon marché, & sçait en un coup, pour combien il en doit estre

estre quitte. Celuy qui aura deflorée une vierge, doit fix gros. Quiconque aura connu charnellement, & toutesfois de gré à gré, sa propre mere, sa sœur, sa cousine germaine, ou sa commere de baptesme, il en est quitte pour cinq gros. Toutesfois si cela est connu en l'Eglise, il en faut fix. Pour avoir tué son pere ou sa mere, il faut un ducat & cinq carlins. Je vous en descrirois bien davantage; mais j'ayme mieux vous dire que ces choses sont escrites au chapitre des dispenses perpetuelles. Le livre est imprimé à Paris l'an 1570. par Toussaint Denis, rue Saint Jaques, à la croix de bois, & a pour titre *Cancellaria Apostolica*. Un Poitevin me demandoit un jour, si je sçauois luy refoudre une gaillarde question, pourquoy les bougres sont plus zelés contre les Huguenots que les autres Catholiques. Je me pris à rire de cette question au commencement; mais là-dessus il me souvient d'avoir autrefois ouï dire au bon homme Marechal d'Aumont: Mais Dieu! il n'y a que ces bougres qui nous menacent du tiers party, & qui veulent chasser les Huguenots. Cette souvenance me represente aussi, que le Roy n'avoit point eu de si violents sollicitateurs pour sa conversion que ceux qui en estoient soupçonnés. Cela fit, car j'estois encore Huguenot, que je voulus entendre quel estoit l'interet de M. les bougres en tels affaires. Vous sçavez, dit le Poitevin, qu'il y a force gens entachés de ce peccadillo, lesquels encore qu'ils ne soyent pas bien asseurés qu'il y ait un paradis & un enfer, ils en ont pourtant peur, & voudroyent bien, comme disent les decretalistes,

listes, *uti absolute ad cautelam*. S'ils vont demander à un Ministre, par quels moyens un pecheur execrable peut estre sauvé, le Ministre répond, qu'il faut embrasser la mort de Christ avec la foy, prier d'un cœur contrit & d'une ame penitente, s'asseurer en la misericorde de Dieu, & puis avec le regret du passé avoir desir & resolution de vivre mieux. Voilà pour tout potage ce que vous dira un Ministre, & le malheur est que les honnestes gens de ce siecle ne fournissent pas aisément, ni de cette foy, ni de cette penitence. Le S. Siege composé de gens de bonne maison, qui ont interest à l'affaire, ayant jugé que tel remede n'estoit pas viande à galands hommes, & ne voulans pas qu'un belistre aille braver un Prince, ou autres grands avec des vertus Theologales en l'autre monde, comme le pauvre Lazare, qui morguoit un homme de bonne maison. Lesperes, dis-je, y ont remedié bravement. Car un Jesuite, interrogé sur la perplexité d'un Sodomite, vous accommodera bien mieux qu'un Ministre. Il vous enverra au Cardinal de Sourdis, qui par sa bulle seule pourroit remettre la Sodomie & l'inceste. Il vous mettra dans le col un chappelet des derniers impetrés par Maistre Jaques David, Evêque d'Evreux. Si vous estes François il vous baillera des grains benits, qui sont cottés au 19 art. & vous fera dire des paroles qui sont portées par le 7. comme, *Domine Jesu, suscipe*, & autres telles paroles, qui sont imprimées à Paris par..... Et cette application, comme il est porté par là, vous donne indulgence plenièrre & remission de tous vos pechés,

pechés, tant de la coulpe que de la peine. Ce qui est cotté exprés par M. le Convertisseur, comme chose nouvelle. En quoy il faut advoüer que l'antiquité ne fut pas assez hardie. Trouvez vous donc estrange, si la religion des Huguenots, de laquelle, par faute de telles drogues, je veux dire ce que disoit du Christianisme ce sçavant Empereur Julian, sçavoir que c'estoit la religion des gueux & des belistres : Trouvez vous, dis-je, estrangé, si les Princes, si les grands, les financiers, qui aiment leurs voluptés, haïssent de bon cœur la Huguenotterie & les Huguenots, & embrassent une religion favorable, par les preceptes de laquelle ils ont la graine de Paradis à la bourser : Une religion, dis-je, où ils trouvent remedes à leurs maladies naturelles & desnaturalées : *in España los Cavalleros, in Francia los grandes y los pedantes, in Alamania pocos, in Italia todos ?*

C H A P. III.

De l'intercession des Saints & des Saintes.

A Faute d'arguments nos docteurs prouvent la plupart des points, qui sont en controverse par gaillardes similitudes & comparaisons : & voicy comment nous prouvons l'intercession des Saints & des Saintes. Toutes personnes ne vont pas indifferemment presenter leur requeste au Roy, mais par mediateurs, comme Princes, Princesses, Conseillers d'Estat & Maistres des Requestes. *Ergo*, il faut que les Saints & Saintes fassent les affaires du Ciel, comme nous faisons celles de la Cour.

Cour. J'entreprendrois bien de prouver par mesme comparaison, que Dieu ne se mesle gueres des affaires du monde, pource que nous faisons passer au Roy toutes les affaires comme il nous plaist : de la pluspart il n'en sent que le vent. Il est vray que cet heretique de Rosny luy veut faire prendre un autre chemin, & veut faire du financier & de l'homme de bien ensemble, contre les preceptes que deux choses contraires ne peuvent subsister en un mesme sujet. J'espere que l'un d'eux succombera par l'aide de ma conversion & de l'intercession des Saints. Qui doutera de la vertu de leur intercession ? Considérez que nuls crimes n'ont esté si grands depuis 15 ans que la peine & la coulpe n'ayent esté abolies par leurs prieres. Nuls services n'ont esté si recommandables, que ceux qui ont cuidé les faire recompenser sans l'intercession de ces personnes Sacrées, n'y ayant esté trompés, ayant perdu leur temps & la reconnoissance qu'ils meritoient. C'est ce qu'a escrit Hotoman en son livre de *regno Vulvarum*. Je n'aurois gueres de peine à persuader ce point à ceux qui ont eu des affaires en Cour depuis mon regne. Le general de la Ligue n'ayant plus que deux places de son party eschappé, ne se pouvoit reconcilier avec ce Prince, comme il fit avec l'autre pour se le faire irrumer. On gagne plus à cettuy-cy qu'à se faire enrheumer aux tranchées. La Sainte qui regne luy a donné le pardon general, & l'a mis au plus haut du paradis terrestre. Madame de Montpensier, que nous voulons crucifier en peinture, a expié par mesme voye l'assassinat du feu Roy.

Roy. Villeroy a fait sa paix de mesme heureusement. L'oncle Sourdis a recouvert Chartres, & la teste, qui luy bransloit pour avoir trahy son Gouverneur, mais on ne luy donna pas l'escurie, car les pages ne se pouvoient plus tenir à cheval, dont il fut escrit :

*Pourquoy l'ont-ils cassé aux gages
Sourdis, faisoit-il tant de maux ;
C'est parce qu'il piquoit les pages
Au lieu de piquer les chevaux.*

Sans elle estoit aussi chassé le Grand, & pour mesme crime : mais il porta la chandelle à cette Sainte plutôt qu'à ses merites. J'ay osté mes enfans de la Rochelle, & ne veux plus qu'ils estudient Grec ni Hebreu : mais qu'ils apprennent les sciences de Monsieur de Lignerac, la Varenne, Bachat, & la Bastide, qu'ils apprennent à dire de bonne grace leur *Ora pro nobis*. Qu'ils sçachent bien leurs heures à l'usage de Chartres : dire oui, & puis demander que c'est ; & pour feindre la beste, l'estre à bon escient. S'ils voyent des ordures à la Cour, je veux qu'ils soyent punais pour ne les sentir point. Qu'ils apprennent, comme Monsieur d'Espernon, à porter au col les petites images de la Cour, & aider à leur torcher le derriere, tressaillir de joye quand ils se sont fâlis de bonne matiere, offrir en un besoin la langue, quand le linge demeure trop à venir. Par telle voye ils gagneront une intercession : cette intercession sert de suffisance. Lignerac ne sçait rien que rire, celuy qui est algame des maisons d'Estrée & de Lorraine. Cachas ne sçait pas seulement parler François. C'est luy qui a fait la paix de Provence.

La Varenne n'a commencé que cet hiver d'apprendre à lire, & en mesme temps a fait la paix d'Espagne. Par ainsi les intercessions donnent le merite aussi-bien que la recompense. Et c'est pourquoy il y a dans nos heures, *da nobis ut mereamur fieri participes. &c.* Et les Huguenots, qui se sont mocqués de cette façon de parler, ne l'entendent pas.

C H A P. IV.

Du Purgatoire.

P Uisque nous avons constitué le purgatoire à la Cour, Galands hommes, si faut-il trouver quelque lieu où nous confessions que soit le purgatoire, sans l'aller chercher jusques au trou S. Patrice, selon qu'Henry Estienne en discourt en l'apologie d'Herodote. Je trouve ce qu'il en dit bien agreable ; mais il n'est pas approuvé de la Sorbonne. Si je voulois traiter cette matiere en Theologien, je me mettrois en grand peine. J'ay consulté M.le Convertisseur, qui se prit à rire de ma curiosité. Je luy demanday où il estoit parlé du Purgatoire en la Sainte Escriture, il ne m'allegua que des apocryphes & des passages fort douteux. Je m'enquis des Peres, il me dit que S. Augustin en parloit Livre 12 du Genese ; sur l'Evangile de S. Jean, traité 47. Au Livre de la Cité de Dieu, chap. 8 ; & en plusieurs autres endroits, où je resolu ne faire jamais plus le Theologien en matiere de purgatoire. J'en ay pourtant trouvé un en ma Theologie, & je baille à deviner à toute la Sorbonne où il est : je demande aussi où est le tiers party, .

party, duquel on a tant parlé en France, & la crainte duquel a frappé un plus grand coup à la conversion du Roy, que celle du purgatoire. Or je maintiens que je trouve le purgatoire & le tiers party bien logés ensemble à Nogent. Quelques-uns l'avoient voulu mettre en Auvergne, & y confiner le Comte d'Auvergne : mais il est despesché de son purgatoire deambulatoire, en cette heureuse saison, où les beaux sieges des paradis sont tapissés pour les fils de putain. Il n'a fait que rire de son chartier versé, & est prest de retablir en ce sacré lieu les amours, dont il fut instruit en son absence. Il y a en France quelques autres petits purgatoires : mais ils ne font pas grande fumée, parce que les pardons y son à trop bon marché. Le grand purgatoire est donc à Nogent, où le Comte de Soissons se purge au feu de sa Vestale avec son train ; qui est le tiers party, là où il oit parler des joyes du paradis de la Cour, & en rit à la mode de S. Medart. Quelques Anges, ou Mercurès, comme la Varenne, le vont visiter en passant, & dit-on qu'il ira dire adieu à sa bonne dame, pour s'en retourner parachever ses peines ; les complices imaginaires du tiers party errant par-là, comme estant ames vagabondes, par faute de terre & de bastions pour s'enterrer. On dit pourtant que Nogent est fort propre à jouer des cousteaux, & que le tiers party, qui contraignit le Roy à sa conversion, le contraindra bien tost à la persecution des Huguenots, ou à faire son estat alternatif. Le Comte du Lude m'ayant loué il y a quelque
son temps son chef, me demanda si je ne trou-
vois

vois pas sa fortune bonne. Quand vous courez la poste, luy dis-je, prenez vous plaisir à vous embarquer sur un cheval qui a les genoux escorchés ? Il me respond que non. Confidez donc que quand ce grand capitaine quitta le feu Roy, pour aller faire le Huguenot, & les Huguenots parce qu'ils luy avoient veu tourner le cul à la mangeoire à Coutras, quand il s'est mutiné à toutes les apparences de batailles, à toutes les avenues du Duc de Parme, quand il ravit Madame invisiblement, à tous ces accidens il y a remedié, pour avoir mis sept fois les genoux en terre. Monsieur le Comte mon amy, voudriez-vous mettre vostre coussinet sur une haquenée qu'on a chevauché à dos, & qui a les genoux tout escorchez ; Par tels propos j'ay debauché le Connestable du tiers party du purgatoire de Nogent. Laverdin y voulut mettre le nez : mais on luy demanda la passade : il me dit qu'il avoit mis telle police à la premiere armée du tiers parti, qu'elle ne fouleroit point le peuple. De fait je voy que les generaux des finances & des vivres ont eu beau loisir d'y jouer dès le matin au here & au mal content. Il me souvient à ce propos de la responce que fit le Roy, quand le Comte luy escrivit qu'il estoit là pour prier Dieu. Ce Prince pour le rembourser luy manda, que pour rendre ses oraisons parfaites il mettroit ordre qu'elles fussent accompagnées de jeûnes. Le foudre de Saint Denis se trouva un peu violent, pour feu de purgatoire, & fit surseoir la deliberation de joutonante. Le Cul de Bourbon, j'entens celuy que les Huguenots appelloient teste de Marotte, & que Maistre

tre

tre Guillaume ne tenoit pas pour un homme , mais pour une ressemblance , ce petit prestre tira avec un fer d'eguillette dans son breviaire , & rencontra pour sa bonne fortune cet Evangile , *Non habet filius hominis ubi requiescat caput* , & là-dessus dit à Bellozane (celuy pour lequel on disoit que ma femme estoit belle aux Afnes) c'est à dire que mon frere n'a aucune place qui tienne pour nous. Maistre Guillaume s'y oppose , & dit qu'ils avoient quatre places pour le tiers party , places fort deffenduës du feu du ciel , Sodome , Gomorrhe , Adma , Iseboin. L'auteur des Visions du dit Maistre Guillaume traite cette matiere fort amplement. Je concluray ce chapitre par une remonstrance aux auteurs du tiers party & habitants du tiers lieu : Sçachez zelez Catholiques , que ce party n'a esté condamné ni absous , pour n'avoir fait ni bien ni mal , & pourtant reduit seulement au purgatoire. Vostre malheur est de n'estre autorisés des gens de guerre ; mais de ceux qui appelloient la poltronnerie patience. Le Pape n'a pas establi le purgatoire par paroles. Vostre party n'avoit que faire de tant de discours sur le droit des Princes du Sang ; le Pape a mis le purgatoire par fulminations , il falloit à vostre dessein une armée fulminante : luy fait monstre des clefs de S. Pierre , comme des passe-par-tout aux bourses des Idiots. Il falloit à l'autre les peines de S. Paul , pour surmonter les opposans des Decretales , & pour establir le tiers lieu il falloit à coups de canon establir le tiers party , & quand les Lutheriens ont voulu disputer , on a prouvé le feu de purgatoire en bruslant ceux qui

qui le mescroioient. Quand les Huguenots ont attaqué les canons spirituels, on s'est servy des temporels : ainsi par occasion j'ay comparé le tiers party au purgatoire, lequel a esté seulement *in potentia*. L'autre ne fut jamais *in actu*, & de fait la question n'est pas de peu d'importance, tefmoin. qui à l'âge de soixante ans espousa une fille de vingt ans, dont il devint jaloux comme un tigre ou deux, & de jaloux catholiquement cocu, à quoy il apporta toutes les receptes de Hans Carvel. Ses amys un jour luy demandoient comment il avoit fait cette folie : apres s'estre frotté les oreilles, essuié le front, il dit en se grattant *l'occiput* & se retroussant les C. les ; ce sont par la vertu bieu les Huguenots qui sont cause de ses malheurs. Car au temps passé nos peres avoient une repeüe de quelque sejour pour aller en Paradis, maintenant que ces paillards ont demantelé le purgatoire, il faut y aller d'une traitte ; c'est pourquoy j'avois pris cette haquenée pour soulager mon. . . sans penser qu'elle deût broncher si souvent.

C H A P. V.

*De la Justification par les œuvres, &
des œuvres meritoires.*

SUIVANT cette Sainte Methode de traiter les points Theologiques par similitudes, il n'est pas besoin que tous les Chrestiens se fient aux intercessions des Saints : il y a des gens de bien & des honnestes gens qui ont gagné place au Paradis de la France par braves
P &

& bonnes œuvres, comme par la prise d'un Rouën, pour s'estre fait chefs de Toulouse, & de Narbonne, & de Carcassonne & pais adjacents. Un autre, d'Orleans, de Bourges & dependances: un autre, de Poictiers & quelques menus suffrages: un autre de trois Frontieres de Bretagne: ce sont œuvres de par Dieu, lesquelles ont esté justifiées; & sans dire, *ut mereamur*, elles ont merité, ou pour le moins acquis graces & pardon general, les operateurs ont chastré les finances du Roy, & ont esté justifiés par icelles. Que les heretiques avec leur S. Paul preschent la grace, la foy & la fidelité tant qu'ils voudront, ceux-cy avec leur S. Jaques F. . . . S. Jaques d'Espagne ont prouvé leur foy par leurs œuvres. C'est icy, Huguenots, qu'il faut advouër nulle justification d'œuvre estre difficile apres telles œuvres estre justifiées. Ceux-cy ont obtenu une loy, & cette loy leur a esté loy de grace, & quand ce sera à vous d'obtenir une loy vous l'aurez si pauvres & avec tant de peine, que vous m'avouërez qu'il falloit *impetus* par œuvres non par foy & fidelité, vous ne croyez pas aux indulgences du Pape. Voicy quelles sont les indulgences du Roy, qui n'est pas du Pape, nous trouverons bien plus, que ces bonnes œuvres que vous tenez difficiles à justifier, sont devenuës meritoires, & ont merité ou pour le moins gagné au pauvre Villars une admirauté, & de beaux gouvernements aux autres Mareschaux de France sans forge, dont ils forgent monnoye à leur volonté; & au lieu que les bigots s'amusent à gagner pardons pour milliers d'années, ceux-cy ont gagné

gné les escus par milliers, si bien que calculant les payemens des merites de la Ligue, la somme verifiée à Rouëlle, se monte à sept millions sept cens soixante & tant de mil escus. Il y a plus, ces œuvres sont venues de supererogations & bien-faits pour les autres exacteurs subalternes, qui avoient pris villes & chasteaux à leur nombre, ces suivans ont esté canonisés par la superabondance du merite de leurs chefs. Je ne mets point en ce rang ni Mercœur ni Espernon, ils sont apres à sentir que c'est de s'estre fié aux œuvres. Or voyons que sont devenus ceux qui se sont amusés à garder la foy au Roy & à l'Estat, qui ont voulu estre justes, pensans que le juste doit vivre de sa foy. Ceux-là ont fait œuvres dignes de repentance, & non pas bonnes œuvres, & ont fort bien senty que la foy sans les œuvres à la mode, est morte, aussi meurent-ils de faim, & sont par la bassecour du Louvre, Capitaines deschirés, Maistres de camp morfondus, cheveu-legers estropiés, canonniers jambes-de-Bois, petardiens devifagés, Espions pied-nus, tout cela entre à troupes par les degrés en la Sale des Suisses, apres avoir discouru, *In genere petitorio, non suasio*, à declamer contre Madame l'Ingratitude. Les Capitaines portans la hotte, & les pauvres soldats le hoyau. exalter leur fidelité, monstrent leurs playes, conter leurs combats, leurs estats perdus, faire de mauvais pasquins, crier contre moy & les autres financiers, discourir sur un ordre nouveau, menacer de se faire croquan, & sur la monnoye de sa reputation mandier quelque pauvre repas. Mai-

quelqu'un dira, tous ces pauvres diables, que vous contés, n'ont-ils pas assez travaillé, que ne contés-vous leurs œuvres ? Je respons que c'estoient œuvres d'iniquité, pource qu'il est inique de servir les Ingrats : & de plus la Limaille reprochant un jour au Roy la longueur de ses services & sa patience, & qu'il s'estoit rendu irreconciliable à ses voisins, pour avoir executé fidelement les commandements de sa Majesté ; la cheute du discours fut, qu'il n'avoit pas dequoy disner. Ventre S. Gri, dit le Roy, qui lors ne juroit pas à la Romaine, il y a tant d'années que mon Royaume est au pillage, pourquoy n'avez vous rien volé ? volez comme les autres, le rien monstre que les œuvres de telle nature ne sont point œuvres, par consequent indignes de recompense. Le pauvre homme continua jusques à la mort, & emporta pour sa condition la pluspart de l'honneur du siege d'Amiens, & mourut dans les mines du fossé, & cela s'appelle en rien faisant. Qui veut voir disputer cette matiere plus doctement, qu'il lise l'apologie du Roy, composée par M. Cahier, estant lors Ministre de Madame ; le Roy me la monstra comme style de Madame de Rohan ; c'est une Apologie en prevarication, laquelle Roquelaure oyant lire s'escria, ô mort bieu ! que ceux qui ont escrit cela sçavent de nos nouvelles ! Quelques-uns en accusent la Ruffie ; parce qu'apres avoir discouru de l'humeur du Roy, qui est de punir les services & de recompenser les offenses, il dit à ceux qui se plaignent de sa Majesté, vous devés vous plaindre de vous, non de luy : car ayant connu son naturel,

turel, si vous vouliez des recompenses il fa-
loit les meriter par œuvres dignes, comme il
a esté dit cy-dessus. De-là il parle à ceux qui
ont l'honneur d'estre parents de sa Majesté,
lesquels ils rendent encore plus mal-traittés
que les simples serviteurs, & c'est ce qui me
feroit soupçonner la Ruffie d'estre auteur de
cet escrit; car il se dit parent du Roy : tefmoin
une harangue que feuë sa mere fit à Madame
estant à Bergerac. Madame, luy dit-elle : *Jo
varromendy lou pouveret Gillot la Ruffie. You
avé plo raeison de l'aima ma que lou autre, per
amo que you ho connagut lou Roy vostre pere.*
Si ont bien d'autres, mamie, repliqua Madame.
La Perigourdine repliqua, Madame, *so vostra
gratia you intendy, so l'honor de Dio garde &
de la compania, carnaument.* Depuis la Ruffie,
pour ne composer plus, fut honoré d'un estat
d'espion à Chastellerault, où il fit œuvre me-
ritoire, car il desroba quelques papiers & fut
fait Conseiller d'Estat, & cocu major en paye-
ment. Qui voudra encore voir histoire à pro-
pos, il faudroit lire le Testament de Salbeuf,
gentil-homme de Gascogne, qui bien qu'il
fût fort Catholique, servit le Roy dès sa fuite
de Paris, jusques au siege, vendit en suite
sept chevaux, qu'il avoit de son train, remon-
strant tous les jours au Roy sa diminution.
Enfin la honte le chassa de la Cour du Roy;
mais le desir de mourir à son service le retint
dans l'armée, & il en vint là qu'il se rendit sol-
dat d'une compagnie de ses gardes, comman-
dée par son jeune frere. Il advint que quand
on eut ruiné les boutiques qui sont sous la por-
te S. Honoré, à coups de canon, cettui-cy avoit

demandé d'estre mis en sentinelle perduë dedans ces ruines. Le Roy visitant la nuit ses gardes & ses approches, le Capitaine luy monstra du coin d'une maison avancée son frere aîné, en lieu duquel on avoit desja retiré deux sentinelles par les pieds: le Roy voyant ses reproches sans parler sortit de-là. Ce pauvre gentil-homme après quelques jours, ayant de nouveau tasté le cœur de son Prince, enfin vaincu de passion d'esprit, & de fatigues du corps mourut, & en mourant, quoy qu'il fût homme sans lettres, voulut dicter son testament; par lequel il demandoit premierement pardon à Dieu, & puis au Roy son maistre, d'avoir servy aux infames amours de ce Prince avec Catherine du Luc d'Agen, qui depuis mourut de faim, elle & l'Enfant qu'elle avoit du Roy. De la Damoiselle de Montagu, que le Chevalier Montluc avoit livré entre les mains de ce Prince par les mains du dit Salbeuf, à quoy il eut beaucoup de peine: l'une, qu'elle aymoît le dit Chevalier jusques au point, qu'elle avoit couru jusques à Rome apres luy; & aussi pour le mespris qu'elle avoit conceu de ce Prince, pour lors plein de mormions, gagnés pour coucher avec Arnaudine, garce du Veneur la Brosse. Ces poux Espagnols, las de posseder les parties basses, ou estans trop pressez de logis, avoient pris un domicile eminent dans les usses, & dans les sourcils, & le rond des cheveux, siege de la Couronne. Il alleguoit encore pour preuve une chaudepisse qu'il luy fit prendre dans l'estable de Tignonville à Agen, luy aydant à surprendre la putain du Palfrenier. Il avoit aussi

aussi aidé aux amours de la petite Tignonville , qui fut imprenable avant estre mariée. Il l'avoit accompagné allant voir de nuit la garce de Goliath, & mesme luy avoit sauvé un coup de volant , que le goujat luy tira du lit , en sortant d'avec elle. Puis se fit l'entreprise sur Rebours , à laquelle il ne fit rien que de prendre pour serviteur l'Amiral d'Anville , qui l'aimoit plus honnestement. Il avoit encore assisté aux amours de Dayel , Fosseuse , fleur-ette fille du Jardinier de Nerac , de Martine femme d'un docteur de la Princesse de Condé , de la femme de Sponde , d'Esther Imbert , qui mourut , aussi-bien que le fils qu'elle avoit eu de luy , de pauvreté , aussi-bien que le Pere d'Esther , mort de faim à S. Denys , poursuivant la pension de sa fille. Il contoit de plus l'histoire de maroquin & l'aventure de Billebaud , telle qu'elle est descrite au second livre de Feneste. Apres venoient les amours d'une boulangere de S. Jean , de Madame de Petonville , de la Baveresse , nommée ainsi pour avoir sué , de Mademoiselle de Duras , de la fille du Concierge , de Picotin Pancouffaire à Pau , de la Comtesse de S. Maigrin , de la nourrice de Castel-jaloux , qui luy voulut donner un coup de cousteau , parce que d'un escu qu'il luy faisoit bailler par cette dame , il en retrancha 15 sols pour la maquerelle , & puis des deux sœurs de l'Epsée. Tous ces maquerellages deduits en ce testament ; pour monstrier qu'en ce regne on paye mal & qu'on se mocque des maqueraux. Apres ces contes le testateur continua son stile , laissant pour dernier present à ses enfans une remon-

trance, pour faire leur profit de sa perte, les faisant souvenir des morts misérables, pareilles à luy, comme du Sieur de Hadrits, Gentil-homme de Bearn, fort vaillant homme, qui se consomme tout de mesme luy; du Capitaine Belle-Hache, vaillant & docte, pour lequel les Chirurgiens luy remonstroient, qu'ils le traitteroient de deux arquebusades (qu'il avoit eües en un assaut) pour l'honneur de Dieu; mais qu'ils ne le pouvoient plus nourrir. Cestui-cy guerit des arquebusades, mais il mourut de faim dans le lit du Capitaine La Porte, exempt des gardes, qui avoit sauvé la vie à son maistre, & à la troupe de retraite, par un coup valeureux qui est décrit dans l'Histoire liv. 4. du 2 Tome, chap. penultiesme, fut depuis pris en haine, cassé, mort de misere à Paris. Il est vray que l'on le pouvoit excuser sur ce qu'il s'estoit fait Huguenot. Apres tels exemples, il contoit les resjouissances qu'il avoit veües à ce Prince, quand il voyoit mourir, quelque'un des siens qui avoit bon equipage: combien il estoit habile à succeder pour en payer, comme il disoit, ses dettes: les brusques responses qu'il faisoit aux veuves & orphelins, qui demandoient les manteaux de leurs maris & peres, le testateur n'oubliant les noms des particuliers, comme d'Arbilly. S. Gilles, & autres morts à la Rochelle. Mon Frere m'a dit, qu'il fit tenir un conseil, pour se delivrer de toutes importunités, & fit debattre si les Capitaines n'estoient pas heritiers de l'equipage de leurs soldats. Les Huguenots rudes & fascheux, declarerent cette loy inique, & n'avoir jamais esté partiquée
que

que par des Albanois, qui estoient sans successeurs. Mais pour revenir au testament, ce pauvre le finissoit par injures, qui ne seroient pas belles à dire, envoya ses recommandations particulièrement à un de ses compagnons, lequel trouvant un jour par les ruës un vieux chien, nommé citron, qui avoit accoustumé de coucher sur le lit du Roy, se mourant de faim & chassé de trois costés, il faisoit souvenir ce sien compagnon, d'un sonnet qui fut attaché au col de cette pauvre beste, au point que le Roy arrivoit à Agen ; si bien qu'il se presenta luy & son sonnet que vous verrez ailleurs. Ce sonnet est à la fin de ce volume. Il fit souvenir l'auteur, qu'après avoir commandé long-temps un regiment de huit compagnies, gagné un gouvernement avec grands & hazardeux combats ; il luy arriva d'estre porté par terre, & pris en une embuscade. Estant entre les mains des ennemis, le Roy & la Reine firent telle depesche qu'il falloit pour le faire mourir, en haine de 18 ans de fidele service, de plusieurs playes, & notamment accusé d'avoir sauvé son maistre de la prison de Paris, lequel importuné du prisonnier de le sauver, vendit aux ennemis son gouvernement. Il y avoit d'autres points plus aigres au Testament de Salbeuf, lequel mourut damné, s'il n'y a autre Paradis que la Cour. Il y eut en ce temps un autre Testament, fait par le petit fils du Chancelier de l'Hospital, lequel ayant quitté tous ses estats, pour suivre les miseres de son Maistre, & la foy à son party & Religion, pour jurer aux paroles du mesme Prince, pensant avoir trouvé un port

de ses erreurs à Quillebœuf, que de bourg il avoit traduit en ville de guerre; ce miserable receut par le S. du Plessis la sentence de refus & de disgrâce. Il prononça de sa bouche celle de sa mort, demanda une main de papier, & fit un Testament de stile plus relevé & de mesme argument que celuy de Salbeuf: mais les valets du testateur violerent sa derniere volonté, & rendirent l'original, lequel, à ce qu'on dit, justifioit mon opinion, sur la justification des œuvres.

C H A P. VI.

Des Miracles & Voyager.

FEu M. le Cardinal, de bonne memoire par excellence, c'est à dire de Lorraine, ayant sceu que le Marechal de Fervaques de bonne memoire aussi, avoit descouvert une garce, que le prestre de Belovet, autrement dit le Saint Homme, instruisoit à faire la Demonistique pour en tirer un miracle notable à la Pentecoste prochain; ce grand Prelat prononça contre l'impieté du dit Fervaques, disant, combien que ces miracles fussent faux, ils estoient pourtant utiles *ad pias fraudes*, fraudes pieuses: & de fait, il se fit une grande place au pais; car en lieu inhabité il s'estoit basti en trois ans quatre-vingts maisons & cinquante hostelleries, qui ne pouvoient fournir à recevoir les pelerins de toutes parts. Et mesme des grands Seigneurs hors de France: & quand il n'y eût eu autre miracle que ce bastiment de maisons, l'estenduë & la durée d'une opinion convertie en creance sans fondement, il n'y a schismatique

que qui n'advouë que cela est monstreux : & c'est ce qui fait enrager les heretiques, quand ils voyent que le peuple brusle de bonnes intentions. Vray est que je voudrois admonester les bons peres, qui conduisent les choses, de couvrir un peu mieux le jeu. Celly qui conduisoit la demoniaque de Laon, fit le sot de luy apprendre à dire qu'il falloit extirper les Huguenots ; car comme remarque Postel, que cela sonneroit que le Diable fust Seigneur de nostre bien. Quand donc les Prelats voyent de telles inventions, qui ne sont pas assez bien composées & colorées, ils les doivent racotrer, polir, & faire valoir, non pas s'opposer, comme fit l'Evesque d'Angers, quand deux jeunes religieux, pleins de zele, luy amenerent une jeune Dame instruite de Demonologie, qui jouïoit aussi-bien que feu Monsieur François Villon en la Diablerie Saint Maixant. L'Evesque se fit amener la Demoniaque, sur laquelle il fit une tres-curieuse inquisition, il demanda à quels signes plus violens on avoit conjecturé qu'elle fut farcie de Diables : un des protocoles luy respond qu'à deux choses on connoissoit la violence de ses tourments : l'une quand on luy touchoit la peau de quelque Croix, où il y eut du bois de la vraye Croix ; l'autre preuve se voyoit clairement, à ses tressauts & mugissemens qu'elle rendoit, quand on lisoit quelque texte de l'Evangile. L'Evesque avoit dans le col une de ces croix dont nous parlerons au chapitre des reliques ; car son pere, de qui j'ay sceu les plus secrets articles de la vie du feu Roy, avoit receu mesmes joyaux que les

autres , & les guerissoit habilement de leurs chancres (cela soit dit en passant) : le conducteur de la demoniaque, qui voyoit cette croix au col de l'Evesque, troussa la gallante, qui estoit couchée à terre jusques au jaret, & fit signe au Prelat qu'il la touchait de la croix subtilement : mais ce mauvais homme arracha bien la croix de son col, & avec l'autre main il tira bien subtilement une clef de sa pochette, & la bonne Dame ne sentit pas plus-tost la froideur de la clef à la cuisse, qu'elle affraya les assistans de ses gambades. Il falut pour la seconde preuve lire l'Evangile devant elle. L'Evesque tira de sa pochette un Petronius Arbitrator, qu'il portoit au lieu de Breviaire, & commença à lire *matrona quædam Ephesi, &c.* & la dite d'escumer, & faire miracle : & quand ce fut à *Placitone etiam pugnabis amori?* lors elle tomba evanouie. Ce Prelat à demy Lutherien dit, qu'il ne peut fomenter ces faussetez : mais il n'a bien leu un Docteur ancien, qui dit, qu'il vaut mieux laisser les superstitions, pour n'oster les devotions. On luy en a fait de bonnes reprimendes : Si bien qu'il ne s'est pas monstre tout contraire à la seconde Demoniaque, qu'on luy presenta dernièrement, nommée Marthe, instruite & conduite par un honneste Capucin. Cette-cy a deux Diables, l'un nommé Belzebub, l'autre Astarot. Le premier est un rude Diable, fort ennemy des Huguenots, qui frappe tout le monde, & eut frappé Monsieur Matras d'Angers, s'il n'eust pris un baston, en luy disant, Belzebub, Maistre Mouche, si vous vous jouëz à moy, je vous battray en Diable. Astarot est un

un honneste Diable, jeune & galland, qui veut que Marthe soit bien traittée & bien vestuë; cet equipage fut présenté devant la justice & devant le Clergé d'Angers. Le Clergé voulut que ces deux Diables de bon lieu fussent examinés premierement par l'Eglise. Un des Juges de la ville dit, qu'il y alloit de leur honneur; & pour examiner ces esprits, commença à Latiner, Matras à dire du Grec. Voilà Belzebub en colere qui dit, que s'il vouloit, il respondroit aussi-bien au Grec qu'au Latin. Le Capucin, pour luy fournir d'excuse, dit, Belzebub mon amy, il y a icy des heretiques, c'est pourquoy vous ne voulez pas parler. On se mit à Latiner avec Astarot, qui s'excusa sur sa jeunesse; Belzebub s'excusa disant, qu'il estoit pauvre Diable. Là il y eut grande dispute entre ceux de la Justice, si les Diables estoient tenus d'aller à l'escole; les Jurisconsultes maintindrent que c'estoit le *proprium in quarto modo* des Demoniacques de parler toutes langues, comme celuy de Cartigny en Savoye, qui fut esprouvé en 16 langues; aux enseignes que les Ministres de Geneve n'oserent essayer de l'exorciser: ceux d'Angers furent plus hardis entre autres, qui commencerent en cette façon: *Commando tibi ut exëas, Belzebub & Astarot, aut ego augmentabo vestras pœnas & vobis dabo acriores.* A la seconde fois il redoubla: *Fubeo exeatis super pœnam excommunicationis majoris & minoris.* Enfin tout en colere, il ajousta, *nisi vos exeatis, vos relego & confino in infernum centum annos magis quam Deus ordinavit.* Les Conseillers en voulurent rire & descouvrir la mesche, mais le

peuple se mutina , & l'Evesque pour faire fa
paix allegua , qu'il avoit empesché un imprimeur Catholique par excommunication , qui vouloit imprimer un livre de du Plessis; & que si l'on vouloit , il excommunieroit Hauttain de la Rochelle. Ce qui fasche le plus de ces diableries mal jouées ; c'est que l'affront en est à Nostre Dame des Ardilliers ; car il falloit que son Curé jettast hors les demons , par la puissance & au nom de la bonne Dame , ayans refusé de sortir au nom de Dieu , cela eut fort accru la devotion , & le nombre des pelerins ; quelques-uns disoient que ce miracle se reservoit à frere Ange par preference. Lugolis Lieutenant du grand Prevost estoit fort contraire à ces faiseurs de fables , qui nous feront tous devenir heretiques , & si j'estois crû on en pendroit : & comme je luy dis , qu'il ne falloit pas parler ainsi , il repliqua qu'il y avoit deux mil ames au Ciel , & autant en la terre qui respondroient pour luy , qu'il n'estoit point Huguenot , & que la S. Barthelemy en pouvoit parler : on se mocqua de luy , & on n'a pas laissé de faire enrager les Huguenots , voyants arriver aux Ardilliers de toutes parts de la France boiteux , aveugles , sourds , lardres d'esprit & de corps , & de voir cette levée , pleine d'allants & retournans de mesme , lesquels s'ils ne guerissent , c'est pour le certain faute de foy , comme disoit le Prestre de Belovet à ses pelerins. Il ne faut donc point se scandaliser de voir retourner les malades comme ils sont venus ; car l'operation du miracle ne se fait qu'apres la croyance ; pourtant cet homme instruisoit les aveugles à dire qu'ils voyoient,

voyoient, les sourds à dire qu'ils oyoient; il n'y avoit que les boiteux qui ne pouvans tromper autrui de leur tromperie, disoient qu'ils ne marcheroient point de tout auparavant. *Juxta illud, obedientiam expostulat Ecclesia*; Ou comme dit Bernardo Ochino, *che i miraculi della missa sono invisibili*. Qui ne sçait son mestier ferme la boutique, si les heretiques eussent pû convertir en miracles les guerisons qui se font aux eaux chaudes, ils auroient beau jeu, & nos gens ont donné habilement des noms de Saints aux fondations de Bougues, & par tout ailleurs estably de bons miracles naturels. Il faut donner un eschantillon aux meschans, des miracles de la bonne Dame, qui soit approuvé jusques à la resurrection, par l'Histoire notable qui s'ensuit. Madame de la Chastre estant devenuë fort jalouse de son mary, & de l'une de ses filles, se raccommoda avec le Seigneur de Montigni, contre lequel elle avoit exercé de grandes inimitiés devant ces guerres: il falut peu de sermons pour rappeler cet homme, parce qu'il estoit fort amoureux de la Marcouffi. Le premier office de reconciliation fut de tuer la Barthelemy, messagere des amours du pere & de la fille. Ce meurtre eut de l'apparence, parce qu'en effet elle s'estoit bandée contre Montigni. Après le cœur content de cette execution, vint à elle sur un cheval de poste, jambe deça, jambe delà, Madame Avoye de S. Laurens des eaux, laquelle commença par un signe de croix, la harangue de Nathan & de David. Ces deux belles dames, apres s'estre confessées resolurent d'aller faire penitence
aux

aux Ardilliers. Madame Avoye fit preparer un habillement, un batteau, prit les habillements de Madame de la Chastre, elle ceux de Madame Avoye. La Maistresse se nomma Mademoiselle S. Laurens, la Sourdain prit le nom de Celestine. Arrivées aux Ardilliers, le Curé du lieu ouït la Confession du meurtre avec sanglots & soupirs ; premierement de la part du Curé, & puis de Celestine, si fut d'avis le Pere confesseur que Nostre Dame prist plustost la peine de reparer ce malheur par une resurrection, que par une intercession ; dont advint que la pauvre alcahuète, qu'on pensoit avoir esté enterrée, se trouva ressuscitée par le merite du Curé. Ce fut une belle vision, quand apres la neuvaine, Madame Celestine estant prosternée en terre devant l'autel, sa Maistresse Mademoiselle Saint Laurens tenant la queue du Curé, pour montrer l'hostie (car il n'y avoit pas plus de temoins), sortit la grosse Barthelemy de derriere l'autel, laquelle ayant jetté son suaire par terre, vint pardonner à sa Maistresse, lors habillée en sœur penitente, laquelle s'agenouïlla promptement devant cette ame nuë, qu'elle prenoit au commencement comme un phantome ; mais elle luy monstra toutes les pieces qu'il faut au corps d'une femme. Madame Avoye la court embrasser ; Mademoiselle la Chastre la baiser ; elles s'entrebaïsant l'une l'autre, & le Curé les baïsa toutes trois. La peine fut de couvrir la nudité de la ressuscitée ; car déjà il y avoit des pelerins, lassés de voir si long-temps la chappelle fermée. Madame de la Chastre & Madame
Avoye

Avoye luy partagerent leurs vestemens. Madame de Saint Laurens luy donna son cottillon : Celestine sa cappe, & l'amenerent , criant miracle , au logis du Curé, où estoit caché Montigni. Qui voudra sçavoir le reste de l'histoire , le procès en est au grand Conseil, & ne put estre vuidé à ce dernier quaréme-prenant , je croy que l'on le garde pour l'autre. Les heretiques disent là-dessus, que c'estoit un mouton, que Montigni avoit tué. La Barthelemy elle-mesme l'avoit enseveli dans un galetas , & puis Madame de la Chastre , apres avoir dansé une Canarie sur le sang, & chanté, Je suis vannée, elle aida à traîner le corps mort au retrait. Ils disent aussi que ce fut Montigni, qui fit prendre la poste à Madame Avoye, pour amener par frayeur cette femme enragée , afin que durant son absence on fist sortir la Barthelemy de Boijanci, & l'amener à Saumur, pour apres sa resurrection s'employer aux amours du bienfaicteur. Ils dirent plus, que le Curé des Ardilliers fut payé en chair , que la Barthelemy avoit fait la neuvaine avec luy ; parce qu'il trouva Madame de S. Laurens & Celestine si vieilles & si maigres, qu'il n'en voulut qu'une fois. Je vous conteroïs tout cela, les prisons rompuës, les batailles entre les gardes du Mareschal de la Chastre, les valets de la Dame, les preparatifs de Marcoussi pour empoisonner sa femme ; mais le Secretaire du Molier de Poictou en a fait un traité , pour celebrer le miracle , & puis je me suis avisé que cela passoit un peu les bornes de Theologie. Je finiray ce Chapitre par le tombeau de la pauvre Barthelemy, & cet Epitaphe composé

posé aux Ardillieres par Madame Avoye en
stile de S. Innocent :

*Cy gist & ne gist pas icy ,
Un mouton y fut mis pour elle ,
La Barthelemy macquerelle
De la femme de Marcouffi :
Montigni ne la tua pas ;
Et le Curé des Ardillieres
La ressuscita sans prieres ,
Quinze mois apres son trespas.*

Si voustrouvez ce tombeau ailleurs , le traité
des miracles le demande.

C H A P. VII.

Des Reliques & devotions du feu Roy.

U Nne des choses qui m'esmeut le plus à
desdaigner l'Eglise , fut la lecture de
quelques livres , qui sont , Dieu mercy , com-
me abolis aujourd'huy , à sçavoir le livre des
marchands , le chevalier Chrestien , sac &
pieces entre le Pape & Christ : mais sur tout
l'Inventaire des reliques , & autres que je ne
veux pas nommer , de peur d'y envoyer les
esprits trop curieux de leur salut , & trop dis-
posés à rejeter les œuvres authentiques. Un
jour je treuvay un Augustin avec un bissac sur
le col , criant paradis à vendre. Un Hugue-
not me vit scandalisé de ce mot , & prit ce
temps pour me faire voir tous ces petits livres ,
lesquels je deffends à tout homme qui voudra
vivre à son aise en bon Catholique Romain ,
pour le repos de sa conscience. On sçait que
j'ay esté treize fois Ambassadeur ; par ce
moyen en voyageant au despens d'autry , j'ay
esté

esté si mal avisé que de vouloir verifïer cet inventaire de reliques , & un autre livre intitulé : *Le cose mariavigliose del alma città di Roma* , imprimé au mesme lieu l'an 1545 , *con licentia di superiori per Giouanni Osmarina Gigliolo*. Ce livre confirme l'inventaire que fait Calvin. Ce que j'en trouvay à mon voyage , & la lecture de tels escrits , m'apprirent à mespriser les reliques des Saints , voyant 15 ou 16 corps à Saint Pierre , 18 à Saint Paul , sept ou huit corps à chacun Saint , dix mille martyrs enterrés en la grandeur d'un coffre , les traces des pieds de nostre Seigneur & des Anges , des marques des fesses de Saint Fiacre en Brie sur une pierre. A Jossé en Auvergne , en Catalogne & ailleurs , un linge sale de la Vierge ayant ses fleurs , des plumes de l'ange Gabriel , une hache de Saint Joseph fendant une buche , les pierres de la fenestre par où l'Ange entra , du lait de la vierge ; à Maillezais *una parua bursa satini rubri* les rognures de ses ongles : plusieurs chefs de Saint Denys & de Saint Jean , en plusieurs lieux ; du sang du mesme , qu'on dit bouillir le jour de sa feste , & un esternuement du Saint Esprit. Comme heretique je me moquois de telles choses , & trouvois estrange cette dissipation des membres des Martyrs , veu que nous reprochons aux Huguenots , qu'ils les ont ostés de leurs repos. J'ay encores à demander pardon à Monsieur le Convertisseur , car je me veux confesser à bon escient en ce chapitre , de m'estre moqué de ses grains benits , qu'il fit imprimer l'an passé , pour les raisons que le lecteur amassera de ce qui s'ensuit. J'ay des contes un
peu

peu estranges à faire , pour prouver la vertu des reliques. Je proteste que j'aymerois mieux voir les Huguenots se mocquer de la vertu de S. Goyaux , que de mettre telles Histoires au vent , si elles n'estoient communes aux pages & laquais ; car nous devons cacher les vices de nos Princes , mais puisqu'ils sont découverts , il en faut autoriser les statuts du Saint Siege. Saint Luc fut le premier qui decouvrit le pot aux roses ; car il s'enfuit à Brouâge quand la Sarbatane & l'Ange , qu'il avoit contrefait , pour donner frayeur à son maistre , & treves à sa personne , furent decouverts par son compagnon le Duc de Joyeuse. Rochepot eut tort de faire l'anagramme de Saint Luc , Cats in cul. Ce pauvre garçon avoit en horreur cette vilenie , & fut forcé la premiere fois. Le Roy luy faisant prendre un livre dans un coffre , duquel le grand Prieur & Carmille luy passerent le couvercle sur les reins , & cela s'appelloit parmy eux prendre le lievre au collet. Tant y a que cet honneste homme fut mis par force au mestier , & donna si grande frayeur à son Maistre , qu'il se fust repenti ou mort sans le Duc de Joyeuse , qui decouvrit l'entreprise pour ne ruiner pas sa fortune. Je ne suis pas coupable de decouvrir le conte du tapissier ; car le Roy le voyant au haut de ses deux eschelles , pour racoustrer des chandeliers de la sale , en devint si amoureux , qu'il se mit à pleurer avant que d'en sortir , & cria qu'on luy amenast M. le Grand , qui a luy-mesme decouvert l'amour du borgne Reveillon , capitaine des guides , qui fut empoigné par impatience d'attendre un jeune guide,

guide, qu'il avoit promis; & ceux du Duc d'Espernon & de luy; quand le jour de la mort du feu Roy il se mit à genoux à la chambre, entre le Roy mort & celuy qui est vivant, devant deux cens gentils-hommes, & qui pis est, la plupart Huguenots; Il s'escria le visage couvert de larmes, Mon cousin, pardonnez moy; car le Roy me le fit par force au commencement, & je n'ay pris vostre place pour vous faire tort. Espernon honteux & plus avisé, repliqua. Vous parlez comme une femme, je ne sçay que c'est. Siblot en une audience publique, le Roy l'ayant fait approcher pour rire; & luy instruit de Maître..... qui pour luy faire remettre un cheval de livrée, faillit en son baragoüin à reprocher le violement de son Gouverneur, & parce qu'il ne s'expliqua pas bien, je n'en diray pas davantage: mais Loignac s'en alla criant & pleurant jusques à Poitiers, où estant visité par les principaux de la ville, qui le croyoient encore en faveur, il leur fit des plaintes de son honneur perdu, d'estre abandonné & non payé, presque en mesme temps. On vit depuis celles de la femme de Salettes, en une lettre prise au bagage de Monsieur de Joyeuse à Coutras. Saint Severin, depuis appelé pour cet acte le poulain farouche, s'estant sauvé du Cabinet du Roy par le renversement de Duhalde & de Soupître, qui gardoient les portes des deux hautes chambres, s'enfuit parmy les gardes conter au Mareschal d'Aumont, que le Roy l'avoit envoyé querir par Montigni, que luy bien glorieux d'estre admis au Cabinet, apres que le Roy luy eut demandé, qui estoit

estoit cette Maistresse pour l'amour de laquelle on ne pouvoit jouir de luy : Ayant respondu à demy François, *se io non harvesse miga de patrona, ny voy servir altro que vostra Maestà.* Le Roy luy respondit, je vois bien que vous tenez le party des femmes : mais je vois que vous n'estes pas ignorant de l'amour Philosophique & sacré ; moy, dit Saint Severin, *Io son soldato, & non migo Philosopho.* Ce fut assez disputé ; car en mesme temps le Maistre luy porte la main à la braguette, Montigny au collet, & Monsieur d'O aux esguillettes : or ils coururent apres ce fire dans la salle pour appaiser les gardes scandalisées du chapeau & du manteau ; le pis fut que ce vieux François, le Marechal d'Aumont faillit à tuer ce pauvre homme, quand il luy conta les choses ; Mort bieu, dit il, je voudrois estre mort si cela estoit vray. Il vous faut mettre en prison. Cette prison servit pour achever la tragedie, il fut un mois enfermé, & dit-on pis, la verité est qu'il se rendit apres entre les mains du Duc de Mayenne ; les seize de Paris ne pouvans croire cette Histoire, le prirent pour un Zopire, & pourtant luy baillerent à garder Saint Germain des Prez, & fut tué, avec deux ou trois cens hommes, quelques mois apres voulant regagner la ville. Telles choses & autres comme le Courier du Duc de Longueville, à qui le Roy demanda l'autre paquet auparavant que de voir celui du Papier, puis s'en recourt avec son postillon, rapporter en Picardie leurs infames actions. Le Courier du Connestable fit les mesmes plaintes iusques au Languedoc, se pleignant surtout

du Comte de Maulevrier qui l'avoit produit : mais son Maître luy reprocha , qu'il s'estonnoit de peu , le renvoya avec ses paquets. N'est-ce pas assez pour me justifier que ces secrets ne sont pas divulgués par moy ? Si je contoise ce que m'a dit en secret le Prince de Condé, quand ils furent toute une nuit très-contents en l'apprentissage du Comte d'Auvergne à son nombril : ou si je contoise le bannissement du jeune Rosny pour estre mal garni : de Noailles pour avoir escrit sur son lit ces vers.

*Nul heur , nul bien ne me contente,
Absent de ma divinité.*

Le Roy lors de Navarre y avoit apostillé de sa main.

*N'appelés pas ainsi ma tante,
Elle aime trop humanité.*

On connut par là qu'il aymoît les femmes , contre les regles de l'amour sacré ; cela le fit chasser à coups de pied , comme le Duc de Longueville , pour avoir demandé au Roy ses couleurs en une lettre de papier illuminé. Si je contoise les espousailles de Quelus , l'autre contract signé du sang du Roy , & du sang de d'O pour tefmoin , par lequel il espousoit Monsieur le Grand ; de plus si je redisois les paroles de ce Prince , agenouillé sur Maugiron mort , ayant la bouche collée entre les deux parties honteuses , je ferois desplaisir au Comte de Caravas , qui leur ayant presté sa Chambre , les espia par le trou de son cabinet. Si je descouvris encore la porte que le Connestable fit faire a Folembay , pour aller coucher avec le Grand , en contant ces choses qui
sont

font encore un peu secretes, on blasmeroit mon humeur satyrique. Si je contoys ce que m'a conté le Pont, comment il fut pris au collet, par impatience d'attendre Monsieur le Grand, lequel n'osoit passer, pource que le Duc d'Espernon se promenoit dans le chemin, le chapeau enfoncé, & l'espée hors des pendants, jurant son Paufardious, nul Maistre que moy n'y passera pour ce jour. - Les jeunes deputez des Estats de Blois ne se font-ils point plaints aux provinces, qui les avoient envoyés, de ce que l'on corrompt leur chasteté, & leur corps, pour corrompre leur fidelité & leurs voix, sans les oser nommer, sous le nom de Mirepoix, le Baron de Coze, de Monac, & le jeune Baron Miron. Mais pour tirer profit de ces choses divulguées, je dis, & je le sçay (car mes services me donnoient accez aux choses) que le Roy ayant pris une merveilleuse frayeur de ces choses, dès le temps de la Sarbatane, devint enfin si peureux, qu'il trembloit à la veüe du moindre esclair, & à l'ouïe du moindre tonnerre. Monsieur Rocz luy osta la pluspart de cette frayeur par un *Agnus Dei*, benit de la main de sa Sainteté: mais depuis lors il changea sa fantaisie d'agent en celle de patient, il devint si timide qu'il craignoit mesme les vents, & lors le bon Prince eut besoin de remedes plus violens, & par le conseil de frere Ange, qui se repentit & luy monstra qu'il avoit commis inceste masculin, parce qu'il estoit frere du Duc de Joyeuse, ils ne firent pas grande devotion; les fondations des Capucins, Jerosolimites & Feuillans, où vous avez veu le Duc de Joyeuse d'aujourd'uy en son lustre, & là où l'on dit, qu'il

qu'il retournera quelque jour, quand il sera foul des plaisirs de ce monde. Pour toutes ces choses, ce devotieux Prince n'ayant perdu la peur, furent dressées les confrairies des Penitens & autres, qu'on a veu par la France. La frayeur croissoit avec les artifices exquis des voluptés, quand Monsieur le Convertisseur y mit la main avec des amulettes plus puissantes, il fit venir de Rome des chapelets, des grains benits, desquels le Roy fit present à tous les Confreres du Cabinet, & fut avisé, que leurs voluptés s'exerceroient à travers les dits chapelets; ce qui se pratique depuis aux Bordels de Paris, pour se garentir de la verole. Monsieur Pinars m'a dit, qu'un Jesuite luy a advoüé s'en estre bien trouvé, & parce que quelqu'un de la bande sacrée eut des chancres en mauvais endroits, fut adjousté la Messe, qu'un Aumonier disoit en un plancher dérobé sur le lit du Cabinet: Messe sacrée, de laquelle les ornemens estoient accommodez à ce peché, l'application sur les espauls d'une Croix pleine de Saint Bois, les lavemens d'eschine & les clisteres d'eau benite, avec grains qu'on appelloit benits & autrement quiriquenaudes. On a ouï parler comment le feu du ciel embrasa, il y a environ vingt ans, les Cordeliers de Paris; mais on n'a pas descouvert que le Roy ayant ouï conter qu'ils se mesloient de ces amours sacrées, fut averty que les reliques de Saint François & de Frere Macé leur servoient de laurier contre les foudres. Le Roy fit le Gardien son Confesseur & Predicateur, à la charge de dérober ces reliques, lesquelles ne furent pas long-temps au Cabinet du Roy que le feu se mit aux Corde-

liers, *juxta illud l. 2. titulo 7. fulgura de sursum depellit.* Le mesme Cardien luy apprit aussi, que ce peché n'estoit point peché sous l'habit d'un Cordelier, & en bonne intention de se rendre conforme à Saint François, & à Frere Macé son mignon; c'est pourquoy ceux qui ont herité des heures du feu Roy, ont monstre à leurs familiers, tous ceux qui sont nommés en ce chapitre, & enlumines en Cordeliers, aux enseignes qu'à la fin des dites heures sont aussi peints ceux sur lesquels il n'a peu exercer son entreprise, comme Chastillon, & Chambret; le Premier avec ses manches troussées, pour monstrier ses bras gras & blancs, & un *non per amor, mà per vendetta.* Cela est encore un peu secret, mais qui n'a point sceu le coup de tonnerre, qui en temps tres-serain, parmy cinq cens gentils-hommes, & autant de Suisses, à une heure apres midy donna, sans redoubler, en la chambre basse du Comte de Soissons, où Monsieur le Grand & luy prenoient leurs esbats sur un lit, deux autres sur un autre lit, le cinquiesme estoit à la fenestre? Le foudre les partagea, car ils en tua deux, & laissa le troisieme à demy mort, à tous trois le coup entroit dans le trou de la verge, & sortoit par celuy du derriere. Or voycy dequoy faire dresser les cheveux d'un reformé, car les deux qui n'eurent point de mal avoient chacun un chapelet, il n'en fut point trouvé sur les deux morts. Je presuppose que la qui n'estoit qu'à demy mort pendant deux mois, avoit perdu la moitié du sien. Voila pour autoriser les reliques, & prenez garde que vous verrez, Agnus, Croix,

Croix, & chapelets aux bras de tous les freres de la sacrée societé. A propos de reliques, ce meschant Comte de la Rochefoucault, disnant un jour avec les filles de la Reyne, qui le picotoient par ordre exprés, & luy demandoient de ces belles reliques qu'il avoit pillées à Tours, aux premieres guerres; il dit s'en estre defait, comme de bagarelles. Enfin estant importuné, il le leur accorda, à la charge qu'elles le viendroient routes baiser, & qu'il leur donneroit des brassieres de Sainte Catherine, qui leur feroit à toutes revenir les tettons aussi durs, que quand elles estoient pucelles. C'est pour achever ses horreurs en riant; car on fait ainsi à la Cour. Pour moy si je ne fais tel cas des reliques, & seulement je fais semblant de les adorer, excusez moy; car estant allé un soir à Bosny, deux lieües d'Orleans, qui est le siege de Messieurs de Saint Lazare, je fus tout ebahy, en me levant au matin d'ouïr force clochettes à l'entour de la maison, voir entrer la baniere & la Croix & force Chanoines de Saint Aignan d'Orleans: mais autant de voix & de bannieres qu'il en peut entrer dans une petite gallerie qui va aux privés. Le fait estoit, qu'une garce du Chevalier Salviati, lors grand Prieur de l'Ordre, avoit trouvé quelque coffres qu'en temps de guerre on avoit jetté dans le privé; en les crochetant pour derobier, elle vit dans un des coffres une boîte seule, sur laquelle il y avoit escrit *R. d. Coti*. Le Commandeur averti y courut, & son secretaire nommé Valderie, qui prirent le *R.* avec le point, pour le Pere de S. Catherine: là-dessus f. t. defendu d'y tou-

cher, & son maistre & luy allerent trouver l'Evesque d'Orleans; les docteurs, & entre autres Picard, appelez en consultation, resolerent que cette boiste se devoit ouvrir par les mains sacrées de l'Evesque, assisté des processions voisines. Les voila donc arrivés au matin, & apres une Messe du Saint Esprit, on luy lave les doigts d'eau benite, il fait trois pas à genoux vers le coffre, ouvre la boiste, qui se trouva une boiste de bon Cotignac d'Orleans, & ainsi que les Propheties ne se connoissent qu'apres leur effet, il se trouva que le R. signifioit Reste, & d. Coti, de Cotignac.

C H A P. V.

Des Vœux.

MAistre Pierre Poncet, gentilhomme prescheur, celuy à qui Monsieur d'Espernon reprochoit, qu'il faisoit rire les gens, & qui luy respondit, qu'il les faisoit assez pleurer. Ce bon homme preschant un jour aux Mathurin, fit un grand discours des miseres des Chartreux, qui ne mangent que du poisson; des Bons Hommes qui ne mangent rien qui ait eu vie; des Capucins qui n'ont rien sur leurs pieds; des Feuillans qui sont si mal vestus & *viuunt in diem*; de *Frați ignorantī* d'Italie, qui n'oseroient rien sçavoir; des Pourceaux Saint Antoine d'aupres de Roanne, de Penitens qui se foïettent. Ce prescheur fit pleurer beaucoup de bonnes personnes, & de toutes ces deuotions & ces vœux austeres tira cet argument, que si la religion Romaine estoit fausse, on n'y verroit

roit point accomplir des vœux si durs & si difficiles. Je donnay le lendemain à dîner au dit Poncet & à Renardiere de Bretagne, nous mettons les raisons susdites sur le bureau, & Maître Fol de Renardiere mit l'autre en grande colere, luy disant que ces austerités de vœux & de vies, estoient plustost marques d'une fausse religion, que d'une vraye; tescmoin, disoit-il, que les sacrifices des hommes estoient defendus aux Israélites, & observés parmy les Gentils, comme leur est reproché à la pag. 105. & puis il alla conter qu'il avoit veu en Turquie leur enragés de Caloyers, n'ayant toute l'année pour couverture qu'un retz: mais en la main droite un grand rasoir duquel ils se font faire une playe nouvelle quand la precedente acheve de guerir; & quant à leurs jeûnes & abstinences, celle du vin qui est enjointe à toutes personnes, est plus dure que toute autre. Quand ils jeusnent, ils nel boivent ni mangent. Quant aux pelerinages, où trouvez vous une si violente devotion, que celle des pelerins de la Mécque, desquels plusieurs, apres les incommodités du voyage & la veuë du sepulcre de Mahomet, se font crever les yeux, pour apres chose tant sacrée n'en voir jamais une prophane? Apres il allegua l'estrange zele des Calignois, & comment on trouva au grand temple de Mexique, les parois frottées du sang des enfans immolés au Diable par leurs peres & par leurs meres, & ce sang par tout l'épaisseur de deux doigts; à la verité j'ay ouï confirmer cela par le Gardien des Cordeliers de Mexico, & par deux autres de ses

compagnons. Renardiere concluoit par-là que telles inventions estoient de gens fanatiques, ou des Diables mesmes, qui se font par commandement servir ainsi. Là-dessus ce Maistre Fol se mit sur les antiquités, & je ne sçay où Diable il en avoit tant appris; sçavez vous pas, disoit-il; que les Druïdes François, les Anglois aussi, sacrifioient à certains jours, & tenoient les sacrifices les plus saints quand ils faisoient mourir les hommes le plus cruellement? Ceux de Carthage prenoient les enfans des meilleures maisons, les habilloient à la Royale, & n'estoit permis aux parens d'en arracher un; si bien qu'estants vaincus par Agatocles, sur l'opinion qu'ils eurent que leurs Dieux estoient courroucés par la discontinuation de tels sacrifices, ils assommerent tout d'un coup sur leurs autels 200 jeunes gentils-hommes. Ceux de Rhodes & de Crete faisoient enivrer leurs hosties, avant que de les immoler. En Chio & Salamine ils déchiroient les hommes pour les immoler à Diomedes. Les Arcadiens fouëttoient les pucelles jusques à ce qu'elles fussent mortes. Ceux de Sparte en faisoient autant des enfans à l'autel de Mercure & de Diane, quelques-uns faisoient un grand monceau d'esclisses, l'emplissoient d'hommes, desquels Theopompe estoit l'un. Les Thraces tuoient leurs hosties humaines à coups de lances à l'autel de Tamolus. Quelques Alemans & Bourguignons faisoient carrousse du sang des sacrifices. Les Perses, les Grecs, & quelques Anglois enterroient toutes vives leurs hosties. Je ne veux pas dire les autres vilenies qui se faisoient

soient des filles & des garçons , & autres folies exercées par les Corinthiens & Bretons. Je dis donc que ces vœux austeres & cruels ont esté de tout temps services de diables. Là dessus la Renardiere se mit sur la Theologie , allegua de S. Mathieu chap. 16 les paroles , Mon joug est doux , & autres , & nous dit ; Messieurs le meilleur vœu que nous puissions faire , c'est à S. Mathurin ; car je vous assure que le plus sage d'entre nous est tenu pour fol. Tout le monde n'a pas connu Renardiere ; c'estoit un diseur de verités au feu Roy, qui desirant estre defrayé par ses Mareschaux de camp, il luy dit un jour, qu'il faisoit plus que Dieu, qui dit, du labeur de tes mains tu vivras commodement : & luy faisoit ses Mareschaux de camp vivre tres commodement , du labeur & du mestier où ils n'entendoient rien. A la fin Poncet se mit en colere , & luy repliqua que c'estoient des discours d'un Huguenot : l'autre poursuivit en souffrant, & commença à causer sur les Pythagoriciements des Chartreux & Bons hommes , entre lesquels on ne laisse pas de voir bien souvent Il nous conta comment Mr. du Bouchage estant las d'estre fessé par le Roy, & mis en prison entre quatre escrans , se confessa à un de ses compagnons de Piquepuce, lequel ayant ouï les violences du cabinet, luy enjoignit de sortir du monde , & luy revela que s'il vouloit faire quelque temps la vie des Capucins, il le verroit un jour Pape : ce que l'enchanteur Raoul luy a confirmé , & vous verrez, dit Renardiere, que d'icy à quelque temps il y retournera , & disoit que les fols prophetisoient. Nous nous mocquâmes

de luy, Poncet & moy, & le bon homme en colere commença à dire, vous estes aussi meschans que le Marechal de Biron, qui se moqua du pauvre frere Ange, quand il alla joüer la passion devant le Roy à Chartres, se faisant fouïetter, & portant une croix, de poids insupportable. Là estoit Monsieur de Monpensier s'enquerant qui estoit le maistre de la moralité. Ce n'estoit pas celuy qui fit couper le douzil de son vin de Gascogne; ayant ouï de Babelot, qu'il estoit digne de faire le sang de Christ. C'estoit celuy qui pour faire une *bona bocca* vouloit ouïr vespres aux Augustins. Ce Marechal donc le tirant à part luy dit, par le corps B. Mr, ce fat en a bien dans le cul, si d'aventure il n'y a point de Paradis. Le Duc luy respond par St. Picaud, mon maistre, voicy qui est encore assez bien jouié, horsmis que la musique est un peu aigre. C'estoit un cornet de terre qu'il avoit pris au four de Palaïseau en passant, sans oublier le fournier pour en sonner. Telles gens que vous, furent ces beaux Evesques du Lionnois, qui assemblerent un Synode pour reformer la coustume de St. Antoine de ce Pais-là; les religieux du lieu s'appellent Pourceaux de de St. Antoine par humilité; ils sont obligés des faire huit repas, comme montrant la fragilité du genre humain. Il y eût quelques Jesuites, Freres Mineurs, & quelques jeunes Evesques, qui firent de belles & longues harangues, pour monstrier que telles constitutions peuvent changer, *habitâ ratione temporum*. Et que ce que nos peres avoient fait à bonne intention, estoit aujourd'huy

ri-

ridicule. Mais à toutes ces raisons le sousprieur de St. Antoine, qui ronfloit, ne répondit qu'une grave sentence & remarquable; en nos jours gardons nous des novalitez. On recommença de plus belle contre les mocqueurs de ce siècle comme vous antres, & ce sousprieur à quatre mentons commença gar, gar, gar, gar, gardons nous, &c, où mais vous dites que sous ombre de devotion il s'y fait de grandes folies. Par St. Jean, je le sçay bien, mais l'Eglise n'en peut mais: qui a plus crié contre le Roy & ses mignons que moy, qui ay presque conté en chaire l'Histoire qui s'ensuit? Le Roy estant amoureux à Lion de la femme du sire.....

Le marché fait par le Comte de Maulevrier avec la galande, il ne restoit que de pratiquer l'absence du mary, si jaloux qu'il refusa un bel employ honorable, & une commission sur le sel de Peccais profitable, pour y joindre. Il pratiqua un Cordelier, confesseur du jaloux, luy remontrant que les plus apparents de Lion avoyent l'œil sur ce pauvre homme, & le soupçonnoient d'heresie; parce qu'il n'estoit pas confrere des penitents. Le Cordelier respoud: à d'autres, Messieurs; je suis trop matois pour vous soupçonner de devotion. Parlés moy St. François, & vous trouverez que les Cordeliers sont bons compagnons. Par la vertu, dit le Comte, c'est que nous voulons chevaucher sa femme, & il y a trente escus pour toy. Le Cordelier replique: allez vous en, Messieurs, & me laissez faire: De-là à six jours, qui fut un Jeudy, voila le pauvre sire au revestiaire, qui se prepare à

Qs

porter

porter la croix, comme dernier novice. Le Roy, le Comte, & Clermont d'Entragues vont jouïr leur jeu, & peu de temps apres virent par la vitre de la chambre venir la procession, & le portecroix, lequel *dentro del saser* se mit à resver & à fantastiquer en son cerveau ce qui en estoit, si bien qu'à la porte de son logis il luy prit une pamoison. La procession s'y arresta pour changer de portecroix. Il falut ouvrir la porte, cacher les trois compagnons dans un comptoir, où ils estoient en grand danger, sans le Cordelier & un confrere, qui vindrent persuader au sire, que c'estoit son devoir de rapporter l'habit au re-vestiaire. Qui a plus crié que moy contre le feu Roy, qui portoit ses mignons en ses heures, enlumines, comme il est dit ailleurs, en Cordeliers ? N'ay-je pas connu la Duchesse de Guise & de Nevers, qui protoyent Roquemont & le Baron de Fumel peints en crucifix en leurs heures & cabinets ; & eux leurs Maistresses tout de mesme en N. Dame ? Mais vous autres heretiques, vous avés tort de blâmer l'Eglise pour cela. Je rompis le propos de M. Poncet, disant, l'invention des habits & des heures n'est pas coupable du mauvais usage. Mais pour vous rembourser tous deux de vos mauvais contes, je vous en donneray un tout nouveau, Qui pensez-vous qui ait fait quitter le monde au Comte de la Chappelle ? C'est, dit Renardiere, le Cardinal de Florence, qui luy fit je ne sçay quoy, & luy promit qu'il deviendroït Pape. Je me pris à secoüer teste. Pourquoi non, dit Poncet, aussy que le Pape qui fut pris à la porte

te pauvre garçon, parce que la singesse du Cardinal . . . le prit en amour ? Quelques-uns disent, qu'elle l'aimoit pour la grande quantité de poux qui estoient sur luy. Tant y a, qu'estant desbarbouillé il fut agreable à son maistre, avancé depuis, & nommé le Cardinal *della Simia*, & enfin Pere Saint. Aux enseignes que le College luy remonstrant, qu'il avoit fait Cardinal un gueux & un ignorant, il respondit, c'est ce que vous trouvestes en moy, & s'il devient vicieux, c'est ce qui le fera Pape. Tout cela, dis-je, n'y touche point. C'est que sa Mere estant lassée de luy, partie parce qu'il tombe du haut mal, & qu'elle le trouvoit fort sot, mais principalement par ce que son frere virginal entroit en service, elle luy fit faire le voyage d'Italie, & luy suscita un confesseur, nommé *fra. Feronimo*. Cettuy-cy tira si bien les vers du nez de ce jeune veau, qu'il luy confessa des pechés, que j'ay honte de dire; pour lesquels il fit croire, qu'il n'y avoit aucune expiation que de quitter le monde, & se vouër à l'Eglise. Je sçay bien, dit Renardiere, ce que vous n'avez osé dire. J'oüis à la fenestre de l'escurie à S. Denis, un qui importunant son compagnon de luy dire, si le Comte de la Chapelle devoit venir; la response fut: je ne sçaurois non plus dire cela, que deviner qui a eu son pucelage, le pere, la mere, l'oncle, ou la sœur. Mais à ce propos; ce vœu estoit aussy rude, que l'expiation de ses forfaits, comme celuy que décrit l'Aretin en la personne de Messer. . . . Sa pauvre mere pensant mourir en douleur d'enfantement, le vouia à estre Cardinal par humilité. C'est de luy

que le Pasquin prononça : *C'ha fatto il Cardinale, la lasciato il suo Elemosinario al ospitale.* Enfin M. Poncet se fâcha de ce discours, & nous dit ; si vous autres Huguenots ne fussiez venus à la traverse, on eust bien appris au feu Roy des vestemens, des tonsures & des vœux secrets. Car on l'eust mis à la grande Chartreuse, bien fortifiée de bastions au lieu de raisons. On l'eût habillé comme l'estoient les bardaches dans ses heures. On eust changé sa Couronne en couronne de tonsure, & pour vous dire Adieu, & finir nos discours, on eût payé sa devise, *manet ultima celo*, de ce distique, qui fut trouvé affiché sur l'horloge du Palais :

*Qui dedit ante duas, unam abstulit, altera
mutat :*

Tertia tonsoris nunc facienda manu.

C'est à dire, celui qui devant en a donné deux, en oste l'une, & l'autre bransle, & la troisième se fera maintenant par la main d'un barbier. Adieu, Messieurs, je suis marry de voir si mal user des œuvres piës : mais Poncet passa la porte, & Renardiere m'acheva son conte. C'est, dit-il, que l'Evesque de Xaintes est un des meilleurs compagnons qui se puisse trouver. Il y a aussi une Abbessé aux faubourgs, le Convent de laquelle est plustost une Cour qu'un Monastere. Car n'en desplaie à Maubuisson, où durant le siege de Pontoise il y demeura huit religieuses, que la verole retenoit, & cinq qui estoient en couche. N'en desplaie à Lonchamp, ni à Montmartre, que l'on appelloit le magasin des engins de l'armée. N'en desplaie aussi à la Trinité

nité de Poictiers, à Vilmur d'Albigeois, au Lis, vray seminaire des Enfants rouges, au S. Esprit, à où Surefne mena ces jours Fervagues, & dit à l'Abbesse, qui est sa fille, qu'elle fist l'honneur de la maison à M. le nouveau Duc & Pair, pendant qu'il luy alloit desbaucher une Religieuse fort belle, & seule cause de leur voyage. Dans demy heure Surefne revint dire à l'oreille de son compagnon, allez, morbieu, la galande m'a donné de la peine, mais vostre cas est prest. Non est, par le corps bieu, dit Fervagues, car j'ay cependant jouié deux actes avec l'Abbesse. Comment? c'est ma fille. L'autre dit, je suis donc ton gendre. Soit dit à propos en passant. L'Abbesse de Xaintes ne cede à aucune autre en galanteries & mascarades, & en un mot, il s'y fait tout ce qu'on fait à la Cour. Mais quelques-fois l'Evesque & l'Abbesse se desrobent en quelques lieux escartés, & accommodés exprés, & lors tout le Convent est en devotion, parce que Monsieur & Madame sont allés aux œuvres piës. Chacun estoit en peine quelles œuvres c'estoyent: mais le Prieur du Pont l'Abbé, les ayant un jour descouverts, escrivit à M. de Potonville ce que c'estoit en ces termes:

*L'Evesque & l'Abbesse de Xaintes,
Pour faire œuvres piës & saintes,
Vont au silence fort souvent.
La plus finette du Convent
Y fait un trou, & les espië,
Puis voyant presser flanc à flanc,
Le Roquet noir le surcot blanc,
Vit bien que c'estoit œuvre pië.*

Il conclut par la réponse de Verville sur tant de bastiments, pour la reception des Cordeliers, Capucins, & autres tels; à sçavoir pour empescher que les fols ne vous crevent les yeux, ou bien par ce petit epigramme :

*Huguenots fascheux & austeres,
Qui blasmez tant les Monasteres,
A la pareille, dites nous,
Où l'on pourroit loger les Fous.*

C H A P. IX.

*Des diverses manieres de pescher
les hommes.*

LA Naffelle de S. Pierre & ses successeurs ont maintenant changé de maniere de pescher. Car tant que les tenebres ont duré, l'Eglise R. a pesché au feu: le bois n'y a pas esté espargné, par lequel on a consumé les corps de ceux qui apprehendoyent par trop le feu des ames. Les Convertisseurs de ce temps-là ne failloyent point de convertir l'ame par la terreur du feu, ou de faire conversion des corps en cendres. La lumiere étant venue, & le feu n'ayant plus de vogue, il falut pescher en eau trouble, & cela se fit durant les troubles, où plusieurs par l'exil de leurs maisons entrèrent dans les filets des pescheurs. Quand l'eau n'estoit plus trouble, on pescha à l'endormie, à quoy ne fut pas espargnée la coque de Levant, qui est fournie par les droguistes d'Italie. A cela furent pris les plus pesants comme les Mareschaux de Montmorancy & de Cossé. Apres on guetta le gros poisson au fray; à quoy fut pris Antoine Roy.

Roy de Navarre par Roüet, Louïs de Bourbon par Limeul : mais ce dernier, pour estre vigoureux, se sentant pris, rompit les mailles, & se sauva. Quelques poissons se perdent en la fuite des Dauphins, comme font les chiens, les barbuës, les maquereaux, & tout le menu des suivans de la Cour, qui entrent à la fuite de leur maistre dans cette grande & profonde baleine de l'Eglise Romaine. Le menu peuple est deceu au travail, ou on le fait sortir de ses cachettes à force de fouler. Pour cela il n'y a petite paroice aujourd'huy en France, où par bonne & sainte intelligence, les Huguenots, plus foulés que les autres, ne soyent contraints d'entrer aux filets de S. Pierre, de mesme que les gelées font courir le poisson morfondu aux fontaines. Les hivers d'afflictions en font courir plusieurs aux grandes sources d'honneurs & de biens, comme la Cour de Rome, celle de l'Empereur, celle des Rois de France & d'Espagne. C'est à ce jeu que nous avons pris en ces dernières saisons plusieurs esprits relevés, impatiens de petitesse & de pauvreté, & entre ceux-là Morlas, qui ne pouvant mettre d'accord la bassesse de sa naissance & l'elevation de son esprit, accourut aux sources alleguées, lorsque les Huguenots estoient plus bas. Et mesme pour tirer profit des autres, il se servit d'un artifice nouveau; tenant en cela quelque chose du Dauphin, hormis l'issuë. Il amenoit ses credules à la dispute contre M. le Convertisseur. Les advertiffoit premierement de se donner garde de luy, comme d'un imposteur dangereux, & les exhortoit à tenir bon, & puis se laissoit prendre

avec

avec eux. Je luy vis un jour amener au bord de la nasse le petit Baron de Courtemer, auquel il donnoit de la main par le costé, au milieu de la dispute, & dit, Courage, mon petit Baron; & toutefois il faut considerer ce que dit M. du Perron. Là-dessus avec une artificieuse & sacrée prevarication il se laissoit vaincre d'une violence bien simulée. Ce petit Baron de Sauvva: aussi est-il du pais de sapience. Je me suis despestré plusieurs fois du mesme filet. M. de Chastillon fut adverty par les vieux serviteurs de son pere, que l'entreprise estoit pour l'amener au Cabinet, & autant sur son corps que sur sa conscience: mais il en est parlé ailleurs. M. le Convertisseur, un des plus grands pescheurs qui ait esté en l'Eglise, a plus heureusement que les autres espié en ces saisons les manieres de pescher à la ligne, fait haï en cela par luy-mesme, qui fut apasté d'un bon Evesché; mais il est de l'humeur de ceux qui tirent l'eschelle apres eux. Car il a trouvé l'invention de mettre les appas si avant dans l'hameçon, que le poisson est pris, sans que l'appas soit avalé. Tescmoin le pauvre de Sponde, duquel l'appas a esté pour un autre, & qui ayant sacrifié son ame pour l'Eglise, a tellement esté pipé, qu'il a veu devant que mourir, ses enfans aux portes, sa femme au bordel, & sa personne à l'hospital. Tescmoin le pauvre Cahier, qui a abbayé apres l'abbaye promise, & n'en voit que l'image & le clocher. Les bonnes gens du temps passé faisoient leur pescherie par prescherie, & peschoient avec le salut; mais en ce temps, nous laissons rouïllir les saluts, parce que le poisson est trop esveillé,
&

& on ne le peut tromper en leschant la bouë. Dandelot ne couta gueres ; car il fut pris à belles mains, & cela fut pour enigme aux bons compagnons. Je diray encore ce mot de la prudence de M. le Convertisseur, que là où il triomphe le plus, c'est aux eaux dormantes. Ce ne sont pas celles que de Sponde faisoit enfler chez M. de Guerres ; c'est qu'il espie ceux de qui la maison s'en est allée par les fenestres, comme quand l'estang sort par la bonde, & sont demeurés à sec, comme estoit le Baron de Salignac quand sa femme le convertissoit. Les autres sont pris par la prevoyance de tels accidents, comme moy. Pour pescher encore sur les eaux dormantes, M. le Convertisseur a pris la peine de venir pescher & pescher à S. Merry ; à la barbe du peuple, là où il prend les grenouilles en dormant, là il pesche à diacre, à soufdiacre ; son frere & quelques autres de ses apostres ont un banc chargé de beaux livres devant sa chaire. Ils les ouvrent à la citation des passages, ils les ferment le plus fort qu'ils peuvent ; pour resveiller l'assistance : mais tant est douce la polylogie de ce personnage, que la plupart y dorment trois heures, & comme à la pescherie y gagnent force rheumes. En quoy la faculté de Tgeologie apporte des commodités nouvelles à la faculté de Medecine.

C H A P. X.

De la Transsubstantiation.

Nous ne pouvons pas dire beaucoup sur le point de la Transsubstantiation ; car elle est

est plus malaisée à prouver qu'à prononcer, quoy que le mot soit bien long. Mais, comme dit M. le Convertisseur, apres avoir confessé que c'estoit un point absurde, encore le faut-il débattre pour l'honneur de l'Eglise, & pour n'esplucher en cela la volonté de Dieu, il me defendit de lire la plupart des anciens, notamment S. Augustin : *lib. de agone Christiano, cap. 25. De presentia Dei ad Dardanum, cap. 17. In Psalmos 33. & 34. In Evangelium Joannis, tract. 27. Ad Bonifacium epist. 23. In sermone ad Infant. lib. 3. de doct. Christ. c. 9. & 16.* il m'a defendu aussy de lire tous les autres, sinon corrigez par l'indice expurgatoire, & m'apprit sur cette dispute à ne prouver rien que la toute-puissance. Or voicy les arguments que j'ay cherchés de mon invention. Pourquoy sous le nom de Dieu ne peut-on changer les substances de toutes choses, veu que sous le nom du Roy on en a fait & fait-on tous les jours de si estranges metamorphoses & transsubstantiations? La sueur d'un miserable laboureur, en la graisse d'un prosperant partisan & tresorier: La moüelle des doigts d'un vigneron de Gascogne, qui rejoüit le cœur d'un chacun, & remplit le ventre du parasite; les pleurs de la veuve ruinée en Bretagne font avoir du fard à la femme de Santory; le sang d'un soldat perdu à chasser Espernon de Provence, se change en hipocras: Pour l'hoste de la Rose de Blois, on le voit aujourduy transsubstantié en M. de Buffy-Guibert. Les impôts de la France ont transsubstantié les champs du laboureur en paturages; les vignes en friche; les laboureurs,

en mendiens ; les soldats, en voleurs, avec peu de miracle. Les vilains, en gentils-hommes ; les valets, en maîtres ; les maîtres, en valets ; les argoulets, en hauberaux ; les Princes, en Carbins ; les partisans, en momie, s'il plait à Dieu, notifiée au gibet ; & en nos jours, des insolens, en des souverains, & des Princes à la mode, *in partibus infidelium*. Quelle alteration a souffert le domaine du Roy ; Qui est-ce qui ne s'escrie en passant, *o domus antiqua, quam dispari domino dominaris !* Les putains des Princes sont transsubstantiées en femmes ; & les femmes en putains. Les maquereaux s'en vont Marquis. La Varenne a transsubstantié les potages de cuisine en hipotages d'Estat, & les poulets de papier, en poulets de chair humaine. Pardonnez à Morlas, s'il a fait semblant de croire la transsubstantiation, luy qui s'est veu dans le berceau, changé d'un bastard de Sallette, en fils d'un cousturier ; de là nourry par les aumosnes des Eglises de Pau, puis escolier aux despens de la Reine, d'escolier devenu Ministre, espion des Huguenots à Paris, d'espion gendarme, de gendarme disciple de du Perron ; de là Courtisan ; de Courtisan traistre, & enfin general des vivres. Qui pourroit dire les changements notables de Lansac, de Laverdin, du Marquis de Bell'isle (Monluc), & de Protasius (Balagny) ? Le feu Evesque de Valence ; qui ne croyoit point la Transsubstantiation, qu'eust il dit de voir son fils de Champis Capitaine ; de Capitaine Prince souverain ; de Prince poltron ; de poltron, banny ; de banny, Marechal ; de Marechal, Cocu, & Marechal aussy cocu que

que le Marechal Vulcain ? Mais ce qui m'a confirme davantage en la créance de la Transsubstantiation, ç'a esté le, Connoy toy toy-mesme, en voyant combien j'ay changé & augmenté mes substances. Je me suis veu d'escolier Conseiller ; de Conseiller Ambassadeur, d'Ambassadeur saffranier ; de saffranier matois ; de matois financier ; de financier Colonel, Capitaine & Chastelain du petit Chalons. C'eust esté encore un bel atgment de transsubstantiation estrange, si le Comte Maurice eust esté aussy prompt à contribuer les 400 m. escus, que furent ceux de Berne & Geneve les 10 m. escus sur les gages de ma troisième conversion. A propos je ne conte point mes quatre commissions entre mes notables changements. Mais laissons cela, & disons, que si je me fusse veu Comte de Bourgogne, j'eusse payé mes Suisses en sel. Rolan eust gagné le cœur des peuples comme primat du Païs, & on y eust accommodé les religions. Je sçay bien où j'eusse marié mes enfans. Mais je change trop de discours en parlant du changement de conscience. Nous avons veu la salle basse du Louvre changée en salle de comedie ; de salle de comedie, en salle de tragedie ; de Palais de Rois, en gibet, quand le president Brisson & ses compagnons y furent pendus : & depuis reconciliée au Dieu de paix, par la predication de sa parole. A quoy je n'adjousteray plus que l'exemple de M. de Mercueur ; qui de petit Prince morfondu, se vit beaufreire du Roy ; de là, gouverneur de Bretagne ; de gouverneur, tyran ; de tyran, Duc ; & par fantaisie la frayeur de la France, & l'esperan-

rance de l'Espagne. Il est tellement transsubstantié que c'est aujourduy le proverbe des Espagnols, le mespris des François, la honte de Lorraine, le desdain de la Bretagne. Il n'est ni Duc, ni tyran, ni gouverneur, & luy qui avoit gaigné des batailles, a laissé ruiner cette belle grande fortune, sans tirer un coup de pistolet, hormis apres la paix faite, un pauvre pet qu'il fit l'autre jour de sang froid en la presence du Roy.

LIVRE SECOND,

CHAP. I.

*Dialogue de Mathurine, & du jeune
du Perron.*



QN m'a donné une piece nouvelle de Theologie moderne, digne, à mon advis, de tenir place en cette honneste marqueterie. C'est une honneste conference, entre les conferences que le siecle a conferées: & vous verrez par là combien la bonne mesnagere S. Mere Eglise R. employe de gens à ramener le monde à la grande voye. Mathurine sortoit de faire leçon à Vignoles, chez Madame de Monluc: du Perron alloit faire la sienne; qui changea de couleur à la veüe de Mathurine, passa la main sur son front chauve, puis commença: Et à vous, belle dame: on m'a dit que vous vous vantez par tout que vous avez converty S. Marie du Mont. *Math.* Et qui seroit-ce donc, mon bel amy? *Per.* Par ma foy il y auroit bien de l'apparence,

ce, vous estes une belle Theologienne. *M.* Oui, comme s'il falloit convertir les gens par la Troulogie. C'estoit du vieux temps, quand on faisoit à la pareille. Hé pauvre Job, te souvient-il pas qu'il me le promit la nuit, & que j'en allay donner la bonne nouvelle à ton frere, si matin, que je trouvay là la De la Cour, qui sortoit de sa chambre ? *P.* Tout beau, Madame la galande, parlez vous ainsi d'un tel Prelat ? *M.* O mon amy, cela n'empesche point la conversion, tesmoin la Chesnaye, qui pour estre venu trop matin, vit un chaperon dans les sacrées besognes de ton frere. *P.* Laissons là les sottises ; car je me fâcherois, en continuant propos ; je ne dis pas que S. Marie ne t'eust promis la nuit ; mais le jour precedent, j'avois precedé à l'instruction, tesmoin trois charges de livres, qui furent portées chez Madame la Marquise. *M.* Et penses tu, que je ne sçache pas à quel jeu vous jouâstes, au lieu de disputer ? Mon amy, ce fut moy qui entray par tout, & qui entray la premiere en familiarité avec luy : je luy appris le pont du coil, le coil du pont : je luy mis la main à la braguette, aussi privément que je fis à toy à nostre premiere connoissance. Tu ne l'as accosté de deux mois après moy : pour le moins ay-je l'honneur de t'y avoir appelé, pauvre pelé. *P.* Vrayement elles sont belles, tes entrées. Et penses-tu, que pour avoir hurlé un air de la façon de Guedron, tu ayes accès à venir parler de choses si difficiles que la conversion ? *M.* Et penses-tu, que l'invention que tu as trouvée de traduire les epistres familiares de Ciceron, pour te rendre familier, soit quelque chose de bien ferial ?

ferial; J'ay ouï dire à la Brosse, que quand il estoit regent de la troisiéme en Bourgogne, il eust fouëtté ses grimaux, s'ils n'eussent mieux fait. *P.* Penses-tu que je ne luy aye rien appris que cela ? il estoit tout brutal & barbare, je luy ay appris à parler des Peres, sans les avoir leus; des Conciles mesmes, & luy ay fait part, non seulement de la Matheologie, mais à parler de l'Estat, à admirer ce grand corps d'Espagne, à regler tout au conseil de Rome, & m'a valu luy monstrier jusques aux termes: au lieu de dire le Pape, je luy ay appris à dire sa Sainteté; au lieu de Roy, sa M. il disoit le petit la Roche, Zamet, la Varenne; comme s'ils estoient encore nains, valets de garderobbe & cuisiniers, & luy ay appris à dire, Monsieur de la Varenne; & l'r bien sonnée; ainsi des autres: il se prit à rire quand je luy dis, que parler autrement, c'estoit un espee de lese Majesté. Mais je luy fis voir que ce crime avoit bien plus de poids au temps passé, & qu'honorer à demy les'creatures de sa M. estoit manque de respect au createur. Je luy appris encore à dire souvent, maxime d'Estat, maladie d'Estat, periode d'affaires; interesser, prendre la garantie, faire fortune, courir risque, simboliser, jalouser, ambitionner, un esprit poly, & mille autres termes en cette façon, à quoy on'connoit aujourd'hui une belle ame. *M.* Bel asne, mon amy, je ne luy ay point appris toutes ces pedanteries; mais bien ses contenance: il marchoit droit comme Gaillars, faisoit les reverences pardevant, il ne rioit point s'il n'y avoit de quoy rire. Je luy donnay de la tablature de M. le
Grand

Grand. Je luy appris à tourner les talons en dedans, à cheminer en oye, & de pareille gravité, à escrimer des deux bras, à s'amonceler le ventre, à reculer la teste, à la bordeliner de bonne grace, à faire les reverences en quan, & en revers, à rire du coin des dents, ou comme un chien à qui on presente de l'ail, à parler de la gorge, à peigner ses cheveux, au moins aux pauses des Discours, à dire Ma foy hay, au lieu de dire Ma foy. Il a bien appris à dire toutes les admirations, comme, *Jesus*: le plus du monde, oh, oh, oh, : il y a de l'excès: c'est pour en mourir. Quand il rencontre un des fardés de la Cour: *Ho!* que vous estes bien aujourduy espanoui comme une rose, & là-dessus parler des couleurs selon la nouveauté, & comme elles sont deduites dans ce meschant Fenestre. Je luy ay appris à mettre des roses par tous les coins, où le Marquis de quatre sols en porte; à relever sa ceinture à la fosse de l'estomac, comme le petit Auger, barbier de Paris; à faire accroupir le chapeau à ses perruques, quoy qu'il portoit son rabat sans empois, comme du temps des hausse-cols; je luy en ay donné six, qui viennent jusques à la moitié de l'eschine, & des manchettes jusques aux coudes. *P.* Vrayement il t'est bien obligé. Il estoit allé disner chez le Marquis de Beuvron; comme ils lavoyent, le Marquis d'Arly, qui tournoit la teste à ses visions, prit une de ses manchettes pour la serviette, & s'en essuya les mains. Mais moy, je luy ay appris des choses serieuses: comme à deviner des premiers ceux qui entrent en faveur; entre vingt paroles dire dix fois. Monsieur;

sieur : feindre le bizarre, se retirer en un coin, courtoiser les valets de ceux à qui on voit un beau commencement , non seulement des Princes & Cavaliers, mais aussi de gens de robe longue courtisans ; comme les présidents d'Aubeville & de Caumartin , doctes en jurisprudence moderne, & qui sçavent bien faire un procès à la mode, se trouver à leur dîner, & se faire caresser chez M. le Chancelier pour sa réduction M. Et n'appelles-tu rien le branlement de la main, à faire enfler les plis de son collet, à la mode de Gratiane, & enfin tout le petit dictionnaire de la mode , contrefaire toutes les douces mines de Fécamp, si bien que le Marechal d'Ancre l'a nommé le bel Egyptien, & le compte entre les beaux ? Enfin je luy donnay une entrée, de laquelle il se sent tant mon obligé, que c'est pour l'amour de moy qu'il porte cette corne de cheveux. P. Allez morbieu, vous estes une maquereille, pour tout potage ; & qu'on die à Rome, que c'est vous qui avez converty S. Marie ? Les Huguenots diroient bien que pour amener les paillards à la grande putain de Rome, que les maquereilles seroyent nos docteurs. M. Et depuis quand, frere, dis-tu mal du mestier ? A quoy as-tu gagné chaufses & pourpoint, avant que ton frere fust Evêque, qu'à produire à l'université la controleuse, la libraresse, & la femme du chandelier ; je t'en nommeray vingt, qui t'ont bien contenté d'un pauvre quart d'escu. Mais quand ton frere t'eust donné ce manteau doublé de mizane, tu pris credit aux conseillers, & depuis aux presidentes, & tu fus lors

R

le

le maquereau de la Cour du Parlement, & puis de la Cour. Tu ne devois point venir oster les pratiques à la pauvre M. du Tillet, & à moy. Elle ne produit que pour avoir credit, & moy, qui suis pauvre fille, j'ay besoin de toutes mes pieces. Escoute, si la du Tillet te peut faire bailler sur les jarrets, il y paroitra. Et puis la Reine a desjà dit à la Marquise de Guercheville : *Io ho inteso che questo Perro si diletta della ruffaneria.* P. Par Dieu, tu es une meschante langue. Je ne crains ni la du Tillet ni la Tignonville. Et pour toy, comment oses-tu parler, qui couches avec les laquais, pages & Suisses ? Tu as donné un chancre au Pont du Courlay, & à Engoulevent la verole. Enfin au Baron de Vignoles, en traittant de nos conversions. Le pis est que tu es bougreffe ; car tu as gagné le cheval & ta robe de velours verd figuré, en payement du pucelage de ton petit..... à M. le Grand, sans rien nommer. Tu es laide comme un diable : la teste molle comme feu sibilot, tonduë, puante par les aisselles, & par les pieds. Va au diables, tu me feras rendre gorge. M. Teste pelée, teste de S. Innocent, bougre agent, bougre patient au temps passé : me feras-tu dire que ton frere te vendit à l'Abbé Tiron ; veux-tu que je conte de toy, & de ce beau parain d'amour sacré, autant de sodomies, bestialités, forcelleries & empoisonnements, qu'il y en a en l'abolition de La Fin, & en la Legende de S. Nicaise ? P. Ho, vertu bien, je te feray taire, maraude. M. Aux mains coquin. Voila Flamberge, qui en fera raison. Ne te jouës pas à moy. Ne sçais tu pas que j'ay une

arquebusade au travers de la cuisse, & que je suis soldate; *P.* Je sçay bien que tu as esté goujate, & que tu as couru le regiment de Picardie. Mais ne faisons point icy la comedie, ne reprochons point nos ordures, & te contente, que c'est moy qui ay converty S^{te} Marie, par argument de la visibilité, & de la succession personnelle. *M.* Tu as menty: il te répondit, que s'il falloit à l'Eglise un conducteur visible, il faudroit un visible S. Esprit. Et quant à la succession personnelle, il dit, que nous serions tous fils de putains, puisque les prestres ne sont pas mariés. Mais je l'estonnay moy, qui avois couché deux ou trois nuits à S. Martin, pour apprendre les arguments de Cahier: je luy appris comment Caïn avoit chanté la Messe, & commis le sacrifice de l'autel, en la personne de son frere Abel. *P.* Ho! voila un sot argument, Cahier ne paye-t-il point son hostesse de meilleure marchandise? Avez-vous point fait le petit homme? *M.* Ha ma foy nenny, il faut qu'il sue encore une fois. *P.* Ho! que pour cettuy-là, pour des pois tu luy rendrois des feves: ce n'est pas ce que je veux dire. As-tu point aydé à souffler le feu lent sous la coque d'œuf où est le germe, la foye cramoisie, & cela de quoy les magiciens faisoient leur pasque avec la petite mandragore &c. *M.* Il m'a bien montré dans un cabinet ce qu'ils appellent l'œuvre de creation; mais de verole, attens que les cheveux te soyent revenus, & puis nous en parlerons. *P.* En ma visite chez la Princesse tu me sçaurois nuire par ta mesdisance. Pour ton argument, s'il estoit ainsi, Judas, les Juifs, & les bourreaux

feroient les predecesseurs de nos prestres: Mais je l'arrestai là tout court, par un sophisme bien mieux troussé. Croyez vous, dis-je, que le Pape est l'Antechrist? Oui, dit-il, il n'est pas Chrestien qui ne le croit. Je replique. Or cet Antechrist doit s'asseoir au temple de Dieu, qui est l'Eglise: le lieu donc où est le Pape est l'Eglise, & l'Eglise sans faillir. M. Je sçay bien que tu luy dis cela, & qu'il ne respondit rien: Mais il me dit au soir, que cela luy avoit fait peur, qu'il n'y eust point moyen de prouver l'Eglise de Christ, que par le regne de l'Antechrist. Là-dessus je le relevay d'un autre argument, de l'invention de Bonniere, ou du moins de Guedron, & du Couroy, qui l'ont converti. P. Ha, de cettuy-là je l'advoüe: car il a mieux aymé chanter la palinodie, que de prendre la surintendance des Chartreux. M. Laissez moy achever. Vous dites, Messieurs les Huguenots, que ceux qui aujourduy tiennent les premiers rangs en l'Eglise R. sont brigans & voleurs, qui pillent le bien des pauvres. Or il est dit: Ma maison est une maison d'Oraison, mais ils en font une caverne de brigans: Or donc puisque nos gens d'Eglise sont brigans, nostre Eglise, qui leur sert de caverne, est par consequent, & de nécessité, maison d'Oraison. P. Par le corps bieu! Il faut que j'advoüe que tu es une bonne vilaine. Ce trait est bon & delicat. Et tout de mesme sur ces mots: *Et sederunt Scribae & Pharisei supra Cathedram Moysi.* Nous maintiendrons, que tenons la chaire de Moïse. Qu'il faut faire tout ce que nos Evesques disent; car il ne faut pas faire leurs œuvres, les-

lesquelles, aussy bien que leur doctrine, les monstrent en tout & par tout Scribes & Phariens. Mais pour te rembourser, je t'en apprens un autre, que je garde pour Vignoles. Quand il faut prouver que S. Pierre a esté à Rome, nous alleguons l'epistre de S. Pierre; là où il fait des recommandations de ceux qui estoient avec luy à Babylone. Nous ne pouvions nier aux Huguenots, que Rome n'eust ainſy nom, & particulièrement en l'Apocalypſe, puis donc que Babylone estoit Rome, S. Pierre a escrit de Rome. M. Celle-là pourra servir avec les gages que luy donne Monluc. Converti de ton costé, & moy du mien. J'espere faire parler de moy. J'espere desbaucher quelques-uns des apostres de ton frere, comme j'ay fait de ses trompettes la Brosſe & Beaulieu. Je leur changeray de tant de viandes, qu'ils parleront de mes conversions, comme ils ont commencé chez la Conneſtable à un diſner, où ils dirent, que j'avois plus porté S. Marie à la conversion, que ton frere le Convertiſſeur. Vois-tu, ils ſont las d'attendre. Ton frere parvint par les louanges de l'Abbé Tiron; perſonne ne s'avance par celles de ton frere. Ils m'ont fort bien dit, qu'ils ne le loueroient plus. Pourquoi ne les a-t-il contentés, puis qu'ils estoient loués pour louer? P. Quant à Duret, on connoit ſa langue. Il fut bien ſi impudent à l'Arſenal, de dire devant moy, qu'il ne venoit point diſner, quand mon frere & l'Abbé Tiron y feroient, ſi on ne marquoit leurs verres, & que l'un estoit pourry de verole, & l'autre de lepre. Si ces emiſſaires cherchediſners ſe veulent eſgaler à mon frere, on

leur respondra ce que fit le Comte de Tonnerre à Beaulieu, lequel parlant d'une mascarade, disoit à tous propos, les Comtes de Soissons, d'Auvergne, & moy. Tonnerre luy fit souvenir de la fable des estrons, *etiam nos poma natamus*. Mon frere n'est plus de leurs amis, & ne leur aidera pas à demesler cette fusée. Or ils ne nagerent plus ensemble, parce que M. le Comte a commandé au Capitaine de ses gardes de luy couper les mains, & le jeter dans la riviere, & là-dessus il alla demander graces au Roy à genoux, pour commettre ce meurtre, qui devoit estre daté du jour du commandement. Est-ce pas une grande impudence, d'avoir osé dire & escrire en assés mauvaises rimes, que le Roy & M. de Rosny, pour l'Espargne, à laquelle ils estoient si attachés, devoient congédier les comediens; encore que le Roy, par une prudence à luy particuliere, ayant defendu l'autre hiver sept restons (il est vray qu'ils estoient rongés, car il les avoit tirés au jeu, & encore trois restons & demy); celuy-cy pour ouïr les comedies, a trouvé une belle invention: c'est qu'il a menacé les comediens de les interdire, s'ils ne vouloyent recevoir sa personne, sans payer, & depuis encore a eu le mesme privilege pour Mad. la Marquise; & si on dit qu'ils avoient tous les mois quelque comedie au soir, qui ne leur coustoit rien. Tout cela n'a pas empesché que ce Duret, je ne sçay s'il pense devenir tresorier de l'Espargne, ne luy ait conseillé de chasser les comediens, allegant qu'il avoit dans sa Cour la comedie toute complete. Qu'il avoit pour capitaine Upance Vitry, qui

qui est devenu zbizé. Le Comte de Soissons, qui jouë le docteur, quand à voir sa mine de magister de classe, il fait ses leçons de guerre à la porte du cabinet. Il commence par conclusion en ses comedies. Il dit aussi que le Roy a pourveu à ses personnages, que les Italiens representent *Rempino forza impica* qui sont tous deschirés, il a en sa basse cour force Maistres de Camp & Capitaines, comme Gourdeau, qui jouient ce personnage. M. Mafay, aussi ton frere veut estre le premier de trop loin. Il avoit bien à faire de mescontenter Sallette, & un autre de ses apostres, pour cette garce de Condé? Il ne peut endurer de compagnon, & ne peut s'endurer soy-mesme. Et toy, à cause que tu as appris le Latin par escalade, tu ne voulois pas tantost m'endurer pour ta compagne à la conversion de S^{te} Marie. P. Pour le moins si quelqu'un de nous deux est le second en merite, il faut que le plusjenne & le plus nouveau ait appris du plus vieil, & soit son imitateur, par tout droit de nature. M. Garde toy bien d'establis cette maxime, & en donner advis à ton frere: car les Huguenots en feroient trop leur profit. Sçais-tu pas bien que toutes les ceremonies des Catholiques de Calicut, où l'Eglise adore visiblement le Diable, sont toutes semblables aux ceremonies de l'Eglise Romaine, en diversité de moines & de moinettes, de jeûnes, confessions auriculaires, comme il est dit plus au long ailleurs, jusques au nom de leur souverain Pontife, qui s'appelle Pape, & a la tiare du Pape, qui n'a pas un clou moins que celle du S. Pere? Les Jesuites disent là-dessus

R 4

que

que c'est le diable, qui est finge du bon Dieu en terre : & les Huguenots au contraire maintiennent, que ce sont les Papès, qui ont esté en tout & par tout les finges du Diable, par la mesme raison que tu as dit, c'est que le Diable est le plus vieux. Or regarde par où tu te lairras emporter, pour l'ambition que tu as contre moy. *P.* Parle bas. Le Diable la folle. Voila le Baron de Salignac qui passe. *M.* C'est tout un : c'est un de mes peres d'élite. *P.* Tu veux dire profelytes, fausse vessie que tu es. Attens, le voila passé. Voy-tu ! il a des heures qu'il maugrée de s'estre converty, & des autres qu'il n'y pense pas. Je ne voudrois pas pour beaucoup qu'il nous eust escoutés, ou quelque autre, qui ne fust pas bien resolu. Tu m'as appelé maquereau, Je t'ay appelée paillardes, qui t'est encore plus honorable. Qui croiroit que telles gens sont propres à retirer de l'heresie, & à sauver les ames qui sont en danger ? *M.* Pour toy, maquereau major, cela est sans exemple ; mais non pas pour moy, qui suis pauvre paillardes, comme estoit Rahab. Sçais-tu pas bien que Rahab paillardes retira & sauva les Espies d'Israël ? Et ainsi moy, & force autres paillardes à la Cour avons retiré S. Marie, qui n'estoit pas espie pour Israël, mais il servoit d'espion au Roy parmy les Israélites Huguenots. *P.* Touche-là. Je suis ton serviteur, & si j'oy plus dire que tu as donné la verole à S. Marie, je diray bien que non, & que tu l'as encore par devers toy. *M.* Dis que tu as trouvé ta maistresse. Bonjour. Je m'en vay conter nostre dispute à Guedron.

C H A P. II.

De la réunion de la religion.

Estant chose tres-malaisée de destruire l'opinion des Huguenots par disputes, ni par persecutions, nous avons tres-bien designé d'y proceder par réunion de religions, par les ouvertures & intelligences des Ministres gagnés: mais de fix qu'ils estoient, il y en a cinq de morts, & l'autre chassé. Pour certain il n'y avoit point de danger de leur quitter force points Theologaux, pourveu que l'autorité de l'Eglise & du Pape demeuraissent entiers. La raison en est prompte; qu'eux estans soumis à l'autorité, eussent apres facilement perdu les raisons par elle. Et quand nos Jesuites se sont opposés à plusieurs articles, que l'on leur vouloit conceder, ils ignoroient le dessein; & quelques-uns avoient pour but la guerre civile, plustost que la paix de conscience. Or voicy ce que nous autres honnestes gens voulions que l'Eglise Romaine laissast aller. Premièrement que le service fust en François, pourveu que l'on ostant quelques drolleries, qui eussent fait rire les gens: comme de commencer la Messe par un *C*, & autres absurdités, qui sont proprement & subtilement escrites par Bernard Ochino, au traité *della natività della Missa*. Quant aux ornements, en oster les plus ridicules, & pour le reste, respondre à ce que dit le dit Ochino, que c'est la Cene du Seigneur desguisée, & qui s'est faite religieuse, *per parer più Santa*. Qu'il fust permis aux prestres de se marier, & quitter

leurs femmes , quand elles seroyent fascheuses. En tout cas user du S. Decret, & de ses libertés, comme il est porté au Canon, qui porte, *is qui non habet uxorem, loco illius, &c.* Il est dit notamment *in rubrica decreti, Quid qui non habet uxorem, loco illius debet concubinam habere. Ita nefas Episcopum creari, nisi saltem unius concubinae dominum.* Distinct. 34. qu. 9. per de Var. Stud. vol. lib. 4. §. 5. Villavinceni ibid. c. 4. Si ces privileges estoient bien établis, fils de putain qui ne seroit d'Eglise. Après nous voulions oster tous les jeusnes; sinon aux pauvres & aux malades. Eviter cette frayeur de purgatoire imaginaire; sans toutefois gaster la priere des Saints, de peur de ruiner l'Eglise. Je ne dis pas sans raison, oster le purgatoire. Il n'y a rien qui aye fait tant d'esprits curieux de leur salut vers la fin, que ce qui s'ensuit. Un prestre consolant son malade, enseigne que les angoisses de la mort sont les entrées aux gehennes du purgatoire. Un Ministre, qu'elles sont comme angoisses d'enfantement, pour entrer en la vie bien heureuse, & se fonde sur ce texte: Tu seras aujourduy avec moy. Je diray hardiment que l'Indice expurgatoire devoit donner une touche à ce passage. Or le goust de ces deux differences de mourir a fait renier le purgatoire à beaucoup de bons Catholiques au lit de la mort, où les esperances & les craintes de ce monde font place à celles de l'autre. Nous leur eussions donné par le marché le vendredy & samedy, le quaresme & les vigiles; sinon que la police en eût autrement ordonné, comme en Angleterre, & par ce moyen nous eussions

fions fait paix avec S. Paul, au 4 de la premiere à Timothée. C'est encore une oubliance à l'Indice, il falloit oster ces marques de la revolte de la foy, des abuseurs, des docteurs de mensonge, d'hypocrisie & de doctrine des Diables. Calvin n'eust pas sceu dire pis. Que nul lise S. Paul jusques à l'accord fait, & bien signé, & le fonds des pensions des Ministres consentans bien assigné. En mesme temps l'autre Eglise devoit reprendre les pompes, la musique, les danſes, force festes, & beaux & grands revenus d'Eglise. Ces Ministres eussent esté en carosse, force chiens & oyseaux à leur suite. Nous eussions estably le franc arbitre: sur tout chasser cette fascheuse discipline, qui leur a fait perdre tant d'honnestes gens. Nous n'eussions point tenu entre les pechés la simple fornication, ni l'adultere par amour, suivant le cahier de Cahyer en son docte livre du reſtabliſſement des Bourdeaux, & ſa docte diſpute ſur le 7 Commandement. Je dis le 7, parce que nous avons remis le ſecond, que le Concile de Trente a voulu oster: mais il n'y a pas moyen de couvrir cette honte. Ce 7 Commandement, qui eſt, *Non machaberis*, defend ſeulement le peché des enfans d'Onan, car *μοιχεύειν* derive ſelon cette Theologie moderne *από τῆς* *μοιχῆς* & *χένειν*, *quod eſt humidum fundere*. C'eust esté une brave religion, qui eust reſſetté les incommodités des deux, & eust eſtably ce qui eſt plaufible à l'une & à l'autre. Chacun y eust esté receu & content; nul dechaffé. Je ſçay que des Ariſtarques controlleront mon bon deſir; mais je dis contr'eux: Pre-

mierement que S. Eglise doit avoir les bras ouverts à toutes sortes de gens. Or ce n'est pas les recevoir ; que de chasser leurs vices ou incommodités. Ce sont les Huguenots , qui disent que l'Eglise n'est que des esleus. Et à ce propos nous les renvoyons icy à un Sonnet, qui prouve bien cttre matiere , ce me semble. Il se trouve en son lieu , & commence ainsi : *Huguenots , vous voyez qu'au doux sein de l'Eglise , &c.* Secondement je demande à ces fourcilleux , s'ils veulent estre plus sages que les Apostres ; qui voulurent enterrer le Judaïsme avec honneur ? Vous voyez dans l'epistre aux Galates , comment M. S. Pierre s'accommodoit en galand homme aux humeurs & aux infirmités des Juifs. S. Paul l'en reprend ; mais, comme disoit frere Gilles, il se seroit bien passé de dire beaucoup de choses qui sentent le fagot. Mais espluschons aussi ce que firent nos S. Peres, quand ils voulurent enterrer le Paganisme avec honneur. Ils nous ont appris à peindre nostre Dame à l'ancien modele de Veste, tenant en son sein Jupiter Bambino : la Trinité comme Medius-fidius. Ils ont mis la Guillan-neuf en la place des Saturnales, les Roys pour les Lupercales, le Mardy-gras pour le jour de la feste de Baccus & des fous. Ils nous ont laissé le premier jour de May pour l'amour de Cloris, en la place de laquelle est canonisée S. Thaïs : les Perveils, autrefois appellés *pervigilia*, se font encore à Beaucaire le jour de la Magdelene, en commemoration de sa premiere vie. Les putains ont une messe à part, apres laquelle elles vont courir le prix qui leur est ordonné. La chandeleur, qu'est-ce autre

autre chose que le *Februaris* des anciens, avec leurs chandelles allumées; *arvalia*, ce quel'on fait au temps des moissons? & la veille de la S. Jean n'est autre chose que *palilia*, feste de Pales Deesse des troupeaux, que l'on croyoit garantir de tous maux, en les faisant passer pres des feux, que l'on allumoit durant la nuit. Ce que les anciens appelloient supplications, nous le retenons en nos processions; notamment à Poitiers, où l'on fait processions, pour demander de l'eau aux Naiades, & à Paris la Descente de la chaise de S. Genevieve est à mesme fin. Nous avons encore de la gentile antiquité l'eau lustrale, & le pain & le vin que l'on porte aujourduy sur la fosse des morts: dequoy il eschappa un jour au bon homme Benoist de dire, *ista paganismum sentiunt*. Mesmement les instituteurs de nos ceremonies n'ont pas eu honte des plus anciennes pieces de l'antiquité, puisque l'on a adoré le Dieu des jardins en tant d'endroits de la France: Tefmoin S. Foutin de Varailles en Provence, auquel sont dediées les parties honteuses de l'un & de l'autre sexe formées en cire. Le plancher de la chapelle en est fort garny, & quand le vent les fait entrebattre, cela desbauche un peu les devotions à l'honneur de ce Saint. Je fus fort scandalisé, quand j'y passay, d'ouïr force hommes qui avoient nom Foutin, la fille de mon hostesse avoit pour sa maraine une damoiselle, nommée M. Foutine. Quand les Huguenots prirent Embrun, ils trouverent entre les reliques de la principale Eglise un Priape de trois pieces, à l'antique, qui avoit le bout rougy, à

force d'estre lavé de vin. Les femmes en faisoient le S. Vinaigre, pour estre appliqué à un usage assez estrange. Quand ceux d'Orenge ruinerent le temple de S. Eutropy, on trouva une mesme piece, mais plus grosse, enrichie de peau & de bourre. Il fut bruslé publiquement en la place par les heretiques, qui cuiderent tous crever de puanteur, & le tout par miracle & punition du Saint. Il y a un autre S. Foutin à la ville d'Auxerre. Un autre en un bourg nommé Verdre, aux marches de Bourbonnois. Il y a un autre S. Foutin au bas Languedoc, diocese de Viviers, appellé S. Foutin de Cives : & un autre à Porigny, où les femmes ont recours en leurs grossesses, & pour avoir des enfants. Voila comme nos docteurs ont appointé le paganisme avec nous. Il faloit de par Dieu ou de par l'autre, descoudre, & ne deschirer pas, comme ont fait ces Ministres fascheux, qui ont voulu servir Dieu avec trop de pureté. Je trouve la Riviere, premier Medecin, de meilleure humeur que ces gens-là. Il est bon Galeniste, & tres-bon Paracelsiste. Il dit que la Doctrine de Galien est honorable, & non mesprisable pour la pathologie, & profitable pour les boutiques. L'autre, pourveu que ce soit de vrais preceptes de Paracelse, est bonne à suivre pour la verité, pour la subtilité, pour l'espargne; en somme pour la Therapeutique. Partant il fait de son ame comme de son corps: estant Romain pour le profit, & Huguenot pour la guerison de son ame. M. Gervais, Philosophe de Magné, le prend plus haut. Car sans paradoxe il maintient, que toutes les guerres

res ne sont nées que faute de grammaire. Si nous eussions suivy *Grandem matrem*, nous eussions bien parlé, parlant bien nous nous fussions entendus. *Ergo* d'accord; car les discords ne s'esmeuvent que faute de s'entendre, Sa premiere regle estoit, que l'on fist un grand retranchement de tresoriers, qui sont les participes; d'interjections, pour oster les exclamations aux prescheurs; de quelques noms & de plusieurs adverbes, comme corporellement, transsubstantiellement, chammellement, & autres tels. Ce gaillard se vantoit de sçavoir plus d'Estat que Bisouze, ni que son basque, ni que M. de Royan, Ambassadeur en Canada. Mais pour fortifier encore mon bon œuvre par exemple, Roquelaure disoit, que qui ne voudroit juger de differents à trois coups de dez, comme Bridoye, il faloit enfermer une douzaine de Docteurs & autant de Ministres avec vivres pour un jour, & ne leur en bailler plus, qu'ils n'eussent devalé par une fenestre leur accord bien escrit & signé. Le Curé des Eschillets disoit pourtant, que ce seroit supercherie, parce que les Ministres sont accoustumés de vivre petitement. Quant à luy, pour ne tomber point en ces peines, il mit les religions d'accord en sa paroisse, & quand on luy apportoit un enfant à baptiser, il demandoit de quelle religion estoient les peres & meres. S'ils disoyent, Nous sommes de la religion de nos peres, lors il couroit à l'autel & à l'estole, & demy vestu commençoit *adjutorium*, *Adjutorium nostrum in nomine Domini*. S'ils disoyent qu'ils avoyent la connoissance de Dieu par sa grace, il tournoit

noit une chaise devant derriere, & mettant les mains sur le haut, il commençoit apres l'interrogation : Nostre Seigneur nous monstre en quelle pauvreté nous naissons tous, &c. Si c'estoit un mariage, apres pareilles questions, Il se mettoit sur *Adjutorium*, ou Nostre aide soit au nom de Dieu, &c. Puis, Dieu nostre Pere, apres avoir formé l'homme, &c. Voila un habile homme cettuy-là, & non pas ce passionné frere Jean Bonhomme, qui peta sensiblement de colere en la chaire, en criant sur la conversion du Roy : Courage, mes paroiciens, les heretiques sont bien estonnés; ils n'osent plus nous appeller papistes, ni manger la chair en quaresme devant les gens, ils chommeront les festes, quelques Ministres s'y accordent, ils sont devenus mols comme couilles de Lorraine, & nos bons Catholiques se-roidissent comme beaux vits d'ases de Mirabeau. Or voila en discourant de l'accord des religions une description de la mienne.

C H A P. III.

Des causes qui me poussèrent à ma deuxième reformation, qui fut ma troisième conversion.

DAniel, comme dit son livre, preschoit à fenestres ouvertes, ayant la face tournée vers l'Orient. O que je vis un jour triompher M. le Convertisseur sur ce texte. C'est un merveilleux homme, quand il trouve un point de Matheologie propre pour ses allegories. C'est, disoit-il, que comme Daniel, pour faire sa priere, tournoit sa face vers le soleil levant, il faut

faut toujours qu'un galant homme adresse toujours ses devotions vers le soleil levant, aux grandeurs naissantes, & tourne le dos à celles qui vont en decadence. Je ne fis pas grand cas du feu Roy depuis la feste des Barri-cades, mais ayant promptement jugé les prosperités de cettuy-cy, j'ay tourné mes devotions aux rayons de ce beau soleil levant, lequel apres avoir dissipé tous les nuages, mettoit entre ses mains toutes les forces du feu Roy, à ses pieds celles de la Ligue. Je revenois d'Auvergne, & des confins d'Italie, où j'a vois appris qu'à Rome les disputes publiques avoyent pour theses ordinaires la comparaison du Roy d'Espagne, & de celuy de France. Les devineurs de-là trouvoient par figure de Geomance, par oracles, par le nom fatal de Bourbon, que ce Prince doit convertir les hierarchies à l'Empire, la chaire en throne, & les clefs en espées, qu'il doit mourir Empereur des Chrestiens. Les Venetiens adoroyent le soleil levant avec telle devotion, que quand il passoit par leur ville un gentil-homme François, ils couroyent apres luy de mesme ferveur, que les forcenés papimanes apres le Pape de Rabelais; crians l'avez-vous veu? Sur l'adveu du gentil-homme les meilleurs de leurs peintres contrefaisoyent son portait, & si-tost qu'il se trouvoit un tableau reconnu pour semblable au Roy, le passant estoit traitté publiquement. Et apres que les pantalons avoyent demeuré demy heure la bouche beante de quatre doigts, comme ravis en admiration, le peintre, outre le prix ordinaire, en recevoit un present & honneur public, & le tableau

bleau estoit logé en lieu sacré. A la Cour de l'Empereur & en Pologne on oyoit vœux publics, pour mettre l'Empire en ses heureuses mains, avec dispute pour la réunion des religions, ou la tolerance de toutes. Force discours d'amener l'Italie à cette raison, & de rendre le titre de Roy des Romains efficaceux, & nonpoint titres vains. Pour la réduction du Pape à son Evesché. Le Duc de Saxe faisoit faire en sa presence des homelies sur les similitudes de David & de ce Prince, honnoroit & guerdonnoit ceux qui trouvoient plus de grace au dernier qu'au premier, envoya jusqu'à Zurich une chaisne d'or de récompense à l'auteur du livre, intitulé *Carolus Magnus redivivus*. Ce grand lustre de reputation, secondé de tant d'exploits de guerre, que promettoit-il de ce Prince? se servant des divisions desja créées entre les Moscovites, Polonois & Suedois, les Transilvains & l'Empereur, & autres affaires du Septentrion; connoissant les infirmités du Roy d'Escoffe, les desseins divers sur la vieillesse de la Reine Elisabeth, les revoltes de l'Irlande, la vieillesse & mort certaine du Roy d'Espagne, l'ambition & la subtilité de sa fille, la pauvre reputation pour lors de son fils, les machinations des Princes d'Italie, pour parvenir à leur liberté, sur la decadence des ans & affaires de leur tyran. La Cour du Grand Duc ouverte au Roy. Don Cesar de Ferrare cherchant appuy en France pour la succession qu'il voyoit branler. Le Duc de Savoye en dispute pour l'accomplissement des points de son mariage. La Bresse perduë; le reste bien enfoncé par Lesdiguières, mal secouru par les siens.

fiens. Sur toutes choses les appareils des Turcs faisoient une merveilleuse distraction des esprits & forces de la Chrestienté. Toutes ces occurrences designoyent le Roy pour seul chef de la Chrestienté ; lesquels estimans en leurs cœurs, que cette personne estoit agreable à Dieu, par la pureté de sa religion, tous se preparoient à la souffrir, ou à la suivre. Je m'advisay en mesme temps de secouër le joug du Pape, & mettre au thresor de la guerre tous les benefices sans cures, changer l'ordre Ecclesiastique en ordre equestre. C'estoit mettre quatre fois le Perou entre les mains du Prince, sans la despenſe & les hasards des convois. Je m'en vins à la Cour, gros de ces ouvertures, pleines de tant d'avantages, pour estre compaignon de tant de belles esperances, maistre de tant de Finances, & bon serviteur de ma conscience par mesme moyen : qui estoit la derniere consideration. Jugez, Messieurs, si cette mutation n'estoit pas soutenable. En verité je ne connoissois pas assés la cabale du monde, les infirmités des Princes, & encore moins les grands interests des Conseillers de l'Estat à maintenir la Diane des Ephesiens.

C H A P. IV.

*Apologetique pour ma longue demeure
entre les heretiques.*

ASSÉS amples sont les considerations, par lesquelles je fus alleché à une religion desja une autrefois gouſtée & suivie, de laquelle j'avois esté jetté hors par les miseres qui
l'ac-

l'accompagnoient , lesquelles miseres sem-
bloient estre lassées d'affliger cette pauvre E-
glise , laquelle de militante prenoit le chemin
de triomphante. Quelque jour de salut m'y
allechoit : & quiconque aura autrefois essayé
tels combats d'esprit , m'excusera facilement ,
d'avoir quelque temps balancé avant que me
resoudre. Mais aussi ayant veu de loin , qu'il
faudroit faire le fault , je me resolus en moy
d'obliger le party Catholique, aydant premie-
rement à mon Maistre de faire la gambade,
afin que le valet la pust faire apres, sans honte.
Il fut donc question d'affoiblir le party Hu-
guenot ; pour à quoy parvenir il salut sapper
deux des principales colonnes : La premiere,
cette distinction d'Estat , par laquelle sous la
loy de treves ils estoient separés de nostre po-
lice. L'autre colonne estoit cette difference
des religions ; qu'il falloit rendre moindre, pour
puis apres l'annuler. Nous touchâmes à la
premiere de ces differences lorsque les Hu-
guenots se virent le cœur en joye, lorsque
mal à propos ils concluoyent , qu'ayans un
Roy & un Protecteur en une personne, ces
deux qualités estoient inseparables, sans perte
de la chose , *absque rei interitu*. Sur ce point
nous despeschâmes ce Maistre Aliborum du
Fay , justement trompeur & trompé, com-
me il a paru par son testament, auquel il a
confessé avoir trahi le party de Dieu, pour fai-
re sa fortune. Mais il y a defense de parler de
ce testament. Cettuy-cy ayant quelque caquet
à la bouche , & sur le front assez d'impudence,
mit en un mois la Messe où il vouloit , cassa
toutes les chambres de justice , leur fit quitter
toutes

toutes leurs finances, apprit à leurs gens de guerre à parler d'Estats, ne reconnoître que le Roy, lequel ayant ce point, mit tôt apres le Protecteur derriere : & puis quand ce nom de Protecteur luy pesa sur les espaules, il l'ensevelist aupres des Roys à la porte du temple de S. Denis. Pour faire toutes ces belles preparations à tous ceux qui demandoyent au Fay sa commission particuliere, du Fay leur monstroit la Clef des poulets de Mad. Martine, qu'il disoit estre la Clef des seaux de nature. Quelques Huguenots malicieux voulurent s'opposer à cette menée : les autres Huguenots, ou simples ou gaignés, les appellent Corne-guerre, les accusent vers le Roy. Si bien que voila tout au pouvoir d'un seul : *Omnia penes unum*. Leur justice & leurs finances tombent entre les mains de Mad. Formalité, par laquelle nous leur soustrayons en peu de temps les places de Clermont, Joinville, Chateau Dun, & en Lorraine Stenay, Ville-Franche, Dun & Beaumont, Chavigny, Aubena, & plusieurs autres. Voila la Huguenotaille à gronder, chacun à part, sans pouvoir dire Nous. Or je me puis vanter d'avoir frappé les plus grands coups à sapper le rempart de cette difference. Pour le deuxième : Dieu ait l'ame de feu Morlas, mais si luy & ses compagnons eussent aussi bien joué pour le fait de la Religion, comme fit pour l'Estat du Fay, il n'y auroit aujourduy d'Huguenots en France, que les consistoriaux & les bruslables : les Huguenots d'Estat ou d'espée, comme je les appelle, eussent fait leur paquet. Encore avons-nous entrepris, pour estonner les plus Saints, d'avoir

d'avoir gagné les six plus huppés de leurs Ministres ; lesquels avoyent juré , qu'estans choisis pour la dispute , apres avoir fait les mauvais , ils useroient d'une sacrée prevarication. Qu'ainsi ne soit, mon M^r. Rotan allant à la dispute de Mantes, me dit à l'oreille, qu'il vouloit comme Ottho , quand il se tua, quitter à la Chrestienté son dernier eschet , c'est à dire donner & quitter à la Chrestienté ses interests particuliers , pour la sauver de sa derniere ruïne. *Remittere Reip. Christianæ novissimum casum* : mais le mal de ventre le prit, & l'empescha. Celuy qui le seconda n'estoit pas si honneste homme que luy. Il avoit gagné parmy les Huguenots, qu'on l'eslisoit ou en toutes affaires, & presidoit presque tousjours. La moitié de la Rochelle estoit bandée contre l'autre pour luy. Il avoit posé pour question parmy les Synodes, si l'Eglise Romaine n'estoit pas l'Eglise de Christ *ἀλλῶς* pour le moins *κατὰ π* si l'on n'y pouvoit pas faire son salut. Et voila la breche par où le Roy & d'autres se sont rendus. Il fit oster de leurs prieres le morde Papistes entre les infidelles, & apprit à leurs jeunes Ministres à parler doucement. Juge tout de bon, Catholique, si durant ces Saints exercices j'ay esté inutile à nostre religion. Salvaifons disoit, qu'il aimoit mieux trois hommes dans une ville qu'il vouloit prendre, que trois mille dehors. Si j'eusse esté impatient comme Cahier, ou sollicitateur d'assignations, comme Serres, je n'eusse pas fait au nom des Huguenots l'Election de la Chambre. Je n'eusse pas eu le credit de renvoyer Choupes, sans recuser les Parlemens ; car ce

vieil-

vieillard estoit invincible, s'il ne m'eust pensé zelé. Je ne sçay qui en ce temps-là alla barbouiller le dialogue de Rosne & de Revel : je mourois de peur en le lisant d'y voir mon nom ; car si j'eusse esté descouvert par ce devin, aussi bien que Morlas, j'eusse perdu mon credit. Ce fut de mon invention, durant les assemblées des Huguenots, d'en faire despescher dix en leurs dix provinces, pour faire semer la zizanie ; qui a ainsi multiplié. Ils furent despeschés de ma main, & presque tous furent poussés à cette entreprise, en me croyant de mesme religion qu'eux : notamment Source, ancien ; De la Cour, qui a fait de si beaux sermons ; & Marmet de Nerac. Cettuy-cy, encore que nous l'eussions mortifié par une longue famine, me protesta qu'il n'eust pris ni mon argent, ni mes instructions, sans l'assurance de ma pieté en ce temps-là. J'ay appris aux plus fringants Huguenots cette sentence dorée : Ce qu'on demande pour le public, vient tard ; gaigne les bonnes graces aussi-tost. Fay tes affaires particulieres, & laisse les publiques. *Tarda sunt que in publicum postulantur. Privatam gratiam citò mereare, citò accipies.* Je ne vous conte point les aphorismes d'estat, desquels j'ay instruit le petit Bisoufe, son petit lacquais, Lomenie, Mainville, & M. de Royan. Tant y a que j'ay fait le pis que j'ay pû, comme ceux qui ont peur dans un siege de ville : avant sauter la muraille ils espouventent le plus qu'ils peuvent leurs compagnons, & quand ils l'ont sautée, menés devant le general qui assiege, ils disent & font le pis qu'ils peuvent, pour n'estre pas seuls deshonorés. Et de plus
il

il n'y a point de Catholiques plus renforcés , ni qui fassent plus de mal aux Huguenots que les nouveaux convertis. Pour preuve de quoy je me vais rendre solliciteur des Jesuites , pour lesquels je veux faire une Apologie contre ce qu'on les accuse de faire jouer le cousteau par tout. Par cela mesme ils monstrent qu'ils sont imitateurs de J. C , venus , comme luy , mettre la guerre entre le pere & le fils : non porteurs de la paix , mais du glaive : & ce sont ces petits glaives qui sortent des manches de lenrs apostres , pour se desfaire des Princes peu complaisans à leurs maximes. Il faut que les proselytes signent leur zele par le sang de leurs anciens compagnons. Et Fougasse , Gouverneur du Prince de Condé , m'a promis , qu'il rendroit son nourrisson le plus infidele & le plus sanglant ennemy de ceux qui ont suivy son grand pere , & son pere , en toutes occasions, ou il pourra tuer , sans estre tué.

C H A P. IV.

Des misères des Huguenots.

Voyant que j'ay ouvert un beau champ aux freres , pour discourir de ma conversion , j'ay deliberé en ce Chapitre contenter mieux les esprits curieux , que je n'ay fait les consciences serieuses. Chacun s'enquiert qui a induit Sancy à sa revolte ? je demande , qui a contraint le Roy à cela mesme ? S'ils respondent , Pour sauver un Estat ; & moy le mien , diray-je. Oui : mais cela est honteux. La pauvreté l'est davantage. La miserable pauvreté n'a rien de plus dur , que ce qu'elle rend les
hommes

hommes ridicules & contemtibles : tendant au port proposé par navigation Mais changeant de route & de vent , Philosophons un peu sur cette question. Ce n'est pas changer que de suivre tousjours le mesme but. J'ay eu pour but , sans changer , le profit , l'honneur l'aise & la seureté. Tant que le dessein des Huguenots a esté conforme à ces quatre fins , je l'ay suivy sans changer. Quand au contraire j'eus dommage , honte , peine & danger , c'eust esté inconstance de changer de desseins si diametralement opposés. J'ay donc suivy mon but. Je n'ay changé que de moyens. *Ad constitutum portum tendens eadem prorsus navigatione , sed velificatione mutata.* Or pour reprendre le premier de nos quatre points , qui est l'utilité ; quel moyen a de s'avancer un pauvre Huguenot en temps de paix ? S'il est roturier , nous avons commandé qu'on fist les assoyeurs & receveurs Catholiques , & les collecteurs Huguenots. S'il a des procès civils , nos Juges les changeront en criminels. S'il est gentil-homme , & qu'il espere quelque chose du Roy , nous n'avons laissé en sa puissance de disposer d'aucun bien-fait. Si M. le Huguenot pretend quelque benefice , nous avons fait prester serment à tous les Ecclesiastiques , de retirer leurs noms , & rompre leur foy , suivant l'article du Concile de Constance. Leurs titres leur serviront autant que firent ceux de Cheradame. C'estoit un Huguenot de la simplicité ancienne. Je luy demandois un jour s'il jouïssoit paisiblement du benefice de Bandouille , que le Roy luy avoit donné. Oui , dit-il , car ce sont les benefices dont tu seras jouissant.

S .

fant. Item, mais les benins heriteront la terre. Je repliquay : Qui, mais quel titre avez-vous pour monstrier qu'elle vous appartient ? Bon titre : La terre au Seigneur appartient. Je le pressay encore : n'estes vous point mieux fondé que cela ? Car tout cela ne parle point de Bandouille. Il conclud : comment puis-je estre mieux fondé, que sur ces paroles Saintes, Sur mer fondement luy donnas ? Et pour vous monstrier, si vous avez esté à Bandouille, qu'il parle de ce lieu-là sans autre, voyez la clause, l'enrichit & l'environna de mainte riviere tres-belle. Toutes les raisons que les Huguenots allegueront, serviront autant à nos Juges, que celles de Cheradame. Quant à l'honneur, ceux qui auront à se faire recevoir en la Cour, apres l'Edit receu m'en diront des nouvelles. Et cela soit secret entre nous. Quelle joye peut-il y avoir entre gens, qui n'oseroient s'estre rejouis, ni avoir raillé avec un de leurs voisins, qu'il n'ayent aussi-tost un surveillant au costé, comme un escarcelle ? Quelle seureté à gens à qui on fait le procès apres estre pendus ? Si c'est en temps de guerre (ce que la paix d'Espagne & le Jubilé prochain nous fait apprehender), que peut esperer un homme de mon estat en leurs affaires ? Peut-on grignotter en leurs fideles & bizarres formalités ? On me conta un jour, que durant ces dernieres guerres, il y avoit en Poitou deux financiers, qui seuls exerçoient tous les Estats des Presidents & des Eleus de cinq Elections, des receveurs generaux & particuliers, & de leurs commis & controlleurs, mais payeurs à bon-escient : car c'estoit à la ban-

banque une à un. Ceux-là assistoyent aux jugemens criminels & civils, & avoient la moitié du temps à se jouer. Les Capitaines ne les pouvoyent tromper d'un passe-volant. Il passa, deux millions d'argent par les mains d'eux deux. Quand il falut suivre le Roy deçà Loire, il falut aussi qu'un d'eux empruntast cent escus. Oyant ce conte il me souvient aussi d'un Espagnol, qui avoit servy dixhuit ans M. le Connestable ; & luy voyant renouër son esguillette, le galand la prit & la baïsa, & ne l'eust pas si-tost remise en sa place par le commandement de son Maistre, qu'il luy dit pour adieu, *bezo las manos*. Aussi j'en dis autant à Messieurs les Huguenots, entre lesquels il se voit des financiers pauvres. Quant à l'honneur il ne se gaigne avec eux qu'à coups d'espée : chose que je desdaigne fort ; encore que l'on m'ait fait Colonel des Suisses. Mais quel aise peuvent sentir les Huguenots cousus dans leurs cuirasses, comme tortuës dans leurs coquilles ? Pour leur seureté ils n'ont que Dieu pour tout potage, où un homme de mon humeur ne se fie que mediocrement. Mais pour traiter cette matiere un peu plus generalement : Je vis que la mesme violence qui avoit esbranlé le Roy, devoit esbranler les testes plus relevées. Je vis en France qu'ils avoyent une ame agitée au gré de leurs ennemis. Qu'ils cherchoient leurs seuretés ailleurs que chez eux & en eux-mesmes : prenoient leurs resolutions chez leurs ennemis, & non pas chez eux-mesmes, comme font les Suisses : tenoyent la paix parfaite, avant qu'elle fust bien commencée à traiter, & se des-

S 2

pouïl-

pouilloient de leurs avantages & distinctions
 premier qu'elle fust executée. Qui pis est,
 nous avions gagné trois ou quatre de leurs
 principaux, qui les faisoient traiter comme
 desja cousus dans le party du Roy; non en
 guerre, car ils portoyent les armes pour luy;
 non en paix, puisqu'il falloit traiter; non en
 treve, car ils avoyent abandonné leurs distin-
 ctions. Leur justice, leur finances, & leurs
 forces separées: par ainsi n'estans ni en guer-
 re, ni en paix, ni en treve, ils s'imaginoyent
 un quatriéme estat, qui ne fut jamais, &
 branloyent un pied en l'air, qui n'est pas pour
 faire une bonne démarche. Il y en avoit par-
 my eux, qui crioient haut ces choses. Les au-
 tres n'y vouloyent pas remédier, que les
 grands, qui estoient gagnés par le Roy, ne
 rentrassent avec eux, pour enfler leur party de
 pieces heterogenées, l'aymans mieux gros que
 sain. Ils apprehenderent leur foiblesse, sans
 considerer les distinctions des affaires de l'Es-
 tat: de là ils commencerent de traiter avec
 respect, pour conclure sans seureté. Ils en
 faisoient assés pour offense, non pour defense.
 Voyant ces pauvres gens en leur simple fide-
 lité, condamnés a estre le jouët des plus grands:
 advisés aux affaires du Roy, divisés aux leurs,
 avoir pitié de la France, quand la France n'en
 avoit point d'eux, la vouloir garder, & n'y avoir
 rien, la fortifier quand on les en chasse. Je dis
Bezo las manos de l'Espagnol de M. le Connesta-
 ble, jugeant qu'à celuy qui a les mains liées de la
 crainte de Dieu, & le front bas du respect de
 son Prince, sa paix ne fera jamais paix, mais
 accord de servitude: *sed pactio servitutis.*

C H A P. X.

Examen de quelques livres de ce temps.

Quand M. le Convertisseur vint a mon logis il y fit apporter trois charges de livres, pour faire la ceremonie de ma conversion. Quelques censeurs de ce temps ont decouvert que nous n'en feuilletasmes pas un, mais que l'apresdisnée fut passée à jouer au Cent, & à la depesche. Je veux monstrier à ceux qui prirent la peine d'espier cette journée, que j'en ay bien employé d'autres en Theologie moderne, pour autoriser mon dessein. J'ay leu les réponses que l'on a faites au livre de du Pleffis Mornay. C'est grand dommage que M. le Convertisseur n'a eu le loisir d'y travailler, comme il y commença il y a dix-huit ans; mais lors il avoit sur les bras tant d'affaires d'estat, tant d'autroité à soustenir, une si grande famille à conduire, qu'il n'a encore rien paru de luy. Le Theologal de Xaintes, voyant tous nos dogues abbayer cet ours, sans mordre, ne l'osant prendre à l'oreille, a fait pour le moins une gambade par dessus. Que chacun en fasse autant: Car encore qu'il n'ait respondu que par elevation; ce qui ne sert en detail & à part, sert en gros: *quæ non profunt singula, plura juvant*. Il a falu user de mesme dextérité contre cet orthodoxe, & asseurer les martieres, sans desmesler à bon escient les argumentations ferrées, qui prouveroyent toute l'orthodoxée. Quant à Richeome, les heretiques sont contrainsts d'advouer, que c'est le stile le puls courtisan, qui soit fort en lumiere

de ce temps ; pour le moins la preface : & si on dit qu'elle n'est pas de luy, si est-elle sienne ou par don ou par achapt. Si le corps de l'œuvre est grossier ; ne voit-on pas la jeunesse de ce temps porter le Linon empesé au collet & aux poignets, bien que le corps de la chemise soit de grosse toile & pourrie, & aussi peu coufue aux extremités, comme ce livre à ses prolegomenes, Ne fait-il pas bon voir ces trois bataillons, que l'on amene devant le Roy, Pour luy faire recevoir les Jesuites ; Car à la verité trois bataillons, de huit mille chacun, accompagnés de cinquante Canons & leur suite, seroyent bien autant persuasifs pour le moins, & seroyent mieux faire l'Advocat Arnauld, que le livre de la verité defenduë. Or pour suivre mon propos, je pris mes lunettes, comme quand je joue aux dez, & voyant de prez ces trois bataillons, dès le premier rang, je ne vis que des croquans, qui portoyent morions dorés d'or de feuille. Mais tout sert aux guerres civiles. A la teste je vis un bel argument, pour prouver les miracles : La nature peut cecy ou cela. Contre son ordre sont advenuës autrefois telles & telles choses. Ergo les miracles des Ardilliers ne sont point faux. Les enseignes estoient de beau taffetas, & bien neuves. Celuy qui protoit la Colonele, en voulut faire des tourdions à la mode de Paris, & la passer sous la jambe à la façon des badauts, mais il l'embrena toute : car là il se trouva une pierre, qui le fit broncher. C'est la confession du defunt Beze, qui donne tout à sa femme, & le reste aux Cordeliers, meurt bon Catholique Rom, & ce qui s'ensuit. On m'a

n'a dit qu'un vieux heresiarque à leu ce traité avec beaucoup de plaisir. J'y veux faire respondre Passavant; mais peut-estre qu'il crevera d'en rire, & ce seroit un bel argument, pour prouver les miracles, qui est le sujet de ce Livre. Je sçay que force Catholiques ont trouvé monstrueuse la supposition de cette mort. Mais en un livre qui traite des merveilles, faut il pas un discours merveilleux? Moy je tiens & maintiens aussy vray que les autres miracles, que Beze est mort. Premièrement par l'argument par lequel nous prouvons la Transsubstantiation. Dieu peut faire qu'il est mort. *Ergo* il est mort. Puis apres, ce livre, qui est au rang des traditions, doit estre mieux crû que la Bible, comme prescha ces jours le Curé de S. Gervais: les traditions sont plus croyables que le Vieil & Nouveau Testament; attendu qu'ils sont autorisés par les traditions, & non pas les traditions par eux. Et puis Beze est mort de mort civile, à sçavoir par bannissement, & de mort spirituelle. *Morte civili, utrote exilio, & morte spirituali*, à sçavoir par l'excommunication. Mais prenons qu'il ne soit pas mort: cette nouvelle a tousjours servy d'une peau de voutour à l'estomach de quelque Catholique debile, à fraudes pieuses du bon homme Cardinal, suivant ce livre, & *juxta illud* de la feüe bonne Reine sa compagne, qu'une nouvelle fausse creüe trois jours pouvoit sauver un Estat. Pensez-vous que ce livre de Saint Clement, que Capil Venitien trouva en l'Isle de Crete, n'ait pas fait grand bien à l'establissement des Messes privées; car tout le monde n'a pas l'esprit penetrant, en

voyant la lettre par laquelle S. Clement advertit S. Jaques de la mort de S. Pierre, de sçavoir que S. Jaques estoit mort sept ans devant l'autre, & aussy le mesme conte S. Pierre de la mort de S. Jaques. C'est bien à un honneste homme à sçavoir lequel dit vray, ou Anaclet, qui se dit successeur de S. Clement, ou Irenée & Eusebe, qui disent que Clement fut successeur d'Anaclet, lequel escrivit pourtant une belle lettre au dit Clement apres qu'il fut mort. Il parle du temple de S. Pierre, mais cent ans avant que les Chrestiens eussent aucun temple. J'allegue ces choses, comme aussy ce bon pere, qui estoit trois cens ans avant Constantin, & ne laisse pas d'appeller Byzance Constantinople. Pour faire que l'on ne se mocque pas de la lettre que escrit à la Vierge Marie, luy dediant son livre, de celle que J. C. escrit à trois bons Catholiques trouvés sous la croix d'Azé en Poictou par un Marechal, profnée par les curés des Paroices. Mais pour ne faire point tort au Chapitre des miracles, & pour vous monstrier que je ne suis pas converty sans science; j'ay feu presque tout Bellarmin, & me suis bien gardé, estant resolu de me convertir, de lire Witaker, Labert ni Reinoldus. J'ay leu les belles declamations & fictions de Campanus, où j'ay veu tant de Martirs de la nouvelle Eglise Catholique. Il fait bon lire ce livre sans l'examiner. J'ay plus fait; car j'ay bouché mes oreilles, comme l'aspic contre les enchantemens, oyant un heretique, qui me vouloit monstrier tous ces martirs estre faux, & m'allegant, qu'il falloit deux marques aux martirs, l'une la pure querelle

relle de la religion , l'autre qu'il soit absolument à son choix de vivre ou de mourir; *penes quem sit liberum suæ vitæ necisque arbitrium*, usques à la mort. Je me mis à jurer que la Reine d'Escoffe estoit vraye martire. Ah, dit l'heretique, miserable religion, qui n'a point de martire plus pure qu'une homicide, ni plus chaste qu'une putain! Je faillis à le frapper, mais c'estoit un homme d'espée. J'ay leu les sermons amoureux de M. S. Panigarole, & ne voy point ce que les heretiques disent de son hardache. Quant à sa maitresse, pour laquelle il commença son sermon ainsy : C'est pour vous, belle, que je meurs: Je ne reprouve point cette galanterie ; car il adjousta quelques paues après, disoit J. C. à son Eglise. ç'a esté un hardy prescheur, & toutefois il n'a pas esté si hardy, que je n'aye leu en ses leçons faites à Turin, qu'encore que les Saints soyent canonisés, il ne tient pas pourtant qu'ils soyent en paradis. Et luy sage de ne respondre pour personne. J'ay leu les braves sermons de l'Evesque de Bizonte, qui m'ont préparé le cœur au prochain massacre. Qui a jamais leu une si belle clause que celle-cy : *Che la crudeltà loro rapietosa!* J'ay leu les escrits de Reboul, qui a bien dit les secrets de l'escole, pour y avoir esté fouetté : & ce livre est bon pour servir de farce apres ces matieres tragiques, qui affligent la conscience en suspens d'un nouveau converty. J'ay leu le Docteur Boulanger, qui a escrit en Diable, promptement & sans y songer ; qui ne me voudra croire, le liè. Il sçait bien mieux maintenant la Logique, que quand il disputa à Niort, & s'il avoit

encore à faire à cet aveugle , il le rembarreroit bien mieux qu'il ne fit. Car il a répondu à la preface de du Pleffis ; pour le moins il parle bien à luy : toujours resolu comme les chefs du S. Party , qui és grandes affaires c'est assés d'avoir bonne volonté. *In magnis voluisse sat est.* Si ne me suis-je pû tenir de rire en lisant le Jambonicum de Michau contre luy. On sçait que la Sorbonne luy a defendu d'escrire sur une lettre de M. le Convertisseur. Mais par tout il y a de l'envie. Mais je blasme en la replique de Michau ce qu'il dit , que les Boulangers sont de Troye en Champagne. Michau ne sçavoit pas qu'ils estoient venus de Lion , où ils n'avoient pû demeurer, pour estre trop près de la Provence , qui avoient veu M. Auguste sur l'eschaffaut ou à l'eschelle. J'ay leu l'entrée de Doxemel , mais il m'ennuya dés le commencement. J'ay pris plaisir aux façons d'argumenter du jeune Sponde. Car nous avons Sponde le jeune , comme nous avons le jeune Nostradamus. On dit aussi que la veuve escrit. Il y en aura bien d'estonnés , car on pensoit qu'elle eust desja mis tout en public. Je n'ay point parlé des traittés de son mary , parce que les premiers gastent les derniers, lesquels ne semblent point fait de si bonne humeur , ni de si bon cœur que les autres. Ceux-cy sont pleins de discours agencés seulement pour l'apparence ; *Oratione in speciem compositâ* ; les autres pour persuader, *ad fidem faciendum*. Mais le jeune, traittant des cemetieres sacrés, tire de l'estenduë de son livre cet argument consequentieux. Les Juifs, dit-il, ont esté curieux des sepulcres ;
comme

comme il paroît par plusieurs Histoires alléguées à ce propos. Les Turcs tiennent les sepulchres sacrés, & vont en voyage au tombeau de Mahomet. Les Payens ont fait de si belles pyramides, ont canonisé leurs morts, & leur ont ordonné des supplications. *Ergo* les Chrétiens doivent faire de même, pour ressembler aux Juifs, aux Turcs & aux Payens. Mais pour n'ôter à personne l'honneur qui luy est dû; nous avons bien sçeu, que ce labeur est de M. Raymond, ou, pour mieux dire, de son hôte, auquel on attribue aussi l'épître liminaire de Richeome. Quoy que ce soit, tous deux ensemble m'ont appris de belles choses. Comme le premier, qu'il faut porter le Pape sur les espauls. Les Romains, dit-il, eslevoient leurs Empereurs sur le bouclier, & les portoyent sur les espauls. Les Payens le faisoient aux Druides & aux Vestales. Les Romains faisoient porter leurs lictières par des esclaves. Ceux de Tunquin, en la Chine, portent aussi leurs religieux: & les païsans de Xaintonge se font porter le jour de leurs nopces, comme aussi font les espousées en Lorraine. *Ergo* on doit aussi porter les Papes, Cardinaux, & Evêques: pour ressembler en religion aux Chinois & aux Payens: se montrer esclaves, comme ceux qui portoyent les lictières des Romains, & faire ce qu'on dit que font les mariées, principalement les païsans & païsannes à leurs nôces. Le même auteur dit, que Madame Simonite, voulant dire la Sunamite, baïsa les pieds d'Elisée: *ergo* les Rois, qui sont Simonites, doivent baiser les pieds du Pape. Ce M. Raymond, & ses compagnons, ont

S 6

bien

od

bien parlé aux Huguenots, & à leurs plaintes imprimées; en leur montrant qu'ils se plaignent de teste saine. Car, comme dit Raymond à Rabesne, briguant sa voix, pour faire perdre à une Damoiselle Huguenotte la garde de ses enfants: Les loix ne se doivent point observer aux jugemens des proscrits. Et depuis sollicitant pour faire mourir un Huguenot, pour un meurtre qu'un bon Catholique avoit commis: il ne faut pas, dit-il, faire difficulté de faire perdre les biens de ceux desquels la vie est condamnée, ni de condamner à mort les particuliers, desquels le corps general est condamné entre nous. Il n'a pas mis cela en son livre; parce que l'Edict n'estoit pas encore modifié. J'ay leu de plus un livre de sa façon, pour effacer la memoire de la Papesse Jeanne. Et pour vous monstrier que j'ay estudié, & de plus que j'ay intelligence avec les doctes, je luy ay envoyé un epigramme sur ce sujet. Il commence: *Fœmina quod mentita virum*. Vous la trouverez en son lieu au livre des epigrammes. Elle est bien de ma façon, & attens la responce.

C H A P. VII.

De l'impudence des Huguenots.

TOut Prince qui voudra regner sans qu'on le barbouille par l'équité, & sans estre controllé par la parole de Dieu, il faut qu'il extermine les Huguenots. Car ils sont gens qui pour la gloire de Dieu foulent aux pieds toute gloire des hommes, mesmes des Princes. Il est vray que ceux de ce temps sont un peu plus respectueux.

Boiteux. Chacun a leu ce que des les premiers troubles ils ont fait courir contre la feüe Reine Mere du Roy : l'accusans de paillardise avec le Cardinal de Lorraine , bien que ce soit le noindre de ses crimes , comme celle qui prenant le soucy des hommes , avoit despoillé les riches des femmes : *que virilibus curis muliebris exuerat vitia*. En ce temps-là ils firent des vers contre ce Cardinal pour un benefice de ventree que luy moyenna le Prince de Porcian. Mais M. Nicaise, bastard du dit Cardinal , en empoisonna hautement le dit Prince. Ces paillards firent impudemment courir par toute la France les nouvelles du tableau , où le Cardinal , la Reine d'Escoffe sa niepce , & autres personnes estoient embrassés d'un estrange artifice , & tous ces contes imprimés deux mois apres les grandes batailles & justice de la S. Barthelemy. En mesme temps ils furent si impudens de demander à Millaud , & se faire ordonner une paix , lorsqu'ils n'avoient que quatre ou cinq places , plus avantageuse pour eux que la derniere paix , que leur a concedé la Cour de Parlement. On ne scauroit croire combien peu de respect ils portoyent à la Reine , & aux Conseillers d'Estat qui l'accompagnoient : M. de Pibrac avoit usé deux paires de topiques , pour construire une oraison , laquelle il adressa aux deputés des Huguenots en la presence de la Reine, se frottoit d'un mouchoir, le Duc de Montpensier pleuroit , Richelieu souspiroit , Gadaigne ne monstroît que le blanc des yeux. Quand on fut au dixi, la Reine demanda, & bien mes amis, que pouvez vous dire à cela ? voicy la responce du boiteux la

Meauffe. Madame, si Monsieur que voila bien estudié, est-ce à dire que nous mourions pourtant ? Le mesme boiteux passant par la chambre des filles, ouït Altri, qui disoit, faut-il que nous soyons confinés en cette maudite Gascogne, pour quatre espées rouillées des députés ? Mademoiselle, respondit le boiteux, elles ne sont pas si souvent fourbies que vos engins. La pauvre Altri se plaignit de l'effronterie des Huguenots, y adjoustant la réponse du Comte de la Rochefoucault ; à qui comme elle demanda de ses reliques, qu'il avoit desrobées à S. Martin de Tours. Le Comte répondit, ouy mamie, je t'en donneray qui feront miracle, si elles te font revenir les tettons durs, comme quand tu estois pucelle. Or je dis & maintiens que ces gens estoient moins honteux que putains, puisqu'ils faisoient rougir ces dames. C'est un grand cas de leur hardiesse effrontée, de leurs réponses hardies, & n'est pas croyable comment ils ont tenu teste aux plus grands Princes, par réponses brusques, comme celle du P. de Conde à la Reine Mere, laquelle voyant passer une troupe de casaques blanches, luy reprocha que ses gens estoient meusniers. Ouy, dit le Prince, Madame, pour toucher vos asnes. Le conte est vieux, comme aussi l'interpretation que le Comte susdit donnoit du mot de Catholique Romain, en bougre universel. Le mesme, le Roy l'enquerant pourquoy il ne reconnoissoit pas la Vierge Marie pour Reine du Ciel, pource, dit le Comte, qu'un si beau Royaume ne doit pas tomber en quenouille. Pour marques plus fraïches de
leur

leur audace , le Roy , pour lors R. de Navarre , ayant envoyé Aubigny vers le Roy Henry III , pour luy remettre entre les mains l'honneur de son alliance , avant qu'il fist justice ou de la honte , ou des affronts qu'elle avoit receus ; le Roy tout en furie dit à Aubigny . Que vostre Maistre , puisque vous l'appellez ainsi , regarde ce qu'il fera , s'il mesconnoit que je suis son Roy , je luy mettray sur les bras un fardeau , qui feroit ployer les espauls au grand Seigneur. Ce Huguenot replique impudemment, Sire , le Roy de Navarre mon maistre , a esté à son grand regret, eslevé sous ce grand fardeau , sans menaces , il hommagera toujours sous V. Majesté sa vie & ses conditions , mais de son honneur il n'en rendra hommage à Prince du Monde , tant qu'il aura une goutte de sang & un pied d'espée. Mais sans conter les hardiesces de ceux qui en font profession , que direz-vous du pauvre Potier M. Bernard , à qui le mesme Roy parla un jour en cette sorte : Mon bon homme , il y a quarante cinq ans que vous estes au service de la Reine ma mere & de moy , nous avons enduré que vous ayez vescu en vostre religion , parmy les feux & les massacres ; maintenant je suis tellement pressé par ceux de Guise & mon peuple , qu'il m'a fallu malgré moy mettre en prison ces deux pauvres femmes & vous : elles seront demain bruslées & vous aussi , si vous ne vous convertissez. Sire, respond Bernard, le Comte de Maulevrier vint hier de vostre part pour promettre la vie à ces deux sœurs , si elles vouloyent vous donner chacune une nuit. Elles ont respondu qu'encore elles seroyent mar-

tires

tires de leur honneur, comme de celuy de Dieu. Vous m'avez dit plusieurs fois que vous aviez pitié de moy, mais moy j'ay pitié de vous, qui avez prononcé ces mots, J'y suis contraint : ce n'est pas parler en Roy. Ces filles & moy, qui avons part au Royaume des Cieux, nous vous apprendrons ce langage Royal, que les Guisarts, tout vostre peuple, ni vous ne sçauriez contraindre un Potier à fieschir les genoux devant des statuës. Voyez l'impudence de ce belistre. Vous diriez qu'il auroit leu ces vers de Seneque, On ne peut contraindre celuy qui sçait mourir. *Qui mori scit, cogi nescit.* Or il a paru encore plus d'effronterie à ces gens au dernier traitté de paix, & aux assemblées qui ont duré quatre ans, où ces opiniastrés ont impudemment résisté, non seulement aux plus honnestes deputés que le Roy pust choisir en son Conseil d'Estat, mais aussi aux plus grands Seigneurs de leurs party, lorsque considerans les affaires du Royaume, ils le vouloyent ployer à quelques honnestetés. Vous voyez paroistre d'entre eux un au front d'airain qui respondoit franchement ; ces propositions ne respondent pas à la bonne opinion, qu'ont prise de nous ceux qui nous on envoyez. On demande l'explication de cela : la Valiere s'avance, & dit en expliquant, cela s'appelle, Messieurs, trahir les Eglises de Dieu. J'ouïs ces jours M. de Villeroy, qui contoit comment luy avec Messieurs de Rosny & de Thou, & autres, s'estans abouchés avec quatre de ces mal-honnestes gens, cependant que Calignon de la part du Roy vouloit adoucir ces esprits par son bien dire, le gros
Chamier,

Chamier, ayant mis son manteau sous ses fesses, avoit le coude gauche avancé jusqu'au milieu de la table, de l'autre main faisoit ses ongles avec des ciseaux, les coupeaux voloyent à la moustache & à la bouche de l'orateur : un donna dans l'œil de Rosny, & cette contenance reprouvoit tout ce que l'on pouvoit dire de luy. Choupes a esté si effronté, que d'avoir porté jusqu'au Conseil privé la recusation de tous les Parlemens de France, & fut à peine retiré de la porte par les honnestes Huguenots de la Cour. Aubigné fut si desvergonné, que le Roy luy faisant une honneste reception à Senlis, & luy ayant demandé familièrement, ce qu'il disoit de ce coup de cousteau que Jean Chastel luy avoit donné dans la levre, ce rustre respondit, Je dis Sire, que le Dieu, que vous n'avez renoncé que des levres, ne vous a percé que les levres, mais si-tost que le cœur renoncera, il vous transpercera le cœur. On ne m'a encore pû nommer qui fut un autre vieux député, lequel estant un jour assis avec ses compagnons sur un bahut de l'antichambre, prit garde que M. d'O, le jeune Rosny, & quatre ou cinq autres, des galands de la Cour, se rioient de voir ces députés habillés à la vieille mode : ces courtisans s'estant dit plusieurs fois l'un à l'autre, frere, je te tiendrois pour brave si tu voulois aller demander le nom de ce vieux heresiarque. D'O, qui se voulut monstrier plus impudent que les impudens, s'en va dire de caprice au plus vieux : Mon gentilhomme, ces honnestes gens & moy sommes en peine de sçavoir vostre nom. Si je sçavois, dit le vieillard, comment vous appeller,

ler, je vous respondrois. Je suis bien gentil-homme, mais non pas vostre. L'autre respond, on m'appellé d'O. Or adonc dit le député, si vous aviez esté aux batailles, vous me connoistriez. Pour O, il est mieux connu a la chambre des Comptes, que là où je vous dis. Je le connois pour un zero, qui fait compte avec tous les autres, & tout seul ne vaut rien. Voila les compagnons du cabinet, qui s'esclattent de rire, & le messager fort estonné; auquel le député adjousta. Allez, mon amy, allez tuer quelqu'un, afin que le Roy vous donne une grace, autrement vous n'en avez point. Le Seigneur de Bellievre, despesché par le Roy vers le Roy de Navarre au Mont de Marsan, voyoit tous les matins par la fenestre de son logis la Comtesse de la Guiche, lors garce en quartier, qui alloit à la Messe, accompagnée d'Esprit, de la petite Lambert, d'un Maure, d'un basque, avec une robbe verte, du magot Bertrand, d'un page Anglois, d'un barbet & d'un laquais, ce sénateur remonstroit à un Huguenot leur defaut en ces termes: J'ay veu plusieurs fois de mon temps quelques amies de nos Rois, mais les plus grands, voire les Princes mesmes estoient bien-heureux de guetter l'heure qu'elles sortoyent de leur logis, pour leur faire honneur. Je vois cette femme, qui est de bonne maison, qui tourne & remuë ce Prince comme elle veut, la voila qui va à la Messe un jour de feste, accompagnée pour tout potage d'un singe, d'un barbet & d'un bouffon. Monsieur, repliqua le Huguenot, c'est qu'en toute cette Cour il n'y a singe, ni barbet, ni bouffon, que ce que vous voyez. Le bon
hom-

homme fut estonné, mais il le fut bien davantage, quand il sceut la frizarde de S. Maixant sur la jouë de Madame de Duras.

C H A P. VIII.

Des Martirs à la Romaine.

DE tous les livres, qui peuvent faire un heretique, ou au moins duquel un bon Cath. Rom. se doit garder, je n'en trouve point un si dangereux, apres la Bible, que ce gros livre des Martirs. Car c'est grand cas, de voir cinq, six ou sept mille morts, qui ont toutes les marques d'un vray martire, à sçavoir la probité de la vie, la pureté de la cause de la religion, non meflée d'autres forfaits, les disputes, les sollicitations, & pour derniere marque, c'est d'avoir ou le choix de la vie ou de la mort, jusques à l'extremité. Cela nous a osté beaucoup de gens, qui ont veu autrefois ces prescheurs, ayans pour chaire l'eschaffaut, ou l'eschelle, ou le bucher. C'est en ces glorieux rencontres, où l'on dit que les vaines esperances sont placè au zele & à la vertu. On se conduit bien plus prudemment aujourduy en Espagne & en Italie. Il ne se passe année, qu'il n'en meure tousjours quelque centaine; mais leur constance n'a de tesmoins que les geoliers & les bourreaux, qui ne descouvriront pas le secret, comme les gruës de Pirrus. Il y a trente ans que l'on laissoit desrober des greffes des Cours de Parlement tous les procès desquels ce dangereux livre est plein, & verifié. Mais aussi bien n'y a-t-il pas moyen d'en estoufer la memoire, & faire conter telles choses pour fables, tant que

que les tesmoins oculaires vivent. Que faut-il donc faire ? je suis d'avis qu'on choisisse quelque stile bien fleury, comme celuy du Comte de Permission, que nous luy facions faire un livre, duquel le titre soit, Les martirs à la Romaine, où nous ne coucherons point les martirs de l'Eglise primitive, parce qu'ils sont en debat entre les autres & nous ; & puis ces beaux reformés disent, que l'Eglise a esté reformée aussi long-temps que persecutée : suivant ce que dit le Pape Silvestre, quand on l'arracha des rochers de Siracte, Adieu la pauvreté, Adieu la pureté. Il leur faudra donc monstrier, que nous avons des martirs de ce siecle d'aussi bonne maison que les leurs. Le premier de la Litanie sera le Curé de S. Medard de Paris, qui fut blessé en sonnant le Tocfin. Celuy de S. Crespin en Touraine, pendu aux cordes des cloches, en faisant de mesme : tous deux prenans la peine d'esmouvoir le peuple pour faire d'autres martirs. De là, pour desguiser l'histoire, nous ferons une course au Japon, où les Jesuites disent qu'ils ont esté crucifiés, & ont fait de grands miracles, qui ne se peuvent faire qu'au Japon, parce que les autres nations sont incredules. Il faudroit condamner tous les Huguenots de France à aller voir s'il est vray. Nos peres Jesuites prevoyans la necessité de celivre, & qu'il se trouveroit plus de confesseurs que de martirs : D'autre part les Huguénots, au lieu de faire mourir les hommes pour la foy, s'amusoient à prier Dieu pour eux, de les vouloir convertir. Les habiles hommes y ont pourveu, ayans dressé à Rome & à Rheims deux Colles

ges

es de jeunegens Anglois , qu'ils ont choisis l'humeur melancolique , la plus-part bannis, voleurs & affamés,& quand on les met dans, ce college (comme escrit Marius Navarrus au 3. livre des Conciles) ; cela , dit-il, est estably pour une Constitution papale , que qui veut entrer en ce college , est tenu de jurer , qu'apres certaines années il ira en Angleterre , pour y publier ce qu'on luy dira. Et comme on a veu qu'il en estoit sorty quelques esclats, tefmoin le Cardinal Alain en son Apologie pour les Seminaires, le Pape a redoublé la pension. Mais il ne falloit pas que Baronius en son martirologe Romain dist ces mots : Que les tres-saints Prestres, comme agneaux innocents, engraisés dans les sacrées cloisons par la sainte Societé de Jesus, par saintes instructions au martire , sacrifices agreables à Dieu , és sacrés colleges de Rome & de Rheims , ont esté mis à mort , parce qu'ils tenoyent & preschoyent en Angleterre la doctrine de la S. Eglise Romaine. Je voudrois qu'il n'y eust point là , comment ils sont envoyés de la Societé des Jesuites , pource qu'on les accuse assés d'estre liberaux du sang d'autruy, & que se convier au marrire est chose loüable , mais non pas d'y envoyer les autres. Puis les nourrir comme hosties à Dieu , il sembleroit que nous les sacrifiassions : Cela sentiroit un peu le Balphéor : apres , ce mot de Cloison sentiroit la prison, pour leur faire tenir leur serment, & là-dessus les heretiques diroyent, du Dieu à qui nous les sacrifions , que ce seroit au Dieu de ce siecle , ou bien au Dieu de la Terre ; car celuy du ciel ne veut plus de sacrifice sanglant , & n'a

n'a jamais voulu des humains. Mais ce qui gaste tout, c'est ce mot d'engraissés. Je demanday à l'archevesque Valgrand, que c'estoit à dire, il m'alla querir les Saturnales de Lipse, au chap. 14 du 1 livre. Là j'appris que ce terme estoit particulier pour les gladiateurs, qu'on amassoit à Rome d'entre les condamnés ou esclaves miserables, & puis on les nourrissoit dans les colleges sacrés, pour le moins execrables, & les nourrissoit-on avec cet engraissement, afin qu'ils achetassent leur graisse par leur mort; dont dit Properce :

Qui dabit immunda venalia fata sagine :

Bellarmin se fut bien passé de nous faire souvenir de ces neuf vingts, pris dans Menerbé, qui aymerent mieux estre bruslés, que de renoncer à un petit point de leur religion. Et Antonin, duquel cetui-cy l'a pris, se fust bien passé d'escrire, comme on bailloit aux prisonniers le choix, que quiconque abjureroit l'heresie seroit mis en liberté. Cent quatre-vingts d'entre eux choisirent plustost d'estre bruslés. *Cumque capitis daretur optio, ut quicumque haresim abjureret liber recederet; centum octoginta ex iis potius comburi elegerunt.* Voilà pourquoy je voudrois que celuy qui sera nostre livre des martyrs n'allast point chercher ce Latin friand, pour lequel faire valoir nos affectés escrivent choses nuisibles, & descouvrent les affaires. Il se faut contenter de ce gros Latin de Vicaire, duquel use M. le Convertisseur en disputant. Et pour suivre nostre propos, il faudroit gagner en Angleterre quelques justiciers, ou quelques Ministres, lesquels quand on pend nos gens, leur par-

arlassent tout haut de quelques point de religion, & non pas d'entreprise de guerre, de sedition, de petars, de faussiffes, de mines à faire tuer tant de gens, & de ces subtils poisons, que leur fournit l'apothicaire du Pape. Apres faudroit qu'on leur donnast à l'eschelle le choix de sauver leurs vies en se revoltant. Car ces heretiques ne comptent pour martyrs, que ceux qui ont eu tel choix, & desquels le procès monstre, qu'il n'y a que le seul point de la conscience qui les face mourir. Suivant cette règle ils n'ont pas voulu dans le gros livre de leurs martyrs mettre ceux qui sont morts pour leur religion, ayans le sang eschauffé à la defense, mais seulement ceux qui n'avoient autres armes que la priere; comme les 17 mil Aligeois esgorgés en un jour, & trente ou quarante mil ames despeschées à la feste & aux furies, ou furies de la S. Barthelemy. Pour nous, qui avons meilleure veüe, je ne suis point d'avis que nous y regardions de si près, mais que nous enrollions, par faute d'autres, en nostre martyrologe tous ceux qui sont morts aux batailles, aux sieges, aux escarmouches, & aux guerres, si ç'a esté contre les heretiques, & puis tous ces Irlandois, leurs femmes & leurs enfants, qui meurent de faim par les ruës de nos villes. Et ceux-là sont victimes du grand sacrificateur Sandoras, & autres docteurs, qui apres nonobstant plusieurs pardons, leur ont fait ratifier la Bulle du S. Pere Pie V, comme ecrite Bellarmin, & selon cela n'ont pas fait difficulté de rompre la Foy à leur Reine. Et quant à ceux-là, qui se logeoyent dans les niches du pont neuf, lors non achevé, & qui au soir

soir & la nuit prenoient par un pied ceux qui passoyent sur le pont, & les ayant precipités & despouillés les jettoient dans l'eau, & ceux-là si on a fait quelque difficulté de les sanctifier, il faut avoir esgard s'ils presupposoyent, ne faire mal qu'à des heretiques. Il y en a qui croient, que les Evesques les devroyent nourrir; mais je croy que la plupart ne leur donne rien à bonne intention, pour en faire des sacrifices de bonne odeur, à remplir ce livre: & de ce rang pourroyent bien estre tant de pauvres, que fit brusler l'Evesque de Mayence, à bonne intention aussi, pour espargner les bleds. Si les Huguenots refusent ceux-cy à la monstre, si ferons nous passer malgré eux pour martirs ceux que nous avons allegués morts à la guerre. Nous en avons bons titres; car les peres de la Société de Bourdeaux s'en sont tres-doctement advisés, & escrit par le menu au traitté qu'ils firent du massacre de Coutras, & desquels escrits Paris fut remply. Toutes les bonnes personnes ont crû que les Huguenots estans forcés à la bataille, l'ont gagnée par trahison, parce qu'ils avoyent caché leur canon sous terre, & ainsi firent sauter vos gens en l'air. Par cette eschelle nous montons à des martirs bien plus nobles que ceux des Heretiques. Sainte-Foy a esté fait Evesque de Senlis, pour avoir mis le Roy Charles au rang des Martirs. Il me faudroit bien quelque Evesché pour tant de martirs que j'enrolle icy. Suivant mon propos, le Roy, dit le bon prescheur, eut tant de peine à massacrer les Huguenots, qu'il en mourut de desplaisir, pour ne les pouvoir tous achever; &

eux

eux disent qu'il mourut blasphémant de rage. C'est une gentille phrase que nos docteurs pratiquent aujourduy : pour le pont aux meusniers envers quelques-uns, je dis mesmes Catholiques bigots, qui croient que Dieu ait abîmé ce pont, commençant par les deux maisons qui touchoyent à la vallée de misere; lesquelles estoient l'eschaffaut de la tuerie, le jour propre que les enfants des deux Maisons se marioyent ensemble; & que cela a esté une notable vengeance du ciel. Nous disons au contraire, que ce n'est pas pour les cruautés exercées, mais parce qu'on n'y en exerce plus, & là nous renforçons de sept ou huit cens martirs d'eau douce. Mais faut-il chercher de ceux, qui sont morts de sang froid, l'astre le plus luisant de nos martirs c'est la Reine d'Escoffe, qui avoit fait sauter son mary, constamment resoluë à ce faire, contre toutes les mignardises & humilités d'amour, qu'il luy monstroït. Je ne puis passer sous silence ce que me respondit un heretique, à qui j'allegois cette sainte : malheureuse religion, dit-il, qui n'a point de martire ni plus chaste que celle-là, ni plus pure qu'une paricide! C'est tout un: à la verité elle s'entendoit un peu aux artifices du feu. Mais elle est canonisée, & sera dans l'Almanac, à la barbe des heretiques, logée aupres de S. Marie Egyptienne, & pour la distinguer elle sera appelée S^{te} Marie de la faucisse. Nous mettons à ses pieds Pierre Edmond &..... avec leur compagnie, de cent & dix, selon le compte de Baronius. La plus-part de ceux-cy estoient braves soldats, bons petardiers du seminare de Maure-

vel & de l'ancien de le Montagne, qui pour une legere somme vous desfaisoyent d'un homme qui vous faschoit, ayans tousjours l'intention contre l'heresie. De ceux-là il faut croire que leurs ames sont sauvées, car ils les ont voulu perdre, & vous sçavez ce qui est dit de ceux qui veulent perdre leurs ames. Mau-revel fut Catholique si zelé, qu'en haine des mescreans, avec un peu d'argent que la Reine luy avoit promis, ayant manqué à Mont-contour de tuer l'Admiral, il fit pourtant un sacrifice sanglant, & de bonne odeur à la dite Reine, en tuant à ses affaires Mosny; qui de long-temps le nourrissoit, le montoit, & luy donnoit des chausses. Il fut martirisé par Mosny le fils, qui y mourut aussi. Quant au vieillard de la Montagne, c'estoit un habile homme, & soit dit en passant, qu'il fut le patriarche des Jesuites: car enfermant dans son paradis contrefait les assassins zelez, il les envoyoit après, tout joyeux de mourir, tuër les chefs des Chrestiens. Ce paradis fut le prototype de la chambre des meditations. Pour la varieté & marquerterrie de cet ouvrage, nous ferons un article de tant de crucifix, de Saints & de Saintes, encore qu'ils fussent de pierre ou de bois, à qui les Huguenots, comme dit Bel-larmin, ont craché au visage, les ont foulé aux pieds en la bouë, arraché les yeux; je dis les yeux, parce que nous avons veu qu'ils les remuoient comme des personnes, coupé le nez & les oreilles. Mais il y a encore plus d'apparence des corps Saints, qu'ils ont martirisés, comme S. Claude, qui fut bruslé avec l'abbaye l'an 1564. Il est vray qu'un bon Chrestien

tien du lieu mit en sa place un corps, qu'on
 avoit pendu à Dortail, & voila une bonne com-
 pagnie de martyrs. Apres entre les sensibles
 marcheront servant, le pituyable Montferrat,
 duquel les sœurs prenoient la peine d'en for-
 ger, & quelquefois gehenner les prison-
 niers Huguenots. Nous avons des plus nou-
 veaux Chessé & Maillé Bencharde, Ven-
 dosme, & cette autre belle liste de Plessis de
 Coné, Fontenelle. Si ne faut-il pas oublier
 nos martyrs de Blois, de qui le pere fut aussi
 martyr canonisé à Rome, sous le nom de Saint
 François le pistolier lez Orleans. Leur posterité
 fera canonisée de mesme; sçavoir S. Henry
 des barricades, & S. Denis Capitaine & Cardin-
 al. D'une autre bande nous mettrons M. S.
 Clement, & M. S. Sponde; l'un martyrisé par
 le procureur general, l'autre par sa femme.
 Ces deux zelés personages, que je mets en-
 semble par dépit des Huguenots, lesquels ja-
 loux dequoy l'un fut canonisé, & l'autre près
 de là, les ont mariés en l'epigramme suivante:

*Qui modo Clementem voluisti jungere Divis,
 Et Spondam Divis annumerare potes.*

In vitas Regum fuit insidiator uterque:

Ille animum Regis sustulit, hic animam.

Toy qui as voulu canoniser Clement, tu peus
 bien aussi canoniser Sponde; l'un & l'autre a
 dressé des embuches à la vie des Rois. L'un
 a osté la vie au Roy, l'autre luy a osté l'ame.
 Que deviendront S. Chastel, S. Bourgoing,
 S. Guinan, S. Barriere, S. Jean Nilhet, S. Gar-
 net? Encore y aura-t-il place pour le President
 Brisson, pour les cinq martyrs & le S. Bourreau,
 qu'ils pendirent avec eux. Et à ce propos le

feu Admiral, faifant prendre aux fecondes guerres douze S.^t Cordeliers de Chateau-Vilain, qui n'avoient point affommé des fains, mais des malades de l'armée, les pauvres martyrs eurent ce deplaisir, que deux de leurs freres briguerent la commiffion de faire cet office. Sur ce debat ambitieux, leur fut baillé à chacun un cordeau, pour voir lequel des deux feroit le plus habile à fucceder. Jamais Retiaires, Laqueaires ne firent plus de tordions contré Secuteurs & Mirmillons, que firent ces deux paillards, desquels enfin l'un fut empoigné, comme il vouloit faire un paffedeffous. Le victorienx ayant fort bien estringlé fon compagnon, pendit en fuitte tout le reſte. Le pendeur & les pendus eſtoient tout d'une meſme livrée. Ce rejetton de S. François, tant que la guerre dura, ne changea ni d'office ni d'habit, & ſçachant en quelque lieu un grand jeune novice, qui s'eſtoit ſauvé du convent, l'envoya querir pour eſtre ſon valet. Ils faiſoyent apres la beſogne bien joyeuſement, & ſervoyent mout à la police de l'armée, quand on crioit aux goujats, gare le cordelier. Il me ſouvient que ce vilain ſe plaignoit, quand il n'avoit point de beſogne. Voicy les Neoteriques, S. Pere Henry d'Anvers, & S. . . de Saumur, qui furent bruſlés pour eſtre Catholiques Romains, ſelon l'interpretation du Comte de la Rochefort, ils confeſſerent un exercice de leur pieté fort eſtrange, mais familier à cette ſorte de Saints, & ſans cette confeſſion on n'eut ſceu faire bruſler le dernier. Carl'eſcolier & le Sergent ne furent que ſouietrés, pour avoir eſſayé devotement d'aſſaffiner l'he-

L'heresiarque du Plessis. Icy prend sa place M. S. Biron, qui ayant vescu en mespris de toute religion, devint tout à coup si bigot, que quand il trouvoit en son chemin quelque relique d'une croix cassée, mettoit pied à terre, & cheminoit de genoux quatre-vingts ou cent pas, pour baiser la pierre toute fangeuse, jusques-là que près de Bretigny en Bourgogne il en baïsa une entre deux estrons. Ce fut une grande perte pour l'Eglise, car il avoit renié Dieu de bon cœur, & juré qu'il mettroit la guerre en France contre les Huguenots. C'estoit une belle fin d'homme, & en bons termes. Croyez qu'il ne juroit point en Huguenot, non plus que Coton, quand il receut un coup d'espée à la fesse gauche. Vous avez un notable martir en M. S. Bosnier, duquel ce meschant Feneste nous a defrobé l'Histoire; mais il a oublié, ou ne l'a pas sceu en la descrivant, la difference qu'il y eut entre sa femme & la Comtesse de Norton, sur la robbe & les cotillons que gagna la Medecine, en faisant & ne faisant point : & la Comtesse ayant déclaré à son mary, qu'elle avoit fait un vœu de chasteté pour quatre jour la sepmaine, son mary en fit un pour les autres trois. Elle en mourut de déplaisir, & c'est un martir à la mode.

C H A P. I X.

Corollaire.

UN jour qu'il tonnoit, M. le Convertisseur me vint voir, & me trouva fort estonné peu de temps apres ma conversion. Je n'avois pas bien dormy le nuit ; & sans mentir j'eusse

voulu ma conscience couchée à part. Ce qui m'avoit piqué au soir c'estoit l'amas de sottises nouvelles, comme de quelque ordre nouveau, que donnoient les Huguenots à leurs affaires. Ce badin de Luit m'avoit fait voir à l'œil, que depuis ma conversion le Roy ne se fioit point en moy : au contraire, que Rosny, qui demouroit ferme heretique, gaignoit un grand pais en faveur vers le Roy, & en autorité en France. A ces pensées j'adjouste les fascheuses morts de Sponde, defavorisé du Roy aussi-tost qu'il fut converty : de Morlas, ne faisant que commencer à faire profiter sa revolte, pour le mettre à son aise : de Clairville, regrettant à la mort de s'estre damné pour acquerir quelque chose, sans toutefois avoir gousté le plaisir d'en jouir. Du Fay mort defavorisé & desesperé au point qu'il disputoit publiquement, que l'Eglise Romaine estoit l'Eglise de Christ. Barriere comme il commençoit à composer ses Theses. Sallettes entrant en mesme train, & ayant appris de sa femme, que quiconque craint beaucoup Dieu, craignoit aussi les hommes, elle qui ne craignoit & ne refusoit homme du monde, estoit hardie contre Dieu. Toutes ces morts me vinrent en la pensée avec plusieurs autres de mesme farine. Comme j'estois en cette agonie j'apperceus M. Cahier se promenant en la basse-cour. Je cours luy demander qu'estoit devenu le Ministre de Vaux. Monsieur, dit-il, ce malheureux, apres les belles promesses qu'il avoit faites à M. d'Evreux, & argent receu pour les executer, il luy prit une fièvre poltronne, & s'en alla d'icy en son pais ; criant & braillant

braillant que la cause de Dieu estoit trahie par luy, & cinq de ses compagnons, lesquels il designoit sans nommer. Il adjoustoit à cela que Dieu luy feroit pardon, qu'il alloit à sa maison, rendre son ame entre ses mains, aussitost qu'il seroit à Millaud. Il s'offrit cependant d'escrire des lettres à M. d'Evreux, lesquelles portoyent creance pour quelque habile homme, & sur lesquelles M. d'Evreux descouvriroit la prevarication de la dispute de Mantes, & les autres preparatifs de Rohan & de Serres, que vous sçavez avoir promis leur perfide entremise de bonne heure. Les Huguenots furent si simples, que de refuser son offre; disant que le regne de Christ ne s'establit point par ruses. Je remplis le propos de Cahier, & luy demanday, mais qu'est devenu de Vaux? Peu de temps, dit-il, apres qu'il fut arrivé à Millaud, il continua ses regrets, & ses cris, & notamment le jour de sa mort, auquel jour il se promena hors la ville avec ses amis, soupa bien, & si-tost qu'il fut au lit appelle sa femme, luy dit qu'il falloit mourir, prononça le couplet du Psalmiste:

*Je sçay aussi que tu aimes de fait
Vraye equité dedans la conscience;
Ce que n'ay eu moy, à qui tu as fait
Voir les secrets de ta grand'sapience.*

Et à ce mot il expira. Apres y avoir resvé, je repris la parole, & demanday comment se peuvent aujourduy couvrir Rohan & Serres & les autres? Ces deux-là, respond Cahier, n'ont que faire de couverture; car ils sont couverts de terre. Je vous diray comment. Si-tost qu'ils eurent sceu la confession de de Vaux,

ils s'encouragerent l'un l'autre par lettres , se font eslire pour le Sinode National de Montpellier , avec resolution de passer le Rubicon , & avant faire retraite essayer de gagner quelque chose avec les confederés. Mais le malheur fut si grand, qu'ils sont tous deux morts à l'ouverture du Sinode. J'ay grand regret à l'argent que Serres avoit porté à sa femme; car elle mourut le mesme jour que son mary, ainsi qn'Ananias & Sapphira, & cet argent eust esté bien employé pour moy. Monsieur, s'il vous plaisoit me faire ordonner quelque somme, & prendre les rescptions, que... Je ne luy donnay pas le loisir d'achever. Je m'en vais soupirant, & repousse ce Marauld, qui m'importunoit, pour m'en aller au lit, non au repos. Au point du jour mes gens ayans adverty M. le Convertisseur de mes inquietudes & exclamations la nuit; le voicy entrer en ma chambre. Il prend luy mesme un siege, & commença ces paroles douces: Monsieur, j'ay sceu par vos gens, & dés-hier au soir par M Cahier, que vostre ame est agitée de quelques terreurs paniques: j'en connoy aussi quelque chose à vostre poux; mais je vous prie de gouter mes paroles, comme remedes lenitifs & palliatifs pour vostre playe exterieure. *Nulle violence de dehors, nulle promesse, esperance ni crainte ne peuvent changer l'interieur des opinions, La raison seule qui les esmeut est celle qui les attache. Aussi sa puissance est la faculté des esperances & des craintes. Quand je parle de craintes & de desespoir, je l'entens des affaires de ce siecle: car à la verité quand il va du siecle à venir, lors l'esperance du bien & la*
crainte

crainte du mal s'exercent sur l'une & sur l'autre. Les retraittes du cœur, vos pensées vous affligent. N'estes-vous pas bien-heureux de ne sentir que le doux regne & la puissance naturelle de vos pensées, & non pas la violence des necessités? Sçachez que presque tous les hommes en sont reduits à ce point, ou d'estre en mauvais mesnage avec la conscience, ou avec les affaires du siecle : mais parce qu'il n'y a point de felicité parfaite, les sages voyans persecuter la liberté de leurs pensées, s'enfuyent aux cachettes du cœur, & quand vostre conscience ne se peut unir aux conditions du temps, fuyez à ces cachettes des sages, asservissant à vous-mesmes les choses, dont vous estes le juge ; & aux autres, celles qui tombent sous le jugement. Nos actions exterieures peuvent estre jugées par ceux qui dominent, & parce qu'ils en ont la connoissance, vous ne pouvez empescher que cette partie ne soit de leur gibier, & qu'ils n'exercent sur elle la recompense ou la punition, mais ils ne peuvent executer sur vos pensées, auxquelles ils ne peuvent faire le procès. Je dis des choses pour vous & pour moy, Monsieur, pour vous prier que les combats de nos consciences ne sortent point dehors, & si la conscience pique pour esclatter, ne la pouvant rendre morte, il la faut pour le moins endormir. Cahier m'a dit que vous vous estonnez pour dix ou douze morts promptes de nos nouveaux convertis. Le Baron de Salignac & moy sommes encore en vie. Les femmes de luy & de Sallette, de Sponde & de Morlas, & autres ne sont pas mortes non plus. La raison en est facile : Ceux

T s

qui

qui sont morts ont voulu laisser vivre leur conscience, & elle les a tués. Il la faut donc tuer à bon escient, comme je me vante d'avoir fait, ou l'endormir par stupidité, comme le Baron, ou comme sa femme & les autres par mil petits passe-temps d'amour. Tenez, je vous donne un petit contenu, que je desfroby à Lucain hier au soir en me couchant. Plusieurs sont faits coupables par leur bon droit. La loyauté quoy que loüée est punie, quand elle soustient ceux, qui sont pressés par la fortune. Il faut suivre la faveur. Honorer ceux qui sont heureux, fuir les misérables : Car jamais homme sage n'a choisi pour amis les malheureux. Il faut changer selon les affaires, & abandonner le party sur lequel on ne se peut plus appuyer. Suy le victorieux, & te laisse emporter au courant des affaires. N'importe avec qui que ce soit que tu trebuches. Il y a autant de difference de l'utilité avec le droit, que du ciel à la terre, & de l'eau avec le feu. Les plus grandes maisons periroyent si l'on y vouloit faire estat de la justice. Le respect de ce qui est honneste est pour renverser les cités & les chasteaux. La liberté de commettre toute meschanceté maintient les Royaumes. Quoy que haïs ne tenir aucune mesure au mal, ne rien faire que pour l'apparence, porte l'impunité quand on le fait. Que celuy sorte de la Cour qui veut estre pieux. La verité & la haute puissance ne s'accordent point. Toujours sera en crainte, qui aura honte du mal. Pourquoy est-ce qu'un sage aura honte de suivre l'exemple de son Roy ? La meschanceté rend esgaux ceux qui en sont souillés. Ce
n'est

n'est pas petite louange que de plaire aux Princes. La probité, qui n'est accompagnée de l'heur, est toujours méprisée. La misérable pauvreté n'a rien de plus misérable, que ce qu'elle rend les hommes ridicules, & la vertu est bien malheureuse de ce que louée elle souffre les moqueries du vulgaire. J'en rapporterois davantage, tous desrobés de différens auteurs, mais on me vint appeler pour reconcilier un mariage desbauché. Enfin, Monsieur, voila à quoy j'ay passé le temps à vostre contemplation, m'assurant que vous en ferez vostre profit, comme estant cette Medecine propre à vostre naturel. Car au lieu d'eslire des amis misérables, vous insultez aux affligés, comme vous fistes bravement à Compiani, lequel estant matté de trois ans de prison, ayant veu tant de fois les voix mi-parties, la moitié à sa mort, l'autre moitié à une vie pire que la mort; quand vous vistes que la longueur eut adoucy le procès, comme il advient aux criminels, vous pristes les temps de sa frayeur, pour avoir de luy dix mil francs; desquels vous vous rendistes garant envers vos collegues: mais vous corrompistes tous les autres de paroles, & vous de la somme. Bien fistes vous une feinte de bailler un memoire du partage escrit de vostre main, qui fut difficile à recouvrer. Je remerciay M. le Convertisseur, & prenant son propos luy dis, je vous ay dit ces choses en confession. Je vous recommande mon honneur. Mais pour vous monstrier que vos enseignements sont semés en bonne terre, tant s'en faut que je me vueille embrener de l'amitié des affligés.

T 6

j'ay

J'ay appris de vous, Monsieur, qu'il faut manger les viandes lorsqu'elles sont mortifiées, & profiter sur les hommes, quand ils sont attendris par leurs miseres. Et à ce propos je vous conteray un brave trait que je fis à ma seconde conversion. Nous estions à Orleans l'Abbé du & moy, quand le massacre se fit. L'Abbé me conseilla de sortir en ruë l'espée à la main & faire le massacreur, pour sauver ma vie. Voyant que ce conseil avoit succédé, & que pour avoir mis mon espée dans le corps d'un pauvre chapelier mort, j'estois le bien-venu parmy les tueurs, il me va souvenir du fire à qui je devois encore ma nourriture pour quatre mois. Je m'en vais à la porte avec & autres compagnons. Ce bon homme estoit à genoux dedans sa chambre, se preparant à la mort : Quand il ouït ma voix à la porte, il y accourut soudain, me receut plein de joye, & s'escria tournant les yeux au Ciel : O Dieu, tu m'as envoyé cet amy comme un Ange, pour me secourir en mes peines. Ce fut bien pour l'en oster ; car je luy fourre quand & quand mon espée dans le corps, & le fis bien achever. Je sauvay la vie à sa femme, qui fut accoustrée par moy & avec les autres compagnons, qui me la tenoyent. Puis apres elle se va presenter à des bateliers, qui tuoient en cette ruë, & se fit pour le deplaisir du violement assommer à eux. Je faillis à tuer un valet Huguenot, qui ne voulut jamais faire comme moy, & pour n'avoir des gens à ma poste je ne gagnay que quatre-vingts escus, & un habit de camelot verd, & c'est ce que vous m'avez ouï reprocher

cher en paroles ouvertes à qui s'en revinrent à Paris avec moy. Voila , dit le Convertisseur , un brave trait , & c'est presque en mesme monnoye que vous avez payé le S^r de Gennes , qui vous importunoit de cent mil escus : mais ç'a esté sans faire saigner la gorge. Tels propos me ragaillardissoient pour un temps. Je me delibéray de m'endurcir en pareilles résolutions, penser peu au passé, souvent à l'avenir. Il ne me reste que deux petites craintes ; l'une d'Estat, & l'autre de Religion. La premiere est que si les Huguenots se ravi-foient en leurs affaires, suivant le discours du chapitre precedent, je voy que la meilleure part de la France fuyeroit entre leurs bras ; en ce cas nous sçavons, Dieu mercy, le chemin d'y aller, d'en venir, d'en retourner. Quitte pour contrefaire Eubolius, & me veautrer dans un sac à la porte de S. Ion de la Rochelle, en criant, Chrestiens, foulez moy aux pieds, qui suis sel sans faveur. *Calcate me, sal inspidum, Christiani.* La crainte de conscience est qu'une fièvre chaude me promene, & me trompe, comme Morlas : au fort peut-estre que Dieu me pardonnera ; si je puis, à l'exemple de ce bon compagnon, donner des coups de pieds à un Saint renversé, en signe de repentance.

F I N.

SYLLOGISME

Expositoire sur la controverse , si
l'Eglise est des Esleus seule-
ment ; à Cahier , qui
l'impugne.

Huguenots , qui croyez qu'au doux sein de l'E-
glise ,

Nous disons que parmy les agneaux, les esleus ,
Elle embrasse les boucs , & les loups favorise :
Cahier voulut loger les putains en franchise ,
Canoniser pour saints les verolés perdus :
Nostre Eglise le prit quand vous n'en vouliez plus ,
Catholique il poursuit encor son entreprise :
La paillard de le voit martir pour les Bordeaux ,
L'Advocat des putains , Syndic des Marquereaux.
Elle ouvre ses genoux, l'acolle tres-humaine,
Honteux, banny, puant, verolé, ladre vert.
Huguenots confessés, que l'Eglise Romaine
Tient son giron paillard à tous venans ouvert.

Sonnet promis au chap. 5. du 1. livre , que por-
toit au col le chien du Roy.

Sire, vostre citron, qui couchoit autrefois
Sur vostre liét sacré, couche ores sur la dure ,
C'est ce fidele chien, qui apprit de nature
Affaire des amis & des traistres le choix.

C'est luy qui les brigands effrayoit de sa voix,
Des dents les meurtriers ; d'où vient donc qu'il
endure
La faim , le froid , les coups , les desdains & l'in-
jure ,
Payement coustumier du service des Rois ?

*Sa fierté, sa beauté, sa jeunesse agreable
Le fit cherir de vous, mais il fut redoutable
A vos fiers ennemis par sa dexterité.*

*Courtisans qui jettez vos desdigneuses veûs
Sur ce chien delaisfé, mort de faim par les ruës,
Attendez ce loyer de la fidelité.*



*Sont nourris & sauvés les fideles sans
plus, sur l'apothéose du Cardinal*

S. CHARLES BORROMÉE.

NE pensez plus choses estranges
D'estre logé parmy les Anges,
De voir comme Dieu estimé,
Mais admirez pour belle chose
La sacrosainte apothéose
Du S. Charles de Borromé.

S'il falloit par la perfidie
Faire la guerre à l'herésie,
Dispenser d'un serment formé,
Et faire tomber dans le piège,
Ceux qui n'adoroyent le S. siege,
On employoit S. Borromé.

Quand il falloit sans conscience
Allumer le feu de la France,
Et l'entretenir allumé,
Mettre la ligue à la campagne,
Perdre tout pour servir l'Espagne,
C'estoyent coups de S. Borromé.

Pour

Pour changer la paix à la guerre ,
 Mettre au sang les Rois de la terre ,
 Et les armer à point nommé ,
 Pour profiter de leur discorde ,
 Qui sçavoit toucher cette corde
 Comme S. Charles Borromé ?

Si un Cardinal hypocrite
 Avoit honte de sa marmite ,
 Et consentoit au réformé ,
 Ou s'il opinoit pour la France ,
 Une pilule de Florence
 S'apprestoit par S. Borromé.

Ou bien si quelque Dieu en terre
 Approchoit les tours de S. Pierre ,
 Après un Espagnol nommé ,
 On luy abregeoit ses années ,
 Par les sacrosaintes menées
 De l'hypocrite Borromé.

Quand on fit aller à Venise
 Les saints assassins de l'Eglise
 Rendre frere Paul assommé ,
 Qui fit cette infame menée ,
 Et qui a payé leur journée ,
 Sinon S. Charles Borromé ?

Voilà

450

Voila les œuvres meritoires
Des œuvres surerogatoires,
Voila pourquoy est reclamé
Des S^{ts} parmy la compagnie,
Et chanté dans la Litanie,
Le bon Saint Charles Borromé.

Discite justitiam moniti.



Pri-

*Privileges, Franchises, & Libertez
de la Ville Capitale de Boisbelle,
pour convier tous financiers, lacquets,
bouffons, macquereaux, forgeurs, &
courtiers d'accés, partisans, deman-
deurs de dédomagement, & autres
gens d'affaires d'y faire bâtir.*

Que Dieu fera servy en la ditte ville
à la fantaisie du Prince d'icelle non-
obstant le Concille de Trente, au-
quel quant à present y sera derogé.

Que la foy, & les Ceremonies de la primi-
tive Eglise seront bannies, comme surannées,
ne servant qu'à tenir le peuple en humilité, &
obeissance, vices contraires à la reformation
du temps qui court.

Que l'escriture sainte aussy mal interpre-
tée, que mal entenduë, sera la seule regle de
salut sans prejudice des sermons du Pere Por-
tugais, & des douceurs du Pere Cotton, &c.

Que le livre de duc Plessis Mornay y sera te-
nu pour oracle, attendant celuy de Monsieur
du Perron, sans qu'il puisse plus être mis sur
le tapis à Fontainebleau, &c.

Qu'aucun jour de l'année n'y fera feste,
que celuy auquel le sieur de Sancy fût dégradé
des finances, auquel en sera fait feux de joye,
& le canon tiré comme à la saint Jean, &c.

Que tous Juifs, Musulmans, Anabaptistes,
Martinistes, Zuingliens, Puritains, Calvinistes,
& autres tels gens de bien y seront admis avec
la liberté de conscience tant nécessaire pour
main-

maintenir au monde l'indévotion & irreligion, &c.

Que tous capucins, Fueillans, Mandians, & autres n'y seront receus, sinon en jettant le froc aux orties pour travailler, non à la vigne du seigneur, mais à la multiplication du genre humain, &c.

Que tous Ecclesiastiques, Apostats, faincants, paillards, débauchez y auront seure retraitte, fors Monsieur l'Evesque de Beauvais, lequel à cause de son Privilege sera renvoyé au Parlement.

Que Nulle assemblée du Clergé de France ne s'y pourra faire, s'il n'est question des Comptes de Castille, & que l'Evesque de Rieux, & Dame sainte y assistent.

Que l'inquisition ennemie jurée de l'Eglise Gallicane ne pourra approcher de la ditte ville sans permission de l'advocat Servin.

Que tous Pellerinages, & Voyages de devotion seront deffendus aux habitans de la ditte ville, si ce n'est celui de saint Mathurin, &c.

Que tous mariages se feront en la ditte ville à discretion, même se pourront consommer par procureur sans procuriation, &c.

Que l'histoire fantasque du president de Toul corrigée par Cazobon sera autorisée, & si autrement il en est dit à Rome, il en sera appelé comme d'abus, &c.

Que le bon homme desdommagement fondateur de la ditte ville sera à perpetuité honoré en icelle, & les loix gardées, tant que l'on pourra, comme Saliques, & fondamentales de cet état, &c.

Que les biens acquis à son service seront tenus

nus en semblable respect, que les choses sacrées, dont la connoissance est interdite au vulgaire, &c.

Que la Rebellion d'Arnoult sera écrite en lettre rouges, à fin que la posterité sçache, qu'il a voulu controller sans controllé les actions de son bien-faïcteur, &c.

Qu'il sera loysible à tous conseilliers d'état, intendants, presidens, & conseillers des Cours souveraines, Messieurs des Requestes, & tre-soriers de France d'être de tous partis, & sans qu'il leur soit besoin de dispence, pourveu qu'il y ait a gagner, & qu'ils en conferent avec Duret, &c.

Qu'en l'a ditte Ville il y aura un parlement sans procez, desquels comme de toutes autres choses la connoissance sera reservée au conseil, & seront advertis les sieurs Faucon, Chevalier, Royssis, Boinville, Bellievre, le Gay, Mallon, & autres tels suffisans senateurs du temps, que les offices du dit Parlement seront au plus offrant, si la Presidente de Verdun ne l'empêche, &c.

Que tous differents, qui naistront en la ditte ville, seront terminez par la prudence, & bonne suffisance de Villemontée, & S. Maupeau.

Qu'il ne sera jamais mention en la ditte ville de la chambre de justice, & si Mangot s'en veut mesler, il y sera mal mené, &c.

Que l'on pourra parler librement en la ditte ville de toutes personnes même des Princes du sang, si ce n'est que la marquise y soit presente, à la quelle il sera deffendu de s'y trouver dorenavant.

Que l'on pourra aussi gourmander tout le monde sans respect d'aucun, fors Conchine, qui
sera

454 *Privileges, Franchises, & Libertez, &c.*
sera réservé pour la gallerie des merciers.

Que tous financiers, quoy que yssus de simples payfans, ou pauvres artisans, pourront donner en mariage à leur filles trois cent mille livres, bien que ce fût autrefois le dot ordinaire des filles de nos Roys, pourveu qu'ils ayent œuvré leurs charges troisans & au dessoubs.

Que le Comte de Schomberg sera Gouverneur de la ditte ville, & Duret & Moisset gardes des portes d'icelle.

Qu'aucuns Princes du sang ne pourront passer sans le passeport du Pere Gonthier.

Que Descures ne pourra loger des gens de guerre és environs de la ditte ville, à cause du party par luy fait des impositions, & Billots de Bretagne, &c.

Qu'en la ditte ville y aura une bastille, en laquelle sera transferé le Cabinet, qui est au hault de celle de Paris, & si le Comte d'Auvergne le veut empêcher, il sera remis à l'ordinaire de Numigny.

Que la ditte ville servira de passage aux paquets, qui seront portés de Geneve à la Rochelle pour la tranquillité de la France.

Qu'en la ditte ville y aura un magazin de pieces de Reformation, comme factions, monopoles, menées, entreprises, & autres tels outils propres à renverser le royaume pour en fournir, à qui en voudra, quelque empêchement, que vueille donner le mareschal de Bouillon,

Que les Almanacs de Mamiant & les présages portez par la Varenne, qui font esvanouir le monde, ne seront debitez en la ditte ville sans permission scellée du grand sceau.

Que

Que la deffence d'y manger du Rosty à disner n'y durera , que six mois pour ceux, qui entreront aux affaires , & quant à l'inventaire de leurs biens elle fera mise en la chambre, mais retirée pour la supprimer.

Et Parce qu'il importe grandement pour la santé de ceux de la ditte ville , qu'elle soit renuë nette des bouës , il en sera fait party a la charge des avances , & pour memoire éternelle de l'heureuse edification de la ditte ville , sera gravée sur le front d'icelle cette honorable inscription.

*Par l'audace d'un Ecossois ,
Poussé d'un insolent merite ,
Cette ville a été construite ,
Du sang le plus pur des François.*





DISCOURS MERVEILLEUX

De la Vie, Actions & Deporte-
mens de la Reyne

CATHERINE
DE MEDICIS,

Mere de

FRANCOIS II,
CHARLES IX,
HENRY III,
Rois de France.



A COLOGNE,
Chez PIERRE DU MARTEAU.

M. DC. LXVI.



DISCOURS MERVEILLEUX
de la Vie, Actions & Deportemens
de Catherine de Medicis
Reyne Mere,

*Declarant tous les moyens, qu'elle a tenus
pour usurper le gouvernement du
Royaume de France, & ruiner
l'Estat d'iceluy.*

Comme il seroit tres-utile que les vies de toutes personnes eslevées en dignité, qui en leur temps ont apporté quelque notable fruit au monde, fussent bien & diligemment escrites, tant pour recompense de leurs travaux, que pour demeurer en exemple de vertu à la posterité: Aussi pensé-je certainement qu'il seroit à souhaiter, que tous ceux qui n'ont pris plaisir, & qui n'ont employé le temps qu'à mal faire, fussent ensevelis au tombeau de perpetuelle oubliance, tant pour punition de leurs meschancetez indignes de memoire, que pour ne laisser aux hommes, trop enclins d'eux-mesmes à embrasser le mal, un patron de meschancetez, pour tant plustost s'y façonner. Voila pourquoy j'ay par quelque temps fait conscience d'escire cet eschantillon de la vie & des actions de Catherine de Medicis, qui se dit & fait sentir aujourduy (comme des long-temps) Regente de nostre miserable Royaume de France: pource que cette

femme est un naïf tableau & exemplaire de tyrannie en ses deportemens publics, & de toutes sortes de vices en ses plus privez. J'ay craint de fouiller aucunement mes mains & me faire mal au cœur, en remuant & sentant une matiere tant vilaine & puante. Mais considerant enfin qu'elle vit encore, & ne vit pas seulement, ains aussi gouverne tout à l'appetit des passions qui la maistrisent & ores, sous pretexte d'un titre audacieusement usurpé, nous regente & continue à nous fouëtter & bourreller cruellement, sans presques qu'aucun de nous face semblant de le sentir (comme si par ses coups de baguette & breuvages enforcelez elle nous avoit changés en bestes brutes, & arraché l'humanité), je suis contraint laisser ces scrupules, pour mettre la main à cet ouvrage (bien qu'à contre-cœur), & monstrier à chacun qui est celle qui nous tient dessous ses pattes, & en considerant le passé, ce que nous devons esperer d'elle à l'avenir, si nous n'avisons aux moyens d'en eschapper.

Or je ne pretens point (Dieu le sçait) dire simplement mal d'elle, ains je tasche d'empescher qu'elle ne nous endommage point. Je ne la veu x point injurier; ce m'est assez d'avertir chacun de son impieté, & des torts qu'elle a faits à ce Royaume. L'appetit de vengeance ne m'a point fait entrer en ce discours, & ce seroit une pauvre vengeance pour tant de maux qu'elle nous a faits. Je desire

fire seulement prevenir la finale ruine que des long-temps elle brasse contre, tous les gens de bien de ce Royaume, lesquels elle n'accuse en son cœur que d'innocence, ne hait que pour leur vertu, ne poursuit à mort que pour l'amour qu'ils ont au public.

Je sçay bien que quand Dieu & les hommes laisseroyent cette femme en paix, elle n'en fera pas plus heureuse, dautant que sa vie seule luy sera un suffisant bourreau, estant (comme elle est) corrompue & travaillée de toute mechanceté. Mais puisque tous ne voyent cela si bien que je voudrois, il faut tâcher à le leur monstrier. Et dautant que c'est à faire à Dieu de besogner en cet endroit, je le prie qu'il nous rende à tous les yeux pour voir cette femme, le sens pour la connoistre, & le cœur pour nous en délivrer, tandis qu'il reste encore quelque peu de vie à ce pauvre & desolé Royaume. Nous commencerons donc par le pays & lieu de sa naissance, suivant le dire du Poëte. Que le naturel est caché au terroir.

Origine de Catherine de Medicis.

CAtherine de Medicis est Italienne & Florentine. Entre les nations, l'Italie emporte le pris de finesse & de subtilité : en Italie, la Toscane ; en Toscane la ville de Florence. Les proverbes en sont tout communs. Or quand ceste science de tromper tombe en personne qui n'a point de conscience, comme il se voit fort souvent aux gens de ce pais-là,

Je laisse à penser combien de maux on en doit attendre. En apres, Catherine est de la maison de Medicis. Ceste maison ayant esté long espace de temps cachée a Florence, sous la lie du peuple, en petites ruettes, où pour sa vileté, personne ne la connoissoit, commença à hausser le front par le moyen d'un charbonnier, qui acquit quelque peu de bien. Cestuy eut un fils Medecin, lequel commença à prendre surnom de son art. Et comme nous voyons aujourduy les gens de mestier prendre pour marque & enseigne l'un de leurs principaux outils; les maçons, un marteau, ou une truelle; les tailleurs des ciseaux; & ainsi des autres: pareillement cestuy-cy prit pour ses armoiries cinq pilules, en nombre non-pair, comme le Medecins ont coustume de les ordonner: ce qui a esté si bien observé durant quelque temps, que le non-pair a esté retenu, encore qu'aucuns ayent changé le nombre pour la distinction des familles. Davantage ce Medecin voulant monstrier à la posterité, que par son art il estoit parvenu à quelque nom, prit le surnom de Medicis, en nombre plurier (à la façon d'Italie) qui a esté retenu jusques à ce jour. De fait, lisez tous les Historiens de Florence, vous n'y trouverez nulle mention de cette maison que sur la fin, encore qu'en parlant des factions de la ville, & nommant toutes les familles, ou nobles, ou notables, entre les populaires, qui estoient

estoit contraintes de suivre l'une ou l'autre, il se presente assez d'occasion d'en parler. Bocace n'en fait aucune mention en son denombrement des familles illustres: & de fait, le premier degré où monta la maison de Medicis fut dressé par un certain Silvestre, qui se rendit chef de populace contre les gentilshommes. Puis elle s'enrichit par banques & usures, corrompit le peuple par presens, & finalement par diverses sortes de corruption se fit maistresse de la ville, & en cette maistrise son principal but fut de destraciner les plus anciennes & nobles races: comme il n'y a Florentin qui ne le sache, ni Historien qui n'en soit tesmoin. En somme donc par moyens obliques & illegitimes cette maison empieta la domination tyrannique, en laquelle elle a sceu se fortifier de telle sorte avec le temps, que le Duc de Florence dernier mort, qui, pour avoir la possession paisible de Florence, se contentoit au commencement de douze mille ducats par an, pour son entretenement, en tiroit annuellement (au jour de son trespas) jusques à douze cent mil, par ses subtiles inventions favorisées des citadelles & garnisons d'étrangers, pour marcher plus à l'aise (comme à deux pieds) sur le ventre de sa patrie.

Ainsi Catherine est venue de tres-bas lieu. Partant, si selon le proverbe, Jamais matin n'aima levrier, la noblesse

Françoise ne doit attendre de cette femme, qu'un avilissement & aneantissement total, si tant est qu'on la laisse toujours à sa poste. Les Florentins pour la plupart (comme disent ceux qui ont mangé quelque peu de sel avec eux) se soucient peu de leur conscience: veulent sembler religieux & non pas l'estre, faisant grand cas (comme aussi Machiavel, l'un de leurs premiers politiques, le conseille à son Prince) de ce qu'avoit jadis fort souvent en la bouche l'ambitieux Ixion,

Cherche d'avoir d'homme droist le renom,

Mais les effets & justes œuvres non.

Fay seulement cela dont tu verras

Que recevoir du profit tu pourras.

Aussi n'aiment-ils personne qu'eux-mêmes, envient & haïssent mortellement tous ceux qui ont quelque chose plus qu'eux en vertu, noblesse, ou autre bonne qualité: mais sur tout ceux auxquels ils sont aucunement obligez, quoy qu'en apparence & ceremonieusement ils se montrent affables à chacun. Les Medicis ont chez eux la quintessence de toutes ces bonnes parties, comme leurs propres Historiens le remarquent, ou sans avoir pris de si près garde à ce qu'ils escrivoient, ou pour la reverence qu'ils ont portée à la verité. Mais outre tout cela ils sont taxez particulièrement d'une prodigalité desmesurée du bien d'autrui envers personnes indignes & de
neant,

neant, de paillardises brutales, & sur tout d'une tres-profonde dissimulation, propre à effectuer toutes sortes de trahisons. Je ne veux point rechercher davantage les fondemens de cette race: pour le present ce me sera assez de parler de la plus illustre famille qui en est sortie, dont la memoire est toute fresche.

Côme & Laurens de Medicis ont esté louiez pour leur liberalité envers le peuple: mais cela ne tendoit qu'à tyrannie, & n'estoit cette douceur sinon un appast & hameçon jetté pour prendre les poisons, & les manger puis après. Cette finesse ne se peut appeller vertu, dautant que les actions vertueuses n'ont autre but que la vertu, & perdent ce nom incontinent qu'elles visent ailleurs. Or le peuple commença peu à peu à s'appercevoir de cette fausse monnoye: mais trop tard à y donner ordre: & l'effect a monstré à quelle fin tendoit cette ombre de vertu. Mais qui veut voir clairement pourquoy ces Medicis veulent sembler pour quelque temps autres que cruels imposteurs, il le pourra voir aux actions de Leon dixième, & de Clement septième, tous deux Papes, oncles de nostre Reyne Merc', qui ont esté l'honneur de cette race, & lesquels j'estime devoir estre plustost choisis qu'aucuns autres, puisqu'ils ont esté eslevez en lieu où chacun les pouvoit plus aisément contempler que parmy la foule d'un peuple, ou dans les partialitez d'une ville.

Paul
Jove
livre
36.

ville, Voicy quels ilsestoyent, si vous croyez Guicciardin Florentin, l'un des principaux de leur faction, & Paul Jove Evêque de Côme leur affectionné serviteur: lesquels (comme il est croyable) pour l'honneur du siege Apostolique, & l'amour qu'ils portoient à ces tres-saints Peres, lesauront espargnez en leurs Histories autant, qu'il leur a esté possible.

Natural
vel de
Leon
dixième.

L E O N dixième, auquel nostre Reyne Mere ressemble (disent aucuns) tant en traits de visage qu'en complexions, avant qu'estre crée Pape, fuyant leur Aphorisme :

*Il faut sembler homme de bien,
Et cependant ne valoir rien.*

Paul
Javelin
livre 31.

Faisoit tant du religieux & Saint homme, que chacun faisoit feste à soy-mesme de telle election, tant pour la paix publique, que pour le repos particulier, qu'on esperoit de luy apres les guerres, tumultes, & degasts de Jules second son predecesseur, qui avoit jetté dans le Tibre les clefs de Saint Pierre, & pris l'espée de Saint Paul. Mais si-tost qu'il fut assis en la chaire Papale, estant monté là où il pretendoit, chacun commença à le mesconnoistre & appercevoir la tromperie.

Il sema des divisions entre les Princes de la Chrestienté, & forgea des amitez secretes avec l'Empereur Charles, & avec le grand Roy François, ennemis ouverts & declarez. Il leur promet couvertement faveur & aide à tous deux en

un

un mesme temps, pour les encourager à s'entrebattre. Fait publier des Jubilez, & celebrer des Processions. Cependant se plonge jusques au col en toutes sortes de delices & voluptez. Il fait prescher en divers Royaumes & pais des croisades contre les Turcs, afin de tirer argent pour enrichir des maquereaux, boufons, flateurs; & gens de semblables mestiers. Promet Paradis au plus offrant, puis employe l'argent sacré en despeses excessives, en dons immenses, aux menus plaisirs de sa sœur Madelaine, laquelle eut tous les derniers d'Alemagne: qui occasiona Luther (dit Guiccardin liv. 3.) à décrier le Purgatoire, & entrer en lice contre les Papes. Nous sçavons ce qui en est advenu depuis en la Chrestienté. Leon donc semble liberal à merveilles, mais c'est du cuir d'autrui, comme on dit, & des thresors amassez par le Pape Jules son devancier. Quelques guerres qu'il entretinst, c'est des biens & honneurs de l'Eglise, qu'il depart seulement à ses parens, amis & serviteurs Toscans & Florentins. C'est le patrimoine de Saint Pierre qu'il dissipe. Les daces qu'il augmente journellement sont deniers exigez au double des expeditions beneficiales de toute la Chrétienté, & les employe à enrichir un petit nombre de personnes, avec lesquelles il gaudissoit. Cependant il donne occasion de murmure & division en l'Eglise, qui s'en ressentent encore & s'en ressentira. Il apau-

vrit le Clergé pour un long-temps. Il engage l'Estat Ecclesiastique en Italie, de telle sorte que son successeur n'y trouve que prendre, dont le proverbe demeura, que son Pontificat demeureroit encore après sa mort. Bref, en dressant quelque beau colosse, ou enrichissant un portail, il ruïne toute la maison.

*Natu-
rel de
Clemēt
septiē-
me.* Venons à Clement septième, aussi oncle de nostre Catherine. Il fut fait Cardinal contre les decrets de l'Eglise, qui en excluënt les bastards: & puis Pape, en achetant par argent & par grandes promesses les voix du Conclave, ayant auparavant assez bien joié son personnage jusque à ce point. Or voicy comme ses serviteurs mesmes, vaincus

*Guicc.
liv. 12
c. 15.* par la force de verité, le nous depeignent. Il parloit à tous propos d'inciter les Princes Chrétiens à se liguier avec luy pour faire la guerre aux Turcs: cependant il semoit & nourrissoit des guerres entre les Chrétiens, s'accostant ores d'un Prince, ores de l'autre, & par fois de tous deux ensemble, pour les faire entremanger. Ses plus frequens discours en public estoient de ruiner les heretiques, & luy-mesme estoit si bon Catholique, qu'il fit disputer à Rome par quelques Philosophes ramassez de là autour, si l'ame humaine estoit immortelle ou non: & en vient jusques-là, de dire tout ouvertement, qu'il n'avoit jamais pû croire qu'elle fust immortelle.

Il parloit de traiter alliances avec
l'Empereur,

l'Empereur, le Roy de France, & autres ^{Paul}
 Princes : mais il estimoit sottise de tenir ^{Jove}
 sa foy, si on n'y avoit du profit, dont il ^{liv. 30.}
 acquit le loyer des parjures, que de ce
 qu'il promettoit en intention de le tenir,
 personne ne le pouvoit plus croire. Cecy ^{Paul}
 apparut en toutes ses negociations avec ^{Jove}
 les Princes de la Chrétienté, & és ^{liv. 29.}
 vengeances qu'il exerça dans Floren-
 ce après l'avoir reprise, y faisant
 mourir les plus notables contre les mots
 exprés de la capitulation. Puis quand ces
 Historiens viennent à descrire son natu-
 rel : Il se plaisoit fort (disent-ils) à diffi-
 muler, & n'aimoit que ceux qui avoient
 estroite privauté avecques luy pour quel- ^{Paul}
 ques affaires secretes. On entend assez ^{Jove li-}
 ces mots-cy, sans nommer les choses ^{vre 32.}
 par leur nom. Or avançoit-il telles gens, ^{en ces}
 sans honte, respect, ni regard aucun, ^{mesmes}
 jusques aux plus grands honneurs, & ^{mots.}
 les enrichissoit sans mesure. Mais quant
 aux gens de bien, de merite & d'hon-
 neur (marquez le vray naturel de sa
 niece), il les entretenoit de belles paro-
 les, mais en effet il les haïssoit en son
 cœur, & tous ceux spécialement aus-
 quels il estoit tenu & obligé, comme un
 mauvais payeur ses creanciers : jusques-
 là, qu'il dit un jour avoir eu plus de joye
 de ce que le Prince d'Orange, qui en sa
 faveur tenoit la ville de Florence estroi-
 tement assiegée, y fut tué, qu'il n'eut
 d'avoir recouvré la ville, ni mesmes
 d'avoir esté créé Pape : craignant (di-
 soit-

Paul soit-il) que pour recompense ce Prince
Jove ne luy demandast en mariage sa niece
liv. 29 Catherine, de laquelle (pour en tirer
Paul service) il luy avoit donné esperance.
Jove Mais c'estoit une pierre, de laquelle il
liv. 32. vouloit faire de plus grands coups, re-
Guic. gardant toujours à decevoir quelqu'un.
liv. 20. Aussi mourut-il suspect en toutes ses
 actions à tous les Princes Chrestiens,
 odieux à la Cour de Rome, & si fort haï
 de chacun, que Corte son Medecin
 estant soupçonné de luy avoir donné le
 boucon, n'en fut recherché, & il n'y eut
 celuy qui ne l'en remerciaست en son cœur,
 comme ayant fait un singulier service à
 toute la Chrestienté. & notamment à
 la ville de Rome, de l'en avoir delivré.
Paul En somme, on peut dire de Clement ce
Jove que Joachim du Bellay Poëte François
liv. 32. chanté en ses regrets de ses successeurs
 au Papat, c'est qu'en sa vie, pendant
 qu'il taschoit d'embrouiller tout le
 monde, luy en son Palais

*Faisoit d'oisiveté son plus riche thresor,
 Et sous l'infame orgueil de trois cou-
 rones d'or.*

*Couroit l'ambition, la haine & la
 feintise.*

Voilà les oncles paternels de Catherine
 de Medicis. Je ne dis sinon ce que les
 plus approuvez Historiens de nostre
 temps tesmoignent. Ceux qui les ont
 connus particulièrement en pourroient
 dire davantage. Que si vous voulez sça-
 voir qui estoit Laurens de Medicis son
 pere.

pere, ils vous diront que c'estoit un hom-
me confit en toutes sortes de vilenies, en
adulteres, en incestes : un homme
aveuglé d'ambition, à qui ne restoit
que d'estre grand pour faire de grands
maux. Et que par apres cet autre
Laurens son cousin germain, feignant
une estroite amitié par l'espace d'un an
entier avec Alexandre de Medicis son
plus prochain parant, se rendit esclave
de tous les plaisirs d'iceluy, se fit son
espion envers les Strozzes & tous ses au-
tres ennemis, son maquereau vers tou-
tes celles qu'il desiroit, choses tres exe-
crables : puis l'ayant attiré finalement
en sa maison, sous pretexte de le faire
jouir de quelque dame, le tua de sa main,
dans son propre liét.

*Pant
Jove
liv. 32.*

Vous voyez maintenant que le país,
la race, les actions des plus proches pa-
rens de nostre Reyne, nous doivent fai-
re attendre de terribles choses d'elle. Or
au temps qu'elle nasquit, on dit que les
astres menacerent evidemment le lieu
où elle feroit sa demeure. Ses parens
curieux (comme ils le sont là ordinaire-
ment) de sçavoir le destin de sa vie, as-
semblerent les plus fameux Astrologues
des environs, pour dresser sa nativité :
entre autres Basile ce renommé Mathe-
maticien, qui predict au Duc de Florence
dernier mort, lorsqu'il n'y en avoit
aucune apparence, qu'une grande &
excellente dignité l'attendoit. Le re-
gistre, contenant l'opinion de ces Astro-
logues.

*Predic-
tions
en la
naiss-
sance
de Cath-
theri-
na*

logues en forme de consultation, se pourroit encore recouvrer. Tous jugerent d'un accord qu'elle seroit cause, si elle vivoit, de tres-grandes calamitez, & finalement de ruine totale à la maison & au lieu où elle seroit mariée. Ce qui estonna ses parens de telle sorte, qu'ayans esté aucunement en branle de la jetter au loin, & faire esteindre de bonne heure ce flambeau, conclurent par pitié de la nourrir, & pour rendre vaines les prediCTIONS Astrologiques, de ne la marier jamais. Avint quelque temps après que Florence se voulut délivrer de la tyrannie des Medicis, & fut assiegée l'an mil cinq cents rente, à la poursuite du Pape Clement qui les y vouloit retenir. Cette prediCTION ne s'estoit peu du tout celer, car Clarice de Medicis sa tante, femme de Philippe Strozze, ennemie formelle de ces Medicis, qu'elle tenoit pour bâtards, avoit entendu le tout, & quelques autres aussi qui ne tenoyent pas compte de le celer. Donc ceux qui en oyoyent parler, n'imaginans pas qu'elle deust jamais estre mariée si haut, pensoient qu'elle deust estre occasion de la ruine de leur ville: & ce d'autant plus que Clement demandoit tousjours en premier lieu sa niece Catherine. Là-dessus fut assemblé le Conseil: Les uns furent d'avis de la mettre dans un panier, & la pendre sur le rampart entre deux creneaux, afin que quelque canonade l'emportast: mesmes

mes y eut quelque prescheur qui exhorta publiquement les Seigneurs à ce qu'ils s'en desfissent de telle sorte. Les autres, de la mettre en un bordeau quand elle seroit en aage. Aucuns, de l'oster aux Religieuses qui l'avoyent en garde, & la mettre au Convent des emmurées, afin qu'elle n'en fortist jamais. Tous d'un accord, de ne la rendre point à son oncle. Enfin la plus douce sentence en apparence, & en effect la plus cruelle fut suivie, qui fut de la laisser aux mains des Religieuses qui la gardoyent, comme de fait elle y demeura, tant que la ville se rendit.

Clement en avoit fait feste au Prince d'Orange pendant le siege. Si-tost qu'il en est devesché, il la presente ores à François Sforce Duc de Milan en faveur de l'Empereur, ores à un autre. Finalement, un desir extreme de vengeance pratiqua l'infortuné mariage qui s'ensuit. Le Roy François premier n'estoit gueres content de la rigueur que l'Empereur luy avoit tenuë en sa prison, & aux traitez faits avant que sortir. Le Pape Clement estoit irrité de ce qu'on l'avoit rançonné au sac de Rome; entrepris [comme il disoit] par la connivence de l'Empereur, qui tout freschement encore avoit [comme arbitre accepté des parties] adjudgé au Duc de Ferrare la ville de Modene, que Clement pretendoit sienne. Tous deux donc se vouloyent venger, mais ils

*Maria
ge de
Catherine
avec
Henry
second.*

*Guicci.
liv. 20.
Paul
Jove
livre
31.
Mart.
du Bel-
lay l. 4.
se*

se desfloyent aucunement de leurs moyens, & avoyent à faire l'un de l'autorité Papale, l'autre des forces de France. Le Roy luy fait tenir propos par les Cardinaux de Tournon & de Grandmont du mariage de Henry Duc d'Orleans lors son second fils, avec Catherine sa niece. Clement le defiroit si fort qu'il ne pouvoit croire que ce fust à bon escient. Il descouvre ceste negotiation à l'Empereur, à qui il feignoit de se fier, pour l'alliance confirmée par le mariage de sa fille naturelle avec Alexandre de Medicis. L'Empereur luy respond que s'il faisoit mine de presser ceste affaire, il appercevroit tout clairement que ce n'estoit qu'un amusoir. Mais Clement presse si bien l'affaire, que les pouvoirs de contracter sont envoyez, & tost apres les accords passez, esquels le mariage de Catherine fut assigné sur une vaine & pernicieuse esperance des Duchez d'Urbain & de Milan, que le Pape aideroit à recouvrer, & sur Parme, Plaisance & Modene, qu'il y devoit adjoindre par autres peu asseurez moyens: desquelles entreprises nous n'eusmes onc que ruine en France. Aussi, avant les

Guice. pourparlers de ce mariage, Clement
liv. 15. avoit toujours destourné le Roy de tel-
& 16. les entreprises. L'Empereur se trouve
 deceu de son opinion, & entre en doute
 que ce mariage ne luy apportast quel-
 que trouble en Italie. Pourtant il en-
 voye solliciter Clement de ses promesses,
 &c

& l'advertit de ne prester pas l'oreille à toutes les promesses des François. Clement respond que la Chrétienté estoit fort desunie, tant par la multiplication des Lutheriens en tous endroits, que par la revolte du Roy d'Angleterre: que pour la reünir, l'alliance d'un si grand Roy luy estoit du tout necessaire. Mais que pour ce mariage l'Empereur ne devoit estre en peine, que Clement aimoit mieux estre arbitre de paix, qu'auteur ni fauteur de guerre. Et qu'au reste il avoit baillé aux François une femme qui brouilleroit tout leur estat. Son dire pouvoit bien estre fondé sur la prediction de ses Astrologues: mais je pense qu'il eut esgard aussi au naturel de sa race & de foy-mesme, ce qui luy faisoit concevoir telle opinion de sa niece. Finalement le mariage fut consommé à Marseille, l'an mil cinq cens trente-trois, où le Pape & le Roy s'entrevi-
rent. Et ne put onc Clements'en bien asseurer, qu'il ne les eust veus coucher ensemble. Voila les advertissemens du Ciel, les predictions des Astrologues, le jugement du Pape son oncle, auteur de ce mariage. La voila eschappée du Convent, du canon, du bordeau, estre mariée à un fils de Roy de France, lequel pouvoit bien predire aussi de son costé,

*Entréz chez moy, femme de mauvais
nom,*

Pour ruiner mes fils & mon renom.

Il faut voir maintenant comme elle a
bien,

*Em-
poison-
nement
du
Dauphin
Fran-
çois.*

bien sceu accomplir ce qu'on avoit predit d'elle, & si en rien elle a degeneré de sa race. Je ne veux point m'arrester à ses premiers ans, ni m'enquerir de ses plaisirs secrets. Seulement diray-je qu'en sa plus tendre jeunesse elle a tousjours montré des signes evidens d'un esprit tres-ambitieux, & sujet entierement à ses volonte. On sçait les grandes & fortes presomptions qui sont contre elle, d'avoir fait empoisonner le Dauphin François, aîné du Duc d'Orleans son mary. L'envie enragée qu'elle luy portoit pour le voir fort aimé du Roy, & honoré de toute la noblesse François, pour ses vertus vraiment Royales: la jalousie qu'elle sçavoit estre entre ces deux freres, la familiarité qu'elle avoit avec ceux qui furent soupçonnez de ce meschant acte, en feront penser plus que je n'en dis. Puis après, Monseigneur François Duc d'Anguien venant en reputation à cause de ses proüesses, on sçait comme elle luy fut secretement ennemie, les impressions qu'elle dressoit contre luy en la teste du Roy Henry son mary lors Dauphin, tant que Corneille Bentivole l'en depescha à la Roche-guion. Comme estant sur le point d'estre repudiée & renvoyée en Italie, tant à cause que la nature l'avoit comme condamnée à ne porter jamais enfans, que pour apparences de son mauvais naturel; elle gaigna la grand' Seneschale, depuis Duchesse de Valentinois,

tinois, afin qu'icelle l'entretinst en grace avec Monsieur le Dauphin son mary, & n'eut honte d'estre comme maquerelle, pour parvenir à son intention. Véritablement voyla des actes enormes, & des grandes arres du mal qu'elle nous a fait depuis. Toutefois ce ne sont que roses & boutons (comme on dit) à comparaison des espines dont elle nous a piquez de toutes parts, quand elle s'est veüe avoir entrée au gouvernement. Et c'est là que je prie chacun d'arrester principalement sa veüe, suivant le dire des anciens, qu'au gouvernement, plus qu'en aucune autre chose, on connoit le naturel d'une personne.

Après la mort de François premier, & qu'elle se vit mere par les artifices dont tous ont ouï parler, s'appercevant hors de danger d'estre renvoyée chez ses parens, elle tascha par tous moyens de se fourrer au gouvernement des affaires, & pour y parvenir faisoit la cour à Monsieur le Connestable, afin d'y mettre un pied par son moyen, puis après tout le corps par ses propres subtilitez. Or combien que Monsieur le Connestable n'en eust pas grand' envie, si en touchoit-il tousjours quelque mot au Roy Henry, pour contenter l'importunité de cette femme. Mais à tous coups qu'il en ouvroit la bouche, il recevoit des responses froides & ambiguës: & y en a plusieurs qui sçavent qu'un jour le Roy s'ennuyant de ce que Monsieur le

Con-

*Ambi-
tion de
Catherine.*

Conneftable luy en battoit fi fouvent l'oreille, repondit en ces meſmes termes: Vous ne connoiſſez pas bien le naturel de ma femme: c'eſt la plus grande brouillonne du monde; adjouſtant qu'elle gaſteroit tout, ſi on luy donnoit entrée au gouvernement. Si ne put-il toutesfois tant faire qu'elle n'y fuſt aucunement introduite, pendant le voyage d'Alemagne: mais ce fut pour ſi peu de temps & avec ſi bonne bride, que le public n'en reçut dommage: joint qu'elle vouloit (à la mode de ſon païs) ſe monſtrer bonne meſnagere en peu: pour deſrober choſe d'importance: & craignoit de deſgouſter les perſonnes de ſon gouvernement dez l'entrée.

Le Roy Henry mort (qu'elle ne pleura pas longuement) François ſon fils ainſné vient à la Couronne. Il favorifoit fort Meſſieurs de Guiſe oncles de la Reyne d'Eſcoſſe ſa femme, & ſe deſchargeoit ſur eux preſque de toutes ſes affaires. Or tenoyent-ils fort peu de conte de Catherine de Medicis, & luy donnoyent la moindre entrée au gouvernement, qu'il leur eſtoit poſſible, d'autant (diſoyent-ils) qu'il eſtoit plus aiſé & plus à propos de luy en fermer la porte, que de l'en chaffer quand elle y ſeroit entrée. Elle donc voyant les Princes du ſang un peu reculez, & les principaux Officiers de la Couronne mal-contents, montrant d'eſtre marrie qu'on les traitaſt ainſi; ſe reſoud à part
foy

foy de les mettre en colere pour ce gouvernement , afin d'y entrer sous ombre de se faire arbitre de leurs differens. Elle s'adresse à feuë Madame de Montpensier, Dame de grand entendement, qu'elle sembloit aimer par dessus toute autre : se plaint que le gouvernement est osté aux Princes du sang , legitimes administrateurs d'iceluy , & commis à des estrangers : se plaint aussi du recule-ment de Monsieur le Connestable & de ses enfans , mesmes de ses neveux de Chastillon , ausquels elle desiroit s'adjoindre , comme il sembloit : du peu d'autorité qu'on laissoit aux principaux Officiers de la Couronne après leurs grands services : du peu de conte qu'on faisoit d'elle-mesme , femme & mere du Roy : appelle en termes exprés le Gouvernement de Messieurs de Guise une usurpation tyrannique, & un commencement pour s'emparer de la Couronne, sous pretexte de la succession de Charlemagne , pour l'aneantissement des plus grands. Il sembloit que quelque grand zele du bien public la pouffât. Elle sçavoit d'autrepart que Madame de Montpensier adheroit dès lors à l'opinion des Lutheriens , & que sur la fin du regne du Roy Henry, on en avoit descouvert un grand nombre en France , aucunement supportez (ce sembloit) par quelques Princes du sang. Pourtant fait-elle mine de haïr ces rigueurs qu'on leur tenoit , veut connois-

tre

tre les fondemens de leur doctrine , & montre avoir bonne envie d'y estre instruite, se fait recommander à leurs Consiſtoires, leur promet toute ayde & faueur, comme ſi elle n'eust deſiré que leur avancement. Madame de Montpenſier, à ſon inſtance, communique ce propos au Roy de Navarre & au Prince de Condé : pareillement en fait ouverture à Monſieur le Conneſtable, par l'entremiſe de Charles de Marillac Archeveſque de Vienne, enſemble à pluſieurs autres Seigneurs, qui (ſelon ſon jugement) y avoyent intereſt.

Ils avoyent tous quelque occaſion d'y preſter l'oreille, & euſſent bien deſiré de voir cet affaire acheminé de bonne ſorte : mais connoiſſans que ce qui mouvoit la Reine d'entrer en telle deliberation, eſtoit ſon naturel, ſujer à brouiller tout, ils ne s'en voulurent meſler à ſon adveu, & ne s'y monſtrèrent pas fort eſchauffez. Ce neantmoins le bruit de la volonté qu'elle avoit de favoriſer un changement, coula tellement, qu'enfin quelques-uns conclurent de s'en ſervir. De la naſquit l'entreprife d'Amboiſe, conduite par deux fortes de gens : les uns mal contens du gouvernement, les autres Lutheriens, mal contens des extremes rigueurs qu'on leur tenoit : tous deux enhardis, principalement par la faveur qu'ils avoyent entendu qu'elle leur portoit, s'ils pouvoient (à quelque prix que ce fuſt) deſempa-

rer

*Catherine
cause
de l'en-
treprise
d'Am-
boiſe.*

rer Messieurs de Guise du gouvernement. Or, comme chacun sçait, l'issue de cette entreprise fut tres-malheureuse pour les entrepreneurs d'icelle. Au moyen dequoy, la Reyne voyant sa deliberation n'avoir eu de ce costé-là tel succez qu'elle desiroit, prend une resolution contraire & bien convenable cependant à son esprit. C'est qu'elle deliberere pour avoir le maniement, se ranger avec Messieurs de Guise, & s'accorder à leur volonté, puisqu'ils estoient si bien en possession du gouvernement, qu'on ne les en pouvoit dejetter. Pour les gagner, elle crie en premiere & le plus haut contre ces entrepreneurs, elle fait semblant de croire qu'ils avoyent conspiré contre elle, voire contre le Roy mesme: assiste à leur supplice, pour monstrier qu'elle l'approuvoit. Outre plus, pour leur complaire en toutes façons, amadouë si bien le Cardinal de Bourbon, qu'elle luy fait amener le Prince de Condé son frere en prison estroite. Entre en grandissime amitié & privauté avec le Cardinal de Lorraine, qui menoit tout : & chacun sçait par quels moyens & sur quoy cette familiarité fut fondée. Elle fait empoisonner le Vidame de Chartres en la prison, lequel voyant que cette femme faisoit mourir ceux que paravant elle avoit mis en besogne, s'escριοit souvent qu'elle feroit la ruine de ce Royaume. Bref elle cherche tant de moyens

*Catherine
rine
change
d'avis
voyant
ses des-
seins
mal
succéder.*

*Impu-
dence
de Ca-
theri-
ne.*

pour les gratifier, qu'elle propose sans aucune honte, qu'on ne feroit point de tort aux Princes du sang de France, quand après le premier Prince du sang marcheroit le premier de Lorraine, après le second le second, & ainsi consequemment des autres: chose que jamais (comme je pense) Messieurs de Guise n'eussent d'eux-mesmes voulu penser ni oser entreprendre. Ce n'estoit pas qu'elle aimast plus une religion que l'autre, ou Messieurs de Guise en general plus que les Princes du sang & naturels officiers de la Couronne: mais pour entrer au gouvernement de nostre Royaume, qui estoit tout ce qu'elle desiroit. Voila, comme il appert la cause du premier trouble, qui depuis semble avoir semé les autres.

Le Roy Francois second vient à mourir, & luy succede Charles neuvieme dernier decédé, âgé d'onze à douze ans, Prince de bon naturel, si elle n'eust employé tous moyens à le corrompre. Or tendoit elle à gouverner pendant sa minorité: mais elle craignoit que le Roy de Navarre, premier Prince du sang, majeur d'ans, voulust se saisir du gouvernement, qui de droit luy appartenoit, sans luy en faire part: & ce d'autant plus qu'elle le voyoit bien d'accord avec Monsieur le Connestable & ses neveux de Chastillon, & autres principaux officiers de la Couronne. Elle gaigne donc le Roy de Navarre par se montrer affectionnée à la délivrance & ju-
sti-

stification du Prince de Condé son frere. Elle fait gagner ceux de Chastillon par Madame de Montpensier, qui y alloit à la bonne foy, pensant avancer sa Religion, à laquelle eux adheroyent dès quelques années auparavant. Monsieur le Connestable, par ses dits neveux, qu'alors il aimoit & croyoit beaucoup. Tellement que le Roy de Navarre, partie de son mouvement, partie par le conseil de ses amis, comme il estoit facile de son naturel; & peut-estre plus adonné à ses plaisirs qu'au profit du public, condescend facilement à ce poinct, que luy & la Reine manieroyent par ensemble les affaires du Royaume, par le conseil des Princes du sang, principaux officiers & conseillers de la Couronne. C'estoit desja beaucoup gagné, mais cela ne luy sembloit rien, car elle vouloit estre seule, & le throsne du gouvernement estoit trop estoit pour son ambition.

*Catherine
gouverne
avec le
Roy de
Navarre.*

On vient peu de temps après à continuer l'assemblée des Estats encommencée sous François second, où cette femme sceut si bien jouer son roole, qu'elle vint à bout de son intention, quoy qu'és Estats particuliers des Provinces on eust deféré le gouvernement au Roy de Navarre. Mais voicy la ruse. Le Roy de Navarre favorisoit sous-main les Huguenots, dont le nombre sembloit alors fort grand, & plus grand qu'à la verité il n'estoit, pour le bruit qu'on en faisoit par toutes les villes, & à cause des Gentils-hommes qui

s'y adjoignoyent de jour en jour. Or entreprend elle de les favoriser sous-main, en telle sorte qu'ils eussent recours à elle plustost qu'au Roy de Navarre, comme à celle dont ils tireroient plus de support.

*Catherine
gaigne
les Huguenots,
pour
gouverner
seule.*

Ainsi donc elle fait des demonstrations toutes ouvertes de ne trouver point leur doctrine mauvaise, fait prêcher devant elle quelques-uns tenus de long-temps pour Lutheriens, comme l'Evesque de Valence, Bouteiller, & autres; dont plusieurs Catholiques se scandaliserent fort. Mais qui plus est, elle communique secrettement avec les plus apparens de leurs Ministres, lit leurs remonstrances & livrets, reçoit volontiers leurs requestes, promet tout avancement à leurs affaires, se fait recommander à leurs Eglises & consistoires, leur fait livrer argent pour les frais des voyages des Ministres arrivans de toutes parts au Colloque de Poissy: mesmes leur donne à entendre qu'elle veut faire instruire le Roy son fils & Messieurs ses enfans en leur religion. Appelle & oit fort particulièrement Pierre Martir Florentin, l'un des plus doctes entre les Lutheriens, sur les points de la religion dont on estoit en different. Je laisse juger à tout bon Catholique, quel acte estoit cettuy-ci, veu que les Huguenots avoyent tousjours esté condamnez par les Roys precedens, & n'avoient point encore obtenu l'Edit, par le-

lequel leur fut permis de vivre librement en leur religion. Par ces subtilitez gaigna-t-elle le Prince de Condé, les trois freres de Chastillon, & tous ceux qui desiroient changement en la religion: tellement que par leur confession elle faisoit plus pour eux que le Roy de Navarre, & en leurs affaires s'adressoyent plus volontiers à elle qu'à luy. Cependant elle ne laissoit pas de faire bonne mine à tout le monde, & dire en derriere aux Catholiques que ce n'estoit que pour eviter la division qu'elle faisoit cela: comme ainsi fust qu'il ne luy chaloit quelle religion fust ruinée ou établie, pourveu qu'elle parvint à son but, qui estoit de gouverner.

Pour y arriver encore plustost, elle connoissant l'humeur du Roy de Navarre l'amusoit soigneusement aux plaisirs de la Cour. Il faisoit l'amour à la Damoiselle du Roüet, l'une des filles de la Reine. Elle commanda donc à sa Damoiselle d'entretenir cet amoureux, & luy complaire en tout ce qu'elle pourroit, afin qu'oubliant les affaires, il mescontentast chacun: comme de fait elle en vint à bout par ce moyen. En somme elle s'insinue si subtilement, que nonobstant les oppositions d'aucuns des deputez des Estats, fondées sur l'autorité de nostre Loy Salique, & les mauvais succez du gouvernement de femmes en ce Royaume, le Roy de Navarre y condescendant par nonchalance, & les deputez s'y rendans moins re-

*Catherine
endort
le Roy
de Navarre.*

tifs, par le peu de soin qu'ils voyoient en luy, le gouvernement est deferé à la Reine, comme personne qui procureroit le bien du Roy son fils, & par consequent de son Royaume, comme une vraye mere. L'Admiral de Chastillon & le Sieur du Mortier en porterent la parole aux Estats, dont ils ont esté recompensez [comme tous ceux qui autresfois ont fait service aux Medicis] l'un de mort, l'autre de haine. Voila (comme pour son bien particulier elle favorisa les Huguenots, & par ses faveurs les fit multiplier en ce Royaume, les enhardit à prescher publiquement, & sortir des cavernes pour se monstrier par les villes : non pour opinion qu'elle eust plus à leur religion qu'à aucune autre, comme depuis est assez apparu, mais pour oster le party des Huguenots au Roy de Navarre son competeur. De fait elle fut en partie cause que l'Edit de Janvier, qui leur permettoit libre exercice de leur religion par les fauxbourgs de toutes les villes de ce Royaume, leur fut accordé : fondement que depuis ils ont bien sceu retenir pour se justifier de toutes les guerres civiles. Mesmes quand après cét Edit les Huguenots de Rouën se retirerent de la ville, où ils s'assembloient pour faire les presches, & s'assembloient aux fauxbourgs, afin d'obeïr : elle fit grand semblant de le trouver mauvais, disant qu'ils se devoient faire prier, & que si grande facilité leur porteroit à l'avenir grand prejudice.

Or

Or ce n'est point assez de gouverner. Elle ne veut point avoir de contrôleurs. Monsieur le Connestable avoit accoustumé de la rabroüer. Et Messieurs de Guise pendant le regne de François second l'avoient toujours tenuë basse & de court. Il faut donc s'aviser de quelque voye indirecte pour les faire sortir du Conseil. Les Estats estoient tous confus & esbahis de voir tant de dettes publiques, veu l'argent que les Roys defunts avoient tiré de leur peuple, & eussent eu bonne envie d'en demander les contes à ceux qui en avoyent eu le maniement, & rechercher les dons immenses : cela ne se pouvoit faire sans fascher Monsieur le Connestable [qui toutefois avoit déclaré un jour tout haut qu'il estoit tout prest de sa part, & que qui se sentoit rogneux se devoit grater], Messieurs de Guise, & Monsieur le Marechal de S. André, qui avoient eu la principale autorité sous les Roys defunts : ce que les Estats n'osoient faire sans support. Elle les sollicite donc sans faire instance, leur promettre toute aide & support pour chose qui sembloit si raisonnable, & fait tant que les Estats deliberent de faire rendre conte à ceux qui avoient administré le Royaume sous les Roys precedens, & ce devant personnes notables, deputez à ce faire par l'assemblée des Estats : & que pendant icelle reddition de contes, ceux qui s'y trouveroyent sujets n'en-

*Moyen
de
chasser
du Con-
seil le
Connes-
table
& ceux
de Gui-
se.*

treroient point au Conseil. Voila, ce luy semble, sa partie bien faite avec le Prince de Condé, ceux de Chastillon & tous les Huguenots de France, qui multiplioient à veüe d'œil par les fa-veurs qu'elle leur portoit. Mais voicy tout incontinent une autre partie qui se dresse pour s'opposer à la sienne. Le Roy de Navarre s'apperçoit que pendant qu'il s'amuse à l'amour, la Reine l'avoit à demy desarçonné. On le luy imprime en la teste tant qu'on peut. Il commence donc à s'en fascher à bon escient, & à l'en vouloir empescher. Paravant il se gouvernoit en partie par ceux de Chastillon : maintenant il les desdaigne comme auteurs presque du gouvernement de la Reine, & se declare leur ennemy ouvert. Il avoit chassé fort indignement de la Cour le Marechal de S. André, pour quelques torts pretendus de luy pendant le regne de François second. Or pource que le Marechal estoit aussi en mauvais mesnage avec la Reine, le Roy de Navarre se racoste de luy. Sur ces remuements, Messieurs de Guise malcontents du peu de conte qu'on fait d'eux, & des grands contes qu'on leur demande apres tant de services, pensent de faire valoir cette occasion. Et pourtant ils luy donnent esperance du Royaume de Sardagne en recompense de celuy de Navarre, l'asseurans de faire advoier au Pape le divorce qu'il desiroit faire avec sa femme,

& le marier avec la Reine d'Escoffe leur niece. En ce mesme temps aussi un certain Jurisconsulte nommé Balduin le vint trouver, & servit de soufflet ausdits Sieurs de Guise pour dégouter ce Roy de la Religion des Huguenots, à laquelle il adheroit auparavant; tellement qu'en peu d'heures on le vit oublier toute la haine que peu au precedent il portoit à Messieurs de Guise, & abandonner les Huguenots. Monsieur le Connestable d'autre part voit que les Huguenots s'augmentent à veuë d'œil, & qu'aussi on ne cherche sinon à se deffaire de luy par moyens obliques. Il pense d'y donner ordre, & tant pour l'affection qu'il portoit à l'Eglise, comme issu du premier Chrestien de France, que pour se maintenir contre les desseins de la Reine, se ralie tant plus estroitement avec le Roy de Navarre, & fait son appointment avec Messieurs de Guise. Voila une autre partie dressée du Roy de Navarre, de Monsieur le Connestable, de Messieurs de Guise, & du Marechal de S. André: tant pour s'opposer au gouvernement de la Reine, qui les vouloit abaisser & aneantir, qu'à l'augmentation des Huguenots, auxquels elle prestoit la main.

Catherine
cause
des pre-
mieres
trou-
bles.

Ces parties ainsi faites, on ne tarda gueres à voir un terrible jeu. C'estoit à qui se rendroit maistre de Paris & de la Cour. Elle voyant que son autorité alloit donner du nez en terre, pense qu'il faut

faut oppofer à ce danger eminent les Huguenots qu'elle avoit tant favorifez : & qu'eux arrestez à la confervation de la liberté de leurs consciences, fans prendre de si prés garde à ces matieres d'estat, luy serviroient d'archers de garde, ou plustost de marchepied pour demeurer debout, & voir toujours par dessus les autres. Partant appelle le Prince de Condé à Paris, lequel y entre accompagné de quelques Gentils-hommes ses amis. mais Monsieur le Conneftable y estant arrivé tost après, s'y rendit le plus fort par l'autorité qu'il y avoit. Or elle fait que le Prince de Condé advertit ses amis de venir en Cour, pour se tenir près de la personne du Roy : mais Messieurs de Guise y arriverent les premiers, qui les gardent d'en approcher. Cependant elle pleure, elle se plaint, & se tourmente que le Roy son fils & elle sont prisonniers entre leurs mains: qu'on luy a voulu desrober son second fils pour le mener en Lorraine : escrit au Prince de Condé qu'il prenne les armes, qu'elle luy recommande la mere & les enfans, & qu'il n'endure point qu'on les tienne ainsi miserablement en prison. Luy se voyant autorisé d'elle, se va mettre dedans Orleans, prend plusieurs villes à l'adveu des plaintes qu'elle luy faisoit, assemble ses amis de toutes parts, & fait prendre les armes par tous les coins du Royaume : ce qui est trop certain que sans elle ni luy ni ceux de Chastillon

Ion n'eussent jamais osé entreprendre. Sur ce elle voyant que le Prince n'estoit pas assez fort pour la delivrer de là, & que la presence du Roy fortifioit infiniment le party de ses adversaires, elle temporise doucement, & se veut rendre arbitre entre les parties. Cependant toutefois ce ne sont que messagers vers le Prince de Condé, lettres secretes, entreprises cachées, tous propos contraires à ce qu'elle disoit ou escrivoit ouvertement à l'instance & en faveur du party Catholique.

Elle prie le Prince de Condé de continuer, l'assure de ramentevoir tellement au Roy le service qu'il luy fait, que jamais ne l'oubliera: l'avertit de ne prendre pied sur lettre qu'on luy face escrire par le Roy ni par elle, estans leurs vouldoirs captifs avec leur corps: jusques-là, qu'une fois se voyant tenuë de trop près par Messieurs de Guise & les autres Seigneurs Catholiques, elle fut sur le point de se desrober & emmener le Roy à Orleans, où estoit le Prince de Condé, si le Sieur de Serlan, qui est aujourduy son premier Maistre d'Hôtel, ne l'en eût destourné. Cecy fait que le Prince de Condé demeure ferme en sa deliberation, cecy luy conserve son autorité & luy entretient ses forces, mesmes luy fait avoir secours d'hommes & d'argent tant d'Allemagne que d'Angleterre, à l'adveu de ces lettres qui testifioient qu'il estoit armé pour delivrer le

Roy de captivité, & par son expres commandement. Et nous a falu payer cette armée: tellement qu'au lieu que le Prince de Condé fust incontinent venu à composition, elle fit tirer la guerre en grande longueur, & enaigrit les cœurs des uns contre les autres. En ce point demeura-t-elle, entretenant les Catholiques de bonne mine, & les Huguenots de belles parolles, tant que le Roy de Navarre son compétiteur fut tué devant Rouën, de la mort duquel elle fut extrêmement joyeuse; & luy, autrement bon Prince, pour n'avoir sceu garder le rang auquel Dieu & les Estats du Royaume l'appelloient, perit pauvrement, & sera sa memoire desagréable pour avoir ainsi perdu le cœur au besoin.

*Catherine
devient
Catholique.*

Or, comme elle n'a pratiqué son ambition, cette mort luy fit changer de dessein tout à coup. Vous l'avez veüe Huguenotte à l'envie du Roy de Navarre: maintenant vous la verrez Catholique en dépit du Prince de Condé. Tant que le Roy de Navarre son compétiteur au gouvernement vescu, elle favorise le Prince de Condé son frere contre luy, & par mesme moyen les Huguenots, desquels il estoit chef. Maintenant puisque par mort elle s'en voit délivrée, & peut tenir, sans contredit, le premier lieu au parti Catholique, & que d'ailleurs le Prince de Condé vient à estre le plus proche du sang, & du gouvernement par consequent, craignant qu'il ne que-
relast

relaſt ce droit, eſtant devenu le plus fort, ſoudain elle devient ſon ennemie: tellement que le ſtyle de ſes lettres & propos eſt tout autre qu'il n'eſtoit trois jours auparavant. Elle luy avoit fait prendre les armes, qui l'avoient rendu ennemy déclaré de pluſieurs grands, & odieux à toute la France : maintenant ſans propos elle les luy veut faire quitter, & rendre toutes les villes qu'il tenoit. A ſon refus luy fait la guerre à toute outrance, au lieu que paravant elle favorifoit ſes armes: bref, n'a plus autre deſſein que de le ruiner par le moyen des Catholiques, qu'elle encourage pour cet effet, afin de les choquer & caſſer les uns par les autres, ou (pour le moins) en ruinant le party des Huguenots, affoiblir tant qu'elle pourroit celuy des Catholiques. Pour commencer elle fait envoyer au Prince de Condé par un Milanois, nommé Maître René, ſon parfumeur, une pomme de ſenteurs qui eſtoit empoisonnée : & n'eut eſté que le Chirurgien du Prince, nommé le Cros, c'en doutant, à cauſe du lieu d'où ce preſent venoit, la luy oſta des mains, & la voulut ſentir, dont il devint tout enflé par le viſage : il n'y a doute que ce Prince eut ſenty aux deſpens de ſa vie, que les preſens des amis & ennemis ſont autant contraires que la vie & la mort. Un chien auquel on fit manger des raclures de cette pomme avec du pain, en tomba tout roide mort.

Donc se voyant frustrée de ce costé, suivant son axiome ,

*Il faut tout tenter & faire ,
Pour son ennemy desfaire.*

elle continuë la guerre : & considerant que son appetit de dominer ne pouvoit prendre ferme racine , qu'en arrachant du monde ceux qui la coustoyoient de trop près à son gré, contre l'avis de tous les Seigneurs qui avoyent charge en l'armée , notamment de Monsieur le Connestable & de Messieurs de Guise, qui appercevoyent à peu près où elle tendoit , fit donner la sanglante bataille de Dreux , en laquelle tout le Royaume perdit infiniment, & elle seule gagna la victoire. Nous y perdismes de nostre costé Monsieur de Nevers, Monsieur le Mareschal de S. André, Monsieur de Montbrun, Monsieur de Annebaut, & infinis gentils-hommes de nom & de valeur. Les Huguenots assez peu de gens de nom. Elle y perdit tous ces Seigneurs-là, dont elle estimoit la perte un grand gain pour elle, eut en ses mains le Prince de Condé prisonnier, & Monsieur le Connestable, qu'elle redoutoit plus que nul autre pour sa liberté de parler, es mains des Huguenots. Restoit Monsieur de Guise, dont elle eust bien voulu estre desfaite. Pour y parvenir, on luy va mettre la rage sus, & le faire estimer l'auteur & seul poursuiveur de la guerre, elle le mene assieger Orleans, où estoit le Sieur d'Andelot avec tel nombre d'hom-

d'hommes qu'il eust esté mal-aisé de la prendre sans merveilleuse perte des nôtres , mais d'autant 'plus grand gain pour elle , comme il avint , Monsieur de Guise y ayant esté tué par Poltrot en la façon que chacun sçait. Si elle en fut aise ou marrie , les freres de ce pauvre Seigneur le connurent bien. Et elle ne se put tenir de dire à Monsieur le Prince de la Roche-sur-yon , qu'elle avoit perdu un des hommes du monde qu'elle haïssoit le plus. Et au Prince de Condé lors prisonnier , qui luy disoit que par la mort d'un tel homme le Royaume estoit déchargé d'un pesant fardeau : *Catherine se resjoit de la mort du Duc de Guise.* S'il est [respondit elle] partelle mort foulagé d'un pesant faix, mon cœur l'est de plus de dix. Voila la recompense de tant de hazards , voila le gré qu'on luy a sceu pour avoir perdu la vie pour le service d'elle , voila la bonne volonté dont peuvent avoir herité les enfans de ce Seigneur. Tel gré ont eu tous les autres qui ont fait service à cette femme , & tel aussi le devons nous tous attendre. Cependant pour appaiser les Catholiques , mettre la rage sus à l'Admiral, qu'elle haïssoit mortellement pour le connoistre homme de conseil , & qui pourroit servir au Prince de Condé, enflammer aussi un party contre l'autre pour les entre-casser , elle fait tirer Poltrot à quatre chevaux, luy ayant fait dire ce qu'elle voulut , & attribué je ne sçay quelles confessions, afin de couvrir plus fine-

Pour-
quoy
Catherine
fait la
paix.

finement ses desirs. Or eust-elle bien voulu ruiner les Huguenots : mais l'Amiral s'estoit fait Maistre de la Normandie, avoit payé ses Reistres, & les ramenoit vers Orleans, en intention de donner bataille. Nous n'avions plus de chef bien autorisé pour la soustenir, & la perdant comme il y avoit bien grand danger, le Prince de Condé eust esté delivré, qui, peut estre, eust voulu gouverner. Partant elle se resout de faire la paix, & attendre un temps plus propre de se depeschér des autres. Le Prince de Condé estoit dés-lors amoureux de la Damoiselle de Limeuil, l'une des filles, qu'elle luy avoit baillée pour le desbaucher, comme l'ambition trouve tout loisible, pourveu qu'elle atteigne à ses desseins. Il s'ennuyoit en prison, aussi faisoit Monsieur le Connestable. En peu de jours donc elle bastit la paix, & la haste tellement, que le Prince de Condé n'eut pas le loisir d'envoyer vers l'Amiral pour luy en communiquer: elle se servant de cette soudaineté pour une autre consideration, & faisant (comme on dit) d'une pierre plusieurs coups. C'est que ceux qui oyoient parler de paix, & verroient chacun se retirer si-tost apres la mort de Monsieur de Guise, attribuaissent à ce seul Seigneur tous les maux de la guerre, comme ja on avoit commencé, & que luy seul en emportast la malediction, puisqu'incontinent après son decez on voyoit la paix rentrée en ce Royaume.

Par

Par cette paix exercice de la Religion fut accordé aux Huguenots, non toutefois du tout si ample que par l'edit de Janvier. Aussi leurs armes furent advoüées & justifiées, & leurs estrangers payez des deniers du Royaume. Les Anglois vouloient retenir le Havre de Grace: mais il fut repris par une armée dressée à cette fin, de Catholiques & Huguenots, le Prince de Condé y estant en personne, & chacun monstrant à l'envi qu'il vouloit faire service au Roy. Au retour, la Reine fit declarer Majeur le Roy son fils âgé de quatorze à quinze ans, encore qu'aucuns estimassent que c'estoit trop tost, & contre les exemples passez Or est-il bien aisé de juger à quelle intention elle le faisoit. Le Prince de Condé avoit fait quelque mine de se vouloir introduire au gouvernement, & elle luy avoit mis en teste le Cardinal de Bourbon son frere aîné, disant que pour estre d'Eglise il ne luy appartenoit pas moins de gouverner: Donc pour luy oster toute occasion d'en parler, & aux autres grands de s'opposer à ses pernicieux desseins, & à tous en general de demander que les Estats fussent tenus: suivant ce qui avoit esté requis de les assembler de deux ans en deux ans pendant la minorité du Roy: elle le fait Majeur, afin que par ce moyen elle peust gouverner seule au nom du Roy, auquel elle feroit dire & faire tout ce que bon luy sembleroit. Ce qui apparut dès le lende-

Majorité du Roy. à quella fin.

lendemain par les imperieux propos qu'elle luy fit tenir aux principaux, notamment aux deputez du Parlement de Paris. Comme ainsi soit que nos Roys precedens notoirement Majeurs n'ayent jamais pensé leur autorité mieux établir que par celle de leurs principaux Officiers, tant des armes que de la justice: Dès lors commença-t-elle aussi à diminuer l'autorité du Privé Conseil de nos Roys, où se souloient demener les grands affaires de nostre Estat, & à tenir des petits Conseils à l'oreille avec deux ou trois personnes de peu de valeur, qu'elle aimoit [comme son Oncle Clement] pour ses affaires plus secrètes, nommément avec Gondi, Sieur du Peron, peu auparavant Clerc d'un Commissaire des vivres, & qui par le moyen de sa mere, fort connue à Lion & en d'autres endroits, estant entré en credit, devint Gentil-homme en une nuit, puis Guidon d'une Compagnie: & pour n'estre pas homme d'espée, ains plus propre à servir en chambre, fut rappelé en Cour, & afin d'estre plus près de la Reine sa maistresse, créé Maistre de la Garde-robbe du Roy, depuis Comte de Rets, & ores Marechal de France. Le Roy cependant n'entendoit de ses affaires non plus Majeur que Mineur, ressemblant à un personnage muët en une farce, qui ne sert qu'à se promener sur un eschafaut, ou ne dit que ce qu'on luy soufflé à l'oreille: aussi ne vouloit elle pas qu'il en sceust davantage. En

En festendres ans elle luy avoit laissé ^{Nour-} quitter ses Precepteurs pour jouer à la ^{riture} toupie, & faire [par un sinistre presage] ^{du Roy} jouter les coqs l'un contre l'autre : & ^{quelle.} quand il est déclaré Majeur, au lieu de teindre ceste royale jeunesse en toutes vertus elle tasche de corrompre son propre fils, & effacer tout son bon naturel. Laisser approcher de sa personne des maistres de juremens & blasphemes, des moqueurs de toute religion. Le fait solliciter par des maquereaux, qu'elle pose [comme en sentinelle] à l'entour de luy : mesmes perd tellement toute honre, qu'elle luy sert de maquerelle, comme auparavant elle avoit fait au Roy de Navarre, & au Prince de Condé, afin de luy faire oublier tout desir de connoistre les affaires de son Royaume, l'enivrant de toutes sortes de voluptez. Chacun sçait ce que je dis, tellement que j'ay horreur d'en parler davantage. Ainsi donc le Roy ne venoit au Conseil, que par l'importunité de quelques-uns, qui à leur grand regret le voyoient ainsi mal nourri. Pareillement pour mettre le Prince de Condé en mauvaise reputation envers les siens, elle l'entretenoit toujours aux despens de l'honneur de Limeuil, qui devint grosse. Et la Reine pour faire bonne mine, l'en voulant jancer, Limeuil eut bien la hardiesse de luy dire, qu'elle avoit en cela suivy l'exemple de sa Maistresse, & accompli son commandement.

Mon-

Monsieur le Connestable presque tout seul luy rompoit une partie de ses desseins, d'autant qu'ayant si long-temps gouverné, il ne pouvoit endurer qu'elle fît tout sans luy, ni condescendre aussi à tout ce qu'elle vouloit. Cela rongeoit son ambitieux naturel : mais rien ne tourmentoit tant son esprit, que de voir ses neveux de Chastillon en bon mesnage avec luy, quelque different qu'il y eust : & par toute la France les Gentils-hommes tant Catholiques que Huguenots, & le peuple mesme se rallier ensemble par le moyen de la paix, & oublier de jour à autre les inimitiés & rancunes de la guerre civile. Or elle craignoit que par le moyen de cet accord les Grands ne s'opposassent à son gouvernement par le moyen de la Noblesse ; les petits par le support des Grands au rehaussement des tailles & imposts qu'elle faisoit journellement, pour fournir à ses dons immenses & despeses excessives, contre ce qui avoit esté promis aux Estats ; tous en general aux desseins de quelque champignon d'Italie qui la possedoit, & par elle estoit sur le point d'estre seul Gouverneur du Roy & du Royaume. Et de fait, desja commençoit-on à en murmurer. Or d'autant que les choses susdites ne se pouvoient faire sans nostre entiere reconciliation, ni nostre reconciliation sans quelques années de paix, pour nous accoustumer aux humeurs les uns des autres

autres elle conclud en son entendement *Catho-
rine*
de troubler la paix qui nous reünissoit *cause*
de jour en jour, & pour ce faire resveil- *des se-
conds*
ler les querelles de la Religion, qui *trou-
bles.*
estoyent à demy assoupies. Elle fait donc
entreprendre au Roy ce beau voyage de
Bayonne, où elle despendit infiniment,
sous couleur de luy monstrier son Royau-
me, mais en effet pour solliciter les
plus remuans és villes & par toutes les
provinces, les uns par presens, les au-
tres par caresses, les autres par discours
fondez sur la religion, à l'extermi-
nation des Huguenots.

En ce voyage elle fit infinis Nobles &
force Chevaliers de l'Ordre à l'inten-
tion susdite. Un de ses plus grands ef-
forts fut qu'elle consulta avec le Duc
d'Albe des moyens de troubler ce
Royaume. Je laisse juger à chacun si un
ancien & capital ennemy des François
s'espargnoit à luy faire de belles ouver-
tures pour nous ruiner.

A son retour, après avoir ainsi donné
ordre à ses affaires par tout où elle avoit
passé, on vient à Moulins. Or taschoit-
elle toujours, suivant le conseil du Duc
d'Albe, de prendre les saumons pluf-
tost que les grenouilles: & pour ce sol-
licitoit souvent l'Amiral & d'Andelot de
venir en Cour, où le Prince de Condé
estoit lors, afin de les pouvoir depescher
tous en un coup. Mais ils s'excusoient
toujours sur la querelle qu'ils avoient
avec Monsieur de Guise, qui les em-
pe-

peschoit [disoient-ils] de se trouver là, sinon avec danger de leurs personnes. Pour couper ce nœud, elle appelle les deux parties à Moulins, pour faire leur appointment : mais c'estoit en esperance qu'ils se battoient en quelque rencontre ; ou que pour le moins ceux de Chastillon n'auroient plus d'excuse de ne venir point en Cour, l'accord estant passé entr'eux. En somme elle s'asseuroit bien que tel accord changeroit seulement l'inimitié ouverte en rancune, & peut-estre pourroit aussi donner occasion de se desfaire de l'un des partis. Mais ceux de Chastillon y viennent si bien accompagnés, outre ce que Monsieur le Connestable les portoit, qu'on ne put les attaquer, & depuis mesme trouvoient-ils toujours nouveaux moyens de ne se trouver pas tous ensemble en Cour. La Reine ne les pouvant avoir par cette ruse, poursuit son principal dessein. Elle fait venir six mille Suisses en France, sous couleur de se donner garde des troupes du Duc d'Albe, qui passoit le long de nostre frontiere pour aller en Flandres, mais en effet pour assaillir au despourveu le Prince de Condé & les Huguenots, veu que les Espagnols estoient ja passez avant la venue des Suisses, & qu'à tout evenement les François estoient assez suffisans pour les empêcher de mal faire. Or au retour du voyage de Bayonne, le Prince de la Roche-sur-yon meu de compassion des
maux

maux qu'il prevoioit, avoit descouvert au Priuce de Coudé son parent, tant par hommes exprés, que mesme au lit de la mort, l'entreprise conclüe à Bayonne contre luy & contre rous les Huguenots, disant que jusques à ce point il avoit celé cette conspiration, esperant qu'elle se pourroit rompre, & craignant d'estre occasion de renouveler les troubles: mais puisque le mal s'acheminoit tousjours, il en vouloit descharger sa conscience, pour ne laisser ruïner si miserablement tant de gens de bien, entre lesquels y en avoit qui luy attouchoient de prés. Il en pouvoit parler à la verité, ayant fait tout le voyage avec elle, & estant lors au nombre de ses intimes & plus familiers. Mais depuis, luy ayant consideré la consequence de cette entreprise, s'estoit un peu rapproché du Prince de Condé, pretendait aussi luy faire espouser sa niece veuve de feu Monsieur de Nevers, & luy donner une partie de son bien. D'autrepart M. le Marechal de Bourdillon demeurant à Fontaine-bleau avoit dit à plusieurs de ses amis qui le visitoient en sa maladie, qu'il ne regrettoit aucunement de mourir, & qu'aussi bien avant qu'il fust six mois on verroit telle confusion au Royaume, que nul ne se pourroit asseurer de ses biens, ni de sa vie mesme. C'estoient de grands advertissements, venans des chefs de l'entreprise. Outre tout cela un pauvre Huguenot, qui s'estoit

*Le
Prince
de Por-
tian
empoisonné.*

s'estoit endormy en la chambre où on tenoit conseil à Marchais, ouït (estant derriere la tapisserie) discourir tous les moyens d'executer cette resolution de Bayonne. Les determinations du Concile de Trente s'alloyent publier. Les Suisses approchoient la Cour pour commencer une armée contre ceux qui ne voudroyent point obeïr. M. Le Duc d'Anjou, poussé par la Reine sa mere, estant à S. Germain avoit pris une querelle d'Aleman contre le Prince de Condé, jusques à mettre la main à la dague; & à peine mesme en avoit-il pû sortir assez à temps pour fuir une embuscade, qu'on luy avoit dressée sous ombre d'une chasse. On avoit desja empoisonné le Prince de Portian par une paire de gands parfumez de la façon de Maistre René, & ne taschoit-on tous les jours que de suborner quelqu'un pour en faire autant aux autres. Le Prince de Condé voyant tous ces effets de mauvaise volonté, & les preparatifs de l'executer promptement par quelque voye que ce fust, se resoud de prendre les armes avec les siens, ausquels on avoit desja beaucoup retranché de la liberté de leur religion. Et pour vray, je ne sçay qui ne l'eust fait, voyant tant de preparatifs. Or dautant que la Reine luy avoit autrefois persuadé, que tous tels desseins venoyent principalement de Messieurs de Guise, il entreprend de les chasser de la Cour, de laquelle toute-
fois

fois les dits Sieurs de Guise se retirent soudainement (comme on dit) sur le premier bruit qu'ils entendirent. Voila l'estincelle qui alluma les secondes guerres civiles en ce Royaume. Nous en donnions le tort au Prince de Condé & aux siens. Mon but n'est point de les excuser, & pleust à Dieu qu'ils s'y fussent portez autrement. Mais qui considerera le danger où estoient leurs vies, s'ils eussent attendu tant peu que ce soit, on accusera principalement les mauvais & pernicious desseins de la Reine, qui contre la foy publique de la parole du Roy, laquelle doit estre la verité mesme, les vouloit exterminer: comme ainsi soit qu'en matiere de combats qui premier met l'espée au poing est coupable, & non qui premier frappe; & en matiere de guerre, qui premier rompt la paix est tenu de tous les maux que fait celuy qui prend les armes pour se defendre contre la violence de l'infraction.

Au partir de Meaux, les Huguenots viennent devant Paris, où le Roy s'estoit retiré. Puis, après quelques parlemens, une bataille se donne, en laquelle plusieurs Gentils-hommes demeurent d'une part & d'autre. Monsieur le Connestable s'en retourne à Paris, estant blessé à mort. Il estoit peu auparavant cette journée entré en quelque pique avec le Prince de Condé, en parlementant de la paix; & la douleur d'un coup tout freschement receu, dont il estoit au lit de la mort, suffisoit assez pour l'es-

*Le
Comme-
stable
exhorte
Catherine à
la paix.*

mouvoir à quelque vengeance. Non-
obstant tout cela, tant estoit il affection-
né au bien de ce Royaume, & plus en-
clin à obeïr à la raison, qu'à aucune pas-
sion, tant vehemente qu'elle peust estre,
la Reine le venant visiter, il ne luy tint
propos que de faire paix, en la plus
grand' haste qu'il seroit possible, adjouf-
tant ces mots, que les plus courtes fo-
lies estoient les meilleures, c'est à dire les
moins dommageables. Il l'exhorte aussi
(si elle desiroit le salut de ce Royaume)
de ne troubler jamais la paix pour quel-
que chose que ce fust, en luy proposant
combien la France s'affoiblissoit d'heure
à autre par la perte de tant de Noblesse.
Mais c'estoyent paroles perduës. Car
d'où il prenoit ses raisons pour la paix,
elle les prenoit pour la guerre: il monf-
troit la perte, elle trouvoit son gain: &
d'où il conjecturoit certainement la rui-
ne du Royaume, elle se promettoit son
establissement propre.

La voila depeschée de l'homme du
monde qu'elle redoutoit le plus, & l'on
sçait quel regret elle en eut, & comment
elle tascha de rendre sa memoire odieu-
se au peuple de Paris, comme elle avoit
essayé de rendre sa vie. Peu de temps
après les Reistres viennent au secours des
deux parties. Elle n'estoit point assen-
sée de ceux qu'amenoit le Duc Jean
Guillaume de Saxe, parce qu'il estoit
gendre de l'Electeur Palatin, & de la
confession d'Ausbourg. D'autre part,
le Prince de Condé estoit en esperance
de

de prendre Chartres, & en payer les Reistres. Sur cecy donc elle se resoud à la paix, en fait moyenneurs ceux de Montmorency, commençant ja sa foy à estre suspecte, accorde aux Huguenots partie de ce qu'ils veulent, promet avec mille sermens de ne la rompre jamais, & la fait jurer solennellement au Roy, comme si c'estoit jeu de promettre en parole de Roy, & petit crime de profaner la foy d'un Prince & Roy Tres-chrestien. Par ce moyen la paix est arrestée en peu de temps. Mais on vid incontinent à quelle intention. C'estoit seulement afin que le Prince de Condé rompist son armée, renvoyast ses estrangers, & les Huguenots du Royaume, estans près de luy, chacun chez foy : ce qu'il fit dans le temps par luy promis. Elle d'autre costé minutoit & dresseoit les preparatifs de la guerre, pendant qu'on escrivoit les articles de la paix.

Je croy qu'il n'y a bon Catholique qui ne m'accorde, ou qu'on ne devoit rien promettre aux Huguenots, ou qu'on le leur devoit tenir. Car ce que nous tenons nostre foy à quelqu'un n'est pas tant pour esgard que nous ayons à sa personne, que pour l'honneur que nous devons à Dieu, lequel est appellé à tesmoin, & pour la descharge de nostre conscience propre. Et c'est une chose merueilleusement indigne de personnes qui ont quelque goutte d'humanité, de se porter envers Dieu, ni plus ni moins

Y 2 qu'en-

ins
l'en-

qu'envers le plus grand ennemy qu'on scauroit avoir, voire encore pirement, & plus injurieusement : car celuy qui veut tromper son ennemy, moyennant la foy qu'il luy jure, donne à connoistre qu'il le craint, mais qu'il ne se soucie point de Dieu. Aussi ne voy-je que confusion en toutes actions humaines, si la foy, qui en est la seule liaison, vient en mespris. Nous avons veu le Roy d'Hongrie ruiné, pour l'avoir (à l'instance d'un Cardinal) faussée aux Turcs. Nous sçavons comme il nous en prit, quand à l'appetit du Pape Carafe nous la mesprisâmes, à l'endroit de l'Empereur : & les Histoires sont pleines de tels exemples. Il est trop certain que nul ne peut rompre sa foy à qui que ce soit, sans grandement offenser la Majesté de Dieu en son honneur propre. Encore cela est-il moins supportable en un Prince, qui doit estre comme le temple de foy, mesmement à l'endroit de ses sujets, qu'il doit aimer comme un pere ses enfans, & panser comme un vray Medecin, s'ils sont malades.

Or voicy comme elle observe & fait observer la paix au Roy son fils. Elle met gardes sur tous les ports, ponts & passages des rivieres, afin que les Huguenots ne se peussent rejoindre, obtient une Bulle du Pape dès le mois de Juillet (la paix s'estoit faite en Mars, & faloit avoir du temps à solliciter la Bulle) pour vendre cinquante mille livres de rente du temporel des Ecclesiastiques, avec condition

dition apposée, qu'elles feroient employées seulement à l'extirpation des Huguenots: ce que depuis blasma fort le Chancelier de l'Hospital, disant en plein Conseil, que cela prejudicioit grandement à la reputation du Roy, d'autant que de-là les estrangers concluroient que le Roy avoit fait la paix expressement pour tromper les Huguenots. Elle environne les maisons du Prince de Condé, de l'Amiral, & du Sieur d'Andelot, de compagnies de gens de pied, pour les surprendre à point nommé: les chasse de maison en maison, & leur dresse mille embuscades. Finalement envoie le Sieur de Goaz en Bourgogne, pour se saisir du Prince de Condé, qui estoit en sa maison de Noyers, & de l'Amiral à Tanlay, par les moyens que luy bailleroit le Sieur de Tavanès. Advint que quelques lettres du dit Sieur de Tavanès furent prises & apportées au Prince de Condé, par lesquelles il advertissoit la Reine en ces mots, Que la beste estoit aux toiles, & demandoit en quel temps elle vouloit qu'on executast l'entreprise. Sur ce le Prince partit la nuit, passa la riviere de Loire avec sa femme & ses petits enfans, & se retira à la Rochelle, qui seule estoit exempte de garnison, où il arriva environ le mois de Septembre. Nous voicy (comme vous voyez) enveloppez de plus grands troubles que jamais, par la seule desloyauté de cette femme, qui comme les malicieux barbiers, ne veut jamais

Y 3 laisser

laisser refermer nostre playe, afin d'y gagner toujours.

Mais confiderez à quels moyens elle recourut en ce regret enragé de n'avoir pû executer son cruel dessein..

*Empoi-
sonne-
mens
& as-
sassins.* Les hommes dont la conscience n'a esté du tout amortie ont toujours abhorré les trahisons: mais en toutes les especes de trahison, ils ont estimé l'empoisonnement tant abominable, qu'ils ne s'en sont voulu servir qu'à l'endroit de leurs plus grands ennemis, encore bien peu souvent. Mais ce n'est que jeu à Catherine de Medicis. Elle a envoyé des Italiens pour empoisonner l'armée du Prince de Condé, & faire tout mourir tout en un coup; & donne à l'un d'eux, pour une fois, dix mille francs, afin de les employer en drogues propres. Elle sollicite des serviteurs és maisons du Prince de Condé, de l'Amiral, & d'Andelot, pour faire mourir leurs Maistres par poison: en attire d'autres pour les assassiner, & à cette fin leur promet presens & pensions. Et au lieu qu'Agessilaüs, parlant des traitres, disoit, qu'il iroit les tuër sur l'Autel mesme des Dieux, cette-cy les esleve aux honneurs: tefmoin l'Ordre qu'on ne souloit donner qu'à gens sans reproche, & par lequel on devient frere du Roy, maintenant promis à des traistres & assassins, s'ils peuvent venir à bout des Seigneurs sus-nommez. En la premiere bataille le Prince de Condé fut pris, estant accablé sous son cheval, & se rendit au Sieur d'Ar-

d'Argence, lequel luy promet sa foy qu'il luy sauveroit la vie. On envoie un Montefqui ou Capitaine des gardes du Duc d'Anjou, qui contre les loix de la guerre, contre la foy promise, de sang froid, sans respecter le lieu d'où le Prince estoit issu, luy donne par derriere un coup de pistolet dans la teste : tant cette femme avoit bien sçu pourvoir à tout evenement que ce pauvre Prince n'eschapast. L'Amiral & le Sieur d'Andelot son frere se sauvent. Peu de jours après ils sont tous deux empoisonnez en un mesme festin, dont l'un mourut, & l'autre fut extremement malade. Celuy qui fut executé pour ce crime confessa que la Reine luy avoit fait faire. Peu après, elle fait suborner Dominique d'Albe valet de chambre de l'Amiral, qui allant de la part de son Maistre vers le Duc de Deux-ponts, avoit esté pris par les nostres : luy fait bailler de la poison fort violente, enclose dans une escarcelle, & une bonne espée pour le tuër, ou de l'un ou de l'autre, selon que l'occasion se presenteroit. Ce miserable fut descouvert, convaincu & executé publiquement, après avoir tout confessé. Elle ne desiste point pourtant, ains sollicite tellement Maurevel, qu'il entreprend de tuër l'Amiral. Ne le pouvant faire sans grand danger il tue le Sieur de Mouy son Capitaine & bien-faicteur.

Elle fait donner à cet assassin pension sur l'hostel de ville de Paris, pour l'en-

courager à telles entreprises, dont il est devenu grand ouvrier depuis. Voila comme il n'y a moyens tant execrables qu'on voudra, qui ne luy semblent honnestes, pourveu qu'ils luy servent à exterminer ceux qu'elle hait. Elle se parjure, elle tuë, elle empoisonne. Que si la loy des Perses, qui faisoit casser à coups de pierre la teste des empoisonneurs, eust esté partiquée en nostre France depuis que cette Parisatis y est entrée, je m'assure qu'elle seroit des longtemps en son lieu, & nous en moins de troubles. Encore que les trahisons ayent esté approuvées par quelques ambitieux, si est-ce que les traistres & assassins ont toujours esté rejettez par ceux qui avoient encore quelque estincelle de vertu. Mais cette-cy s'eslevant contre nature mesme, deschirant bestialement l'humanité, ne veut ceder en rage à Furie aucune qui l'ait precedée es gouvernemens de ce monde. Et ne faut point nous abuser sur ce point qu'elle les haïsse pour la Religion. Quiconque se sert de tels moyens, il est sans conscience, & sans apprehension de divinité. Aussi ne devient-on point Catholique en un jour, comme vous l'avez veüe devenir par la mort du Roy ne Navarre. C'est seulement un desir de vengeance qui la tient, une jalousie contre tous, un desir de regner seule & sans controleurs la possede, une haine de tous les grands: & de mesmes moyens la verrez vous se servir cy-aprés contre les meilleurs Catholiques de ce Royaume. Le

Le Duc de Deux-ponts venant avec une armée de sept mille Reistres au secours des Huguenots (la cause desquels avoit semblé juste à la plupart des Princes d'Alemagne, pour les trahisons qu'ils descouvroyent, tendantes à exterminer ceux de leur religion), feu Monsieur d'Aumale avoit une armée sur la frontiere, & luy estoit commandé de par la Reyne de donner bataille sur le passage à quelque hazard que ce fust. Il assemble les principaux de son armée, & leur en demande conseil. Eux ne se sentans pas assez forts pour combattre, trouvent estrange qu'on face si peu de difficulté de hazarder la Noblesse Françoisse contre des estrangers, & tels principalement qu'on ne pouvoit desfaire sans grande perte des Catholiques, & de fait ne diminuoyent point le nombre des Huguenots du Royaume. Après plusieurs disputes, ils concluent de ne point donner bataille. La Reyne luy en veut jeter le chat aux jambes, & entient des propos desavantageux, pour le mettre en la male-grace du Roy son fils. Tellement qu'on luy vouloit attribuer couvertement tout le mal que les Reistres avoient fait en ce Royaume. Bref, c'estoit poltronnerie que de conseiller de donner bataille quand l'envie en prenoit à cette femme, & crime de lese Majesté de ne hazarder la Noblesse à tous dangers, mesme jusques au mestier des vastadours. Veut-on voir cela plus clairement? En

cette troisiéme guerre plus longue & plus rigoureuse que les précédentes, se donnerent deux grandes batailles, elle se trouvant de fois à autres és armées pour y acharner les deux parties, se firent plusieurs rencontres, escarmouches, sieges & autres faits d'armes, esquels moururent plusieurs Seigneurs, Gentils-hommes & Capitaines tant de l'une que de l'autre Religion. Qu'elle se soit resjouïe de la mort des Huguenots, je ne m'en esmerveille point, encore que la perte de plusieurs d'entr'eux fust véritablement à regretter, & qu'un Prince qui ayme ses sujets, ne puisse prendre plaisir à leur mort, ores mesmes qu'ils eussent bien mérité pire. Mais je me rapporte à tous ceux qui estoient près de sa personne, si jamais on la vid marrie de la mort de quelque Seigneur François tué à son service, comme des Seigneurs de Martigues, Brissac & autres regrettez des Catholiques. Si jamais on la vid affligée du mal commun, si onc on la vid esmeuë d'aucune piteuse nouvelle. Mais il ne s'en faut estonner : car elle a

*Tout le cœur de noire teinture
Batu d'acier à trempe dure,
Ou bien forgé de diamant.*

Et de fait on l'a toujours veu rire à gorge desployée pour la mort de trois ou quatre Huguenots, encore qu'elle eust esté achetée au prix de celle de cinquante Gentils-hommes Catholiques. Ceux qui luy en portoyent les nouvelles du camp le sçayent bien. Et d'où peut-

on dire que vienne cela, sinon d'un dessein qu'elle a d'affoiblir nostre party en exterminant l'autre, & toujours gagner par ce moyen, de quelque côté que la perte tombe? Il ne faut point s'esbahir si elle ayme ce jeu-là, puisqu'elle joue si seurement, & aussi voyons-nous qu'elle ne veut faire autre chose.

Si faut-il enfin après tant de ruines de peuples, tant de Gentils-hommes & soldats perdus, tant d'argent despendu, revenir à parler de paix. L'Alemagne nous menace, l'Angleterre nous est suspecte, nostre armée pleine de division, la Noblesse rebutée, & le peuple las de fournir d'argent. Après infinies traitez, elle se conclud. Et voicy ce que nous gagnons par nos ruptures de paix. Il faut advouer que les Huguenots ont pris les armes pour le service du Roy, duquel par consequent nous avons tué les serviteurs. Il faut s'obliger au payement de leurs Reistres, & leur permettre l'exercice de leur Religion. Qui plus est (tant est ja suspecte la foy Royale si souvent employée à tromperie, par la desloyauté d'une Italienne qui gouverne) il leur faut bailler quatre villes pour ostage & seureté de la paix. Et je vous prie aussi, qui s'y pouvoit plus fier? Tellement que toutes nos guerres sont inutiles, & nos deniers jettez dans l'eau. N'eust-il pas mieux valu dès le commencement laisser vivre chactun en paix, selon la forme que les Estats avoyent jugée necessaire pour le repos public, &

*Pacification des troisiemes trou-
bles.*

Y. 6. cepen-

cependant essayer de reduire les Huguenots par sermons , remonstrances & admonitions, non pas s'entretuer , & ruiner à l'appetit d'une femme , qui n'aime ni l'un ni l'autre , & n'a soucy d'aucune Religion ? Or si jamais on a deu garder une paix pour le respect de la foy promise , sans doute cette-cy la devoit estre. Le Roy la jure solennellement en plein conseil , la Reyne sa Mere & Messieurs ses freres pareillement. Tous les Officiers de la Couronne , les Conseillers du privé Conseil , les Cours de Parlement , le grand Conseil , les Gouverneurs des provinces, les Prevost & Eschevins de la ville de Paris. Bref , toutes les personnes qui avoyent quelque part d'autorité publique au Royaume. Les Princes d'Alemagne , & la Reyne d'Angleterre envoyans vers le Roy Ambassades honorables pour luy gratifier à cause de son mariage avec la fille de l'Empereur, il leur promet d'entretenir cette paix , comme tres-necessaire à la conservation de son Royaume. Somme , il n'y a sorte d'assurance qui ne soit employée pour la rendre tres-authentique. Vous verrez cy-aprés quel compte cette femme a fait d'exposer à execrations entre toutes nations voisines , la foy royale , & de faire tenir tous les plus notables personnages de ce Royaume , pour parjures & infames , encore que la plupart d'eux n'en puissent mais.

La Reyne de Navarre , les Princes de
Na.

Navarre & de Condé, l'Amiral & autres principaux chefs des Huguenots, se tenoyent à la Rochelle, tandis que les ardeurs du peuple se refroidissoient : par quoy il n'y avoit moyen de leur nuire. Donc ce malin esprit de femme, qui ne peut jamais avoir repos, ni bien qu'au mal d'autrui, trouve moyen de s'employer à son sujet accoustumé : & peu s'en faut qu'elle ne ruine Monsieur de Guise, lequel ne faisoit que sortir des dangers de la guerre, ^{Catherine} il s'estoit employé comme chacun sçait. Madame ^{vous} Marguerite sœur du Roy luy monstroît ^{faire} assez bon visage, comme à un jeune ^{tuër le} Seigneur agreable à chacun, qui avoit ^{Duc de} ja fait & monsté beaucoup de preuves de sa valeur, & promettoit de grandes choses à l'advenir. La Reyne Mere met en teste au Roy & au Duc d'Anjou que l'autre vouloit faire l'amour à leur sœur sa fille, leur remonstre qu'ils ne devoient pas endurer qu'un tel petit galand (ainsi en parloit-elle) fust si presumptueux, que de penser espouser la sœur de son Maistre : & leur fait ce cas si criminel qu'ils concluent de le tuër. De fait le Duc d'Anjou, qui l'avoit aimé ardemment & familièrement, l'attend en une galerie, resolu de luy donner d'une dague dans le sein quand il passeroit, dont toutefois il s'abstint se ressouvénant des services de ceux de cette maison. Peu de jours après, le Roy mesme, importuné par la Reine, donna une espée & un poignard à M. le

grand Prieur son frere naturel , luy commandant quand il iroit à l'assemblée de piquer toujours tout joignant après luy. Et si M. de Guise se vouloit mettre entre-deux , à sa coustume, qu'il prist querelle à luy , & l'attaquast à bon escient : mesme le Roy luy bailla gens pour le secourir si besoin estoit. M. de Guise ne fait faute de se vouloir mettre entre-deux : Le grand Prieur fait mine de le vouloir choquer : toutefois , soit que l'amitié ancienne ou quel'evenement douteux le retint , il ne passa point outre, dont le Roy luy fit mauvais visage par quelque temps, & l'eut en mauvaise reputation. La Reine dit aussi, en taxant par-là la naissance du grand Prieur, que c'eust esté merveile s'il eust fait un beau coup. Je vous prie , posons le cas que M. de Guise (comme jeunes gens sont prompts à esperer) eust pretendu à ce mariage, seroit-ce la premiere fois que la maison de Lorraine auroit esté alliée à celle de France ? Et encore que non , sçait-on pas que l'amour est une sorte de maladie qui n'a pas toutes les considerations du monde ? que bien souvent mesme il couple les sceptres avec les houlettes, & joint les palais avec les cabanes ? Faloit-il prendre cela tant à la rigueur, pour en faire ainsi tuer un tel Seigneur ? Mais le mal ne gisoit là. Nous ne sommes pas si difficiles en amour que nous en faisons le semblant. Nous n'y observons pas toutes les breves & longues, comme nous le voulons faire.

faire accroire. Mais c'est un jeune Seigneur bien nourri, fils d'un des premiers Capitaines de nostre temps, qui monstre dès cette jeunesse un cœur digne de son pere. Nous en voudrions estre dépeschez. La guerre ne l'a pû emporter, il faut trouver quelque autre occasion pour s'en desfaire. Voila le pere & le fils payez de leurs services en mesme monnoye. Elle fut bien aise de voir mourir le pere, & il luy greve de voir vivre le fils.

Retournons maintenant à l'entretenement de la paix. Le Roy estoit sur le point de se marier avec la fille de l'Empereur. La Reine donc fait convier aux *Huguenots à quelle fin conviez.* nopces les chefs des Huguenots, afin de les attraper. Et pour preuve de son intention, fait escrire au Pape par le Cardinal de Sens, qu'il ne trouva point *aux nopces du Roy.* mauvais qu'on eust pacifié avec les Huguenots à telles conditions, que c'estoit pour en venir à bout plus aisément: & que si les principaux d'entr'eux eussent voulu se trouver aux nopces du Roy, ç'en fust desja fait. Juge un chacun quel honneur ç'eust esté à nostre Roy de convier des personnes à son mariage, pour les y massacrer: & quel plaisir on eust fait à l'Empereur de consacrer les nopces de sa fille par une si meschante & abominable trahison. Or le peuple estoit encore mutiné en quelques endroits, dont ils prenoient excuse pour ne point venir à la Cour qui leur estoit suspecte. Pourtant la Reine mere tascha d'appai-
se.

fer tout ; & fait mine de vouloir punir les seditieux, qui s'enhardissoient pour l'esperance qu'on leur donnoit sous main, qu'on vouloit seulement assuer les Huguenots. Mais parce qu'elle connoissoit bien que par ses actions passées les presentes estoient suspectes, & qu'elle avoit ja acquis la reputation de son oncle Clement (qui promettant quelque chose, mesmes en intention de la tenir, n'estoit plus creu à cause de ses parjures precedens), elle s'advise de faire jouer ce personnage au Roy son fils, qu'elle habilloit, & faisoit parler comme elle vouloit, sçachant bien qu'en telle jeunesse ses paroles seroyent moins mescreuës de feintise & dissimulation. Ainsi donc elle luy fait mettre deux choses en avant, propres sur toutes autres à tromper les Huguenots, comme celles que plus ils desiroient, à sçavoir la guerre contre le Roy d'Espagne pour recouvrer le Paisbas, & le mariage de Madame Marguerite sa sœur avec le Prince de Navarre. Elle poursuivit & achemina d'un train ces deux articles, jusques à tant qu'elle fust parvenuë à son but.

Le Prince d'Orange, Chef de ceux qui s'estoient eslevés es Paisbas contre l'inquisition & le gouvernement des Espagnols, s'estoit retiré chez soy en Allemagne, & estoit instamment sollicité d'accorder avec le Roy d'Espagne à conditions assez avantageuses, lesquelles l'Empereur (moyenueur de cet accord)

luy,

luy proposoit & promettoit faire inviolablement observer , tellement qu'il estoit à demi encliné à les recevoir. Pour rompre ce traité , Caherine fait que le Roy son fils escrit une lettre au Comte Ludovic de Nassau , frere du Prince d'Orange , estant à la Rochelle, par laquelle il luy donna esperance de secours contre le Roy d'Espagne , & le prie de se vouloir acheminer vers luy , pour entendre son intention plus particulièrement. Le Comte par secrettement , & s'approche de Blandy en Brie , où estoit le Roy, qui avec petite compagnie le vint voir à Lumigny, & de là s'en alla à Fontaine-bleau , où le Comte le fut trouver , & communiquerent ensemble secrettement par l'espace de trois ou quatre jours : & lors le Roy luy fit de si belles & grandes ouvertures , qu'il conseilla au Prince d'Orange son frere , de ne prester plus l'oreille à ce traité commencé avec le Roy d'Espagne, puisque si belle occasion de faire la guerre se representoit à eux. Mesmes estant de retour à la Rochelle persuada à l'Amiral, que le Roy avoit grande envie de faire cette guerre , comme il estoit à presumer , veu les avantages tous apparens : Que la Reine estoit fort courroucée de la mort de sa fille empoisonnée en Espagne : Le Roy irrité grandement des bravades qu'on luy avoit faites en la Floride , de ce qu'aussi l'on vouloit enjamber sur ses prééminences, & choses semblables. Au moyen dequoy l'Amiral se
laissa.

laissa persuader que le Roy desiroit la guerre contrel'Espagnol, & par consequent la paix en son Royaume : selon une maxime qu'il avoit tousjours tenuë, que pour bien entretenir nostre paix, il falloit donner de la besogne aux gens de guerre contre les estrangers.

Environ ce temps aussi faisoit-on traiter par le Cardinal de Chastillon le mariage du Duc d'Anjou avec la Reine d'Angletrre. Mais comme il pensoit s'en revenir en France, il fut empoisonné par un sien valet de chambre nommé Vuillin, qui quelque temps auparavant avoit promis à la Reine de faire ce coup, & depuis, à sçavoir après les massacres, ayant esté attrapé à la Rochelle en qualité d'espion, avant qu'estre executé à mort, confessa qu'il avoit fait pis, & qu'à la sollicitation de quelques Officiers de la Reine mere (qui luy promettoyent monts & merveilles) il avoit empoisonné son feu. Maistre le Cardinal de Chastillon. C'est la recompense de l'homme du monde, à qui par le passé elle avoit autant monstré d'amitié qu'il est possible, & non sans cause : car il luy avoit sauvé la vie en une maladie qu'elle eut à Chaalons, où chacun l'avoit abandonnée comme morte, & avoit principalement empesché qu'elle n'avoit esté renvoyée à Florence à cause de sa sterilité. Or ce traité de mariage sembloit tendre aussi à l'entretement de la paix. Peu après le Roy appelle l'Amiral pour venir en Cour, pour com-

*Cardi-
nal de
Chas-
tillon
empoi-
sonné.*

*l'Ami-
ral en
Cour.*

communiquer ensemble de la guerre de Flandres. Il y vint en cette esperance, accompagné seulement de quarante chevaux. Dessors on proposa de s'en depescher, & à cette fin la garde du Roy fut renforcée de quarante arquebusiers dedans la ville de Blois: mais enfin l'on conclud d'attendre une autre occasion, pour en attrapper davantage en un coup. On suit donc pour cette heure-là un chemin contraire. Le Roy luy fit mille caresses, & la Reyne Mere aussi plus qu'onques ne luy en avoit fait. Et pour luy monstrier qu'on ne le payoit pas de cela simplement, l'on se remit en luy de toute la charge & conduite de cette guerre des Pais-bas. Ainsi il se retire en sa maison, bien content du Roy & de sa Mere.

Le mariage de Madame sœur du Roy avec le Prince de Navarre, qui estoit l'autre esperance des Huguenots, s'acheminoit de mesme pas. Le Roy & sa Mere feignoyent en avoir la plus grande envie du monde, disans vouloir par tel moyen marier les Catholiques avec les Huguenots. Mesme, pour oster toute difficulté, condescendoyent facilement à ce qu'ils ne fussent point mariez selon la forme ordinaire de l'Eglise Catholique Romaine. Ne restoit plus, sinon que la Reyne de Navarre vinst pour passer les accords, & le Prince son fils pour les nopces. La Reine de Navarre, après quelques delais, y vint, & tost-apres le traité de mariage fut conclu. Peu avant

*Propos
de Ma-
riage
de Ma-
dame.*

Cardi-
nal A-
lexan-
drin en
Cour.

Ache-
mine-
ment
de la
guerre
de
Flan-
dres.

avant son arrivée, le Cardinal Alexandrin neveu du Pape dernier mort, vint hastivement à la Cour, pour rompre ce mariage, ensemble le dessein de la guerre de Flandres, & mesme remettre le Roy en guerre contre les Huguenots, ainsi qu'il estoit envoyé à cet effet. Pour les tromper donc on fait en apparence peu de conte de luy & de ses propositions, mais on l'assure secrettement que toutes les mines qu'il voyoit ne tendoyent qu'à la ruine des Huguenots. Nonobstant, le Roy entre bien avant en matiere avec le Comte Ludovic, qui estoit venu avec la Reyne de Navarre. Iceluy propose au Roy & à la Reyne mere les intelligences & entreprises qu'il avoit sur plusieurs bonnes villes de Flandres & de Hainaut. Le Roy luy promet secours de gens de pied & de cheval en tel nombre qu'il estimeroit suffisant, mande des plus notables Gentils-hommes Huguenots, pour distribuer à chacun d'eux son entreprise à executer par les moyens que ledit Comte Ludovic leur adresseroit. Envoye le Capitaine Minguetiere en un navire de guerre, équipé selon l'apparence en vaisseau de marchandise, reconnoistre les descentes du Perou. Fait ligue avec la Reyne d'Angleterre, lors mal d'accord avec le Roy d'Espagne : promettant entre autres choses l'aider en son pais, au cas que le Roy d'Espagne ne luy rendist ses sujets & leurs biens, si aucuns il en detenoit. Traitte aussi une alliance

liance avec les Princes protestans d'Allemagne. Sollicite le Duc de Florence, par le moyen de Fregose, de prester argent pour se descharger de la guerre, laquelle il pouvoit craindre pour la Duché de Siene. Fait dresser une armée en Brouage pour assaillir les Pais-bas par mer. Envoye mesme une honorable Ambassade au Turc, pour, si besoin estoit, l'exhorter à descendre en Sicile. Le bruit estoit par tous les Pais-bas que le Roy favorisoit le Prince d'Orange contre le Roy d'Espagne : dont advint que le Comte de la Marc parent & partisan du Prince d'Orange, ayant pris la ville de Briel en Hollande, presque toute cette isle, ensemble la Zelande, se revoltent, sous espoir d'estre secourus du Roy de France, qui armoit en Brouage. Les affaires estant ainsi avancées tout à coup, le Comte Ludovic accompagné des François advoüez par les lettres du Roy, notamment de Jenlis & la Nouë, ayant envoyé le Capitaine Poyet pour se saisir au point du jour d'une des portes de Mons en Hainaut, sous pretexte d'aller vers le Duc d'Albe, avec lettres du Roy à cet effet, surprend cette ville là : & un Gentil-homme des siens avec quelque nombre de François surprend aussi Valenciennes (qui peu de jours après fut reprise par la citadelle) principales villes & forteresses de Hainaut. Sur cecy le Roy prend occasion de fairé venir l'Amiral en Cour, pour avoir son advis touchant cette guerre : & si tost qu'il

*Prise
de
Mons.*

qu'il est arrivé luy baille un Thresorier, ayant charge de fournir deniers pour la conduite de cette guerre. Le Duc d'Alençon en est nommé chef. Jenlis revient de Mons parler au Roy, obtient lettres adressantes à quelques Gentilshommes, pour y mener du secours, qui fut desfait en chemin, & les lettres du Roy trouvées & portées au Duc d'Albe. En ce mesme temps le Prince d'Orange sort d'Alemagne avec une puissante armée de Reistres, dont une partie des chefs estoient pensionnaires & soudoyez du Roy, entre dans le Brabant, prend plusieurs bonnes villes, est receu dedans Louvain l'une des capitales, & dans Malines, où toutes les munitions du Pais estoient. Bref, il mit en peu de jours tout l'Estat du Pais-bas du Roy d'Espagne en branle de s'adjoindre à son party. Tout cecy (comme vous voyez) vient de nos menées, & je laisse à penser aux hommes qui ont quelque peu d'entendement, quel gré le Roy d'Espagne nous en peut avoir, & s'il la nous garde bonne à la premiere occasion. Cependant on n'attendoit plus que le Prince de Navarre, pour celebrer les nopces. Le Roy faisoit de l'impatient, jurant que sa povre sœur attendoit trop, & avoit souvent en la bouche ce propos, qu'il vouloit marier sa sœur aux Huguenots.

Et comme la pluspart s'attendoit qu'on iroit faire les dances au Pais-bas, la Reyne au contraire se preparoit à y attraper

traper les Huguenots. Mais un tour luy sembla necessaire avant ce coup. Elle haïssoit extremement la Reyne de Navarre, & connoissoit de long-temps son esprit & son courage. Si elle la laissoit vivre après avoir massacrer les autres, elle craignoit recevoir beaucoup d'affaires de ce costé puis après. Si elle la faisoit mourir au massacre qu'elle preparoit, sous couleur de l'ancienne querelle de Messieurs de Guise, contre ceux de Chastillon, elle n'y voyoit point de cause suffisante pour en remettre la faute sur ceux de Guise. (Car qu'avoient-ils à partir avec la Reyne de Navarre?) Aussi estoit-elle hors d'espoir de pouvoir ranger le Prince de Navarre son gendre tandis que sa mere vivoit, & craignoit (peut-estre) que comme cette Dame estoit avisée & desfiante, elle ne s'apperceust de l'embuscade, & la fist réussir en vain. Pourtant a-t-elle re- *Empoi-*
cours à Maistre René son empoison- *sonne-*
neur à gages, qui en vendant des sen- *ment*
teurs & colets parfumez à la Reyne *de la*
de Navarre, trouva moyen de l'empo- *Reyne*
sonner, de telle sorte que peu de jours *de Na-*
après elle en mourut, dont depuis il s'est *varre.*
osé vanter, jusques à dire qu'il avoit encore le cas tout prest pour deux ou trois autres, qui ne s'en desfioient pas.

Il y avoit encore une difficulté; car le Pape avoit fait du restif à permettre la dispense de marier les fiancez contre la forme accoustumée en l'Eglise, & le Cardinal de Bourbon ne voulut conde-
scen-

scendre à les marier sans dispense, crainte d'excommunication. Donc (voyez un peu quelle conscience!) Catherine faignit avoir reçu lettres de M. le Cardinal de Lorraine, comme la dispense estoit accordée, mais non encore expédiée, & que cependant on pourroit [si l'on vouloit] célébrer le mariage: & sur ce montre les lettres fausses & controuvées à M. le Cardinal de Bourbon, qui condescendit là-dessus de les marier selon la forme accordée avec les Huguenots, & furent les nopces célébrées le Lundy 16 jour d'Aoust 1572. Le Vendredy ensuivant, l'Amiral est blessé d'une arquebuzade par Maurevel, qui paravant avoit tué Mouy son Capitaine, La Reyne Mere, le Roy, Messieurs ses freres le visitent. Elle singulierement fait fort la courroucée contre les auteurs de ce coup, & en crie plus haut qu'aucun autre. Mais quelque semblant qu'elle monstroit à l'Amiral, elle l'eust desja voulu voir en pieces: comme elle le monstra pour un effet aussi tragique & malheureux que meschanceté qui ait jamais esté commise: car la nuit d'entre le Samedy & le Dimanche suivant, elle le fait massacrer cruellement avec tous ceux que l'on put attraper, desquels y avoit un roole dressé, afin de les dépêcher tous. Les premiers en ce roole après l'Amiral estoient les quatre freres de Montmorency, quoy que Catholiques, qui furent sauvez par l'absence du Marechal de

*Blessu-
re de
l'Ami-
ral.*

*Massa-
cre.*

de Montmorency aîné de la maison , qui le Jeudy precedent estoit allé à la chasse. Le Marechal de Cossé estoit le neuvième en rang , puis le sieur de Biron & plusieurs autres. De fait on leur ferma la porte du Louvre , afin qu'ils demeurassent en proye. Et le sire Claude Marcel rencontrant le sieur de Thoré , l'advertit de se retirer promptement s'il aimoit sa vie , & qu'il ne faisoit pas bon à Paris ce jour-là pour ceux de sa maison. Quant au Marechal de Cossé , sans les prieres de la Damoiselle de Chasteauneuf , qui y employa son credit envers le Duc d'Anjou , il passoit le pas avec les autres ; comme aussi le sieur de Biron s'il ne se fust vistement retiré en l'Arcenal. Le Roy de Navarre fut sauvé à la requeste de Madame sœur du Roy sa nouvelle épouse : & le Prince de Condé par le Duc de Nevers son beau-frere , qui remontra qu'il estoit jeune & delicat , & pourroit aisément changer d'opinion. Dieu , qui ne vouloit pas ruiner ce Royaume tout en un jour , les exempta de cet horrible massacre. Le corps de l'Amiral [duquel la teste fut premierement coupée pour la presenter à la Reine] fut porté au gibet de Mont-faucon , où peu de jours après , pour en repaistre ses yeux , elle l'alla voir un soir , & y mena ses fils , sa fille & son gendre. Je laisse à penser combien cette veüe estoit digne de tels Princes que ceux-là , & à quelle intention elle les y menoit,

Z

Catho-
liques
suez.

noit, pour les accoustumer à toute cruauté: car elle en a fait tel ordinaire, qu'il n'y a si cruel spectacle qui ne luy donne singulier plaisir, & où elle ne vueille se trouver. Plusieurs Gentilshommes notables, dont nous aurons un jour grand besoin contre les estrangers, y furent vilainement mis à mort; mesme quelques bons Catholiques; entre autres, M. de Villemor Maistre des Requestes, fils du feu garde des sceaux Bertrand, depuis Cardinal de Sens; & M. Rouillard Conseiller d'Eglise en la Cour de Parlement, & Chanoine de nostre Dame; tous deux reconnus de chacun pour bons Catholiques, mais ennemis de cruauté, injustice & sedition. Les coquins & garnemens de la ville, esmeus de l'exemple & par la voix de ceux qui crioyent que les Huguenots avoyent voulu tuër le Roy, & de l'esperance du pillage, massacrèrent tout ce qu'ils rencontrent, sans respect de sexe, aage, ni qualité. La Reyne mande aux Gouverneurs, qu'ils ayent à faire le semblable és villes de leurs gouvernemens: ce qui se fit d'une façon tres-cruelle és capitales du Royaume, encore qu'en aucunes les Bourreaux mesmes aimassent mieux quitter leur mestier, que de s'employer à tuër des pauvres gens non condamnés par justice. Qui plus en tuë est mieux recompensé. On en estrangle quelques-uns en prison, en faveur de ceux qui en demandoyent les confiscations: nommément le Marechal

chal de Rets fit tuër dans les prisons du Châtelet Lomenie Secretaire du Roy, pour avoir sa terre.

L'histoire de tout ce fait seroit longue qui la voudroit desduire par le menu. *Conspiration* J'en ay horreur & chacun le sçait. *fausse-*puter icy si les massacrez avoyent con- *ment* juré ou non, c'est chose superflüe : *mise à* Toutes presomptions sont alencontre. *sus aux* On n'en a veu aucun preparatif : & tant *Hugue-* estoient nuds, & loin l'un de l'autre, *nots.* sans equipage ni compagnie : aussi ceux qui conseillerent de prendre ce pretexte, disent que ce fut une belle invention. Mais, si ainsi estoit, que ne leur faisoit-on leur procès? que ne les faisoit-on executer par justice? Ceux qui les tuèrent au lit, les pouvoient-ils pas prendre? l'Amiral, depuis sa blessure, estoit-il pas es mains des gardes du Roy, qu'on luy avoit baillez pour empêcher les efforts des seditieux? y avoit-il si grand nombre de Huguenots, que la seule garde du Roy n'en peust estre maistresse? N'y a-t-il point de peuple à Paris? N'y avoit-il point de gens de guerre? Par ce moyen sa reputation n'eust point esté revoquée en doute entre les Princes estrangers, ains tout à l'heure luy eussent presté la main pour chastier les conspirateurs. Mais ce sont les inventions d'un tyran Maximin, pour exterminer les grands d'entre le peuple Romain. Qui veut tuër son chien (comme on dit) il luy met la rage sus. Le loup voulant devorer l'agneau, luy fait accroire qu'il

a troublé l'eau. Or la Reyne est convaincuë par ses propres lettres, & celles qu'elle fit escrire par le Roy son fils aux Gouverneurs des Provinces & places de ce Royaume, & à ses Ambassadeurs pour en faire recit aux Princes ses voisins: esquelles elle dit expressement estre fort marrie de ce qui est venu à l'Amiral & aux siens, contre la volonté du Roy & d'elle: mais que Messieurs de Guise, pour venger leurs vieilles querelles, avoyent forcé les gardes que le Roy luy avoit baillez pour sa seureté, tellement qu'on n'y avoit pû donner ordre. J'en prens à tesmoin tous les Gouverneurs. Les Ambassadeurs aussi me confesseront qu'ils rougissoient de honte, quand quelques jours après avoir dit aux Princes, prés desquels ils estoient, que Messieurs de Guise avoyent fait le massacre, & en avoir monstré lettres du Roy, les mandemens furent changez, & les chargea-t-on de donner à entendre que le Roy mesme l'avoit fait faire pour cause d'une conspiration descouverte contre leurs Majestez. Ils se souviennent bien qu'ils ne sçavoyent par quel bout commencer leurs propos, pour démentir ce qu'ils avoyent dit auparavant.

Je vous prie, examinons ce fait avec jugement: penetrons dans le pernicieux conseil de cette femme, & voyons si elle tend à l'extermination des Huguenots seulement, ou de tous les Grands de ce Royaume, sans esgard de Religion.

L'Ami-

L'Amiral convié à la Cour aux nopces d'une sœur du Roy, après mille sermens & mille caresses, y est massacré, & avec luy les plus notables d'entre les Huguenots qui avoyent accompagné le Roy de Navarre. Je pourrois dire qu'on devoit respecter la foy Royale pour le moins, & qu'on ne devoit pas employer les nopces d'une sœur du Roy à un si traistre & desloyal & vilain acte. Mais accordons qu'on doive aucunement supporter cela, & qu'on n'ait pas deu avoir toutes ces considerations en la personne d'un Amiral, qui avoit esté conducteur des armées des Huguenots, qui s'en estoit porté pour Chef, & par tels deportemens s'estoit acquis la malveillance du Roy; faloit-il pour cela poursuivre la vengeance sur toute la Noblesse de ce party, qui pour la pluspart, nonobstant la diversité de la Religion, estoit si affectionnée au service du Roy, qu'elle s'offroit faire la guerre au Roy d'Espagne à ses propres despens? Lesfaloit-il poursuivre jusques dans la chambre de la nouvelle mariée? Mais on me dira que c'estoyent Gentils-hommes qui avoyent credit entre ceux de leur Religion, Chefs de part, qu'on appelle, qui eussent peu renouveler & resusciter la guerre qu'on vouloit amortir. Posons le cas que cette replique soit recevable. Faloit-il doncques tuër tant de pauvres gens à Paris? Faloit-il tuër artisans, vieillars, femmes, enfans, toutes personnes incapables de porter armes,

meues seulement du desir de leur salut à suivre une autre Religion? Mais en somme, c'estoyent des Huguenots obstinez en leur opinion: puisqu'on ne pouvoit autrement, il en falloit exterminer la race. Or je ne puis passer ce point si cruement. Il y avoit esperance de les gagner d'autre façon, & je ne trouve point que jamais Princes vrayement Chrestiens en ayent ainsi usé envers les Juifs ou les Turcs mesmes. Aussi s'est-il bien veu que les bons Catholiques de France approuvoyent si peu ce fait, qu'ils en ont sauvé autant qu'il leur a esté possible. Mais encore me veux-je contenter pour cette heure de recevoir cette desraisonnable raison en payement. Faloit-il donc y comprendre Messieurs de Montmorency, M. le Marechal de Cossé leur allié, principaux officiers de cette Couronne? Et M. de Biron & autres Seigneurs, à quel propos estoyent-ils sur le roolle de ceux qu'on devoit massacrer? Je vous prie, qu'avoyent-ils fait? En quoy les voulons-nous rendre coupables? en quoy sont-ils dignes de tant inique traitement? Estoyent-ils Huguenots? Au contraire, ils sont sans comparaison meilleurs Catholiques que la Reyne, & jamais ne furent autres: voire il n'y a Seigneurs en France, qui ayent combatu plus courageusement qu'eux contre les Huguenots. Je ne veux point ramentevoir que feu M. le Connestable leur pere fut pris & blessé en la bataille de Dreux, & y perdit

perdit un fils ; depuis blessé en la journée de S. Denis, dont il mourut aagé de quatre-vingts ans. Je sçay bien que les bons services des peres n'excusent point les desservices des enfans. Mais s'est-il donné bataille contre les Huguenots, où ceux de cette maison , qu'on veut massacrer, n'ayent esté des premiers, n'ayent eu des principales charges, ne s'en soyent acquitez à leur honneur, ne se soyent souventesfois hazardez outre leur devoir ? Qu'on en demande à tous les Capitaines de ce Royaume , que les armées en disent leur advis , & que les Huguenots mesmes declarent de qui les coups leur ont semblé plus pesans. On orra ce qu'ils en respondront. Et quant à M. le Marechal, qui a plusieurs playes sur luy , receuës honorablement és guerres passées contre les ennemis de cette Couronne (Je laisse là les services du Marechal de Brissac son frere , & du Comte de Brissac son neveu , qui est mort combatant les Huguenots) : y a-t-il aucun qui luy puisse desrober l'honneur de la troisiéme guerre , & qui puisse nier qu'il soit cause de la plupart des heureux succez que nous y ayons eus ? Qui donna conseil en la bataille de Moncontour , où dix mille Huguenots furent tuez ? Qui a esté cause de plusieurs notables faits d'armes venus en cette guerre ? Et de quoy aussi peut-on charger M. de Biron, qui a tant de fois hazardé sa vie és guerres civiles , & si fidelement & heureusement conduit

duit nostre artillerie? Ils ne sont pas voirement Huguenots, me dira-t-on: Ils leur ont fait la guerre au possible; mais ceux de Montmorency sont proches parens & amis de l'Amiral & le Marechal de Cossé est leur allié. Voire, mais posons le cas que l'Amiral ait conspiré: s'ensuit-il qu'il faille massacrer tous ses proches parens Catholiques? Est-il dit qu'il s'en faille mesme prendre aux alliez de ses parens, & aux amis de ses alliez? Que si le Roy mesme luy a fait mille demonstres d'amitié, si, pen avant le massacre, il l'appelle son pere, est-il defendu à ceux qui naturellement luy sont obligez, de luy monstres quelque amitié? Et qui est la maison de France exempte de crime qui est le Gentil-homme qui eschappast la corde, si c'est crime capital, non seulement punissable en justice, mais aussi sans forme ni figure de procez, d'estre ami, parent ou allié de l'Amiral, ou de ses alliez, parens & amis; Où est la loy entre les plus barbares du monde, qui face executer non les amis, mais les enfans propres d'un criminel de lese Majesté, si eux-mesmes ne sont convaincus d'y avoir adheré? La cause donc ne gist pas là. Mais nous voulons exterminer tous les chefs de la Noblesse, ceux qui sont nez ou devenus grands par notables services d'eux ou de leurs predecesseurs, ceux qui pourroient legitimement s'opposer à nos meschancerez, ceux qui par la honte de leur naturel ne peuvent com-

compatir avec nos desloyautez & trahisons. Voilà le but de Catherine: c'est ainsi qu'elle y tire; pour y parvenir, faut bien commencer par quelque bout. Elle a fait mourir és guerres une infinité de vaillans hommes.

Les plus proches du sang Royal, les Chefs des maisons de Guise & de Montmorency, l'un Grand Maistre, & l'autre Connestable de France, y sont demeurez. Maintenant elle veut exterminer ceux de Montmorency avecques l'Amiral, puis protester par tout que ceux de Guise l'auront fait pour leurs querelles particulieres. Or voicy le fond de la malice. Pour executer le massacre de Paris elle s'est servie de Messieurs de Guise, comme de ceux qui par vengeance particuliere affectoient la mort de l'Amiral, encore qu'en icelle ils se gouvernent tellement que plusieurs Gentils-hommes Huguenots reconnoissent aujourduy leur vie d'eux. Après qu'elle en a fait, pour les rendre odieux à tous les Princes estrangers, elle les veut accuser d'estre auteurs de tout, & s'excuser à leurs despens, pour ainsi les chasser de la Cour, non point pour faire la bonne mine, mais pour leur en fermer & barrer la porte si tost qu'ils seront partis: afin que jamais ils n'y puissent rentrer, & (peut-estre) puis après leur faire leur procez, comme à gens qui ont troublé le repos public, forcé les gardes du Roy, pour executer leur vengeance, trait que cette femme a bien retenu de

Finesse pour ruiner ceux de Guise.

son Machiavel. Elle pense que ceux de Montmorency, qui sont eschappez, sont si proches parens de ceux de Chastillon, & ont esté si bons amis de l'Amiral, qu'entendans que le Roy ne s'en meslera point, ils ne faudront d'assembler leurs amis pour venger son massacre, comme ils avoient esté fort irritez de sa blessure. Les voilà donc irreconciliables, & en mortelle querelle pour toute leur vie. Mais de quel que costé que la perte tombe, meure l'un, meure l'autre, ce luy est tousjours autant de gain & de passe-temps, c'est par tels moyens qu'elle approche toujours de son but. Or Dieu, qui ne veut point qu'elle y parvienne, ains semble avoir réservé ces deux maisons pour la confusion de cette maudite femme, pour la conservation d'eux-mesmes, & pour le restablissement de ce Royaume, ouvrit lors tellement les yeux à Messieurs de Guise, qu'ils ne voulurent oncques partir de la Cour, que prealablement le Roy, pour leur descharge, n'eût advoüé tout le fait en plein Parlement. Et mesme se rencontrans depuis avec le Mareschal de Montmorency, luy voulurent bien declarer particulièrement que la Reyne & non eux, avoit sollicité Maurevel, par le Comte de Rets qui en avoit porté & fait porter la parole, à faire le coup dont l'Amiral fut blessé, & qu'encore qu'ils eussent occasion de s'esjouir de sa mort, si ne s'en fussent-ils pas voulu depescher de cette façon, sans le commandement exprés du Roy.

Voyons

Voyons maintenant comme cette *Execu-
tion de* femme se surmonte elle-mesme en mes-
chanceté. Nous sçavons tous qu'il n'y *Bri-*
avoit point de conspiration : & l'avons *que-*
tous veu signé de la main du Roy & de *mant*
la Reyne. Messieurs de Guise font sa-
ges, & ne veulent pas permettre qu'elle *de*
contente les Princes estrangers à leurs *Cava-*
despens. Pour faire donc croire qu'il y *gne.*
a eu une conspiration ; elle fait faire le
procez à Briquemaut, Gentil-homme
aagé de septante ans, qui avec reputa-
tion avoit usé sa vie és guerres des feux
Rois; & à Cavagne Conseiller en la Cour
de Parlement de Toulouse : tous deux
pris pendant les fureurs du massacre.
Premierement, elle promet leur sauver
la vie, s'ils veulent confesser de leur
gré s'il y a eu conspiration. A leur
refus leur fait presenter là gehenne.
N'en pouvant tirer autre chose, leur
choisit des Juges pour les condamner,
lesquels eurent tant de conscience qu'ils
confesserent ne trouver point d'occasion
pour les faire mourir. Finalement elle
leur en donne d'autres à sa poste, qui
pour donner quelque forme à leur pro-
cez, & s'en descharger vers la posterité,
trouverent une calomnieuse subtilité de
les condamner pour crime de peculat &
larcin és deniers du Roy ; lesquels tou-
tefois ils n'avoient onques maniez : &
neantmoins les firent executer comme
conspirateurs, encore qu'il n'y en eût
aucun tesmoignage, ni par leur con-
fession, ni par la deposition d'aucun.

autre. Et de fait ces prisonniers protestèrent tousjours constamment jusques à la mort [à laquelle la Reyne voulut assister, & y fit venir le Roy, ses freres & le Roy de Navarre] qu'ils n'en avoient onc ouï parler, & qu'ils appelloyent au tribunal de Dieu. Je sçai que ce discours vous semblera estrange: mais vous vous estonnerez encore davantage de celui des Catholiques, qu'on a fait mourir depuis peu de temps.

Vous avez veu comme elle a fait prendre les armes au Prince d'Orange & au Comte Ludovic, contre le Roy d'Espagne, leur a fait prendre plusieurs villes, a envoyé à Monts les François advouëz du Roy par lettres signées de sa main. Maintenant qu'elle est au bout de son entreprise, elle abandonne le Comte Ludovic, tellement qu'il est contraint de rendre à composition la ville de Monts, qu'elle luy avoit fait prendre, & de se mettre és mains de ses ennemis, vers lesquels il trouva plus de foy que vers elle. Car en ce mesme temps elle mande au sieur de Monslo Aleman, qu'elle avoit fait appointer au Prince d'Orange avec un regiment de cavalerie, qu'il le tuë & se retire en France, ou là où il se trouvera mieux: ce qu'il ne voulut faire. Mais luy voyant bien qu'il ne seroit plus soudoyé du Roy s'il demeuroit là, advertit le Prince d'Orange de la belle commission qu'on luy donnoit, & se retira en Alemagne, dont l'armée du Prince d'Orange fut fort esbranlée.

branlée, & luy en manifeste danger. Le
 mesme pratiquoit-elle auparavant par
 Schomberg, qui estant soudoyé du
 Roy, devoit aller au service du Prince
 d'Orange avec quatre mil Reistres, pour
 le desfaire après le Massacre executé. Est-
 ce pas là tromper & trahir de tous cos-
 tez, sans aucune crainte d'infamie?
 Voila par ce moyen deux ennemis pour
 un, & si ne s'en soucie-t-elle point; quoy
 qu'on doive apprehender les plus pe-
 tits ennemis; & à plus forte raison, un
 Estat deschiré comme le nostre. Or
 comme si tels tors estoient aisez à repa-
 rer, afin d'appaiser le Roy d'Espagne
 qu'elle avoit attaqué par surprise, contre
 la paix, lorsqu'il estoit empêché contre le
 Turc, elle depêche des compagnies sur
 les passages pour tuer tous les François
 qui suivant la composition retourne-
 roient de Monts, où le Roy les avoit en-
 voyez pour son service. Je demande,
 pourquoy on n'a continué cette guerre,
 si elle estoit juste? pour le moins, que
 n'a-t-on suivy l'esperance qui y estoit? A
 quel propos veut-on faire mourir (si on
 la veut poursuivre) ceux qui y sont al-
 lez par exprés commandement du Roy?
 Est-ce crime capital d'obeir au Roy, d'al-
 ler à son service, d'y employer sa vie à
 son mandement? Que si la guerre est in-
 juste, s'il n'y a occasion suffisante de rom-
 pre la paix, pourquoy l'a-t-on rompue?
 pourquoi les y a-t-on envoyez? Est-ce aux
 soldats ou aux Capitaines, aux Capitaines
 ou au Roy, d'examiner si la guerre est

Catha-
 rine
 veut
 faire
 tuer
 ceux
 qui re-
 tour-
 nent de
 Monts.

*Cathe-
rine
mespri-
se l'a-
mitié
de tous
les voi-
sins du
Roya-
me.*

juste ou non? Est-ce si peu de chose d'a-
voir le Roy d'Espagne pour ennemy?
N'avons-nous pas assez esprouvé ses for-
ces? les nostres sont-elles augmentées
depuis quinze ans que nous nous entre-
tuons, & les siennes diminuées par quel-
que notable perte qu'il ait receüe? Je
vous prie, où sont aujourduy les hom-
mes pour luy resister, les deniers pour
les payer, les alliances pour nous ap-
puyer? Mais nous ne nous soucions pas
aux despens de qui nous facions nos
vengeances. Nous ne regardons pas qui
nous offensons, pourveu que nous meur-
trissions ceux dont la vie fâche. Quand
le Roy d'Espagne devroit envahir ce
Royaume desolé & vuide d'hommes,
comme il est, il ne nous en chaut pas,
car autant nous est l'Espagnol comme le
Francois. Nous avons autrésfois bien
projeté mettre la France és mains du
Roy d'Espagne, contre la loy Salique,
avenant la mort de nos enfans. Pourveu
que nous exterminions la Noblesse, &
contentions nos passions, c'est assez,
en advienne après ce qui pourra. Le Roy
d'Espagne est nostre gendre, aussi peu
luy tenons nous la foy qu'aux autres,
mais il en sçaura bien payer quelque
jour ce Royauwe, & Dieu veuille que
les grands appareils qu'il fait aujourduy
ne tendent point à s'en venger. La Rey-
ne d'Angleterre nostre voisine, nos-
tre bonne sœur, nostre alliée: Si avons-
nous tasché durant la ligue, en luy par-
lant de mariage, luy brouiller & mettre
en

en confusion tout son Royaume. Nous parlons d'alliance aux Princes d'Allemagne : Eux nous estiment aujourduy chelmes, indignes de la communication & societé de tous hommes. Les Suisses sont nos plus anciens confederez. Aujourduy pour nostre lâcheté sont-ils sur le point de nous abandonner pour s'allier au Roy d'Espagne ? Tous ceux qui veulent bien gouverner un Estat le renforcent tant qu'ils peuvent de l'amitié de leurs voisins. Jugez si cette malheureuse femme jouë à autre jeu qu'à ruiner le nostre, quand tous les jours elle leur donne nouvelles causes d'inimitié, de haine & de guerre contre nous.

Or cependant, voila (ce semble) le party des Huguenots ruiné, leurs chefs estans par terre, le peuple massacré pour la pluspart, les villes reprises, & pour retraite ne leur reste plus que la Rochelle, qui, crainte de massacre, *Siege de la* n'ose recevoir garnison, & se tient à ses *Rochel* anciens privileges; joint que le Roy *le.* avoit escrit du commencement que Messieurs de Guise avoyent fait le carnage de Paris, sans faire mention de conjuration. Il la faut donc aller assieger. Mais en quelle façon ? Je vous prie; remarquez toujours, comme cette femme-cy s'achemine à son but. Elle y mande toute la Noblesse de tous les endroits du Royaume : & y fait marcher tous les grands Seigneurs de France, Messieurs de Guise, partie de ceux de Mont-

*Le Duc
d'Au-
male
tué.
Proprs
dema-
sacer
quel-
ques
Sei-
gneurs
Catho-
liques
à la
Ro-
chelle.*

Montmorency, les Ducs de Longueville, de Bouillon, & d'Uzez, & les Princes du Sang, & Messieurs ses enfans propres, de peur qu'aucun s'exemtaſt; non ſeulement pour eſtre au ſiege, pour eſtonner les Rochelois, & faire bonne mine, ains au contraire on les y mer à tous les jours, à tous meſtiers, à tous hazars: tellement que chacun void bien que l'on a envie de s'en deſfaire. Meſſieurs de Guiſe pourroient bien parler, qui ſçavent quel compte on fit de la mort de Monſieur d'Aumale. Les Gentils-hommes ſçavent quels regrets on faiſoit de la perte de leurs compagnons. Cettui-cy avoit eſté bien advisé de s'y faire tuer, car auſſi bien devoit-il plus que ſon vaillant. Cettui-là auſſi, car il avoit fait ſon teſtament avant que de partir: Ceux qui y eſtoient m'entendent aſſez, & on ſçait meſme le conſeil qui y fut tenu d'y celebrer une autre S. Barthelemy, en quoy eſtoient compris le Roy de Navarre, le Prince de Condé, les Ducs de Longueville, & de Bouillon, M. le Mareſchal de Coſſé, les Sieurs de Biron, de Strozzi Colonel de l'infanterie, & pluſieurs qui hazardoient tous les jours leur vie auſſi avant que nuls autres. Et tout ſuivant les memoires & inſtructions de la Reine Mere & de ſon Comte de Rets, que tandis qu'en France y aura des Grands aimez de la Nobleſſe, le Roy y aura des controleurs, & partant par un moyen ou par autre il les faut exterminer avec tous leurs adherans.

herans. Que pour cela on n'aura point faite de Nobles : qu'il a assez d'Italiens & de François de basse condition qu'ils ennobliront pour tenir tous les fiefs du Royaume. C'est un propos qu'on a assez soufflé aux oreilles de nos Roys, & Dieu vueille que nous ne le voions point du tout executer. Pour venir au siege de la Rochelle, après y avoir perdu la fleur des soldats & Capitaines, avec plusieurs Gentils-hommes de nom, après avoir surchargé le peuple de nouvelles exactions pour maintenir ce siege ; si nous faut-il rendre la paix, confirmer aux assiegés leurs privileges, & leur accorder exercice de leur religion. Estoit-ce pas bien le plus court de les laisser en repos, veu qu'ils ne nous pouvoient nuire, que d'y faire mourir inutilement tant de gens de bien ? Qu'y avons nous gagné, sinon qu'en divers endroits du Royaume chacun dit, que

Les Rochelois ont planté

Le glorieux fondement

De l'antique liberté ?

Au retour de ce siege les Seigneurs Gentils hommes Catholiques pour la plupart estoient saouls de guerres civiles, & ne s'y employoient plus qu'à regret : les Huguenots tant affoiblis & abattus qu'ils ne demandoient qu'à vivre en liberté de conscience en quelque tolerable repos. Le peuple en plusieurs villes commençoit à s'ennuyer des charges de la guerre, & à se plaindre des tailles, notamment en Guyenne, Languedoc,

guedoc , Dauphiné & Provence , encore que ces Provinces ne fussent pas chargées que quelques autres. Toute la France en general desiroit que les Estats fussent tenus pour pourvoir aux necessitez du Royaume. La Reyne , presque seule de son opinion ; les fuyoit comme un examen de son gouvernement , qui avoit poussé ce Royaume en ruine evidente. Or y avoit-il danger de refuser les Estats , crainte d'irriter le peuple. Ainsi donc elle en donne esperance , & les assigne à certain jour en la ville de Compiègne ; mais avant l'assignation elle delibere de troubler ce Royaume de telle sorte , qu'il n'y eust aucun qui osast ou pût parler de tenir les Estats. Que si elle y estoit contrainte à l'instance du peuple , se resout d'y appeller tous les Grands (qui ne pourroyent refuser d'y venir) , & y celebrer sur eux une autre S. Barthelemy. Pour en monstrier apparence , elle envoie (par maniere d'acquit) certains Gentils-hommes s'enquerir des plaintes du peuple pour les luy rapporter : mais elle se garde bien de faire tenir les Estats particuliers es Provinces , pour se preparer & dresser les cahiers pour les Estats generaux : car craignoit-elle que les Catholiques & Huguenots ne s'y accordassent pour le bien commun. Voicy cependant ses pratiques. Il me semble que je voy son oncle Clement promettre le Concile , puis allumer quelque guerre entre les Princes

Chre-

Chrestiens, de peur qu'il ne se tienne. *Entre-*
Elle commande aux Sieurs de Puy-gail- *prise*
lard & Landerau de dresser une entre- *sur la*
prise sur la Rochelle : ce qu'ils font, *Rachel-*
pratiquent quelques soldats & bourgeois *le pour*
de la ville, assignent jour & heure pour *rompre*
faire marcher les garnisons de S. Jean, *l'as-*
Niort, & Angoulesme, au prochain ren- *semblée*
dez-vous, en une nuit à la Fond village *des Ef-*
prochain, & entrer au point du jour *nats.*
dans la ville, par une porte que les in-
telligences de dedans leur devoient te-
nir ouverte. Au temps que cela se doit
executer, le Roy & la Reine se trou-
voyent à Chantilly, pour se saisir du
Mareschal de Montmorency en sa mai-
son propre. Le feu se mettoit à une trai-
née faite contre le Mareschal d'Anvil-
le, qui en fit executer aucuns des ou-
vriers, sous ombre d'avoir entrepris sur
la ville de Montpellier où lors il estoit.
On depeschoit commissions pour lever
des gens de guerre par toute la France,
sous pretexte de la guerre de Langue-
doc, encore que la treve ne fust finié. Le
Mareschal de Rets pratiquoit une levée
de Reistres en Alemagne, moyennant
quatre cens mil francs qu'il y avoit por-
tez, dont une partie fut depuis livrée au
Comte Ludovic pour faire la guerre au
Roy d'Espagne, surprendre Maistric,
avec la ville & Chasteau d'Anvers. Or
Dieu voulut qu'un Gentil-homme,
qu'on vouloit faire estre de cette menée
de la Rochelle, entendant le massacre
general qui s'en ensuivroit, & le total
anean-

aneantissement des plus grandes maisons Catholiques de ce Royaume, decouvrit l'entreprise aux Rochelois, par deux lettres qu'il leur en escrivit: au moyen dequoy ils se tinrent sur leurs gardes, & faïsirent quelques-uns des complices. Que fait là-dessus nostre bonne Reyne? Avez-vous pas ouï comme elle commanda qu'on courust sus aux Huguenots retournans de Monts, lesquels toutefois elle avoit mis en besogne? Maintenant elle escrit aux Rochelois qu'en cette conspiration n'y a rien du fait du Roy ni d'elle: leur mande par M. de S. Supplice qu'ils ne luy sçauroient faire plus grand plaisir, que de punir à toute rigueur les coupables, comme infracteurs de paix & perturbateurs du repos public. Est-ce pas belle recompense de leur bonne volonté? Hazardez vostre vie à ce qu'elle commande: si vostre entreprise succede mal, elle vous fera mettre sur une rouë; & toutefois tous confessoient que cette Furie avoit ourdi la toile où ils furent enveloppez. Et de fait tandis qu'on chastioit severement les coupables d'un si cruel attentat, elle en forgeoit un autre dès le lendemain, & pour l'executer fit escrire au fils d'un qui avoit esté Maire à la Rochelle, lequel n'estoit pas encore decouvert. Or combien qu'elle n'ait pas attrapé les Rochelois, si est-ce que le dessein seulement luy servoit de beaucoup: car elle craignoit l'assemblée des Estats, & pour
la

la rompre falloit remuer mesnage, & rallumer la guerre: comme de fait les Huguenots de Poictou prennent les armes pour sauver leurs vies, & à leur exemple quelques autres en Normandie qui se sentoient en danger: tellement que le Royaume estant ainsi troublé, voilà une excuse qui semble legitime pour ne plus assembler les Estats.

Jusques icy s'est-elle aucunement masquée du fait de la Religion, ne s'attachant directement qu'aux Huguenots, encore que ceux qui la regardoient de près vissent bien l'hipocrisie au travers de son masque. Maintenant que les grands du party Huguenot sont tous esteints, elle aborde les Catholiques mesmes, mais non pas tous ensemble, car il faut que les uns luy servent de bourreaux à executer les autres. Les bons Catholiques de France avoyent trouvé fort mauvais qu'au lieu d'entretenir la paix faite si solennellement, & d'attirer les Huguenots par presches & admonitions, puis reünir le peuple par un bon Concile, comme cela s'est fait de tout temps, on eust eu recours à trahisons, desloyautez & cruautez prodigieuses, qui avoyent rendu la France & les François odieux à tout le monde. Et tout par les maudites pratiques de cette Italienne, fleau de Dieu pour nous affliger justement, puisque nostre sottise l'a mise en ce siege, d'où elle nous fouette a son plaisir.

Catholiques & Huguenots ont adoré

cette

cette

31

cette femme, les uns à l'envy des autres. Elle a defait les uns, maintenant elle en veut aux autres. Or en la plus grande fureur des Massacres, les paisibles Catholiques avoyent sauvé autant d'Huguenots qu'il leur estoit possible : ce qu'entendu par Catherine, elle disoit que jamais n'eust cuidé que le Roy eust eu des sujets si peu affectionnez, & qu'elle pensoit qu'au clin de son œil, on ne devoit laisser un seul Huguenot en vie. Mais qui s'enquerre qui ont esté les executeurs de cet execrable massacre (exceptés ceux qui exerçoient leurs vengeancees particulieres), on n'y trouvera que les belistres qui attendoyent du butin, sans se soucier d'où il pourroit venir, avec quelques renieurs de Dieu & contempteurs de Religion, qui y tuèrent des Catholiques parmy les autres, ou pour leurs biens, ou pour inimitiés & procez qu'ils avoyent avec eux. Aussi la Reine, qui sçavoit bien que la pluspart des grands de ce Royaume abhorroient telles & si horribles meschancetez, ne leur avoit osé communiquer sa menée. Seulement choisit elle le Duc de Nevers & le Comte de Rets, pour la conduire, gens veritablement dignes de si haute & magnanime entreprise, tous deux estrangers, qui ne pouvoyent estre tenus par affection de leur patrie ; Italiens, qui font gloire de trahir, tuër les gens au lit, par derriere, & en toutes sortes. Davantage, l'un de la maison de Gonzague des long-temps alliée

liée des Espagnols contre ce Royaume ,
& encore aujourduy luy-mesme pen-
sionnaire du Roy d'Espagne : l'autre
pourveu par maquerellages & ruffien-
neries, qui ne desire que l'extermina-
tion de la Noblesse ennemie de ses ordu-
res, & n'ayant honte, estant devenu si
riche en ce Royaume, de tirer encore
pension du Roy d'Espagne. Mesme
quand le Roy parla premierement à *Le Duc*
Monsieur de Guise de tuer l'Amiral de *de Guise*
telle façon, aucuns disent qu'il respon- *si refu-*
dit que son cœur ne luy conseilloit pas *se d'es-*
de s'en venger ainsi : mais que s'il plai- *tre*
soit au Roy (comme il en voit la puis- *bour-*
sance) les mettre eux deux en un *reandu*
champ cappe à cappe, Dieu monstre-
roit par l'evenement qui auroit ou le
tort ou le droit. Mais par importunité
on l'y fit condescendre, avec protestation
que ce feroit pour obeir au Roy. Et de
fait il sauva plusieurs Gentils-hommes,
& empescha que massacre ne se fist en
son gouvernement. Mais il y avoit des
Seigneurs entre les autres, qui depuis
avoient fait ouverte demonstration de
trouver mauvaisesces expeditives cruau-
tez, & fuyoyent la Cour pour ne sem-
bler participer à ces conseils pernicio-
ux : joint qu'ils avoient clairement apperceu
au siege de la Rochelle (où ils s'estoient
trouvez) qu'il n'y alloit plus de la Reli-
gion, que le masque estoit descouvert,
& qu'on ne cherchoit qu'à faire mourir
route la Noblesse du Royaume, les uns
d'une façon, les autres d'une autre. De
ceux-

Entre-
prise
contre
ceux
de
Mont-
moren-
cy.

ceux-cy estoient Messieurs de Montmorency, M. le Marechal de Cossé & autres, qui pour n'avoir trempé leur cou-teau dans le sang François, comme on vouloit, & ne s'estre obligez au party de la Reyne par quelque insigne malefice, estoient au rang des ennemis capitaux, & se vouloit-on desfaire d'eux, de leurs serviteurs & principaux amis, au plustost qu'il seroit possible. On ne les avoit pû avoir le jour S. Barthelemy. Depuis Maurevel, assassin gagé de la Reyne, avoit eu charge à Fontainebleau de tuër le Marechal de Montmorency. Une autre fois il l'avoit attendu avec quelque nombre de chevaux dedans la forest de Soissons. Pareillement, comme dit a esté cy-dessus, si on eust esté contraint de tenir les Estats à l'instance & requeste du peuple, elle avoit conclu de les y attraper. Enfin environ ce temps, les Mareschaux de Montmorency & de Cossé viennent trouver le Roy, qui les mene au Bois de Vincennes, pour se servir d'eux, disoit-il, au reestablissement de son Royaume. Eux connurent bien la mauvaise volonté de leurs ennemis, mais dautant qu'ils s'appuyoyent sur leur innocence, ils se remettent du reste en Dieu leur protecteur, & se resolvent de suivre, puisqu'il plaisoit à leur Prince les appeller, & leur declarer son intention, pour sçavoir leur avis en chose de laquelle dependoit le salut de la partie. Or une chose seule retardoit l'execution de l'entre-
prise

treprise dressée contre eux , à sçavoir *En re-*
 l'absence de M. le Marechal d'Anville , *prie*
 qui pour lors estoit en Languedoc avec *surste*
 moyens en main pour se ressentir des *Mares-*
 torts qu'on leur feroit. Il avoit en- *chal*
 voyé le sieur de Montataire son Mai- *d'An-*
 stre de camp , pour solliciter le Roy *ville.*
 d'envoyer secours d'argent & d'hom-
 mes en Languedoc , afin d'y faire la
 guerre à bon escient aux Huguenots.
 La Reyne au contraire luy respond
 qu'il ne falloit parler que de paix ,
 que le Roy la vouloit avoir à quelque
 prix que ce fust, qu'elle prioit M. d'An-
 ville de s'y employer de tout son pou-
 voir , & en prendre l'avis du Cardinal
 d'Armagnac residant en Avignon. Peu
 de jours après elle envoie les Sieurs de
 S. Supplice & Villeroy Secetaire des
 commandemens vers luy , sous ombre
 de traiter la paix : mais en effet pour
 dresser une entreprise avec les Sieurs de
 Joyeuse , Maugeron & Fourquenaux ,
 pour se saisir de sa personne, & l'amener
 au Roy mort ou vif. Pendant cette me-
 née , le Roy recommande toutes ses af-
 faires à M. le Marechal de Montmo-
 rency , luy remet tout en ses mains , le
 prie (comme le plus fidele serviteur
 qu'il ait connu en son Royaume, & qu'il
 aime , non comme beau frere , mais
 comme frere propre) d'aviser aux
 moyens de pacifier son estat. La Reyne
 semblablement luy proteste que le Roy
 son fils ne se veut plus gouverner que
 par son avis , que le Roy est delibéré

d'accorder à ses sujets tous les articles qu'on proposera : qu'en somme il le constitue arbitre de tout.

Cependant le Roy, qui depuis le voyage de Vitry, où il conduisit son frere esleu Roy de Pologne, avoit eu assez peu de santé, commence à se trouver plus mal, & à s'attenuer & déchoir de plus en plus. Les Medecins font une mauvaise conclusion de sa maladie : car soit qu'ils y jugeassent du poison terminé ou autrement (on a parlé de la fausse d'un brochet) assurent la Reyne qu'à toute peine passera-il le mois d'Avril. Ses devineurs, auxquels elle adjouste fort grande foy, luy confirment le mesme. Il falloit pourvoir de bonne heure à ce changement. Or avoit elle apperceu dès long-temps que Monsieur le Duc son fils condamnoit lestrahisons & cruautés, & trouvoit mauvais qu'on fist si peu de cas d'exterminer la Noblesse, & qu'à cette fin l'on entretinst les guerres civiles au dommage de tout le peuple, & ruïne presque inevitable de ce Royaume. Pourtant haïssoit elle ce naturel genereux, ouvert, vraiment François, & incompatible avec le sien, qui ne prend plaisir, qu'à ruïne & desolation. Davantage, elle voyoit que le Roy venant à mourir, comme l'apparence y estoit, le gouvernement du Royaume appartenoit à mon dit Seigneur le Duc, en l'absence du Roy de Pologne, comme plus proche du sang, & Lieutenant General du Roy en toutes les

*Calo-
mies
pour
rendre
odieux
M. le
Duc.*

les terres de son obeissance. Que le Roy de Pologne deust estre si-tost de retour, il y avoit peu d'esperance, car les Polonois, luy avoient fait promettre avant son couronnement, que pour quelque occasion que ce fust, mesmes avenant la mort du Roy son frere, il ne les abandonneroit point. Ils avoyent beaucoup frayé avant que le voir en leur Royaume. Ce sont gens qui veulent qu'on leur tiene promesse. Le chemin est long, sa personne debile, & au reste, le hasard non petit de partir de là sans leur dire Adieu. Donc pour pouvoir retenir le gouvernement en ses mains, & en frustrer M. le Duc son fils, auquel les loix du Royaume & toutes anciennes coustumes le defèrent, Elle se resolt incontinent de le rendre odieux aux Catholiques, par calomnies & faux bruits. Sur le temps donc que les Huguenots avoient repris les armes, elle fait courir un bruit que M. le Duc avoit intelligence avec eux : & sous cette couleur fait oster les armes à ses gardes, le fait tenir de près. & le serre comme prisonnier au Bois de Vincennes, ensemble le Roy de Navarre. Cela ne s'appelloit pas prison, car le mot eust esté trop odieux : mais en somme il ne pouvoit sortir qu'avec garde de gens, auxquels il estoit soigneusement recommandé, n'osoit parler à personne, & estoit espié jusques à conter ses pas & ses paroles. Tant plus le Roy s'affoiblit, plus trouve-t-elle de couleurs pour le

Captivité de M. le Duc.

A a 2 resserer.

le
rrer.

ol
797

*M. le
Duc
delibe-
re de se
retirer.*

resserrer. Au moyen dequoy ce jeune Prince magnanime & courageux, voyant que sa propre mere luy tenoit si estrange rigueur, entre en tel desespoir qu'il delibere de se retirer vers le Comte Ludovic, avec quelque petit nombre de ses domestiques. Ce qui luy faisoit choisir ce party plustost qu'aucun autre, comme de se retirer en Angleterre, où l'on avoit parlé de le marier, estoit qu'il ne vouloit demeurer en lieu où sa demeure pust estre suspecte de quelque ligue, ains où il eust moyen de faire service agreable au Roy son frere. Car environ ce temps le Comte Ludovic avoit une armée d'Alemans sur les marches de Brabant, soudoyez des deniers du Roy, que le Comte de Rets avoit peu de jours auparavant portez au Comte Ludovic, pour faire la guerre au Roy d'Espagne. & avoit receu la somme de deux cents quarante mil francs du dit Comte de Rets, qui avoit charge de bailler cent mil escus; mais il garda le reste pour ses espingles. Mesme, par permission du Roy deux mille pietons François s'acheminoyent au secours du Prince d'Orange: les Gouverneurs de Mets, Toul, Verdun, & autres principales frontieres, les laissant sortir des compagnies avec leurs armes, pour aller servir le Roy sous la charge du Capitaine Krather Aleman, & d'un chef, suivant ce qui avoit esté traité à diverses fois avec le Comte Ludovic par Jean Galeaz Fregose, & avec le Roy au nom

nom du Prince d'Orange par le fleur de Lumbres. Cette entreprise estant decouverte servit de tenir ce pauvre Prince encore serré de plus près. Mais au lieu d'en publier la verité, elle persevera à semer mille calomnies, ne tendant qu'à s'asseurer de la personne de ce Prince, avant la mort du Roy. De fait au mesme temps elle se saisit du Roy de Navarre son gendre: & parce que le Prince de Condé estoit en son gouvernement de Picardie, où paravant le Roy l'avoit envoyé, encore qu'il n'eust rien de commun avec cette entreprise, elle mande à Monsieur le Cardinal de Crequi, & au fleur de Crevecœur Lieutenant du Prince, qu'ils eussent à le prendre dans Amiens où il estoit, & escrit au Maire de la ville qu'il eust à y tenir la main par le moyen du peuple; tellement que si le Prince ne s'en fust douté, tant par les propos qu'il entendit du courrier, que par les preparatifs qu'il en apperceut, il estoit prisonnier comme les autres. Il se retira en sa maison de Muret, feignant d'aller à la chasse, puis ayant entendu que Monsieur le Duc & le Roy de Navarre estoient prisonniers, prit le chemin d'Alemagne, & passant par la Fere advertit le fleur de Thoré, qui entendant qu'on s'estoit saisi & saisissoit-on encore des serviteurs de Monsieur le Duc, & de tous ceux qui avoient esté plus près de sa personne, pensant bien qu'il seroit des premiers poursuivy, se resolut aussi de sortir du

*Entre-
prise
sur le
Prince
de Con-
dé.*

Royaume. Voila en somme la verité du fait, & n'y eut onc autre deliberation.

*Calo-
mnies
contre
M le
Duc.*

Vous voyez comme cela s'accorde avec ce qu'on en veut faire croire. Une grande conspiration (disent ils) a esté descouverte. Monsieur le Duc se vouloit retirer avec les Huguenots pour troubler le Royaume. Par telle calomnie le voila rendu odieux à tous les Catholiques. Il y avoit un dessein de venger dedans Paris le massacre de S. Barthelemy. Le propre jour de Pasques, durant la grand-Messe, on devoit mettre le feu en divers endroits de la ville, & indifferemment reduire tout en cendre. Voila un autre moyen pour envenimer la ville capitale du Royaume, & consequemment toutes les autres alentour de luy. Ainsi pretend elle parve-

nir à son but. Quand les Huguenots furent massacrez, ils avoyent conspiré. Aussi maintenant ces pauvres Princes, parce qu'on les veut tenir prisonniers & avoir leurs vies entre mains, pour en disposer selon qu'on trouvera plus à propos pour maintenir la tyrannie. Vous vistes executer publiquement Briquemaut & Cavagnes, pour colorer la conspiration de l'Amiral, & justifier les matines Parisiennes. Aussi avés-vous veu sur l'eschafaut & mettre à mort le Comte de Coconnas, le sieur de la Mole & autres, pour excuser l'emprisonnement de ces pauvres Princes. Je vous prie, examinons soigneusement ce fait, & ne nous laissons pas buffler à tous

tous venans. Ouvrons les yeux, & que les illusions de ces enchanteurs-cy ne nous facent pas voir une chose pour autre. Si cette conspiration est vraye, nous nous devons tous employer à ce que tels conspirateurs soient grièvement punis. Mais si elle se trouve fausse, c'est à nous d'empêcher que nos Princes ne foyent opprimez par calomnies. C'est à nous de leur ouvrir les prisons, leur oster les fers des pieds, les remettre au rang qu'ils doivent tenir. Pour cela portons-nous les armes, & pourtant il nous appartient aussi de discerner le faux pretexte de leur prison d'avec la vraye cause, la calomnie d'avec l'accusation, la couleur de droit d'avec le tort evident qu'on leur fait. Monsieur le Duc (disent-ils) s'entend avec les Huguenots, par le conseil du sieur de Thoré, du Vicomte de Turaine, du Comte de Coconnas, & du sieur de Mole. Considérez, je vous prie, quels conseillers il a choisis pour cet affaire. Le sieur de Thoré, fils de feu M. le Connestable, qui s'est trouvé en toutes les batailles contre les Huguenots, & que tous advoüent estre un des affectionnez & devots Catholiques de ce Royaume. Le Vicomte de Turaine son neveu, jeune Seigneur, instruit Catholiquement des sa jeunesse, qu'on vid dernièrement faire merveilles au siege de la Rochelle, & pour recompenser on le fait poursuivre cent lieües par le sieur de Megnane, afin de l'attrapper. Le Comte de Coconnas qui

Refutation
des calomnies.

s'employa aussi ardemment que nul autre au massacre de la S. Barthelemy, & qui fut conducteur de toutes les mines qui se firent à la Rochelle, dont n'y avoit celuy qui ne l'estimast digne de toute autre recompense. Le sieur de la Mole qui y fut blessé deux fois, & qu'on sçait aussi avoir esté si affectionné à la Messe, mesmes au milieu des armées, & en la corruption de la Cour, que s'il eust perdu un jour sans y aller, il eust pensé que quelque grand malheur luy en eust deu avenir. Je parle de personnes connues d'un chacun, & non de chose dont tous ceux qui ont tant soit peu hanté la Cour ne m'advoient. Mais parce que Monsieur le Duc les aimoit, il falloit les y mettre des premiers. Voila pas, je vous prie, des personnes qui l'ont pû conseiller de s'entendre avec les Huguenots? Et à quoy tendoit cette intelligence? A brusler [disent-ils] la ville de Paris, pour venger les massacres des Huguenots. Ceux qui toute leur vie ont fait guerre mortelle aux Huguenots, qui au hazard de leur vie ont travaillé à les exterminer, veulent maintenant exposer leur vie pour les venger. Voila un autre cas bien croyable. Et puis, s'ils eussent eu cette volonté, s'en fussent-ils pris aux bourgeois de Paris? entre lesquels ils ont des amis sans nombre, & de toutes qualitez, qui n'avoient veu les cruantez qu'à regret, & à l'execution desquelles ne s'estoyent employez que les belistres & gar-

mens de la ville. Estoit-il pas plus raisonnable de se desfaire [s'ils avoient telle intention] de trois ou quatre estrangers qui en donnerent le conseil, en firent la menée, & partie de l'execution ? Mais peut-estre estoit-ce chose facile à faire dedans Paris. Jugez-le. En la plus peuplée ville de l'Europe, pleine de Gentils-hommes & de gens de guerre en tout temps, en laquelle un ennemy, si on luy ouvroit les portes, feroit difficulté d'y entrer avec quarante mil hommes. Je vous prie, quels apprests a-t-on trouvez pour effectuer telle entreprise ? car elle se devoit executer [disent ces menteurs] le lendemain que ces Princes furent emprisonnez. Ils n'ont garde d'en rien escrire, de peur de se convaincre eux-mesmes de mensonge : mais ils se contentent de bufler le peuple, moyennant les faux bruits qu'ils sement par les places & marchez. A-t-on descouvert en la ville quelque nombre extraordinaire de soldats ? Je m'en rapporte aux Eschevins qui ont accoustumé de recevoir particulier advertissement de ceux qui arrivent en chaque quartier. A-t-on trouvé des armes cachées, des feux gregeois, des artifices ou choses semblables, chez ceux qu'on a pris ? Bref, a-t-on descouvert en quartier, rue ou maison de toute la ville, apparence aucune de ce qu'ils veulent faire croire au peuple, pour luy rendre odieux ce pauvre Prince & tous ses plns affectionnez serviteurs ? On me

Procès
de Co-
connas
& de
la Mo-
le.

dira que Messieurs de Parlement n'au-
royent pas condamné telles gens sans
legitime occasion. Qui pense cela ne se
souvient pas bien que

La tyrannie est mere d'injustice.

Nostre vie nous est plus chere que
celle d'autrui. Il y a bien petit nombre
de ces genereux qui osent refuser de
condamner un innocent à mort, quand
pour les y forcer on leur tient le cousteau
sur la gorge. La Vacquerie premier Pre-
sident & ses compagnons du temps du
Roy Louis onzième sont morts sans
successeurs de leur integrité, ou s'ils en
ont laissé quelques-uns, ils sont si clair-
femez qu'on ne les a pû voir alors.
Mais, enquétez vous de la Cour, sur
quoy on a fait le procès aux executés,
s'ils ont rien confessé de ce qu'on leur
mettoit à sus, si l'on en a ouï un seul
tesmoin, si l'on a trouvé quelque con-
jecture ou presumption. Il n'y a ce-
luy d'eux qui ne vous die à part que
non. Je laisse à penser, si ceux qui ont
leurs biens, femmes, enfans, & leurs
personnes mesmes à Paris, eussent de
bon cœur fait le procès à ceux qui es-
toient accusez d'y avoir voulu mettre le
feu. Au contraire, leur estant comman-
dé par exprés de faire mourir ces prison-
niers, ils envoyèrent remonstrer au
Roy qu'ils ne trouvoient point de cau-
se suffisante pour les condamner, qu'on
les avoit sondez & examinez à part au-
tant qu'il estoit possible, mais avoient
eu volonté d'obeir & servir à Monsieur
le

le Duc leur Maistre, en la deliberation qu'il avoit prise de se retirer avec le Comte Ludovic. Et dautant que le Roy n'avoit jamais declaré que ce Comte fust son ennemy, eux ne pouvoient en faine conscience sur cette confession condamner à mort ces prisonniers. Si faut-il (respond la Reine) qu'ils meurent, autrement le Roy n'en sera pas content. Voila pas une belle façon de proceder? Or à qui veut faire mourir quelqu'un, ne manque jamais occasion. Elle trouve donc ce bel expedient pour soulager les consciences de Messieurs de la Cour, puisqu'il ne tenoit qu'à cela que les prisonniers ne mourussent: que le Roy leur declaroit qu'il avoit toujours tenu le Comte Ludovic de Nassau pour son ennemy. De fait elle expedie lettres signées de la main du Roy, & mises au fond du sac du procès pour la descharge des juges. Et sur ce furent condamnez ces pauvres Gentils-hommes comme criminels de felonnie (sans specifier le fondement de leur procès), crime capital de vassal envers son Seigneur, pour les rendre d'autant plus odieux à chacun. Il n'y avoit pas un Conseiller qui en les condamnant ne gemist en son cœur, mais la Cour estoit contrainte de ployer sous la tyrannie. La loy condamne à mort ceux qui se retirent vers l'ennemy. Il est vray: mais c'est raison qu'il soit prouvé, & convaincu d'estre tel. Quand les Cours de Parlement qui le doivent sça-

voir, comme celles qui ont vies & honneurs entre mains, ignorent que le Comte Ludovic soit ennemy du Roy, le Comte de Coconnas, la Mole, & les autres Gentils-hommes particuliers serviteurs affectionnez à leur maistre peuvent-ils pas à bon droit l'ignorer? Et quand au contraire, en lieu de guerre ouverte & fait d'hostilité, ils voyent que le Roy luy envoyoit tous les jours Ambassadeurs de qualité, pour traiter de leurs secrettes intelligences, en reçoit ordinairement des messages, luy fournit deniers pour dresser une armée de Reistres contre le Roy d'Espagne son beaufrere, par le moyen d'un Comte de Rets, d'un Marechal de France, de celuy qui est plus près de sa personne, luy fait appointer des Colonels de Reistres ses pensionnaires, par l'entremise de Fregose : desgarnit Mets, Toul, Verdun & autres places de la frontiere pour le secourir (l'on ne parle point des entreprises sur Mastric, & Anvers ville & chasteau, dautant que cela pouvoit estre encore secret) ont-ils pas occasion de croire que le Roy tient ce Comte pour son amy, & de suivre leur Maistre se retirant vers iceluy? veu mesme qu'ils sçavoient bien qu'avant la journée de saint Barthelemy, le Roy avoit proposé à Monsieur le Duc de le faire chef de la guerre qui se negotioit contre le Roy d'Espagne és Pais Bas par le moyen du Prince d'Orange & du Comte Ludovic son frere : & que tout freschement,

n'y avoit pas encore un mois, la Reine luy en avoit tenu propos, suivant les propositions du Comte Ludovic. Il sera donc loisible, toutes & quantes fois qu'on voudra faire mourir quelqu'un, le charger d'avoir intelligence avec un ennemy du Royaume, & pour cet effect declarer un amy ennemy, afin de condamner les innocens à mort. Que ne fait-on donques le procès au Mareschal de Rets, à Galeas Fregose, & à tant d'autres qui ont fourny & misés mains du Comte Ludovic l'argent pour faire la guerre? Ne sont-ils pas plus coupables que ces pauvres Gentilshommes-cy? S'en peuvent ils aucunement excuser, si on leur tient telle rigueur? Mais peut-estre y a-t-il une autre loy pour ces estrangers, & une autre pour nos Princes en nostre Royaume? mesme aux uns innocence est crime capital, aux autres un crime capital tient le lieu d'innocence. En somme, il falloit qu'ils mourussent maugré toute justice. Car la Reine vouloit persuader (encore qu'il n'y eût apparence) que ce pauvre Prince son fils avoit conspiré, afin de le rendre odieux à chacun, & avoir couleur de le tenir en estroite garde, avant la mort du Roy, qu'on luy annonçoit estre prochaine.

Mais ce n'est pas encore assez. Si elle tient prisonnier Monsieur le Duc son fils, avenant la mort du Roy, les principaux officiers de la Couronne s'y pouront opposer, dautant que de droit le

*Entre-
prise
sur trois
Mares-
chaux
de
Frâce.*

gouvernement du Royaume luy appartient, jusqu'à tant que le Roy de Pologne vienne, & ne voudroient (ce doute-t-elle) endurer qu'elle achevast de ruïner ce Royaume par ses meschancetez ordinaires. Il est donc arresté qu'on se saisira de leur personnes afin qu'aucun ne reste, qui ait seulement la hardiesse d'ouvrir la bouche, pour alleguer les anciennes loix pratiquées de tout temps en ce Royaume. Desja tient elle à la Cour les Mareschaux de Montmorency & de Cossé : mais il faut, premier que de leur mettre la main sur le collet, sçavoir des nouvelles de l'entreprise dressée sur la personne du Marechal d'Anville leur frere & allié. Sur ces entrefaites donc arrive un courrier de Languedoc qui rapporte que le piege est si bien dressé que d'Anville n'en peut eschapper nullement. Dieu voulut toutefois qu'estant sur le chemin pour se jetter au danger, il en fut adverty & tourna bride. Cependant, la Reine, qui le pensoit ja tenir, fit prendre en un matin les deux autres Mareschaux, lesquels tous à l'heure furent menez à la Bastille, le tambour battant, par irri-fion & avec huées du peuple, comme contre gens infames & criminelles entierement. Au mesme instant on depe-scha quelques compagnies pour se saisir de Monsieur de Meru leur frere & gendre. Mais peu auparavant il estoit sorty de sa maison. On se saisit aussi de leurs domestiques qu'on put attraper.

Si

Si vous demandez, qu'ont fait ces ^{Resist-}
 pauvres Seigneurs pour estre traitez de ^{tation}
 telle façon ? on vous respondra qu'ils ^{des ca-}
 ont conspiré contre les Majestez, en- ^{lommée}
 trepris contre la personne mesme du ^{qui leur}
 Roy, aux gouverneurs par toutes les Pro- ^{sont}
 vinces. Or vous pouvez à peu près cal- ^{impo-}
 culer combien il y a que cette menée de ^{sées.}
 prendre M. le Mareschal de Montmo-
 rency se brasse. Si c'est pour conspira-
 tion qu'on l'a voulu prendre, elle estoit
 donc découverte avant que l'empoig-
 ner. Si elle estoit descouverte, par rai-
 son le Roy s'en devoit garder: pour
 moindre occasion a-t-il renforcé ses gar-
 des: pour le moins ne devoit-il pas met-
 tre sa vie és mains de qui la luy vouloit
 oster. Voyez s'il s'en garde, s'il s'en des-
 fie, s'il a la moindre opinion. Durant
 tout ce temps M. de Montmorency est
 près du Roy au bois de Vincennes, va où
 il luy plait, fait tout ce qu'il veut, com-
 mande aux gardes de la personne du
 Roy, qui ont exprés commandement
 de luy obeïr, a les clefs du Chasteau en
 sa puissance, donne le mot du guet, a
 toute telle autorité que peut avoir un
 Connestable, mesme le propre soir avant
 qu'il fust pris: Est-ce pas rendre la gor-
 ge à qui la luy voudroit couper ? Est-ce
 pas (si nous donnons lieu à leurs men-
 songes) se mettre és mains des conspi-
 rateurs, & (par maniere de dire) conspi-
 rer contre soy-mesme ? Est-il croyable
 que qui a telle opinion sur quelqu'un
 se puisse tant fier en luy ? Au contraire
 la

la Reine le connoissoit si homme de bien, qu'elle s'asseuroit que jamais ne luy entreroit au cœur d'abuser de telle puissance, & la luy permettoit exprés pour luy oster toute desfiance, attendant l'heure qu'on le devoit prendre. Comme sur le point que l'entreprise de la Rochelle estoit presté à executer, & qui devoit estre suivie d'un massacre general, notamment des Seigneurs dont est question, le Roy & la Reyne couchans à Chantilly, maison du Marechal de Montmorency, n'y voulurent avoir autre garde que la sienne; pour montrer combien ils se foyent en sa preud'hommie. On peut recueillir de cela, s'il a conspiré ou si l'on a conspiré contre luy. Et quand au Marechal de Cossé, qui a fait tant de services en paix & en guerres estrangeres & civiles: & au Marechal d'Anville, qui a si rudement promené les Huguenots de Languedoc, quelques occasions de mescontentement qu'il eust, qui seul, entre tous ceux qui ont fait la guerre depuis deux ans, avoit forcé plusieurs villes, qui y a hazardé sa personne & perdu M. de Candales son beau-frere; qui maintenant au mandement exprés de sa Majesté ne tasche qu'à pacifier son gouvernement (à l'occasion dequoy on luy tend ce piege) que leur peut-on mettre sus à tous deux? dequoy les peut-on taxer, sinon qu'ils sont Marechaux de France, principaux officiers de la Couronne,

ronne, qui selon leur charge doivent tenir la main à ce que l'Estat soit gouverné comme & par qui il appartient; & qu'on pense que pour le bien de leur patrie, avenant la mort du Roy, ils y emploieront leur autorité? Que peut-on pareillement imputer à M. de Meru Colonel general des Suisses, qui s'est trouvé en toutes les batailles civiles avec reputation: mesme au siege de la Rochelle après la S. Barthelemy, où il faillit d'estre tué, sinon qu'il est fils d'un Connestable de France, & d'une maison qui dès long-temps a manié les affaires de ce Royaume au contentement d'un chacun, & laquelle on veut exterminer maintenant? Or Dieu soit loué que le Prince de Condé s'est sauvé, lequel la Reine ne veut pas approcher si près de la Couronne, & que le Marechal d'Anville a esté adverty à temps de l'embuscade qui l'attendoit. Car que pensez-vous que cette Medée eust fait de ces pauvres Princes? Quant à moy, je m'asseure que nous eussions veu des tragedies aussi sanglantes que jamais, & quelque nouveau Saint renommé par le carnage des Gentils-hommes Catholiques, amis & serviteurs des prisonniers, & peut-estre fut-on venu aux autres puis après.

Le trentième jour de May 1574, le Roy vient à mourir. Tout incontinent la Reine Mere se va mettre dedans Paris au Louvre avec ces pauvres Princes, & fait griller fenestres, condamner por-
tes,

res, fermer advenues, redoubler gardes, de peur qu'ils ne soyent delivrez : bref, retient tout le gouvernement du Royaume, & s'en fait appeller R E G E N T E. Jugez par la fin où vous la voyez parvenue, la verité de tout ce que je vous ay discouru par cy-devant. Connoissez maintenant son intention, & voyez comme elle sçait pratiquer cette sentence tyrannique :

Si violer la justice & le droit

Il est loisible à l'homme en quelque endroit,

C'est pour regner qu'il se le doit permettre.

Regen- Je pourrois icy monstrier que par nostre
ce usur- loy Salique les femmes ont aussi peu de
pée à droit de vouloir gouverner ce Royaume
faux qu'en pretendre la succession : que
titre. quand le contraire s'est fait, ç'a esté
par un abus tout manifeste, dont nous
avons toujours porté la peine : & que
l'importance du danger public ne gist
point en ce qu'une femme est appelée
Reyne, ou porte une Couronne, mais en
ce que le plus souvent elle gouverne tout
à l'appetit des immoderées passions qui
la peuvent emporter, & du premier qui
a la subtilité de se mettre par quelques
services en sa bonne grace, comme nos
histoires le tesmoignent. Mais prenons
le cas que les Regences des femmes
ayent lieu en ce Royaume, & que quel-
ques mal-heureux exemples doivent
estre tirez en consequence ! est il loisi-
ble de se declarer Regent ou Regente
foy-

foy-mefme ? N'y a-t-il qu'à le faire écrire fur les paquets par quelque Secrétaire ? Suffit-il de dire , comme le Pape Jean 23 , *Ego sum Papa* ? Je vous prie, qui a déclaré la Reyne mere Regente de ce Royaume ? Eft-ce le Roy defunt ? Il fe peut faire que comme de fon vivant il a tenu telle mine & parlé comme fa mere vouloit , qu'auffi elle fe foit fait donner ce nom à fa mort. Et je croy bien qu'elle l'a tant importuné fur fes derniers fouspirs, qu'elle en a tiré quelque Ouy, pour colorer fon audace. Comme de fait il appert par la declaration qu'on en publia, qu'elle fut déclarée Regente par fa bouche le propre jour qu'il mourut , encore que pour tromper le peuple elle fe face declarer Regente à caufe de fon indisposition , la maladie eftant ja defefperée, & luy proche de fon dernier fouspir. Mais accordons que le feu Roy euft fait testament , qu'il l'euft figné , qu'en iceluy il l'euft ordonnée Regente, avoit-il aucune puiffance de ce faire ? Les Regences fe doivent-elles donner , ou fe donneront elles par testament ? Voicy le point. Les Roys font eftablis de Dieu pour administrateurs des Royaumes. Tandis qu'ils vivent ils font part de cette administration à leurs fujets. Les bons par un legitime confeil, avec l'advis duquel ils jugent des merites & capacitez d'un chacun : les mauvais à l'appetit des paffions d'eux-mefmes ou de ceux qui les poffèdent, preferans bien fouvent le mefchant au bon ,

&c

*Anna-
les de
France,
M. du
Bellay
liv. 3.*

& l'incapable au capable. Encore cela est-il aucunement à supporter. Mais ouït-on jamais dire qu'un Roy mourant donnast à quelqu'un l'administration du Royaume qu'il va perdre? qu'un frere ordonnast par son testament un procureur à son frere & successeur? Encore que de son vivant il eust puissance d'aliener son bien, ce que n'ont pas nos Roys, sans le consentement des Estats. Qu'un Eveſque cedant nommast un œconome ou dispensateur des biens de l'Eveſché à son successeur? Bref, que quelqu'un pût estre administrateur, Eveſque, Roy après sa mort? C'est une moquerie toute evidente. Les Roys mesmes, lorsqu'ils sont prisonniers, ne le peuvent faire, d'autant qu'on persume tousjours que leur volonté est captive avec leur personne. Ainsi voyons-nous que le Roy Jean prisonnier en Angleterre, & François premier à Madrid en Espagne, ne pourvoyent point à l'administration de leur Royaume: mais pendant la prison de Jean les Estats y pourvoyent; pendant celle de François la Regente, qu'il avoit luy-mesme nommée long-temps avant sa prison, est sur le point d'estre deboutée. Ainsi donc tandis que le feu Roy a vescu, elle peut avoir eu quelque couleurs de gouverner ce Royaume: & si pendant sa maladie il le luy avoit recommandé, ce gouvernement luy pouvoit estre tellement quellement acquis jusques au dernier souſpir de son fils. Mais avec le feu
 Roy

Roy est morte & ensevelie son autorité; avec luy sont annullez les mandemens qu'il a faits. Et comme par la mort du Maître, tous commandemens, toutes procurations sont abolies, & la puissance de les donner demeure au successeur, ainsi toute la puissance qu'il pourroit avoir donnée à la Reyne mere en son vivant, est aneantie, & toute l'autorité escheuë au Roy de Pologne son successeur. Est-ce donc de par nostre Roy, qui estoit en Pologne, qu'elle s'attribua la Regence? Si elle a eu quelque blanc-signé de luy pour autres affaires, peut-estre qu'elle l'aura pû remplir de ce que bon luy a semblé, afin de tromper le peuple. Mais incontinent après la mort du Roy, à sçavoir dès le troisieme de Juin, se mit-elle pas en pleine possession de ce nom? se fit-elle pas publiquement nommer Regente moyennant ces belles lettres de declaration, un mois avant que nostre Roy luy eust pû envoyer son pouvoir de Regente? Et ores que peu après il luy en eust envoyé confirmation, que peut-on autre chose penser, si non que la voyant inthronisée, il craignoit (s'il l'en vouloit de jetter) qu'elle n'eust le moyen de luy faire un mauvais tour? ainsi que souvent les sages faignent de donner liberalement à quelques personnes ce qu'ils ne leur peuvent oster. Quelqu'un me pourra dire que la Cour de Parlement la luy aura pû accorder ou confirmer. Moins encore a-t-elle telle puissance. Au contraire, il ne se trouvera point

point que les Cours de Parlement de ce Royaume ayent jamais eu autorité au cas dont est question. Il y a bien davantage. Car les Cours n'ont plus de pouvoir, ne peuvent juger personne, ni faire aucun procès; bref, elles sont abolies & mortes entierement, tant qu'elles foyent confirmées en corps par lettres du nouveau Roy, & comme remises en vie par sa voix, ou s'il estoit longuement absent, par une assemblée d'Estats. Il n'y a Conseiller en la Cour qui ne m'advouë ce point, & qui ne l'ait toujours veu ainsi partiqué. Comment donc pourroyent Messieurs du Parlement la confirmer en une telle autorité, veu qu'ils n'en ont du tout point? veu qu'ils ne sont plus, veu qu'ils sont morts avec le Roy, & ne peuvent ressusciter que par lettres confirmatives du Roy (qui estoit lors en Pologne) ou des Estats? De dire que ç'a esté à l'instance de M. le Duc, & du Roy de Navarre, c'est aux petits enfans qu'il faut alleguer ces niaiseres-là. On sçait comme ils sont esclairez de prés. *Quia* le corps prisonnier ne peut avoir la langue libre. Les grilles, les gardes, les clostures portent tesmoignage contre elle de ce que je dis. Mais nostre Roy estoit absent & loin. Il ne pouvoit pas revenir si tost, dont y avoit danger que les choses ne vinssent en des affaires. *Qui* nie cela? Nos loix n'ont-elles pas bien pourveu à tels inconveniens? C'est, comme de tout temps a esté pratiqué en changement ou
longue

*Regen-
ces don-
nées
par les
Estats,
en l'ab-
sence
des
Rois.*

longue absence de nos Roys, que les Estats soyent deuëment assemblez, & selon leurs consciences declarent quelqu'un Regent, luy attribuans pour son conseil gens de bien & capables, afin que par leur avis il gouverne le Royaume. Quand le Roy Jean fut pris devant Poitiers & mené en Angleterre, nos historiens disent que Charles Duc de Normandie son fils aîné (comme Lieutenant General du Roy Jean son pere) assemblea les trois Estats, pour pourvoir au gouvernement pendant cette prison. Lesquels deuëment convoquez & legitimentement assemblez à Paris, le declarerent & firent publier Regent du Royaume, & ordonnerent qu'on scelleroit de ses seaux : & paravant qu'il fust déclaré tel par les Estats, ne s'appella que Lieutenant du Roy son pere, comme il estoit paravant la prison d'iceluy, bien qu'il fust son fils aîné & majeur d'ans. Avant que le Roy s'acheminast à la conquête de Milan, l'année qu'il fut pris devant Pavie, il avoit laissé Madame Louïse de Savoye sa mere pour Regente. Ce neantmoins les plus grands du Royaume & Messieurs du Parlement de Paris sollicitèrent Monseigneur Charles Duc de Vendosme à prendre le gouvernement, comme plus proche Prince du sang, tant à cause du bas aage des enfans de France, que pour l'absence du Duc d'Alençon, & revolte du Duc de Bourbon : & luy promirent de tenir la main à ce que les Estats fussent assemblez, & de negocier

*Anna-
les du
Roy
Jean.*

*M. du
Bellay
liv. 3.*

negociier à cette fin avec les principales villes de France pour le faire declarer Regent, comme de droit cette autorité luy appartenoit. Et n'eust esté qu'il aima mieux quitter son droit, qu'estre cause de quelque dangereuse nouveauté, s'il le pourfuyvoit, les Estats s'assembloyent pour le declarer Regent. Et toutefois elle estoit Regente avant la prise, & n'estoit pas de si dangereuse nature que cette-cy, ni ne tenoit prisonniers les officiers de la Couronne, ains se gouvernoit en partie par leur conseil. Ce sont exemples de fresche memoire. *Qui* les recherchera de plus haut, comme es voyages de nos Roys en la terre Sainte, verra cette mesme forme observée de tout temps. A quoy tient-il donc maintenant que nous ne faisons le semblable? Avons-nous perdu le cœur? Nos anciennes coustumes tant louables & si bien esprouvées sont-elles du tout abolies? Endurerons nous que nos Princes foyent dejettez du siege où ils doivent estre eslevez? que dis-je, dejettez? mais oppressez de calomnies, prisonniers entre les mains d'une femme, en danger de leur propre vie. Endurerez-vous, Messieurs de Paris, heritiers de tant de vrais François, qui ont si bien maintenu le droit de leur Prince, que nostre ville serve de rampart à telle tyrannie? Serrait-il dit que la maison où vous souliez honorablement loger vos Roys, serve d'estroite prison à leur sang? attendrez-vous qu'un de ces matins les estrangers viennent

viennent brusler vos maisons , saccager vos champs , destruire vos metairies , pour vous contraindre de mettre en liberté ces pauvres Princes du sang de vos Roys ? Penferont-ils pas , sous ombre que ces prisonniers sont dedans vos murailles , que vous tenez la main à telle servitude ? Avez-vous point de honte qu'il faille que ceux qui n'y ont aucune obligation , viennent ouvrir les portes de vos prisons pour les retirer ? Je ne puis croire qu'avez tant oublié le sang royal , que ne le voulussiez voir en telle liberté & autorité que nature luy donne , & que sa vertu merite. Peut-estre vous entreregardez-vous , en attendant qui y mettra la main le premier.

Mais que craignez-vous ? une femme , une estrangere , une ennemie & haïe de chacun , une qui n'est hardie que par nostre lascheté , entreprenante que par nostre fetardise , meurtriere que par nos mains propres ? Si nous la laissons , si ceux qui detestent son gouvernement l'abandonnent , où sont ses sergens pour nous prendre , ses juges pour nous executer ? Si ceux qui la delaissent en leur cœur l'abandonnent par effet , où sont ses armées pour nous forcer , ses gardes pour nous espouvanter , ses deniers pour les contenter ? Il ne faut que faire miné de reprendre cœur , toute cette autorité , toute cette audace fondée & retenue sur nostre endormissement & lascheté tombera d'elle-mesme. Je vous prie , qu'e-

stimez-vous qu'apportera la Regence de cette femme, gain ou dommage, bien ou mal, reſtaſſement ou ruine totale? Avons-nous ja oublié les grands maux que ce Royaume a ſoufferts & ſouffre encore par elle? Pensons-nous que ce nouveau titre l'ait amendée en une nuit? Le Clergé void-il point comme ſes biens ſont chargez de decimes & gaſtez par les Italiens qu'elle y pourvoit, expoſez en vente, ſous ombre des guerres civiles; mais en effet pour faire une infinité de folles deſpenſes, à la mode du Pape Leon ſon grand oncle? La Nobleſſe ſent-elle point comme ſes biens ſont diſſipez, ſes membres découpez & maſſacrez, les vivans deſpouillez de leurs honneurs & dignitez, pour en veſtir des eſtrangers, qui en ſont du tout indignes? Void-elle point à quoy tendent ces belles propoſitions d'oſter les juſtices aux Gentils-hommes, inventer des impoſts ſur les baptêmes, mariages & choſes ſemblables? Ce qui ſeroit pieça conclu & arreſté ſans les Huguenots, leſquels elle nous a fait choquer pour un temps. Le peuple auſſi eſt-il ſi ſtupide qu'il ne ſente le faix des tailles & emprunts qu'on luy charge ſur les eſpaules, pour baſtiſer des maiſons inutiles, pour enrichir de dons immenſes certains eſtrangers, pour faire d'un petit belifſtre de Gondy un des plus riches Seigneurs de France? Qui ne ſçait que tous ces maux viennent d'elle, qui s'eſtoit tellement emparée du feu Roy par les honneſtes

nestes moyens que nous avons touchez , qu'il gouvernoit autant en aage de majorité , que lorsqu'il n'avoit que cinq ans ? Mais sommes-nous si abusez de penser qu'elle s'amende ? Vous voyez comme elle a empieté la Regence. Elle y est entrée par dessus les murailles & par la fenestre, comme le larron. N'attendons pas aussi qu'elle fasse autre chose sinon nous brigander. Desja voyez-vous ses beaux commandemens, elle a si bien amadoüé deux ou trois des principaux du Clergé , qu'à l'envy l'un de l'autre ils luy ont accordé une somme excessive, qui ne se peut payer sans grandement interesser tous les Ecclesiastiques, assez foulez du passé. Cependant c'est le pauvre beneficié qui y a interest, le pauvre Curé, l'Evesque qui reside simplement en son diocese, & non pas Monsieur le Cardinal, l'Evesque ou l'Abbé courtisan, qui sçait bien où s'en recompenser, qui en aura des premieres Abbaïes vacantes, & fait semblant d'estre liberal du sien, pour avoir juste occasion de l'estre du bien d'autrui. Elle a fait mourir une centaine de Gentilshommes tant de l'une que de l'autre Religion, pendant cette Regence, & continuë, au lieu de tenir toutes armes en surseance, attendant la venue du Roy de Pologne. A qui pensent servir ceux qui commandent pour son service, & ceux qui leur obeïssent ? Au Roy ? Je ne sçay s'ils seront avouëz d'avoir mené ses sujets à la boucherie, sans son mandement.

Je ne sçay si l'on ne leur redemandera point quelque jour le sang & la vie de mille sujets du Roy, qu'ils ont fait mourir de part & d'autre, à l'appetit d'une femme qui n'a nulle autorité. C'est chose qui s'est veuë par le passé, & se pourroit bien encore revoir en ce cas-cy. Mais pourquoy pensez-vous que nagueres elle a fait trancher la teste au Comte de Montgommery prisonnier de guerre, & qui s'estoit rendu au sieur de Matignon, sous promesse d'avoir la vie sauve? La mort du feu Roy Henry ne luy peut estre imputée en sorte que ce soit. Pourquoy donc a-t-elle fait parjurer Matignon & amener Montgommery à Paris, sinon pour triompher de celui qu'elle haïssoit mortellement, satisfaire à son appetit de vengeance, & afin que les Huguenots fassent pareil traitement aux Seigneurs Catholiques qu'ils pourront attraper? Que diray-je sur ce point, qu'elle ait esté si deshontée, tant inique, si cruelle, tant desnaturalisée, que de luy avoir fait bailler la gehenne ordinaire & extraordinaire, pour luy faire confesser que Monsieur le Duc l'avoit fait mettre en campagne; pour achever de rendre ce pauvre Prince odieux à tous? Chose toutefois qu'il nia proche qu'il estoit de la mort, & qu'il n'avoit pris les armes que pour recouvrer ses biens & la liberté de sa Religion. Sçauroit-on inventer une meschanceté plus grande? Est-ce pas faire aussi-peu de cas de la vie & honneur de son enfant propre,

propre , que du moindre Huguenot de France ? Et quant au tiers Eſtat (pour revenir à noſtre propos) , voyez-vous point par quel bout elle commence , de vouloir prendre à l'entrée de ſa Regence les Rentes de l'Hoſtel de Ville de Paris ? Y a-t-il bonne maiſon, je ne diſ pas ſeulement dedans Paris , mais preſques par toute la France , qui n'y ait grand intereſt ? Cependant ſous ombre de trois ou quatre perſonnes (auſquels elle donnera ſix fois plus que le principal qu'ils auront débourſé) qui l'auront accordé , il faudra que tout le Royaume paſſe par-là, & à quelle fin ? Pour trouver moyen de tenir nos Princes & Seigneurs en priſon, maugré tous ceux qui les voudront delivrer , pour mettre de bonnes garniſons dedans les citadelles qu'elle a fait baſtir és villes: afin que perſonne n'ouvre la bouche pour parler de ſes actions: pour faire après de nos biens & de nos vies ce que bon luy ſemblera. Bref, elle nous fait payer la corde dont elle pretend nous pendre cy-aprés. N'attendons donc autre choſe d'elle que mal ſur mal , & ruïne ſur ruïne , jamais ne fit ni ne fera autrement , tandis qu'elle aura part au maniement des affaires. Si elle fait ſemblant d'en laiſſer la charge au Roy de Pologne , le bouchon ſera changé, mais nous boirons toujours d'un meſme vin , car elle eſt aſſez ruſée (qui n'y prendra garde de prés) pour abuſer de la jeuneſſe de ſon fils, uſurper ſon autorité , & en l'amu-

sant aux delices de la Cour, mettre la Couronne sur sa teste à la façon accoustumée. C'est le naturel de cette femme de ne pouvoir reposer sans faire mal. Je puis dire encore davantage, c'est que jamais femme n'a gouverné nostre Royaume, qu'elle n'y ait apporté tout malheur.

*Perni-
cieux
gouver-
nement
des
femmes
en
France.
Ottho
Fri-
sing.
Ai-
moine.
Le sire
de
Join-
ville.*

Je ne veux pas parler des vices monstrueux de nostre Reyne Mere ni des autres. Cette-ci seuleauroit besoin d'un gros volume à part, que le temps & les occasions publieront. Je ne parle que du gouvernement. Fredegonde, Brunehaut, Plectrude, Judith, allumerent & entreteurent toute leur vie les guerres civiles en ce Royaume, & mirent en jalousie le pere du fils, le frere du frere, afin de s'entretenir parmi la discorde. Blanche ayant envahi la tutelle du Roy S. Louis aagé d'onze à douze ans, pour empescher que les Estats ne luy ostassent le gouvernement, mit en guerres les Catholiques contre les Albigeois, declarez heretiques par sentence du Pape: & fut-on esbahi par après que tous les grands du Royaume estoient Albigeois, ou s'entendoyent avec eux, ainsi qu'elle leur vouloit faire croire. De fait, sous ce pretexte elle se despescha d'eux: & comme le Roy son fils vint à estre grand, après l'avoir tenu en grande rigueur, trouva moyen, pour demeurer toujours seule au gouvernement, de l'envoyer à la conquête de la terre Sainte. C'est la leçon que nostre

Reyne

Reyne a pris d'elle , ainsi qu'on void qu'aujourduy elle nous voudroit faire accroire que nous sommes tous Huguenots , & aussi sçait-elle bien dire qu'elle a choisi l'autre pour exemple en sa façon de gouvernement. Si les Estats de ce Royaume n'eussent remedié d'heure à l'audace effrenée d'Isabeau de Bavières femme de Charles fixième , & ne l'eussent envoyée faire des jardins à Tours , elle n'eust pas degeneré du naturel des autres , comme elle monstroient en ses commencemens. Madame de Beaujes ayant eu charge par les Estats de Tours d'avoir soin de la personne du Roy Charles huitième son frere , voulut avancer sa main jusques au gouvernement , & entra en telle jalousie contre le Duc d'Orleans , qu'elle le voulut faire prendre: ce qui le mit en tel desespoir qu'il se sauva où il put. C'est celuy qui depuis fut Louis douziesme , surnommé pere du peuple: un des meilleurs Princes qui fut onc , auquel deslors tous les grands du Royaume descroyent la Regence. Et de fresche memoire , à sçavoir du temps de François premier , qui pendant son voyage d'Italie laissa pour Regente Madame Louise de Savoye sa mere , fut-elle pas cause de la perte du Duché de Milan , quand elle se fit bailler par Semblance (qui pour ce fait fut executé à mort) les quatre cens mille escus que le Roy envoyoit à M. de Lautrec , dont son armée s'estant escartée à faute de payement , il fut

contraint d'abandonner tout ? Or comme ainsi soit que Brunehaut, au jugement de tous, semble avoir emporté le pris de meschanceté entre toutes, & que nos historiens parlans de l'impudique Fredegonde, l'appellent la plus malheureuse du monde après Brunehaut, il semble, à considérer les actions de nostre Regente, qu'elle n'ait eu autre but toute sa vie que de surpasser Brunehaut en toutes meschancetez, comme il sera aisé de voir à qui fera comparaison des actions de l'une avec celles de l'autre. Un certain broüillon nommé Belleforest en ses additions aux Annales de France excuse Brunehaut, pour ce que saint Gregoire louë grandement ses vertus es epistres qu'il luy a escrites, qui me fait (dit-il) presque douter si ce qu'on escrit contre elle est veritable, ou si les ennemis de son nom nous ont rempli les oreilles de telles calomnies. Peut-estre que ce maistre Aliboron a veu que Brunehaut & Catherine avoyent une merveilleuse convenance, & que pour couvrir la honte de nostre Regente, de la cuisine de laquelle il voudroit bien humer quelque soupe, il a ainsi barbouillé le papier : Mais je me douterois plustost, comme il est ignorant jusqu'au bout, qu'il n'a pas eu l'esprit de considérer que Brunehaut a fait la devotieuse, pour continuer en ses meschancetez plus licentieusement, & en recevant & bien payant les reliques qu'on luy envoyoit de Rome, a endormy ce bon homme

homme de Pape, qui en a fait un grand cas, d'autant qu'il luy vendoit bien ses coquilles. Mais sans nous arrester davantage à Belleforest, faisons le paralelle de Brunchaut avec Catherine. Qui en voudra connoistre davantage, lise les histoires de France.

BRUNCHAUT estoit Espagnole de nation. CATHERINE est Italienne & Florentine. Toutes deux estrangeres, qui ne portent affection ni amitié au Royaume. Or l'Italien trompe l'Espagnol & le Florentin tout autre Italien. Celle-là estoit fille d'Achatilde Roy d'Espagne, dont elle devoit par raison aimer les grands. Cette-ci est fille de Laurent de Medicis, d'une maison de marchand eslevée par usures, qui ne peut aimer la Noblesse, & n'a jamais tasché qu'à l'exterminer. Une Sibille (dit nostre Histoire) prophetiza qu'une brune viendrait d'Espagne qui feroit mourir Rois & Princes, & finalement seroit deschirée par des chevaux. Vous avez veu les belles predictions qui furent faites de celle-ci dès sa nativité, qu'elle ruinerait notamment le lieu où elle seroit mariée, & les divers conseils qui furent donnez là-dessus. Celle-là estoit fille d'un heretique Arien, nourrie & instruite en Arianisme. Et cette-ci, de race d'atheïstes, nourrie en atheïisme, a rempli d'atheïstes le Royaume, & spécialement la Cour de France. Or est-ce moins de mal d'errer en une Religion que de n'en avoir point du tout, & faillir en un article

qu'en toute la foy. Celle-là fut mariée à Sigisbert Roy de Mets par le conseil de Godonne Maire du Palais, qui l'alla querir jusques en Espagne, & luy fit tout l'honneur qu'il put, dont pour recompense elle le fit mourir par après. Cette-ci mariée au bon Roy Henry, lors Duc d'Orleans, a toujours haï tous ceux qui luy ont fait du bien. Elle n'a pû endurer en vie Monsieur le Connestable, principal auteur de son mariage, & de tout l'honneur qu'elle eut onc, lequel alla jusques à l'un des bouts du Royaume, à fin de la recevoir. A fait empoisonner le Cardinal de Chastillon, qui presque seul tint la main à ce qu'elle ne fust renvoyée en Italie, & luy sauva la vie en sa maladie de Chaalons en Champagne. Finalement elle a fait massacrer l'Amiral, qui porta la parole aux Estats pour les faire condescendre à luy accorder le gouvernement. Celle-là voyant que son fils Chedebert ou Childebert, après la mort de son pere, s'apppercevoit de ses pernicious conseils, l'empoisonna en un bain, afin de gouverner le Royaume sous pretexte de l'enfance de Theodebert & Theodoric ses fils: l'un desquels fut Roy de Mets & d'Austrasie, & l'autre d'Orleans. Cette-cy sur les premieres années fit empoisonner M. François Dauphin frere aîné du Roy Henry son mary, afin d'approcher plus près de la Couronne: mena le feu Roy de Navarre à la boucherie, dautant que le gouvernement de ce Royaume luy appartenoit

appartenoit legitimement. Or pour n'entrer aux presomptions que je pourrois alleguer touchant la mort du Roy Charles neuvième, elle tient aujourduy tout ouvertement Monseigneur le Duc son fils & le Roy de Navarre son gendre prisonniers, pour plus facilement occuper la Regence. Et ne sçay s'ils ne fussent point desja morts de quelques trenchées, si le Prince de Condé (qu'elle ne veut pas laisser tant approcher de la Couronne) ne se fut sauvé de ses mains.

Brunchaut aimoit pour ses plus privez services un Proclaide Romain ou Lombard, homme de basse condition & de nulle valeur, lequel elle honnoroit des principaux estats du Royaume, dûs de tout droit à la Noblesse, & l'enrichissoit des tailles & exactions qu'elle mettoit sur le peuple : tellement que de petit coquin il devint grand seigneur, car elle luy acheta une Duché & l'en mit en possession. Catherine aime pour mesmes causes un Gondy, Florentin, issu de race de Maranes, fils d'un banquier, qui par deux fois fit banqueroute à Lion, & d'une premierement courtisanne, puis maquerelle en la mesme ville. On l'a veu suivre quelque temps la mule d'un thresorier; depuis il devint clerc d'un commissaire des vivres au camp d'Amiens. Peu après mignon de la Reyne, maistre de la garderobbe du Roy: & ores le void-on, sans avoir fait aucun bon service au Royaume, Comte de Rets, & presque seul Mareschal

de France. Brunehaut ne se gouvernoit que par son Proclaide, & ne le pouvoit faire assez grand à son gré: mais elle craignoit tousjours que les grands du Royaume ne s'y opposassent: pourtant fit-elle tuër Ratinus & Egila, grands Seigneurs, puis alluma la guerre entre Theodoric Roy d'Orleans, qu'elle gouvernoit à sa poste, & Clotaire Roy de Paris, exprés [dit nostre histoire] pour s'y desfaire des grands, nommément de Berthovaut Maire du Palais, vieux & sage Chevalier, qui fut tué en une bataille donnée sur la riviere d'Estampes, après la mort duquel elle fit son Proclaide Maire du Palais. Catherine voulant gouverner tout avec son Gondy, & craignant que les grands du Royaume s'opposassent à cet excessif avancement, fondé seulement sur la passion démesurée d'une femme, alluma une guerre civile en ce Royaume, arme les freres & voisins les uns contre les autres, & fait tant qu'en peu de temps elle se desfait du Roy de Navarre, premier Prince du sang majeur d'ans, d'Anne de Montmorency Connestable, de François de Lorraine Duc de Guise, & grand Maître, tous Pairs de France, du Marechal de S. André & d'infinis autres Seigneurs, par poison & par glaive, afin que ce petit belistre demeure seul auprès d'elle à faire ce que bon luy semble. Theodebert Roy de Mers estoit au commencement le bon fils de Brunehaut, le mieux aimé, & à qui elle faisoit
meil-

meilleure part des thresors de feu son pere: mais en peu de temps il s'apperçut de ses desseins, & la chassa de son Royaume, au moyen dequoy elle fut contrainte de se retirer avec son Proclaide vers Theodoric le Roy d'Orleans son autre arriere-fils, duquel elle fit Proclaide Maire du Palais. Vous avez veu au commencement que les Huguenots estoient les fideles sujets du Roy, les favoris de cette bonne Dame Catherine, les mieux venus. Sur ce ils s'apperçoivent de ses fraudes, & ne veulent plus negocier avec elle; au moyen dequoy elle se met à faire du tout la Catholique, & nous gouverne par le conseil de son Gondy, ainsi qu'il luy plait. Proclaide ne peut oublier son naturel: il charge le peuple de tailles & imposts: il abaisse en toutes sortes les Princes & Seigneurs du Royaume de Theodoric, dont il acquit la haine d'un chacun. Gondy introduit tous les jours mille inventions de fouler le peuple, met toutes les aides de France entre les mains des peagers & gabeliers d'Italie, partit ce Royaume entre ses semblables: finalement est si presomptueux, par se voir supporté de cette femme, qu'il hait à mort les Princes du sang, leur commande à baguette, & en veut faire ses valots. Qu'avint-il à Proclaide? Les Princes & Seigneurs du Royaume d'Orleans, qui contenoit presque un tiers de la France, commencent à s'ennuyer & penser à eux. Brunchaut pour divertir leurs pensées, les empesche ailleurs, & se défait

tousjours ce quelqu'un d'eux : puis avec le conseil de Proclaide met la guerre entre ses deux arriere-fils Theodebert & Theodoric , faisant accroire au pauvre Theodoric (que lors elle gouvernoit) que Theodebert , son bon fils auparavant, estoit bastard & fils d'une concubine. Desja commençoient les Princes & grands Seigneurs de ce Royaume à s'appercevoir qu'on leur en vouloit, & craignoit fort nostre bonne Reyne qu'ils ne se reünissent ensemble pour ruiner la grandeur que Gondy cherchoit en leur abaissement , & pourtant les faloit-il mettre en besogne , afin qu'ils n'eussent loisir d'y penser. Elle fait donc accroire à nous autres Catholiques (qui l'avons creüe & croyons à nostre grand dommage) que les Huguenots, qui paravant estoient les mieux ayez , ne sont pas fidelles sujets du Roy, qu'ils sont rebelles, qu'il les faut chasser de la maison comme bastards & illegitimes; tellement que par telle subtilité la guerre se renouvelle, & nous tuons nos freres, parens, amis, & mourons aussi nous-mesmes avec eux.

Après beaucoup de sang espandu à l'appetit de Brunehaut, les Seigneurs du Royaume d'Orleans, où elle commandoit sous le nom de Theodoric son fils, retournent à leur premiere opinion , & conseillent au Roy de traiter la paix avec son frere, luy montrans l'injustice de la guerre, & l'intention pour laquelle proprement on la luy mettoit en teste. Le Roy y est assez enclin, mais elle qui a
tout

tout pouvoir, n'y veut entendre, & Proclaide se bande à l'encontre, comme estant la paix & concorde des deux freres capitale ennemie de sa grandeur, laquelle il ne pouvoit entretenir que par le moyen de leur discorde. Enfin, ces Seigneurs voyans qu'un si bon conseil estoit retardé par ce Lombard seul, le vont trouver dedans sa tente, & d'un commun accord le tuënt là, puis font tant par remonstrances envers le Roy Theodoric qu'il s'accorde avec son frere. Les principaux Seigneurs de ce Royaume ayans veu le peu de conte qu'on faisoit de hazarder leurs vies, qu'on se moquoit de ceux qui estoient morts és guerres civiles, que mesme on les avoit voulu massacrer pesse-mesle avec les Huguenots, estoient pour la plupart bien resolu de s'employer à l'establissement de la paix publique, & ne rentrer jamais és guerres civiles, par lesquelles on pretendoit avoir le bout d'eux : mais soit qu'ils aient perdu une partie de cette ancienne magnanimité Françoisé, ou que par plus douce voye ils esperent remedier à tels malheurs, ils n'ont encore entrepris jusques-là que de tuër ce petit galand, encore qu'ils le tiennent pour principal Conseiller des guerres civiles, desloyautez, trahisons & massacres faits & qu'on veut faire encore pour les exterminer. Brunehaut femme d'esprit turbulent se veut venger à quelque pris que ce soit de la mort de son amy, & en poursuit les principaux auteurs, Utile & Bol-

fus,

sus, jusques à la mort. Cette vengeance se pourroit aucunement supporter, d'autant qu'on avoit tué celuy qu'elle aimoit tant, mais non contente de cela elle esmeut derechef la guerre entre ses arriere-fils, entre les deux freres & leurs Royaumes de Mets & d'Orleans, remettant en teste à Theodoric, qu'elle possedoit, cette vieille calomnie que son frere Theodebert estoit bastard & fils d'une concubine. Voyez combien nostre Catherine est pire en ce point. Elle a fait massacrer par milliers nos freres sous ombre du mariage de sa fille propre: j'entens infinis Gentils-hommes Huguenots & autres de toutes qualitez, y a voulu pesse-mesle faire tuer les principaux d'entre nous, comme Messieurs de Montmorency, M. le Marechal de Cossé, & autres: s'est servie de ce pretexte, pour chasser de la Cour Messieurs de Guise, disant qu'ils en estoient auteurs. Nous avons tout enduré patiemment, nous ne les troublons en rien ni elle ni son Proclaide, & ne demandons qu'à vivre en repos. Mais voilà, parce que nous ne voulons tremper nôtre cousteau avec elle dans le sang de nos frere, elle nous poursuit à mort, aussi furieusement qu'elle a couru après ceux cy-devant, en nous dressant mille embuscades, appointant des assassins par centaines, afin de nous égorger. Encore vit elle & après tant de meschancetez, a encore tant de credit à l'endroit d'aucuns de nous. Je ne sçay par quel malheureux destin elle
nous

nous a fait remettre en armes les uns contre les autres sous mesme pretexte que devant , sous ombre de Religion : elle n'en a point, & n'en eut onc. Et quelle sera la fin de tout cecy, si Dieu ne nous rend bien-tôt l'entendement & le cœur? Elle nous a tant estrillez, qu'il seroit aujourduy temps de le sentir , & se garder de la derniere main.

Pour revenir à Brunehaut, Theodoric Roy d'Orleans chassa son frere Theodebert Roy de Mets hors du Royaume comme bastard qu'elle luy dit qu'il est: taille en pieces presque toute la Noblesse de ce party , l'assiege dans Cologne. ne bouge de-là jusqu'à tant qu'il en ait la teste , en ramene les fils à Brunehaut qui les fait tuer. A peine a-t-il commis ce forfait , qu'il s'en repent , & en conçoit un merveilleux regret en sa conscience. Avient qu'il luy prend envie d'espouser la fille de son feu frere , laquelle estoit unique, & pense que ce mariage luy est permis, dautant qu'il tenoit (dit l'historie) le defunt pour bastard. Brunehaut qui s'estoit servie de ce pretexte pour un temps , afin de les entretenir , & auparavant l'avoitourny de concubine pour luy faire laisser sa premiere femme , entre en doute qu'il ne prenne en affection cette-cy, qui puis après la pourroit chasser du gouvernement. Et pourtant elle luy dit qu'il ne pouvoit faire ce mariage. en saine conscience, dautant que c'estoit la fille de son frere. Lors il apperçoit (mais trop tard) la meschanceté de cette

te femme : Ah malheureuse (dit-il) tu m'as fait tuër mon frere, tu m'as fait exterminer sa race , & me disois qu'il ne m'estoit de rien ! Peu servit à ce miserable Prince d'en estre entré en colere. Car peu de jours après elle luy verse du poison , dont il mourut. Ja avons-nous assez tué de nos freres à l'instigation de cette-cy. Il n'y en a tantost plus : nous les avons sacrifiez par milliers à cette Brunchaut Florentine : & tous les jours encore y en a-t-il d'entre nous qui luy en amenant, pour les tuër. Ores devons-nous connoistre evidemment que ce qu'elle les accuse d'estre bastards & rebelles à la Couronne, est faux & controuvé par exprés afin de nous faire entre-tuër. Nous commençons aussi , pour la plus saine part, graces à Dieu , à sentir un remors de conscience des meurtres , cruautéz & massacres que nous avons tolerez , & ausquels aucuns de nous ont presté la main : & puisque nous ne les pouvons ressusciter, nous commençons pour le moins à aimer & conserver ce peu qui en reste. Mais que fait aussi nostre Brunchaut-en cet endroit ? La voyez-vous pas versant le poison à son autre fils ? & après s'estre ainsi arraché les entrailles d'une main, luy appercevez-vous pas le cousteau encore tout sanglant en l'autre, afin de nous esgorger ? combien de Gentils-hommes Catholiques fait-elle mourir tous les jours ? Qui sont Messieurs de Montmorency , M. le Marechal de Cossé , & autres Seigneurs Catholiques

tholiques qu'elle pourchasse à mort, si non les principaux d'entre nous, qu'elle veut faire mourir pour nous exterminer tous par après? Voyez-vous pas qu'autant luy est le legitime que le bastard, le Catholique que le Huguenot? qu'elle n'aime ni l'un ni l'autre, & qu'elle a fait semblant d'aimer l'un tant qu'il ait eu meurtri son frere pour le faire mourir puis après? Mais pour parler selon la lettre, quel accord pouvons-nous esperer qu'elle mettra entre les deux freres qui restent? Le temps fera paroistre pour certain qu'elle ne les supportera sinon autant qu'elle les verra ployer sous le joug de ses desirs. Et qui voudra se maintenir près d'elle, c'est force forcée ou qu'elle soit tout, ou qu'elle ne soit rien.

Brunchaut s'est defaite de ses deux arriere-fils, comme l'avez entendu. La Noblesse des deux Royaumes est esteinte pour la pluspart. Maintenant au lieu qu'elle se servoit du pretexte de bastardise pour les entreruiner, elle-mesme veut gouverner les Royaumes comme tutrice des bastards de Theodoric qu'elle a empoisonné, & veut forclorre Clotaire Roy de Paris, proche heritier, & à qui ces Royaumes appartiennent de droit. Or sçavoit-elle bien que les Seigneurs du Pais s'efforceroient de garder le droit à qui il appartient; qu'un Garnier Maire du Palais n'endureroit aucunement que la Regence si illegitimement usurpée luy en demeurast. Elle fait donc semblant de l'employer aux affaires du Royaume,

Royaume, & cependant escrit à un de ses partisans nommé Albion qu'il ne face faute de tuer Garnier. Dieu voulut qu'Albion deschira les lettres de Brunehaut après les avoir leuës, & que les pieces en furent amassées & apportées à Garnier, qui se sauva du mieux qu'il put, & aida à Clotaire heritier legitime à se mettre en possession des Royaumes qui luy appartenoyent. Que fait nostre Catherine ? Voyez comme elle suit les traits de ce patron de meschanceté: mais plustost voyez comme elle se surmonte en toutes ses parties. Le Roy son fils est sur le point de mourir. Il y a apparence que le Roy de Pologne ne peut venir si tost, tant pour son indisposition, que pour la longueur du chemin. Elle veut retenir le gouvernement par tel moyen illegitime que ce soit. D'assembler les Estats pour y pourvoir, elle sçait bien qu'ils ont trop mauuaise opinion de ses actions, & que selon le droit ils donneroyent le gouvernement à Monsieur le Duc comme plus proche du sang, & ja Lieutenant General du feu Roy. Ainsi donc l'ayant cauteleusement diffamé & rendu odieux par ses calomnies, elle l'emprisonne avec le Roy de Navarre, & tasche d'attraper aussi le Prince de Condé. Et sçachant bien que les principaux officiers de la Couronne ne pourroyent approuver en leur cœur ses tant malheureux deportemens, se doutant aussi qu'ils tascheroyent de delivrer leurs Princes d'entre ses mains, elle mande aux sieurs de

de Joyeuse, Maugeron & Fouquenaux, qu'ils ayent à se saisir de M. le Marechal d'Anville mort ou vif, pendant qu'elle l'employe à la pacification de son gouvernement. Sur le point qu'ils le devoient faire, se saisit de Messieurs de Montmorency & de Cossé: puis pour les rendre odieux, donne à entendre qu'ils ont conspiré. Dieu a voulu que l'entreprise faite contre le Marechal d'Anville a esté descouverte assez à temps, & ne permettra point (s'il luy plait) qu'elle execute sa meschanceté sur les autres.

Mais quelle est aussi la fin de Brune-haut, apres tant de cruauté, de trahisons, de parricides, d'impietez? Clotaire vient à la Couronne en despit d'elle. Tous les Estats le portent (par maniere de dire) sur leurs espauls jusques au throne royal. Le procès de Brunehaut se fait publiquement en l'assemblée des Estats. Finalement, par le commun consentement de tous, Clotaire prononçant à haute voix la sentence que dès longtemps chacun luy donnoit en son cœur, elle est trainée à la queue d'un cheval, & finit sa meschante vie estant deschirée par pieces. Maintenant que chacun juge quelle sentence a meritée cette-cy, qui en un jour a plus fait massacrer d'hommes, femmes & enfans, que Brunehaut ne fit mourir d'hommes en toutes ses guerres. Je m'asseure qu'il n'y a celuy qui en son cœur, ne luy en donne une plus rigoureuse que celle-là. Mais je proteste que je ne requiers autre vengeance que de
Dieu,

Dieu, à qui seul cela appartient, & qui en temps & lieu la sçaura bien chastier des maux qu'elle a fait au public & à chacun de nous. Seulement desiré-je que Clo-taire soit receu en son endroit, que nostre Roy legitime regne, que nos Princes & Seigneurs soyent delivrez de ses sanglantes mains, que celuy, à qui le gouvernement appartient, y soit estably pour remedier aux maux qu'elle a faits, & prevenir ceux qu'elle pourroit faire, & fera pour certain, si on la laisse continuer.

Pour conclusion, j'adresseray ma parole à vous, Messieurs les Princes du sang. Le sang royal duquel vous estes issus, vous convie à si sainte & louable entreprise. N'endurez donc point davantage que la vie de ces pauvres Princes & Seigneurs soit à la discretion de celle qui se baigne en vostre sang. N'acqueriez ce deshonneur que les estrangers, qui ne leur attouchent de rien, se monstrent plus affectionnez à leur delivrance que vous-mesmes. A cela mesme vostre devoir & honneur vous appelle, Seigneurs & Gentils-hommes François, Ce n'est pas pour contenance que vous portez les armes. C'est pour le salut de vos Princes, de vostre patrie, & de vous-mesmes. N'endurez donc pas que vos Princes soyent esclaves, que les principaux officiers de cette Couronne, pour la seule affection qu'on sçait qu'ils portent à la conservation d'icelle, soyent en danger de leur vie : que vous-mesmes soyez tous les jours exposez à la mort, pour satis-

risfaire à l'appetit de vengeance d'une femme , qui se veut venger de vous & par vous tout ensemble. Reconnoissons, quelque different de Religion qu'il y ait entre nous , que neantmoins nous sommes tous François, enfans legitimes d'une mesme Patrie , mais en un mesme Royaume , sujets d'un mesme Roy. Que Brunchaut ne nous face plus partir nostre heritage au trenchant de l'espée. Qu'elle ne nous mette plus en teste (pour nous faire entretuër) que nos freres sont bastards, illegitimes, & autres que vrais François. Enfin, comme vous voyez, elle feroit mourir l'un & l'autre. Marchons donc tous d'un cœur & d'un pas. Tous, dis-je , de tous estats & qualitez, Gentils-hommes, bourgeois & paisans , & la contrainsons de nous rendre nos Princes & Seigneurs en liberté. A vous, Messieurs de Paris, l'occasion se presente pour acquerir cet honneur. N'endurez donc qu'autre vous y previenne, vostre Ville est la capitale de ce Royaume, le siege de nos Roys & Princes. Permettez-vous donc qu'ils soyent prisonniers dans l'enceinte de vos murailles ? que ceux qui de si long-temps vous gardent vostre liberté , soyent captifs en lieu où vous ayez puissance de les delivrer ? Que Brunchaut ait retraite chez vous, & que Clotaire y soit prisonnier ? Je sçay, Messieurs, que vous n'en ferez rien. Dieu par sa providence a voulu qu'elle les ait menez en une franchise , les pensant mener en une prison.

Car

600 *Disc. Merv. de la vie de C. de Med.*

Car vous vous ressouviendrez (je m'assure) de vostre ancienne valenr, vous prendrez vos armes, vous irez droit aux prisons, où l'on les tient, vous les arracherez d'entre les mains de cette maudite Brunchaut: & n'y aura closture, muraille, treillis ni garde qui empesche ou retarde cette entreprise. Ainsi ces pauvres Princes & Seigneurs reconoistront la vie de vous, vous obligerez ce Royaume à perpetuité envers vostre Ville: toute la Chrestienté louera l'affection singuliere que vous portez au sang & aux bons serviteurs de vos Roys, & la posterité celebrera à jamais un acte tant insigne, tant louable & saint, digne par dessus tous autres de perpetuelle memoire.

F I N.





